

第二册

江水 一 同治元年至光緒十七年

再續行水金鑑

諸青來



再

續

行

水

金

鑿

# 再續行水金鑑卷第十

江水編年十

清穆宗同治初遂甯縣三慶隄傾圮鹽川府志

同治初水師後營統領丁義方壘石增修湖口縣長虹隄江西通志

同治初宿松縣知縣劉奎光勸明縣南文公隄原址歸德化縣修建禦湖各隄民國安徽通志水工稿引宿松縣

志 無爲州知州劉燧基於青山圩建壩外護隄一道民國安徽通志水工稿引鹽州府志 護隄長六百餘丈

同治元年監利縣楊林關潰潛江縣東南鄉被淹荆河東岸木頭垸石家拐隄潰黃中彭宅傍潰續修潛江

縣志 廣濟縣知縣方大湜二月捐俸倡修盤塘新隄七百餘丈久漸圯塌 石隄三百二十餘丈餘皆

加高培厚併創建修防所於武穴鎮刊列條例以備歲修知縣方大湜盤塘石工記邑於大江之濱所恃保障漸江

生靈者類皆倚隄以爲固而隄之在一邑有關一邑利害者有關數邑利害者坐視其潰而不爲之所爲害者重負一邑之生靈更

重負數邑之生靈願欲爲之所而不深維可久之計其弊亦與未爲之計者等咸豐戊午春予承乏廣濟甫入境間民疾苦食曰自

道光戊申已酉歲江決盤塘極害甚酷旋請帑與樂誠曰新隄而浸爲漲融恐尋復有淪胥患予聞之惻然抵官舍檢邑乘中載

廣濟居楚之黃梅皖之宿松望江懷寧上游盤塘復斷廣濟江隄上其地一決五邑皆成巨浸始知是隄爲地至要旣而循視江隄

水至盤塘數里遙望銀灣雪練怒試擊撞而隄亟如一綫橫繫幾欲爲長江捲之去至則浪花噴薄逼人襟裾若絙欲絕者無

慮數十處詢之士人云盤塘與興國洲之黃龍洲隔江相望夏秋漲發水爲南岸洲壑直注北岸衝突隄屢爲齧且緣新築歲修時

例無夫役可徵自不得不卑薄乃爾始知是隄爲勢更至危夫以至要之地值至危之勢吏蠹土者顧不知所爲計久遠欲求數邑生靈幸免其魚之厄不可得也予爲是早夜思維計欲經久匪取材於石不可適籌得公項八百餘緡乃親履沮洳率生員蔡錦如監生游映奎郭在岐陳維敬張翼于總街胡錫哲等賦丈闢役卽隄外最險處自趾至隄之半因以巨石崇五尺修三百二十餘丈積之欲其平至之欲其穩鑄次之欲其無間可棄外此三百餘丈命尉喬揚物土方增之使高培之使厚鳩工壬戌歲二月竣事四月計費所籌實外出臺中俸緡三百餘始獲成 廣濟縣志

是年常德府知府瑞琛以堦屬南省首障周環履勘見武高龍低龍隄均濱大河險要較多諭令監生謝朝郁廩生李珍李鴻生員彭錦元鄭澤棠等添設石礮七座以殺水勢東西塘一座陳公隄一座蠟樹灣一座紅沙灣一座丁家吉一座上林寺一座窰頂上一座龍陽縣志

是年饒州府夏六月大水禾苗盡損饒州府志 餘干縣夏大水龍津圩潰壞漕倉下鄉早稻絕粒 餘干

府志 豐城縣夏大水決馬湖壩隄七十五丈底刷成潭牽灣改築三百九十二丈決觀音壩台掌街土隄牽灣修復隄旁添修石壩一座長闊各六丈高二丈陳湘渡決隄八十餘丈淤塞八十八都六圖一甲糧田二百二十一畝淤塞二甲糧田四十七畝淤塞五甲糧田并改壩脚二百零三畝王家廠鄔家廠彭家井永安壩橫壩頭蛟塘壩等處皆決羅湖石閘小港口石閘俱被沖塌縣尹畢亮勸捐先後修竣豐城縣志 清江縣五月大水茅洲隄衝決二年知縣張興言修復清江縣志

同治元二年間江蘇巡撫李鴻章駐軍上海飭挑吳淞江詳見同治四年奏

同治二年六月壬辰(十七日)諭議政王軍機大臣等據都察院奏公安民人葉華品呈稱該縣自成豐十



年江陵之毛家尖隄潰漫被淹四載屢經督撫劄飭江陵修復由公安籌款幫費均以無費停工小民頻遭水患淹斃餒斃慘不可言懇恩早爲修復等語本日已明降諭旨令官文等查明該處修隄之費向來是否民捐民辦抑應官爲修理酌量奏辦惟覽該民人所呈該縣連年被淹流離困苦經費實無從出官文嚴樹森尤當體察情形如向係民捐而現在民力實有未逮之處亦當設法迅爲捍築保全民命毋得徒事批飭與修仍復任令地方官藉口修費延擱不辦以重隄工清穆宗實錄

載同治二年十一月乙巳(初二日)諭都察院奏湖北民人葉華品以隄潰停修全境被害等詞赴該衙門呈訴據稱公安縣歷年被淹皆因江陵縣南岸之毛家尖楊家尖等處隄潰所致公安民人懇助經費始行興工幫費用盡工即停止本年復被江水漲淹等語隄工緊要民命攸關亟應設法修築以資捍衛

是月二十八日江西巡撫沈葆楨奏爲特參辦理疊次挖隄重案姑息貽患之守令應請旨交部議處事竊同治元年江省頻遭水患據臨江南昌等郡災民控稱緣清江新淦上鄉匪徒疊次挖毀晏公隄是以清江縣下鄉與豐城南昌等縣大受其害臣當批飭嚴拿懲辦未據詳覆查清江縣小河界連新淦發源於上數十里之閣阜山山水從永泰與龍居寺分流而下匯狗頸橋以歸大河傍小河有老隄曰晏公隄以防山水橫決隄之東爲清江下鄉迤東爲豐城迤東北爲南昌地勢漸趨漸下數十萬戶田廬皆恃此隄以爲保障自成豐四年上鄉刁棍傳存性思擅一鄉之利藉詞大河倒灌賄買下鄉劣棍范元竣私立合約將晏公隄開一開口於狗頸橋斷流橫築一隄意謂河水倒灌以狗頸隄禦之山水漲發以晏公開洩之上鄉可永無水患而此外之受害與否非所計也上年四月間霖雨不止狗頸

隄既不足以禦大河漫隄倒灌而入山水暴發亦非晏公閘一口所能旁洩上鄉仍復被水遂集匪徒將晏公隄挖毀數十丈河流山水交注而下勢若建瓴數百里田廬竟成巨浸水退後經府縣勸令下鄉民戶自行修復飭上鄉紳士交出匪犯而上鄉迄未遵照七月間大水復至又將新復之隄挖毀致令上控旋經查隄紳士甘肅臬司劉于溥繪具圖說請勒提主謀之生員傅景藻教職楊懋忠並已獲要犯楊萬和傅映松先行解省懲辦臣以淫潦爲災沿河田畝受倒灌之害勢所難免然事由天定非人力所能施且較之建瓴下注者輕重迥別若曲防澮水以鄰爲壑擁一鄉之利貽數邑之害豈可姑容嚴飭臨江府單興詩卽日勒令將狗頸橋橫隄全行平毀晏公隄堅築毋庸設閘以復舊制至上鄉居民如能各修各隄亦可自免水患何必損人利己並勒提各要犯解訊去後乃該守一味姑息日事因循而匪徒遂謂官畏民悍本年三月間陰雨連朝山水河水同時並漲復鳴鑼聚衆將晏公隄挖毀禁之不止請兵拿辦前來臣照會議南贛鎮普承忠帶兵五百名劄劉于溥酌帶礮船前往會辦旋據督飭接署清江縣事陳紀麟拿獲匪犯傅敏幅劉珍圃楊德修傅昭榮管占元新淦縣程乃文傳到生員段克拔劉曉堂張高載拿獲民人李盛照楊拔羣訊據供稱疊次聚衆挖隄爲首者實係楊萬和傅映松傅敏幅楊德修傅昭榮五人並以放水爲功按田派費肥己而傅景藻楊懋忠爲之主謀本年三月首先鳴鑼聚衆則段幅堂爲首其段克拔劉曉堂張高載劉珍圃管占元李盛照楊拔羣供只隨衆議事並未在場挖毀段幅堂尙未到案傅景藻楊懋忠於獲案後三月十六日聞上鄉復有挖隄之信懇請自往查阻前代理縣張興言信以爲實致令乘閒脫逃該護鎮普承忠與該司劉于溥會稟以狗

頭隄雖經督飭清塗上鄉團紳平毀晏公隄亦經下鄉首士鳩工修復惟該犯等目無法紀怙惡不悛非將爲首之楊萬和傅映松傅敏幅楊德修傅昭榮就地正法示懲則兵退必復萌故智經臣批飭照辦並將段克拔劉曉堂張高載機革衣頂與管占元劉珍圃李盛照楊拔羣暫行監禁俟拿獲傅景藻等再行實辦臣查楊萬和等叠次挖隄害貽數邑實屬罪無可道該隄江府單興詩若於初次滋事之時加以重懲何至釀此巨案前代理清江縣事張興言於此等要犯聽其詭詞免脫均屬姑息貽患茲據藩臬兩司轉據該道揭參會詳請奏前來相應請旨將隄江府撤任知府單興詩前代理清江縣事撤任知縣張興言一併交部議處以儆馘馘而肅吏治除再飭司通飭各屬一體協緝傅景藻楊懋忠段幅堂務獲究辦外謹會同協辦大學士兩江督臣曾國藩恭摺具陳

沈文肅公政書

是年□月湖廣總督官文湖北巡撫嚴樹森飭道府會勘萬城隄札 照得本部堂院訪聞萬城全隄自咸豐年間軍務倥偬又頻年水勢平順未能專力歲修民捐土費亦不肯踴躍完納道光二十四年潰口之後安瀾已二十年日久懈生不免視爲恆泛若不嚴立章程亟加整頓誠恐日後修築草率一遇盛漲設有疏虞所關非細查該隄原係荊州府專責荆宜施道亦有兼管責成向例要工每年秋後由府勘估興修本部堂院現擬定章每年霜清水落後該道府會同親身赴隄按工程之夷險核實估計歲修土費應實用若干照派徵收然後由府派人分段興築工竣之後該道親往勘驗如有與原估工程不符或偷減草率即飭該府再行加修如式如違參揭不准稍徇情面果能一律堅實如式由該道府層遞出結呈費備案此次奉文之後先將隄身原來高厚寬窄一面切實開情稟明存案一面刊

碑註明以後再將本年經修姓名用過土方工費數目所修工程高厚共加過土方若干尺寸分段立碑詳細刊載明晰並通報查考如修不堅實以及剝土見新各弊一經委員查出即著落該道府分成賠修如此則小民見土費實歸工用亦必踴躍輸將而隄身益加高厚永無水患矣 又會委員視工札 照得荊郡萬城大隄爲下游田廬保障百億萬性命所託關係甚重而通隄險工又以郝穴爲最要龍二淵次之本年夏間據荊州府周守稟報龍二淵四號上段石岸崩蹙數丈下節接連二段正當迴流頂衝旋成月形時有坍塌老廟臺鎮安寺各隄亦多崩坍危險更甚而老廟臺江底極深現以繩繫石下探至五丈有餘尙無阻隔可見尙未到底其崩寬五六丈者隄面亦僅存五六丈外止撐幫二道再外則龍二淵矣由來深潭無能退挽更無計施工加之郝穴地本多沙無從取土情形如此直不知如何設法等情當經批令不惜重費設法搶築仍俟水落歸槽後相度形勢妥籌修復在案茲幸安瀾告慶水將歸槽應即乘時派委大員勘估籌修以禦來年汛漲而保無窮賦命合行札委札到該道立即遵照剋日馳赴荊州會同該道府督同該府親赴萬城大隄先行巡視一週確勘郝穴及龍二淵工段何處崩蹙寬長各若干丈尺或應撐幫或應退挽應於何處取土此外各隄段如何情形如何加高培厚先行繪圖貼說查核一面確加估計實需工價若干按照向章由該府派費興修如費一時未齊該府應如何籌集一切切實情形通稟核辦此係最要之工刻不容緩務趕春前一律趕築堅固該道其會督該道府實心實力妥爲勘辦毋任官紳畏難苟安致貽明年大患是爲至要 按此兩院會委大員之案兩院非有要工不另委道府前以軍務惶擾經費支絀累年失修以致叠出險工是年將事修築亦如大災之後必濶派資

具督辦重飲工也委員候補道周溥並識之 荊州萬城誌

是年灌縣水溢堰壞成縣道何咸宜奉檄督修越明年甲子爲木商所愚誤鑿鬪雞台山趾卽三道崖而堰遂不可救治蓋江水急流必須緩受自虎頭崖下山足一堵水勢趨南岸魚嘴抵之向北水勢遂趨鬪雞台台下山足如雞距激盪奔湍使之南去南隄魚嘴曲折緩受復使之北又有人字隄濼洞其勢使正流直注象腹灌入寶瓶口象腹之北復以象鼻瀉水徐徐吐出不使衝擊爲患然後折而東薄城以下是堰之增減賴離堆山口以檢制之障特賴三道崖以支護之崖脚存則離堆可久崖脚去則離堆可危此所謂堰右檢左者固李冰因地制宜之妙用一張一弛有如輔車相依流俗惡得而知之乃以木筏西來轉枕稍遲觸石輒不救諸賈乞從吏白何謂鑿之可已患斧斤方運而何遽不起自是毀金隄消古堰漂沒田廬頻歲爲災而木筏之壞亦愈多非獨灌人首受其禍且波及用水州縣官民交困矣灌縣志

是年襄陽縣知縣方大湜重濬襄水故道

相舉閣文集方大湜重濬襄水故道記云襄郡以水得名水經注謂水出柳

子山下東爲鴨湖自湖而兩分北爲濬潁水東南爲襄水而樂史則謂水駕山而上者皆呼爲襄往者潁水木東合襄水自老龍隄建河水不得繞城以合於襄城以無害而襄流亦微然縣西南境重巒疊阜當夏秋雨集山水建瓴下所謂九冲十八窪者其水又皆隨於巖合助其處於是宋郭果建放生隄以防襄且設二關形襄水之所經曰南溝曰北溝曰支溝支溝居北溝上流而南溝爲大土人又稱大溝然自宋迄今歷數百年隄關無存故道之湮塞久矣同治二年春余以廣濟令來樞襄邑地當孔道軍符絡繹疲於應接適值始大起日暴行田野中督民捕捉見襄水故道流深裁一尺二尺闊亦僅及二三尺或五六尺心固已疑此區區者

務於受也及捕蝗皆盡大雨時行襄水果橫衝四突民地之以敵計者沒且萬餘余乃察行各溝指溝橋之名廷生者示襄人曰汝不知昔日之溝盡視橋溝故當在水中其闊且三丈則溝可知矣今溝闊不及十之二何哉夫水廣而溝狹即捐緣溝地以廣溝義亦應留矧歸溝侵地而何新乎且侵溝地以爲利水則漫溢爾侵地而又加廣爾果何利焉則皆應曰唯唯請一如溝舊惟宜是聽於是接敵均力而董以紳耆總成分任各慎所司溝南溝三千三百餘丈水由九宮山前的盧橋延生橋通濟橋過小山頭至觀音閣山麓以入於河潯北溝三百餘丈水自九宮山別道分水口經何家橋響水洞灌入城濠潯北溝上流之支溝一長四百餘丈水由萬山至高家莊坊一長七百餘丈水由熊鱗店至琵琶山皆旁入南溝南北溝之深皆十尺支溝中之南溝上廣倍十而益四下廣倍十而損二北溝之廣視其深而益五支溝之廣視其深而益三部某遺跡不可復考乃以已意度地勢而開之的盧橋曰南開何家橋曰北開南北開更代啓閉水涸則北蓄於濠濠則南洩諸河不以絲毫耗民而數百年之害盡亦襄人急公好義之效也 鍾祥縣襄隄六工劉家灣隄險幾潰知安陸府劉榮籌費急修內月暫資保護至閏八月水落隄仍潰新穀已登歲以不害四邑公同挽修內月一道三年工竣計用錢二萬餘緡鍾祥縣志 潯江縣襄河北岸太平坑高家拐荆河西岸永豐垸熊家坵通順河東岸義豐垸義河口俱潰續修潯江縣志

漢陽縣重修德豐垸隄 漢陽府知府鍾謙鈞築堡於袁公隄外護之六年復於舊址加高培寬並建上中下三關以資蓄洩是年水至約禦水三尺居民賴之堡外卽土人所謂黃花地袁公隄在漢鎮後鎮爲水陸交衝江漢湖三水環繞夏秋之間常成巨浸明崇禎八年通判袁焜鼎築袁公隄在漢鎮後鎮爲水陸交衝江漢湖三水環繞夏秋之間常成巨浸明崇禎八年通判袁焜鼎築袁公隄在漢鎮後鎮爲

是年湘陰縣水湘陰縣志

是年豐城縣春水決羅湖石開牽塌大橋墻官紳妥議按田派費修復左家渡添修石脚四十丈陳相渡決隄百餘丈是隄當瑞河之衝關係新豐兩邑生命自咸豐八年屢修屢決張尹師亮移會新建新尹鄧會勘妥議派修豐城縣志 新建縣四月大雷雨山漲暴發平地水深丈餘西山出蛟九十餘處衝倒橋梁無數山下居民多溺死 新建縣志 新淦縣鳳山隄復圯欵畝費復修新淦縣志 清江縣豬婆渚隄培修堅固 清江縣志

是年江蘇巡撫李鴻章檄候補府汪有助督濬吳淞江以便軍運並將上海五逆灣開通取直長一百八十餘丈民國私纂江蘇通志水工志稿引松江府續志

同治三年八月十六日兩江總督曾國藩奏爲遵繪安徽全省地圖并長江圖說恭摺進呈事竊臣於同治二年十二月三十日接准總理各國事務衙門咨稱該衙門具奏飭令各省繪具地圖一摺奉旨依議欽此行知到臣伏查兩江統轄三省幅員遼闊當經臣查明江蘇地圖由李鴻章繪呈江西地圖由沈葆楨繪呈其安徽地圖爲臣現在駐紮之所應由臣處繪呈至長江數千里近年中外交爭關係最重有應另繪一圖均由臣衙門辦理旋經札派分發補用知府劉翰清選用縣丞方駿謨綜理其事該二員淹雅詳慎會同各屬地方官詳查將山川險阨村鎮關津水旱驛站計里詳繪遵照總理衙門所開二寸方格每格當五十里推測星度按方繪填計總繪安徽省圖一幅分繪府圖八幅直隸州圖五幅至各州縣零星村集自軍興以後多經焚燬詢訪甚難若憑志乘舊圖又恐歧誤失實因仿照康熙圖之例但將村鎮併入府圖不復另繪縣圖以昭核實其長江一圖從湖南巴陵縣洞庭湖口起至江

蘇崇明縣海口止凡夫江面曲折道里表斜磯港暗沙夷館關卡均經實測詳查逐一登載至輪船行江最畏閘淺其於江底深淺尺寸講求甚精現亦略仿其意另行貼說以便稽考謹將安徽各圖長江圖裝成全册專弁費遞恭呈御覽曾文正公全集

是年四川總督駱秉章奏夏雨時行河水過大堰隄衝刷歲修不敷酌派新繁縣堰工銀一千一百兩知縣程祥棟請照舊例仍將積貯義田濟穀如數提賣申解同治四年纂修都江堰志應派銀二百二十七兩知縣張文珍仍照舊例提賣義倉存貯濟穀並繪堰圖申解至平閘口分派大河隄埂一百六十餘丈係崇甯縣傍河糧民修築其河口係郫縣新繁糧民自行洶濟新繁縣志

是年鍾祥縣襄隄六工邊家拐新挽內月隄之下隄險幾潰知安陸府覺羅同勳知縣許光曙詳請批飭四邑公同協修退挽內月隄一道至四年夏工竣通計用錢三萬餘緡鍾祥縣志漢陽縣郭公隄在城西北大別山麓月湖中北抵漢口五顯廟南岸長二百四十五丈高三丈闊一丈八尺同治三年郢守鍾謙鈞重修續編漢陽縣志江夏縣城外瀘江攔江隄一道自咸豐壬子兵燹以後大王廟起楊四磯上關帝廟止中有倒口缺口二十六處並殘缺各工於同治三年在於竹木商捐款內動支錢一

千一百五十餘串委員勘估督修完竣江夏縣志

是年餘干縣大水圩圯緩徵餘干縣志樂平縣五月大水東鄉烏潭渡五洞大石橋盡圯饒州府志豐

城縣水決漕倉背隄得修三十六丈南沙岸添建石壩一座改建石隄三十丈決長安塔黃寶埠等隄小港口關脚塌卸牽決土隄張尹師亮倡捐修砌豐城縣志新淦縣七月石口隄被水坍塌經知縣程



乃文飭令五都十一二三圖按糧並輸捐錢七百二十餘千文至是年十二月工竣新塗縣志

同治四年正月二十一日李鴻章奏爲蘇省挑清吳淞江河道在事出力員董懇恩獎敘事竊照吳淞江居太湖下游爲蘇省三江之一西受蘇郡東匯黃浦江以達於海蘇松太三府州屬田疇灌溉宜洩所資商民舟楫往來所必經也同治元二年間臣駐軍上海查該處河道年久未濬海潮灌塞日以淤淺旱則蓄水無多潦則泛溢不定於農田水利關係尤重當經臣飭令署臬司劉卞督同候補知府汪有助署上海縣知縣王宗濂暨委員紳董等籌款挑濬計自上海曹家渡野雞墩至黃渡爲吳淞江正河又申紀港江橋南翔各支河並壩外婁浦口撈濬稀淤五逆濶取直開挖新河總共工長九千二百餘丈逐段挑濬核給付工錢十四萬五千餘串臣親往驗收工程均尙核實河身一律深通查開濬之時正值連月霪雨集夫鳩工艱苦百倍該員董等一面催捐籌費一面分款督率得以剋期蒞事其裨益於農田商旅者甚多所有出力各員董自應擇尤給獎據蘇藩司劉卞臬司郭柏蔭查明具詳請奏前來臣覆核無異謹將尤爲出力各員董注明勞績酌擬升階開繕清單恭呈御覽合無仰懇天恩俯准給獎李文忠公全書 上海縣志載同治元年署巡撫李鴻章檄署按察使劉卞滄吳淞江曹家渡至野雞墩淤淺時以嘉定克復計由江運軍凡開濬三千一百餘丈又開婁浦口一百三十餘丈初議上海通縣按田二十五畝出夫一名每土一方給錢三百丈嗣因逃亡未復應募寥寥仍分僱華青嘉賓民夫正月興工至秋方畢其費出自借墊後自租捐項下歸補縣志又載同治二年十月署布政使劉卞委候補府汪有助署知縣王宗濂勘估吳淞江將五逆濶自該家渡起至長生庵東南出口止就民田開通取直計長一百八十七丈三尺挑土二萬九百餘方凡得逆濶兩頭通江者皆瑞斷焉案道光七年陶文毅公濬滄吳淞江

始議遂得取直將六通灣壩斷改道民田至是復截去五通灣江流迅駛舟人恆之當事者咸以灣通沙停通河爲梗不若一瀉二十里力足以刷渾湖第自夏惠靖開江資浦所以留此兩灣者非以上流之勢如高屋建瓴無紆迴以停蓄之恐新開以東更無礙受地故耶今上流微而下流峻徒以阻塞歸咎於灣壩將來上流復盛灣無可蓄勢必崩決莫若就近釀爲支渠稍殺其怒時劉復墩令撤去開座集董議覆恐害兩岸民居力請免乃已

十二月署湖北襄陽府事方大湜重濬襄水故道後記 余既濬襄水之故道明年得代去其年復來權襄陽府事傍溝地大穫民成稱利逾歲爲同治四年河水大漲倒漑入南溝溝所受山水爲客水遏抑益潏怒碎旬拜擊摧立土而積之兩岸遂有坍塌者前慮之未周成功之莫保余滋慙焉乃復集襄人而命之事授之則予數就工所而屢省之岸峭易崩也使厚下而稠上中狹寡容也使增其上廣爲四十有一尺水卽漲游波得寬緩而不迫其他則皆仍前蓋是渠之成前後役夫十萬有餘而民無感言道光中郡守周君凱邑令熊君寶書固嘗從事茲溝而爲利不久彼豈皆知慮不逮哉溝工既竣因及橋梁多其門而崇其庑使水無或有所迫阨而不得達若通濟若麟兒若衆善若檀溪寺山脚若三官殿廟後蓋凡五所又念司歲修者不能無往來飲食之費因置本百五十緡而二其息歲屆九月朔日諸在事集羊杜祠則取資焉分所濬地爲五段段各有長買地廿餘畝隸各段而食所入是皆前所未及爲者是役也始事十月九日凡歷五旬而畢襄人士均有賢勞而張生德淑虧已資以葺事尤應

書法云桐華閣文集

是年巡視長江水師侍郎彭玉麟築湖口縣塘隄長八十丈高七丈至五丈不等塘隄在湖口澄清門外

江西通志

是年鍾祥縣襄隄四工八工九工十一工隄險知安陸府覺羅同勳知縣孫福海督同首士勘估詳請批飭四邑公同修理第四工石磯一道第八工第九工開石磯一道十一工拋碎石坦坡以資防禦通計用錢二萬餘緡鍾祥縣志

潛江縣荆河西岸水豐垸沙月隄潰續修潛江縣志

天門縣夏六月江水

溢白沙潭決漢川縣西北四鄉水漢川縣志

是年湘陰縣水湖陰縣圖志

是年饒州府十一月湖水暴漲尺餘忽溢忽消如是者三次饒州府志

餘干縣大水圩圯緩徵餘干縣志

豐城縣水決官湖塘一百七十六丈灣修一百九十丈仙壇腦決一百二十五丈灣修一百四十五丈五尺合掌街決一百一十五丈灣修一百二十丈瑤壩塘決三百三十八丈灣修三百四十五丈嚴

家灣決一百零四丈灣修一百一十丈彭家湖決一百四十二丈灣修一百六十丈車巷口決七十丈

灣修八十一丈傅家坊決一十三丈照舊修復龍舟塘決二百五十丈灣修二百八十四丈大港口決

四十丈灣修五十八丈淤塞糧田三百八十餘畝張尹師亮動用里夫銀興修五年陳尹汝霖修竣豐

城縣志

是年無爲州知州穆其琛加幫新河上岸隄長三百四十丈民國安徽通志水工稿引廬州府志

是年會國藩督兵勇疏濬城內秦淮河丹徒縣議修復漕河口沿江埭埂常熟縣濬三丈浦昭文

縣濬許浦塘民國私纂江蘇通志水工志稿引各縣志

同治五年五月甲申(二十六日)以湖北天門京山兩縣隄工完竣復已革知府徐暢達職並賞還花翎餘

加銜升叙有差清稟宗實錄

十一月江南道監察御史王書瑞奏再伏讀乾隆二十七年浙江撫臣莊有恭因湖河水漲日久不消親赴嘉湖一帶察看知由水歸太湖之路不暢並疑下游歸海之路亦有壅淤曾遣員前往江蘇查勘以事在隔省難得確切請將浙省通湖溇港先為開濬專摺具奏嗣莊有恭調任蘇撫經浙撫仍用前議將湖州府屬之七十三溇港酌用民力先後疏濬奏奉允行並於摺內聲明江蘇之寶帶橋係太湖出水之口應否疏濬咨行莊有恭查辦嗣經莊有恭奏稱太湖出水之口不特寶帶橋一處東南財賦重地水利民生大計應於運河以西但就有港可通有橋可洩之處為之清釐佔塞規仿舊額務使分流以迅速無阻其運河東三江故道吳淞江自龐山湖以下婁江自婁門以下疏濬寬深得資宜洩則東南億兆咸沐皇仁等語蓋就浙江而論則浙西之水杭嘉湖三府形勢各有要隘脈絡實相通杭則上流也嘉則杭之分流也至於湖則引天目諸山之水獨匯於太湖譬則釜底也故言浙西水利者莫要於屬之溇港若合江浙而論則蘇松諸郡與杭嘉湖異派同歸蓋水之來源自杭之天目山而下勢若建瓴分注嘉湖在浙省不患其源之不通而專患其流之不洩由浙西湖屬諸溇港入太湖由太湖而東入江蘇境吳淞江婁江黃浦白茆各口在蘇省固患其源之不通亦患其流之不洩湖州處太湖上流之最要蘇松等郡處太湖下游之最要使蘇松下游疏通而湖州上流阻塞則害在湖州使湖州上流疏通而蘇松下流淤塞則害在蘇松並害及杭嘉湖故言東南水利者以蘇松杭嘉湖各府缺

一不可是以莊有恭在浙撫任則並計及於江蘇在蘇撫任則仍計及於浙江也蘇松杭嘉湖係東南財賦之區當此兵燹之後興利除弊勢不可緩請應一併飭下江蘇撫臣查明有無淤塞應行開濬之處妥議具奏庶東南民生咸戴仁恩而於錢糧正供亦無缺矣 上諭御史王書瑞奏浙省漫港淤塞亟宜開濬一摺據稱浙江水利在浙東則有海塘在浙西則海塘而外又有漫港湖州府屬烏程縣境有三十九港長興縣境有三十四港康熙雍正乾隆年間疊經疏濬自逆匪竄擾後泥沙堆積濶口淤阻墾種多致淹沒請設法開濬等語著馬新貽卽行派員履勘工程緩急設法籌款次第趕緊興修不得意存畏難稍涉遷就另片奏江蘇蘇松諸郡與杭嘉湖異派同歸湖州處上流之最要蘇松等郡處下游之最要下游疏通而上流阻塞則害在湖州上流疏通而下游淤滯則害在蘇松並害在杭嘉湖請飭江蘇一併查明開濬等語並著會同藩李鴻章郭柏蔭派員履勘明確與馬新貽會籌妥辦通力合作該數郡爲東南財賦之區務須實心經理期於國計民生皆有裨益續籌江蘇水利全案 長興縣志載董備輪阻濬漕港記漢在同治乙丑之冬余偶寓郡城之宋家莊城中設有善後總局各屬亦俱設局辦理請善舉中丞馬益山給余照會囑在總局辦事時郡守爲楊公榮緒總辦局務每與議及善後之要莫先於興水利楊公深然之願因刻費難籌未敢造次從軍越明年秋中丞來湖余偕同局諸君謁見於南門外舟次備詢地方要害同人均有疏濬水道之議次晨中丞約同至大錢口相與觀乎太湖形勢并附近各處之特濬者時因湖之下游淤阻湖漕方倒漕余因爲中丞指陳水勢壅塞之害太守楊公亦力陳湖屬各邊港之亟宜開濬中丞同者聞於朝帝嘉納焉有旨著江浙兩省督撫勘驗興辦而余業師王又沂侍御並有封事奏聞因之江浙大吏俱垂鑒於濬興水利矣夫東南財賦甲天下而載在太湖太湖全境從西南環繞至東南大抵湖之杭嘉湖江南之

蘇松常鎮俱屬古揚州域而太湖實涵其中是故就七郡大要言之三江通而寬淨無泛濫之患就浙西言之原天日而委太湖天目山陽及山陰兩路諸水暨各邑諸山之水建瀉而下匯於湖州注於太湖大要湖郡如釜底然全憑太湖爲歸宿各漕港爲分洩之口欲通其流則莫急於疏濬各漕港就長邑而論上六區三面阻山一臂當水前縣令譚公聚基云山多則水之發源處亦多非能蓄能洩之三十六港口則山水驟涌田皆浸沒前人多鑿漕港卸疏之論之意也湖自道光四年開濬各港迄今垂數十年當時董厥事者既未能實心料理中復間以逆賊肆擾瓦礫堆積葑蕀叢生各港沙淤泥壅殘廢成平陸設有濬濟爲患巨湖茲幸息上幹念民艱不吝帑藏諭令兩省官紳妥籌興辦余承乏是役督辦長邑開港事務自去冬迄今春借參軍余擄香井同邑申翰鍾琳圖廣文丁又吾諸君北自斯圻東南至蕪浦周歷勸估幾兩月同人俱不辭勞瘁余公尤奮勉所勸之港惟新塘水勢通利餘俱淤塞亟應清治遂於正月月中旬召募人夫陸續興工至三月底險工圍墾報竣者已有二十二條靈務方與其未竣者俱令停工俟秋後續開其已開濬如式者一律修葺開墾安置開板俾得啓閉隨時旱潦有備所有工價俱遵詳定章程照數發給吏胥不得假手書差不得下鄉絲毫不該涓滴歸公各鄉民咸踴躍歡呼以爲此次開港適非義舉可比蓋道光四年開借支地丁條銀爲開港之資分年歸完鄉民赴縣呈領大半爲書吏侵蝕工價既無從取給更有劣紳朋串恃勢欺凌藉端需索者至遲年歸完水利銀兩差役赴鄉念如星火借貸不敷驟產以償之其受害之深至今父老猶覺言之酸鼻也余喜是役之足以上慰宸廑下紓民瘼也爰爲記其額未并將所開各港方數及所發工價所用船隻各項經費詳細登記於後俟有議與水利者當不致納今之視昔或能量加採取未始非芻蕘之一助云同治六年歲在丁卯孟夏中泮董備翰識

計開總共領開港經費銀三千八百九十二千二百九十六文共開漕港二十七條共計方數二萬四百六十七方八尺五寸開深一尺闊方一丈爲一方每方運費給發工食藥膳車馬錢一百五十文共發過錢三千七千一百七十八文又開付委員紳士司事船隻火食等項經費銀二百四十九千七百八十二文

又遵章每方給予辦理經費錢二十文 共付錢二百四十六百七十八文尙短錢四十五千一百四文由善後局墊補共合領過錢若干付過錢若干該餘錢六百一十七千四百四十文因係金村港莫家港百步港殷南濱夾浦港五處自行開濬致存此款官紳公議即將此款歸作修築開口置辦開板之用計全做開口八處全做開板二十四處其給付工料錢七百八十千一百三十文尙短錢一百六十二千六百九十文由善後局墊補

十二月初三日湖北巡撫曾國荃奏爲查明沔陽監利二州縣被淹之區業已成災並歎收縣分擬請一併籌修潰隄以工代賑事現據漢陽府勸明沔陽州屬之麻思等三百一十五垸濱臨江河地勢極低本年入夏以來襄南二水同時異漲將該州鍋汛江隄洗缺二口加以監利隄潰水勢建領直下以致各垸全行漫淹又荊州府勸明監利縣屬之楊葉等一百三十四垸外濱荆江內通襄河因本年六月江水異常泛漲將朱河汛礮石月隄漫潰成口水由內灌以致垸田概被淹沒該州縣正在督率疏消補種詎意九月下旬襄南二水又復驟漲致將已淹各垸復行漫浸直至冬初仍未退涸幸居民早已遷居高阜尙無損傷人口情事惟節候已逾毫無補種業已成災等情勘報前來查沔陽監利漢川等州縣民隄及江咸嘉蒲四縣公隄如有潰口均關本境暨下游田廬保障各該州縣既係災歎勢難全責業民自行修築前經該司道等會議請仿照安徽省寓工於賑成案籌撥釐金錢文行令印委各員於勘災之便就近確切勘估或應津貼或應民修妥議稟辦以工代賑現據印委各員確勘稟覆除業民尙可認修並勸捐興辦不計外約共實需錢十餘萬串詳准先行酌提釐金錢九萬串內撥監利縣隄工錢四萬串沔陽州隄工錢一萬八千串漢川縣隄工錢一萬二千串江咸嘉蒲四縣公隄共錢

二萬串飭令陸續具領興工督辦如係成災之區仍查明戶口令壯丁赴工擔築老弱不能到工者照常煮粥散放勒限來年春汛前一律告竣如實不敷應由臣等督同司道隨時酌辦總期工歸實用惠及災黎俾蒹葭蒼生悉就安輯以副宸廑至釐金錢文係專供軍糈之用現請撥修隄防以工代賑稍事變通合無仰懇天恩俯念民艱准其照數動撥請以一半作為賑款一半作為借項於下年由地方土工攤還以紓民力現在各州縣均已遵照辦理其潰隄亦俱次第開工災民糊口有資毋庸另籌接濟

濟甘忠義公奏議

是年湖北布政司唐方伯飭毀馬廠土壩私坑札照得萬城大隄及所屬各縣沿江隄騰均為田廬保障最關緊要凡隄外私挽私築久經奉旨永禁前據該府以石監等縣洲民藉口廠地築壩私挽隄騰窒礙江流等情稟奉院憲批司移飭該管道府督同各該縣嚴密確查凡淤洲馬廠所築土壩土埂如果礙於江流者無論是旗是民一概押令刨毀嚴行禁止仍將查辦情形隨時通稟核辦嗣於水落之際誠恐不肖奸民仍於隄外私挽隄坑又經札飭認真查辦以重隄防各在案迄今數月杳無文報殊屬違延合再專札嚴催該府立即轉飭遵照迅速查明濱江之處如有私挽隄騰立即押令刨毀淨盡開單具報事關水利重務必須認真辦理毋再泛視違延致干未便荊州萬城隄志

是年潛江縣荆河西岸永豐垸沙月隄通順河西岸鄭蒲垸菱角月隄俱潰續修潛江縣志監利縣六

月隄決何家垸監利縣志江夏縣金口以上十字號濱江長隄及城頭山橫隄並壽麥灣月隄接連老

隄各有潰缺處所均因兵燹年久未修同治五年武昌府太守昌輔詳准奏請動支釐金錢文給發興



修於六年四月工竣其餘金沙洲長虹橋各路隄尙待修補江夏縣志 漢川縣夏六月彭公垸決縣西

北四鄉大水漢川縣志 大冶縣水不及道光辛卯年僅數寸大冶縣志

是年餘干縣大水圩圯緩徵餘干縣志 豐城縣春大水決官湖墘脚刷成深潭詳請各憲籌費興修

潯築一百七十二丈脚寬十丈有奇面寬二丈二尺高二丈七尺砌石以護隄身籌借帑銀五千兩濟

修瑤垸墘決五十丈嚴家灣決四十丈芳下腦決一十五丈牽灣修築一百一十七丈金坊墘決二十

丈志益腦決五十餘丈湖頭腦決十六丈七娘口決二十三丈盧丁墘決十八丈仙苗寺背灣決四十

丈風堰墘決十一丈天符墘決二十丈陳家腦決十八丈一律修復陳湘渡決七十餘丈仙壇腦土石

二隄決五十餘丈黃埠腦決二十丈南沙岸決二十五丈馬湖墘決十五丈大港口小港口高埭園等

隄決二百五十餘丈經費數萬張尹師亮陳尹汝霖前後倡捐興修協同紳耆一律補築完固凡出力

官紳詳請獎叙有差委員孫毓秀畢亮等監修六年始告竣豐城縣志 清江縣二月河水大漲晏公隄

漫決四口彭湖溪隄衝決四十餘丈知縣李寅清修復清江縣志 新淦縣二月石口隄復被水坍塌經

知縣劉公士清捐廉共計錢一千二百千文至八月一律竣工新淦縣志 廬陵縣大水廬陵縣志

是年江蘇巡撫郭柏蔭奏濬劉河估自南馬頭東浮橋起至揚子涇止工長七千六百九十餘丈又重

修劉河鎮天妃閘十一月開工明年正月完工用銀十七萬兩民國私纂江蘇通志水工志稿引太倉州志 州

志又載巡撫郭柏蔭奏略太倉鎮洋所轄之劉河淤塞甚甚蘇松等屬蓄洩無資勸估應挑工段七千餘丈所需土方天價以及築

購修開工料挖廢民田給價等項約銀一十七萬兩左右即經奏明照案於蘇松太三屬得沽水利之長洲等十六州縣熟田項下

按徵灘費並先於蘇藩江海關兩庫各籌墊銀四萬兩發給濟用隔於同治五年十一月二十日下辦興挑至六年正月二十五日一律完竣將同各委員送段量驗均尙如式深通二月十一日開壩放水通河流暢無滯可期永資利賴 州志又載劉河天紀開距海十一里同治五年重修四洞皆設板 蘇州府志載同治五年巡撫丁日昌濬劉河十二月開工六年正月竣工共長七千六百九十七丈零平水面濬深八尺太倉鎮洋嘉定寶山崑山新陽六州縣編夫挑辦共費錢二十一萬一千八百五十零由長元吳江震興新華婁上青太鎮嘉寶崇十六州縣攤徵每方足錢三百文 崑新兩縣志載崑山協濬十二分之一分派工長八百九十三丈該挑土四萬三千三百九十九方六分零除第一段十丈留作壩箱又工尾截作濬河三丈五尺自浮橋起實該工長八百八十丈一尺三寸該挑土四萬二千八百九十九方七分零每方足錢三百文出夫二千八百六十名當據總董蔣泰成多雇夫一百五十二名共計夫三千零十二名 新陽協濬十二分之一分派工長六百六十八丈七尺九寸三分自第十段十四丈六尺四寸起至第十六段八十四丈九尺三寸三分止內除三丈六尺截作濬河由總董魏宗薰雇夫挑辦外實該工長六百六十五丈一尺九寸三分該挑土四萬三千一百九十九方六分零每方足錢三百文出夫二千八百七十五名雇夫三千名 按府志作了日昌誤查郭柏墜自同治五年四月至六年十一月任丁日昌自同治六年十二月至九年閏十一月任 太倉知州方傳書鎮洋知縣李夢馨濬七鴉浦起老閘西至七鴉口止工長四千二百餘丈民國私纂江蘇通志水工志續引松江府續志

# 再續行水金鑑卷第十一

江水編年十一

同治六年四月十八日湖北巡撫曾國荃奏再湖北上年夏秋水勢盛漲盪沔等州縣被淹成災業經奏明在案嗣據荊州府知府方大湜稟稱監利縣何家埠月隄工料一切覈實估計共需錢七萬七千串除已蒙酌提釐金錢四萬串外尙不敷錢三萬七千串原應就地設法籌辦惟該縣地方水患頻經民力商情均形竭蹶卽現議各鄉業民於歲修工程外加派土方並勸令各市鎮商民量力捐助亦屬緩難濟急此外又無別款可籌誠恐一經汛漲土隄淹沒人力莫施致令前功盡棄深爲可惜稟請就近於沙市釐金鹽課項下再借撥錢二萬五千串以全要工仍以一半作爲借款俟各市鎮商捐收齊先行儘數解還餘由該縣派土歸款又據署江陵縣知縣恆琛暨委員候補知縣劉繼熊稟稱江陵毛楊兩尖潰口前因工程浩大費難籌齊致未及時修復茲奉檄委會勘催修遵查該潰口地方必須在楊毛二尖合挽大月隄一道方期穩妥總共土石正價撙節估計實需土十五萬一千二百五十餘方合錢五萬三百餘串該隄坐落江陵南岸江陵受益田地僅二萬五千餘畝松滋亦受益無多公安則全境受益以下湖南之澧州安鄉一帶亦皆依此隄爲門戶誠應早爲修復無如受益地方均係頻年被淹民力拮据而工程總在五萬串以外各處派費共祇有三萬五千串所短尙一萬五千串有奇委實無可再籌現已趁時設局擇期祀土開工第所短之數甚鉅請借撥釐金錢一萬五千串以應急需仍

由江陵公安松滋三縣按成分攤勒限三年在於土費內徵還歸款各等情前來臣等伏查監利襟江帶湖全賴隄防以爲屏蔽上年夏間一經漲潰被淹各處變成澤國故前次會議撥款監利將及一半至江陵毛楊二尖潰隄工大費繁關係荆郡各屬及湖南之澧州安鄉一帶亦爲刻不可緩之工茲據該府縣等各以工費不敷稟請加撥監利二萬五千串借撥江陵一萬五千串解濟要需均屬實在情形現在軍餉異常支絀專恃鹽課釐金聊資接濟原不應於此中再爲抽撥但各隄潰口久已興工若不勉爲籌撥一經汛漲勢必前功盡棄終歸貽誤臣等公同酌議縱不能逐一如數撥給究未便過爲拘泥業經藩司詳請准於釐金項下再撥錢二萬串以一萬串歸監利趕修何家埠要工以一萬串歸江陵湊修毛楊二尖潰口責令將各工勒限一律告竣俾田賦得資保全而窮黎亦就安集所有此次借撥錢文俟將來儘收捐項土費陸續解齊歸款如再不敷卽由該府縣等就地迅速籌辦不准再圖希冀遠延致誤曾忠襄公奏議

九月十八日曾國荃奏爲襄水異漲濱河各屬多被衝淹現在籌辦急撫先將大概情形恭摺由驛馳陳事竊照湖北素稱澤國濱臨江漢各州縣每遇汛漲動輒氾濫然從未有時屆秋深暴漲數丈瀾漫隄域之事迺頃接襄陽安陸等府暨均州光化襄陽穀城宜城鍾祥天門漢川等州縣先後稟報本年八月望後襄水陡漲二丈三尺有奇奔騰洶湧衝突直下勢如傾瀉數日之間自均光以迄漢川袤延千餘里盡被淹沒而天門漢川居襄河下游地極低窪本爲積澇之區今則受害尤烈不惟田野悉成巨浸卽城垣亦被沖塌且水來猛速猝不及防致隄腫多被漫潰間有損害人口倒塌房屋之事惟幸

各該守牧令當時俱已督同地方紳富多僱剝船捐備蘆蓆麵餌等物各於被水處所救渡散放極力安撫得免溺飢之苦曾忠誠公奏議

十一月御史阮壽松請籌款修築江隄疏 竊惟東南數省爲國家財賦之區而地勢卑下與西北迥殊一遇水災遂成巨浸所恃沿江濱湖地方向有官隄民圩保障農田藉紓水患是圩隄之設原爲民食之攸關卽國課所從出也軍興以來官隄固漸就傾圮民圩亦多未補修以致偶逢盛漲千百里膏腴盡爲澤國或耕種無所徒歎望洋或收穫垂成遽遭漂沒往往有普天豐稔而一隅獨訝奇荒本係有年而雲時轉成歉歲者一經疆臣入告或調或緩無不立奉恩旨所以拯濟而撫恤之者固已無微不至臣愚以爲與其後事補救曷若先事綢繆所有濱臨江湖之湖廣江西等省原有之官隄民圩並應一律興修以資捍禦惟現值兵燹之後所需經費勢難動用正供而小民戶鮮蓋藏勸捐又難集事查各該省釐稅尙未裁撤每省歲入多者百餘萬少亦數十萬此項銀錢雖藉以接濟軍餉而各省修理城池衙署廟宇等工亦往往提用此款況圩隄保衛糧田國計民生所關甚大擬請飭下湖廣江西各督撫遴委賢員協同州縣迅將原有之官隄民圩逐加勘估分別工程大小酌提釐稅責成各該地方官及委員等認真經理次第修築或避險就夷量移要地或加高培厚使復舊規務令工歸實用費不虛糜化澤國爲良田變瘠區爲沃土不獨有裨於農政亦有益於倉儲矣荊州萬城縣志 戊寅二十

九日諭據御史阮壽松奏軍興以來沿江濱湖官隄民圩漸就傾圮每逢盛漲膏腴盡爲澤國亟應一律興修捍衛農田等語著李瀚章何璟劉嶸劉坤一查明各該省地方原有官隄民圩派員分別估修

認真經理務令工歸實用以重農務清稟宗錄

是月湖廣總督李瀚章撥款修築隄各潰口札 照得楚北地方素稱澤國居民田廬全賴隄保障本年秋間襄水陡漲各屬隄多被漫潰成口當經密委查勘去後茲據補用直隸州知州伍繼助而呈勘明鍾潛川三縣襄隄潰口估計工程摺圖前來本署部堂本護部院查核各隄工程浩大需費甚鉅一時恐難修復然有關數縣民生計未便因經費艱難置之不辦按圖核計惟鍾邑頭工法華庵二工丁公廟降魔殿十一工三官殿及高家拐等處挽月各潰口最為緊要自應趁此冬令及時設法籌修以禦來春汛水應先行由省籌款委員前往鍾祥修辦以資保障而衛民生台亟札飭備札行司立即遵照刻速在於雜款內籌撥錢一萬串文並揀委熟悉隄工精明廉幹之員攜帶前項錢文剋日馳往會同地方官即日興工具報稟隨成案

十二月二十日李瀚章奏再臣承准軍機大臣字寄欽奉上諭著查明該省地方原有官隄民圩派員分別估修認真經理務令工歸實用以重農務等因欽此伏查楚北素稱澤國濱臨江漢每遇汛水漲發全賴隄障保障本年秋間襄水陡漲勢極洶湧以致各屬官民隄工多被沖潰田野悉成巨浸間有損傷人口倒塌房屋之事經臣會同前撫臣曾國荃具摺奏明一面捐廉籌款辦理賑撫在案迨水落之後委員馳赴安陸等府屬查勘各隄潰口估計工程浩大需費甚鉅其間半係應官督民修者惟地方遭此水患民情已形困苦若再責令照常繳納隄費不特力有未逮抑亦心實難安而隄工爲糧田民命所繫應及時籌款興修當與護撫臣何璟督同司道再四商酌在於釐金項下動撥錢十萬串文

以爲各屬修隄之用並揀熟悉隄工之員解赴各該處工次會同地方官紳廣集人夫趕緊修築務令  
破築堅實不准稍有草率偷減並勒限於來年三月以前一律告竣以禦春汛而資保衛所有籌款修  
隄大略情形謹會同護理湖北巡撫臣何璟附片具奏 謹隨成案

是年湖北巡撫會中丞飭押毀私垸札 照得湖北素稱澤國其濱臨江漢各州縣全賴隄防以資保  
障近年江河日漸淤高源流本自不暢訪有各屬無知業民惟圖利已往往於一垸一區私築隄埂子  
垸阻遏水勢每遇汛漲來源既旺消道梗阻則橫流衝激必致潰決隄防以分其流是各屬垸隄旋修  
旋潰其害實由於此更有不法之徒因已垸積水難消故將官民各隄盜決成口以冀宣洩罔顧隄內  
田舍盡沈波底桑田滄海變生須臾言之尤堪髮指亟應認真嚴禁私築盜決以順江流而衛民生合  
行札飭該府即使遵照轉飭有隄各州縣督同汛員保甲人等查明濱江濱漢各區垸如有私築隄埂  
子埂立即押令一律削毀寬其既往一面剴切示禁各業民嗣後不准於向有官民各隄之外擅自私  
挽子埂以及故意挖決隄墜利已損人如敢再蹈前轍立即查拏到案訊明分別照例從嚴稟辦此事  
攸關國計民生務期各牧令會督有隄各汛員實力查辦慎毋視為具文因循違誤並令該州縣於年  
終出具切實印結通查備案 方太守訊結黃陂口私垸判云查訊得江邑監生楊位綠等石色生員崔晴川等互控私修垸  
隄並江邑監生侯華容等控楊位綠明疏暗閉各情一案經本府履勘明確查嘉慶年間成案載有江水分流入石邑蕭子灘口進  
口之後又分爲二一南入黃陂口由龍王尾一東入蕪湖港 由南河同歸陳王二湖達監邑之壘類壘入江石邑民人周文遠等將  
黃陂口壘築接攔久廢之張惠東壘使水不能南下監生何子俊等將南河壘築接攔命家壘使水不能東流等語現在楊位綠開

疎之黃鶴口水向南流崔晴川侯華塔等所指之黃鶴口水向東流以方向考之楊位祿等並無錯誤是黃鶴口水道應由顧興燒  
隄濠差茨港出大清沙溝歸陳王二湖木不由俞家壩經過毫無疑義所有崔晴川等控楊位祿等語指顧興燒濠爲黃鶴口侯華  
塔等控楊位祿等明確暗閉一節應毋庸議顧興燒倚百家隄上截從野茅觀起野茅觀原名武當觀載在石首縣志楊位祿指控  
崔晴川等私修之崔黃耳坑正在野茅觀地方正倚百家隄上截其爲顧興官坑並非崔晴川等私修可知所有楊位祿等控崔晴  
川等私築崔黃耳坑一節亦無庸議惟楊位祿等在於王家揚大隄外緊接官修箭地私築土埂一道又在葵茨港岸上私築土埂  
一道又從上孟家坑大隄外起至滿營鎮白旗土壩止私築土埂一道崔晴川等在洪水洲大隄私築黃小坑劉慶位等在化豫湖  
地方私築丁家坑均屬阻遏江流在水落之時江水下注洲灘私築原無阻遏如遇汛漲則一片汪洋洲面卽爲江而江流所經私  
坑橫擬豈能無礙亟應一律創毀以暢江流斷令王家揚隄外官修箭隄計長一百二十丈仍應照舊存留所有楊位祿等緊接箭  
隄私修隄埂及葵茨港岸上土壩上孟家坑隄多土埂並崔晴川等私修之萬黃小坑均着趕緊創毀淨盡永禁不准再修楊位祿  
崔晴川仍發江陵縣文差管帶侯創毀淨盡後再行提釋卽取具二比甘結呈核其私築丁家坑隄之劉慶位田可惠等未經到案  
除詣勘時已將楊位祿捏獲聽從劉慶位挑築私隄之土夫毛文升張緒南貴壘開釋外候札飭石首縣差緊劉慶位等押毀具報  
此諭 又申覆張成坑詳稿云查此案該生員李申煨等所修坑隄果係志載准修官坑其被控數費搶牛各情既經縣員席成萬  
等處詳呈經該縣取有供結原可准其銷案惟調核文卷同治二年據該縣武生魏詞鴻等呈控劉永均等倡修張成坑隄已經前  
道府飭據該前縣胡令訊詳以張成坑隄係縣志載明准修官坑請仍照舊議修如將來該坑有礙江流卽行平毀仍不准於老隄  
之外上下私修批准照辦在案今李申煨等藉張成官坑名目在於老隄上下添視私隄該縣業經會委勸明據稟現縣隄歷本較  
老坑寬大上下添築是實既係添築卽是私修自應照案平毀以暢江流乃該縣員席成萬等因調釋欲案請息含糊具呈希圖隱



混如息訟呈內云稱張成境一帶即明時之緒要洲原有田三萬畝周圍圍有土墻卑府查乾隆六十年石首志載緒要洲揭于洲在縣東注云此二洲府志從水經注深入今以取圖籍之實未詳其所在等語縣志既未詳其所在該職員等何所見而云張成境一帶即緒要洲又何所見而云緒要洲之周圍築有土墻似此任意影射實屬荒唐無稽又稱既非平空自築亦無阻遏江流志載可考卑府查志載只有張成境即所謂張成老境也老境上下尙有何境志並未載何得任意臆混該縣來詳既謂志書所載與該職員等所呈相符又謂江流亦無妨礙且可爲該縣梓楠大隄外防殊不知江水隨時消長節屆冬令水落歸槽洲地私隄自然無礙江流如屆汛漲江水湧發則一片汪洋洲面卽爲江而皆江流所經私隄橫豈能無礙該邑境內私隄林立多借官隄外防爲名若不嚴禁則外防之外又有外防爲害伊於胡底該縣一味姑息不特准其私修且於新志內載張成境之下添註分上中下修築等語現據該邑生員高宏遠等赴府具控應卽押令將張成境上下添築私隄一律平毀並將新志更正另詳核辦 又訊續青六總私隄判云查訊得江陵縣民人王國興等武生沈志才等互控私視洲隄一案緣王國興毛峻峯典魏光復謝廷樞均住范家洲隄外六總地方武生沈志才實生沈俊安生員張以昭均住清安洲地方兩相接壤西邊是大江東邊是范家洲大隄范家洲上首卽是文村大隄范家洲隄外向有自東而西古溝一道俗名西流溝溝南溝北各有大路一條北路直抵文村隄外老隄拐南路直抵康純才門首路之高低與兩旁田地相等溝低於路向無隄埂同治元年以後沈志才等陸續將路加高又將溝填滿高與路平南北兩路堦合而爲一上起文村隄外老隄拐下止康純才門首計長三百六七十丈六總青安兩地方均包在內五年四月王國興等因沈志才等加修大路挖壓伊等田地公議賠補錢六十串交王國興等照挖壓多少分給各地主寫立招挖字據疑事是年六月初九月江水泛漲大路中間衝潰一口六年春間商議修築沈志才等與王國興等意見不合沈志才卽從老巖隄脚平坡起至潰口南邊路堦止斜築橫隄一道長五十餘丈高四五尺面寬丈餘底寬三四丈不等又從潰口南邊路堦起至康純才門

首止一律加高培厚而寬五尺底寬二丈高四尺是爲青安洲私堤所有濱口北邊六總地方悉圍在青安私堤之外王國興等亦從王大經門首起至濱口北邊大路止另築橫堤一道長二十二丈面寬四尺底寬二丈高六七尺又自濱口北邊大路起至老隄拐止一律加高培厚面寬四尺底寬一丈一二尺高三四尺又自范家洲五號廠隄脚起至西首高坪止添築橫堤一道長四十四丈面寬三四尺底寬二丈六七尺高一丈是爲六總私堤兩私堤由合面分互控到府當經飭縣勘訊未據詳覆嗣因水府赴大隄查險便道親詣勘明情形傳集人證兩造各供私築堤隄不諱查沿江洲地私堤阻遏江流實爲大隄之害歷經奏禁在案洲民日久玩生往往藉修路爲名任意私掘官如查究則曰此人行大路也非私堤也官不覺查則逐漸加高逐漸培厚日復一日年復一年遂成爲私隄此案沈志才魏光恆等藉修路爲名私築堤隄實屬不顧大局本應嚴懲姑念到案即俯首認咎情願具限創毀從寬免究斷令王大榮趙光中沈俊安張以昭王國興謝廷揚等即將青安六總兩處私堤趕緊創毀每十丈遠創挖一口以暢江流嗣後永遠不准再修沈志才魏光恆毛峻峯仍發江陵縣交差管帶俟創毀後再行提釋即取具各結呈核施行縣知照此判

又飭毀新泥洲私堤札云案查前據該縣民人覃金籠等赴府具控貢生覃金坡等在新泥洲糾衆修築橫堤不惟挖壓民田且與起穴大工有損等情隨經本府批發該縣查明押毀縱復兩次札催未據遵辦詳覆本府前赴大陸督修道經郝穴親見對面江灘多人修築堤隄當面驗聽差往查據該縣差彭高階查覆所築私堤實屬兩堤上堤名爲新淤下堤名爲新泥兩堤總長有十餘里脚一丈有餘面四五尺高六七尺並圍具修築兩堤私堤紳首各姓名前來又經本府札飭差拏押毀訊辦去後繼又札催在案仍未據詳覆實屬玩違合再札催該縣立遵前令檢催迅速比差刻將上堤新淤洲保正孟詩禮貢生胡裕壽職員胡裕芳楊美藍下堤新泥洲保正許尙賓貢生孟詩統及覃金籠等所控之貢生覃金坡監生覃自榮連拏到案嚴訊究辦並押赴該洲刻將私築堤隄趕緊創毀淨盡限即日內具報查核備該差役受賄縱延定即提府杖斃不貸該縣書關案延宕亦即頒行鎖封拏府嚴究

又飭毀石首丁家燒札云照得本府前詣金巢寺大隄查勘該縣生員崔晴川與江陵監生楊位麟等互控黃舖口一案見該縣屬鍾白旗馬廠土墾之西新修堤隄一道兩頭尙未搭橋中間已經修築者約計四百餘丈面寬五六尺底寬二丈五六尺高五六七尺不等當將挑築私隄之毛文升張緒南等稟稱訊據供稱該處地名化張湖係石首縣管轄所挑丁家燒私隄是本年劉慶位同保正田可惠等派令修築等供查大隄外洲灘私堤隄久奉嚴禁該處私堤前據江邑監生嚴輝章具控當經該府札飭押毀據該前縣賀令以丁家私堤隄長四里餘創毀需時恐未毀盡即值江水漲發難免有所阻遏因相度地勢開挖口門八十七處以暢江流並將借首之周開榜劉慶位分別枷杖取具切結等情稟覆又經批示押令一律創毀淨盡在案迄今九年乃劉慶位等不惟抗未平毀膽敢復行加修實屬惡不畏法當將挑土私築之毛文升張緒等令將所築之隄一律創毀並札飭押令毀盡去後迄今未據具報合行札催該縣即便遵照飭差押令趕緊一律創毀淨盡具報並差拿劉慶位田可惠等務獲從嚴究辦毋得遷延致干未便

又飭毀揚子洲等私堤札云案照前據江陵縣監生朱上亭等赴府具呈萬城以下一帶大隄原屬荆都保障濱江洲地例禁私堤堤隄近有石邑劉守光等在濱江北岸新淤之揚子永發二洲違例私堤名曰三合院隄長二十餘丈高三丈寬約丈餘又濱江南岸劉發洲久奉飭毀禁築之同人堤隄先讓等違案復修南北兩堤橫掘江流等情一案久經慶前府批發該縣勘明平毀並無木府札飭遵辦在案迄今訊訊已臨仍未據報創毀實屬藐玩合再札催該縣立遵前令檄催剋速親詣勘明押令該洲民劉守光無光讓等各將私堤隄一律平毀毋任延抗致礙江流

荊州萬城隄志

是年灌縣知縣錢璋以江水頻年泛溢堰決南江尤受其災遂於治西繩橋下西岸築隄長三百丈並會崇慶州捐助保固柴家坎湯家灣等處躬自梭巡督工載酒慰勞雖盛寒不懈隄成後兩邑人民稱曰錢公隄又築羨農隄長二百餘丈在邑東方農壇灣

陳炳魁任眉州學正邑令委辦墨石河堰民

工併監築錢公隄三百餘丈稟請增設水當二准沿河居民捐資助河撥糧四百兩攤派水錢藉免捐輸以資保固都江縣功小傳 灌志文徵載灌縣人民請設水當稟云爲懇請立案設水當以永保固事緣墨石河沖沒糧田蒙

恩通稟各憲以撫恤銀五百一十四兩移作河工并札飭沿河捐助自索橋及柴家坎新堰子黑石富蘇家橋興工各要地實用銀五千六百三十八兩九錢二分用錢九百四十二千文恩稟不憚風霜親爲勸課成此非常之功使水復歸故道士民等沾感何窮第兩年以來墨石河良田沖沒實有四萬餘畝受災最爲慘苦今又澇此巨款捐助備極艱難備河工每年不能培補恐隄龍一有損壞田存者終歸蕩廢田壞者萬難復甦兩岸居民益就窮困又何以下安生業而上供國課士民等竊以同治五年楊主稟請撫卹奏達蒙恩疎又請免捐輸七千兩無非爲墨石河水災而請卹兩年通稟委勸衝沒成河之田亦實裁糧一百六十餘兩是以協懇恩稟賞准沿河被災捐助河工花戶撥糧四百兩立案編爲惠濟水當通稟各憲豁免捐輸及攤派差徭俾按糧派捐水錢逐年培補隄龍則已成之功得以永遠保護而既沒之田亦以漸次淤復兩岸花戶不終有糧無田難以安耕鑿而奉貢賦恩霽之仁心仁政永垂不朽矣

成都水利同知曾寅光與修老王廟其利民者尤在二隄一名千金在舊作人字隄原址一名玉帶在東北隅蒲陽河東岸是年丁卯各築長三十丈隄雖短而當要害水得以就範圍都江縣功小傳 灌縣志載同治六年成都水利同知曾寅光依山址作新隄以護離堆殺水勢日久水失故道爲患不止

是年鄆陽府八月霖雨自十六至十八日漢水驟漲七丈有奇灌郡城壞公私廬舍三日乃退城偏圮鄆陽府志 均州八月漢水溢入城深數尺越三日乃退續輯均州志 光化縣秋漢水溢沖刷新鎮逾半

明年春縣令程端本諭令按房抽租趕緊修補時督水師周鎮軍有全助派炮船運載巨石甚多局員邱華同邑紳李楚珍等客幫首士余樹森等竭力經營督工無懈故焚砌周密至今一律穩固又縣西

南十五里胡公隄亦潰隄在羅漢寺後地舊有隄道光十二年水衝壞居民輸工修築同治六年秋大水又潰縣令胡啓爵督工重修土人卽以名隄光化縣志 襄陽穀城八月大水漂流沿河廬舍殆盡襄陽府志

宜城縣漢水溢宜城縣志 鍾祥縣秋丁公廟又決漢川大水漂沒無算 潛江縣夏高家拐決

漢川大水漢川縣志 潛江縣通順河西岸朱家灣隄潰續修潛江縣志 黃梅縣知縣多壽自正港口至

董家口又挽月隄一道至此情形愈一大變黃梅縣志

是年餘干縣大水圩圯緩徵餘干縣志

是年奏准江蘇省吳淞江黃渡一帶河道淤淺用機器挑挖清會典事例 寶山縣知縣陶守廉濬蘆藻

河西段民國私纂江蘇通志水工志稿引寶山縣志

同治七年正月乙亥(二十六日)修湖北安陸等府屬隄工從署總督李瀚章請也清穆宗實錄

閏四月湖北布政使王文韶議覆撥款湊修潛隄高家拐詳文 同治七年閏四月初四日奉署督部

堂批據安陸府艾守浚美督同天門縣張令聲正潛江縣向令時鳴會稟該府馳詣潛江高家拐督同

該令等暨伍馬兩委員查勘漫缺情形籌議措項開工先行搶築潰口仍懇寬予撥發釐錢及時修復

加幫並迅撥伍牧駐工督辦申奉督憲郭批查高家拐隄工潰口昨據該司議詳在於奏撥釐金款內

動撥錢二千串由沙洋釐局爲以工代賑之用當經札飭照辦在案茲據該府等稟稱該隄搶口需錢

萬串已籌有錢七千串加以司中撥款自可將潰口先行搶築完固至此工應否加高培厚及經費如

何籌措之處仰湖北布政司迅卽妥議詳覆飭遵一面速飭伍牧趕將鍾隄未完事件料理清楚馳赴

潛隄督辦具報仍候護撫部院批示檄又先於初三日奉撫憲何批查向令承修高家拐隄據稟礮工未足已屬草率又不及早督修完竣留口待衝以致潰決需費甚鉅而民之被害亦遂深該令之忽視民瘼實堪痛恨今據該府等勘明該隄上下潰口共計一百二十丈從儉估計尚需錢一萬八千串現經該府縣設法共止七千串連同中詳請動撥之沙洋釐局錢二千亦僅九千串尙不敷錢萬串應否在於釐金項下酌撥以濟工用仰布政司妥議詳覆核奪一面檄飭伍牧將鍾隄未完事件迅速料理完竣馳赴潛江會同諸令等悉心查勘確實估計仍責令向令幫同趕緊搶築斷流勒令修復毋任再事延誤至該隄究應培寬若干丈尺併由司核飭遵辦具報希候督部堂批示檄各等因奉此遵查此案並據該府縣會稟到司經本署司以所稟搶修潰口並通隄加高培厚共估計需錢一萬八千串既據該府責成向張二令設措五千串連前撥存留並後次撥交諸令之二千串總計已有九千串是搶口之費已將敷用務即督飭各該令先將潰口搶築斷流至通隄加幫尙需萬串縱使民力維艱亦不能悉數仰給於上仍應趕緊就地籌集興修惟刻值夏汛漲發能否趕辦不致虛糜經費之處是在該府等體查情形酌量辦理等因批飭遵照並檄委伍牧繼助迅將鍾隄未完事件料理清楚馳赴潛江會同諸令等趕緊勘估督辦各在案茲奉前批復查該隄原修工程既係礮工缺欠本未堅實其未潰之隄自非查照來稟加高培厚不足以禦盛漲但即以加高三尺培寬一丈而論需費尙須八九千串在該地方甫經被淹若一時責令全數籌集民力自必不逮而工程緊要又未便聽其遷延再誤事關民瘼擬請再於釐金項下酌撥錢四五千串責令剋期修培完固不敷之數仍由該府縣等迅即

就地籌集速濟工用務期及早告竣補種有秋不准藉詞延宕再生希冀是否有當相應具文詳覆憲  
台查核批示以便分別移撥飭遵

議擬成案

九月丁亥(十三日)諭內閣都察院奏據湖北民人劉照棠以隄潰不修等詞赴該衙門呈訴前因湖北  
民人葉華品呈控隄潰停修全境被害等情當經降旨交該督撫體察情形妥籌辦理茲復據民人劉  
照棠呈稱江陵隄工日久仍未修理民命有關豈可任意延宕著該省督撫飭屬勘明趕緊興辦毋再  
玩誤 尋李鴻章等奏勘估江陵潰隄工程浩大現值春汛將臨未便修築擬俟秋後再籌辦理報聞

清穆宗實錄

十二月劉焜奏查明武陵等州縣衛被水民屯田畝蘆洲已未成災輕重情形籲懇天恩分別蠲緩錢  
漕等項及遞緩帶征錢漕蘆課隄工佃租銀米以紓民力劉中丞奏稿

是年均州新修護城隄在臨江橋上長五十一丈高三丈二尺闊一丈六尺邑人賈洪詔等呈請署總  
督郭中丞柏蔭壽公撥款七千餘緡築修續輯均州志 州志又載按隄防之設凡以捍水患衛民生工至要也而濱江

濱河諸城邑恆壘石爲長隄以資捍護因時修繕惟關懷督墊思深慮遠者能先事而預圖之均州舊有保均隄年久廢修日就傾  
潰道光十二年洪水漲溢奔瀆入城低窪處積水丈許土室窪門坍塌強半成豐二年知州殷序之亟事隄防因經費不敷僅修築  
城北郭石隄一段工未竟而止是年秋七月豐同治六年秋八月兩次陽侯爲錢視道光時更劇河東沙漲日淤日高水勢過滄浪  
亭下爲石龍所激直瀉東門城根洶湧澎湃已沖豁無餘沿河城牆率多綻裂東南隅城址偏近河干欹側傾圮象卵可危頃  
堵生靈將歎其魚矣同治七年豐總督郭中丞柏蔭巡方過均邑人賈洪詔力陳各情亟請修築河隄保衛桑梓郭公深聽其言即

日燬何方伯環籌撥郡釐金累萬俾興鉅工旋徵候補直隸州陸牧佑勳來均勘估工料不吝公款而重恤民力賑吏之仁亦均人之幸也乃當事者惑於辯言恐動用公款致貽賄累乃飭諭士民無論城鄉貧富一體捐輸令初出城關內外所漲已不下二萬金遠近騷然幸上憲明察嚴札停止既而陸牧復與賈洪謨等籌商陳請擇要興役僅修築臨江橋口河隄一段藉保城垣新築隄以上至城東北隅隄坑沙壩水勢衝激年復一年終不免決裂陸沈之患迄今邑人追憶七年壽款率深憐情之 漢陽縣修

築保豐堤隄加高三尺又重修永豐堤子隄一道計長二百五十六丈高八尺保豐堤隄在治西永豐堤在

治西北 漢陽縣縣令王庭植以蝦蟆磯低於江隄隄身易傷復加石六層以護之計高五尺有奇檉

漢陽縣志 夏口縣紳耆韓家益羅光富等積貲創修長豐隄隄在漢口西北六里周長約四十里高一

丈至四五尺不等建有上下二閘以資蓄洩夏口縣志 民國二十四年出版江河修防紀要載同治七年漢口揚子

江最高水位四十四英尺三最低水位零英尺又八年最高四十九英尺最低十英尺五又九年最高五十英尺五最低零英尺二

又十年最高四十三英尺三最低一英尺二又十一年最高四十六英尺三最低四英尺六又十二年最高四十三英尺最低零英

尺七又十三年最高三十八英尺二最低三英尺四 黃梅縣楊家口隄因前鮑令未掘沙水浸沙浮潰數十丈

黃梅縣志

是年湘陰縣五月桃林衝蛟發水驟漲二三尺毀民居無算八月江水大漲至冬猶盛圍隄盡潰 湘陰

縣志

是年德化縣初公隄小潰桑落鄉初公隄南臨八里江水勢急兼鄱湖對沖之險地多崩江隄脚屢遷北拒宿松龍湖之患則有宿邑之驛里塘隄卽康公舊隄地勢更低水患尤大道光十五年潰後初公



隄竟廢置十年始重修間有潰損每借帑修築此後宿邑驛里塘隄又存推諉之見同治七年各隄小潰民力自修德化縣志 鄱陽縣五月大水圩隄沖塌十九日萬年董源發蛟平地水深數尺衝入樂平

南鄉漂去室廬泥沙壅塞田畝

饒州府志 湖口縣大水湖口縣志

豐城縣水來塌漕倉背石隄三十七

丈五尺沖塌連珠寺石隄九十八丈五尺八年王尹家傑動用里夫銀修砌

豐城縣志

是年常熟縣濬白茆河自道光間兩次大濬後年久淤塞渡船橋迤東至蘇常間一帶僅存一綫中丞丁日昌創議重濬委候補府沈璋寶總辦勘查道光間挑濬均自東勝橋起今東勝橋迤西至王家莊一帶亦形淤淺卽於王家莊起築西大壩爲第一段至土塘內東壩第六十段止估量工長五千九百五十八丈七尺六寸平水面濬深六尺底三丈收口寬六丈二尺至九丈一尺二寸不等挑土二十五萬三千四百二十方零其南鹽鐵塘工長二百四十五尺平水面濬深五尺就舊河形水面開挑口寬三丈底寬一丈五尺挑土一千五百二十八方零作一段興工於十一月至次年正月工竣惟午時段挑未如式復於三月中加挑並移建石閘於蘇常新閘之東此次經費由司關兩庫借款計用銀七萬兩分作十成昭文三成常熟二成江陰無錫金匱長洲元和得沾水利各一成均於各境熟田內自同治八年起分作三年攤繳歸款

蘇州府志

署太倉州知州沈璋寶鎮洋縣知縣俞明厚濬老虎灣虹橋灣老劉河卽道光取直開挑之處工長二千餘丈

民國私纂江蘇通志水工志稿引太倉縣志

同治八年七月湖南巡撫劉峴奏爲查明安鄉等縣水災分別撥款撫恤并縷陳地方情形事竊本年入春以來陰雨較多五月後雨勢更大連旬不息以致辰州府屬之沅陵辰谿溆浦常德府屬之武陵桃

源沅江龍陽岳州府屬之巴陵臨湘華容長沙府屬之湘陰湘潭瀏陽益陽醴陵澧州與所屬之安鄉等州縣或因山溪陡漲田禾間被水沖或係瀕臨大湖圍障悉歸淹沒據各該州縣先後稟報前來當經臣飭司遊委幹員分途馳往會勘旋據覆溪水沖淹之沅陵辰谿等縣消退尙速爲害甚輕桃源澧州巴陵臨湘湘潭等州縣被水地方尙不甚寬該印委等督飭農民業戶設法疏消漸可涸復補種無虞匱乏其被水較重之湘陰益陽龍陽武陵澱浦等縣目前雖可勉強支持而補種業已失時房屋不無倒塌將來水退復業仍不能不籌畫安輯之資至安鄉華容沅江等縣地勢本極窪下四境概係水鄉歷次被災民力十分拮据本年江湖并漲被淹較往歲尤寬幸居民各有漁舟草船暫行棲止丁口未至損傷惟房屋及牲畜農器大半漂沒情形最爲困苦又山水沖淹之瀏陽醴陵等縣水來倉卒遷避不及災區甚廣情形亦重臣與藩司王文韶籌商先撥釐金錢二萬串酌量輕重分發各縣會同委員查明極貧戶口核實散撫并於華容縣酌動倉穀二千石碾濟民食均令選派地方公正紳士妥爲經理其近省各縣災民來省覓食者亦經酌撥釐款分別撫遣總期實惠及民災黎得所不令丁胥保甲剋扣侵漁以仰副朝廷軫念民依之至意劉中丞奏稿

九月壬申(初四日)諭軍機大臣等李鴻章等奏湖北被水成災較重請飭部撥款以濟工賑要需一摺本年湖北武漢等屬地方夏秋多雨又值湘水下注川水襄水並漲隄垸漫潰田廬被淹業據該督撫奏撥軍需善後項下錢二萬五千串並於省倉提撥穀石以資賑恤該督撫現於武漢城外分設粥廠並令各府縣設法平糶災黎諒可不致失所惟秋禾補種失時轉瞬即交冬令更虞飢寒交迫該省隄

工既難捐辦亦宜亟爲豫籌該督撫以賑撫隄工兩事掙節辦理需銀三十萬兩擬請飭部撥款以濟  
要需著准其在於應解京餉之司庫地丁暨江漢關六成洋稅各撥銀十萬兩並在本省貨釐鹽釐項  
下各撥銀五萬兩照該督撫所議將有隄州縣未成災者准其借撥修隄已成災者以工代賑其老弱  
婦女及無隄州縣概行酌發賑濟該督撫務飭各該地方官認真經理以期實惠及民毋任官吏中飽  
其各屬被水輕重情形及成災分數並著飭屬趕緊查勘分明奏請蠲緩用副朝廷軫念災區至意將  
此由五百里各諭令知之清穆宗實錄 湖北通志載是年勅項澄解武昌府屬嘉魚等縣委補用知縣張煇黃州府屬黃梅  
廣濟等縣委試用通判劉寶善安陸府屬潛江天門等縣委補用州佐繼勛分往辦理隄工其漢陽府屬沔陽州荊州府屬監利縣  
等處以工代賑分別興辦

是月庚辰(十二日)修安徽無爲州隄工東華續錄

十月劉峴奏查明武陵等州縣衝被水民屯田畝蘆洲已未成災輕重情形額懇分別蠲緩錢漕等項

及遞緩帶征錢漕蘆課隄工佃租銀米以紓民力劉中丞奏稿

十一月庚辰(十三日)以江甯被水允馬新貽奏留抵徵錢文爲採買倉穀及撫恤修圩之費東華續錄

十二月湖北巡撫郭柏蔭奏覆毛楊尖潰隄一案疏 竊准都察院咨開同治七年九月十四日內閣  
奉上諭都察院奏據湖北民人劉兆棠以隄潰不修等情赴該衙門呈訴前因湖北民人葉華品呈控  
隄潰停修全境被害等情當經降旨交該督撫體查情形妥籌辦理茲據該民人劉兆棠呈控江陵隄  
工日久仍未修理民命攸關豈可任意延宕著該省督撫飭屬勘明趕緊興辦無再玩誤民命劉兆棠

該部照例解往備質欽此當經臣郭柏蔭欽遵飭委武昌府知府黃昌輔訊據劉兆棠供稱因公安地勢地窪全賴江陵隄騰保衛同治五年奉飭地方官籌款修築毛楊二尖潰隄六年二月興工甫經修竣即被汛漲漫漶閩縣業民難以安身是以赴京呈控惟求籌費修築毛楊尖隄潰口等語詳經批飭將該民人保釋一面行司遴委候補知府方大濕馳赴荊州會同該管道府督飭江陵公安等縣確切勘估該隄工程如何籌費興修繪圖貼說據實詳辦茲據委員方大濕等會稟督飭該縣官紳齊集毛陽二尖隄所逐一查勘似宜在該隄潰口之內退挽月隄一道計長一千四百一十五丈估土二十七萬四千九百餘方所有翻沙土價礮工等項摺節估計需錢十五萬串文惟修築隄騰宜於秋冬水涸此隄工程浩大段落綿長現今節交春令地氣上騰土性鬆浮難期堅實且恐開工之後汛漲前來不能告竣徒耗經費無益於事應緩至秋後興築庶可一氣呵成免致貽誤此係就現在情形而論若本年三汛之後高處衝低低處淤高變遷不定事所必有仍俟興工時再行逐細勘估辦理并繪圖稟送由布政使按察使漢黃德道核明具詳請奏臣等伏查江陵縣隄騰爲公安等縣田廬保障前因汛漲漫潰成口以致地方屢遭水患既據該委員會同荊州府道查勘擬在該隄潰口內退挽月隄一道約需土工錢十五萬串文自應趕緊籌費興修惟是修隄宜在秋冬夯築方能堅實現在節交春令爲時已遲轉瞬桃汛即臨而工程浩大勢難剋期蒞事若孟浪開工設遇汛漲必致半途而廢自應如該委員等所請緩俟本年三汛後再行確切勘估趕於秋後撥款興辦以期修築堅固一勞永逸庶於國賦民生兩有神益

是月兩江總督馬新貽奏再安徽沿江各屬隄岸本年大水沖決必須及時興修免誤春耕被水災黎亦可以工代賑前經署安徽撫臣英翰來甯面商籌款協濟並經奏明奉旨飭臣商酌撥款在案現在冬令水涸自應趕緊籌辦查江省協撥各處軍需已屬入不敷出加以本年江甯等屬亦係大水爲災撫卹修圩等事所費不貲更形竭蹶本屬無可通融惟皖省凋敝情形臣所深悉江隄保護民田尤關緊要不能不於無可設法中竭力籌措現飭皖南茶捐總局在於茶捐項下設法湊撥銀四萬兩解交安省由撫臣英翰酌量撥用

抄冊

是月安徽巡撫英翰奏皖省向來修築江隄原分官工民工兩項官工則借帑興修民隄係自行籌辦其民力未逮者仍借款接濟今兵燹之後復遇災荒野無蓋藏流離滿道非但官修之工須籌勸帑項卽民修之工亦須酌量津貼臣飭司通盤核算非有鉅款三十餘萬兩不能蒞此要工皖省籌款之難外邀聖明洞鑒言丁漕則被災州縣已請緩徵言釐金則西徵各餉尙不暇給羅掘已窮補苴無策要工既勢難暫緩款項又無可騰挪目擊艱虞五中焦灼臣現督飭藩司於無可籌畫之中移緩就急盡力挪湊僅籌出五六萬兩加以前次馬新貽允撥之四萬兩能否湊足十萬兩尙未敢定此外尙短鉅款二十餘萬兩實屬籌無可籌伏念聖主垂庥災區於湖北湖南等省懇請留撥京餉修理隄工皆邀兪允今皖省被災之甚既數倍於昔年皖民待救之殷實尤甚於他省值此萬分急迫之時不敢不爲民請命惟有不揣冒昧仰懇天恩俯准截留同治九年京餉十五萬兩修理江隄俾得以工代賑迅速告竣數十萬災黎早登衽席感激鴻慈實無既極此外如有不敷之款應卽於捐輸軍餉銀兩項下

籌撥以期移緩就急早日蕺事光緒安徽通志

是年湖北各憲酌議歲修搶險考成章程嗣後凡遇歲修工程概於九月秋汛之後責令地方官輕騎減從週詣通隄確切查勘何處當衝何處糾險或須加高培厚或宜挽月幫修核實估計籌集經費即行鳩工興修一面將勘定土段丈尺夫工細數籌辦情形開工日期督修官紳姓名詳細稟報限於次年三月以前一律報竣如有視為故常並不實力督催以致汛水已臨尙未完工者即將印官暫行撤任專管隄工汛員亦先詳記大過一面委員代理印官事務仍擇令承修之印汛各員專駐工次迅將未竣各工立予修復如果搶修完固水已涸後通隄無恙仍予回任供職若因汛水漲發工未完竣或已完工而辦理草率以致所修隄段潰決成口應分別潰口之大小受害之輕重或奏請摘頂或奏參革職仍令戴罪駐隄協修果能尅期蕺事予限一年所修隄段並無潰決始准開復實缺者並予回任其有因地方政務殷繁工程浩大由省委員前往督修者則委員之責成與地方官並重委員無任可撤卽行從重記過停委在地方官之應回任者委員准另銷過候委餘亦如前議辦理至於搶險一事應於汛水盛漲之時先行親駐隄所督同汛員暨隄長圩業人等多備守水器具毋分雨夜認真巡防遇有險要處所立即設法搶護毋任油刷漫溢如因防護不力致有潰決卽將地方官及分防隄段之員查係工程草率隄段沖潰卽行照例詳參如實係工程堅固水漫隄頂致潰亦予詳請記過仍視工程之難易酌量勒限修復若逾限而工程尙不及半或未完工者卽詳請分別嚴參仍令駐工協修以觀後效再有隄之地方官及委辦隄工之員如能於歲修工程依限報竣迨至汛水盛漲又能認真防

護通隄各工三汛均獲安瀾卽由本管知府將修防出力各銜名開列候補者從優酌給外獎實缺者酌調優缺一次如有在任三年於本境隄工按時修防通隄並無潰決情事亦卽由府詳請專案奏獎用昭激勸再在工承修之首士亦有經手之責應由地方官隨時考其勤惰予以賞罰俾知勸懲

廣濟縣志

是年荊州府知府榮押毀私垸批 查此案前據署石首縣胡令訊詳張成老垸有高低田三千餘畝係志載准修官垸請仍照舊歲修如將來有礙江流卽行平毀仍不准於老隄之外上下私修經前府批准照辦嗣李申現等藉張成官垸名目在於老隄上下添挽私隄委員會同該前縣朱令勘明所築隄塍較老隄寬大上下添築卽是私修冬令水落歸槽洲地私隄無礙江流汛漲江水湧發一片汪洋私隄橫挺豈能無礙北岸大隄該邑私隄林立多借官隄外防爲名若不嚴禁則外防之外又有外防爲害伊於胡底該前縣准其私修且於新志內載張成垸之下添注分上中下修築該生員高宏遠等赴府具控應卽行押令將張成老隄上下添築私隄一律平毀並將新志更正經方前府詳奉學憲批示飭遵並札飭該縣遵辦在案該縣吳令乃不遵照將張成垸上下私隄平毀在該洲分設上中下三局發給告示印簿每畝派徵土費官費錢四百八十文小費錢四十八文派差督催添築長隄五十餘里內包七洲計完蘆課田地三萬餘畝垸寬二三十里橫挺江心阻遏江流逼水北趨油刷郝穴一帶大隄崩埝關係匪輕迨經朝廷前等呈控飭委該員會縣押毀吳令猶以由縣示令徵費興修不允押毀蕭梓淵所築私垸亦不會勘創毀實屬任意庇護荒謬已極不知沿江淤洲迭奉諭旨嚴禁私挽垸

隄阻遏江流有礙隄防久經札飭創毀淨盡豈該縣竟未寓目耶抑有心抗違耶本應詳請揭參姑寬仰候錄案稟明道憲並嚴札申飭吳令除張成老隄數里田地三千餘畝准其照舊歲修外其張成老隄外上下添築新隄上中下三局告示印簿先行撤銷該員仍馳赴石首縣坐署守提倡築之李中琨徐鳳肅李霖劉情位等解府押令創毀荊州萬城隄志

是年灌縣知縣柳請辦新河當民工親往新河口安工民起阻撓乃委陳炳魁專任其事以少時過渡之處擇無礙田畝者安之民遂無爭又堅築柳令所築隄二百丈都江堰功小傳

是年監利縣涂家埠北六坵等處隄潰發帑修復以工代賑新挽隄塍共長九百六十七丈五尺監利縣志襄陽縣修樊城隄樊城土隄屢築屢壞是年經紳商稟請借撥釐局錢二萬二千緡抽提闔鎮房租三成計一萬三千餘緡自西敵臺以下修石磯一座高二丈四尺圓長九丈六尺寬六丈接修石隄四十二丈又米公祠起上至城隍廟口止修石隄七十丈十二年抽提房租五成自火星觀起下至城隍廟口止修石隄六十四丈自米公祠起下至大碼頭止修石隄二十五丈共需錢一萬二千餘緡又舊修邵家巷碼頭被水冲塌工最緊要經紳董楊開炳等稟請挪款搶修彌月工竣約須錢一千餘緡其借撥釐局之錢逐年歸還因力不能支知府恩聯知縣吳耀斗稟懇大吏乞免還一萬緡自同治八年至十二年所有隄工多係民費民力昔之士隄今盡改爲石隄矣襄陽縣志潛江縣夏霖雨襄河南岸吳家改口荆河兩岸襲渠垵汪家場永豐垵沙月隄俱潰通順河彭洲大士菴隄潰冲開彭宅傍隄帶淹黃中等垵續修潛江縣志漢川縣夏霖雨江水逆溢垵田漬潰殆盡漢川縣志武昌縣知縣張吳



請款以工代賑修補黃柏山隄由袁家徑起下抵樊口計四十里又築隄之在縣西永三里者爲磧磧湖隄在永二里者爲羅湖隄張北湖隄彭北湖隄在縣東洪三里者爲楊葉洲隄加築隄黃絲隄隄余家隄隄龔家隄隄趙家隄隄吳家隄隄曹家隄隄嚴家畝隄楓樹隄隄王家隄隄軍隄劉家隄隄龍王廟隄楊花嶺隄軍田鵝隄鑼鼓神棋隄琵琶湖隄新港湖隄又築五丈港隄在縣東五里又築水涇隄在縣東二十里夏月江溢水自茨菰港入琵琶洲直衝西涇因築隄障之又建蟠龍磧剛在縣東關外又建五丈口閘以防江漲在縣東五里武昌縣志 廣濟縣被水各屬應賑戶口以及應修隄工由司酌撥工賑銀二千兩知縣艾佐龍分給各棚並修砌中廟汪家二棚石工廣濟縣志 黃梅縣大水驛路隄沖潰驛路隄卽內隄自丁字壩起至孔壩楊泗廟止長七千二百二十丈自楊泗廟起歷王家壩至黃泥塘止長三千六百丈共一萬零八百二十丈此隄實係康公所建黃梅縣志 縣志又載知縣楊應桓於是年派費築潰口於內復掘月幫護夏大汛劉左口又潰數百丈地低水激舒公章湖等圩並許黃二伍盡被沖隄無復田廬景象

是年龍陽縣武高龍低龍隄頂險之東西塘羅公灣報國庵上下劉十八蠅樹灣公庵廟丁家吉白家腦經岳常禮道何棻札飭知府惲公履勘丈量合計六千三百丈有奇後廩生李珍等以陶賈隄對私障頂射加修石磧一座十年巡撫劉峴布政使王文韶委候補縣鍾鏐履勘確實龍陽縣志 湘陰縣大水湘陰縣圖志

是年德化縣自夏徂冬水漲二百餘日北岸隄潰民流又永安隄漫潰縣令陳蕭詳請撫憲劉籌借銀一千四百兩並集民貲修復又封郭隄南禦江水西由德化勞石界起東至小池口壅門止長近三十

里兩頭均與黃梅江隄相聯續北防湖水則有坐落梅邑之驛路隄曲繞與江隄共成一圍互相保衛又統名潘興圩自乾隆三十四年至道光二十九年數被水決漸有輻輳率皆各按疆界請款集費承修日久而驛路隄歲修漸弛以致崩圯同治八年大水經九江道景福德化令陳肅捐費隄保險晝夜不輟封郭隄幸無患而梅邑之驛路隄忽決九口兩邑田廬俱付波臣災黎渡南岸徧地鴻蒼縣主籌備拯救復議以工代賑詳請撫憲劉籌借款銀一千八百五十三兩分限三年帶徵還款將封郭洲隄加修益固而梅邑之驛路隄竟廢置不修移咨往復又摺詞推宕又阿公隄卽陳家隄保障封郭爲陶家隄吳家隄王家隄以及梅邑王家子隄之長諸小隄均藉陳隄以固嘉慶九年大水諸小隄潰幾及封隄巡道阿克當阿捐廉設法堵護封郭隄始得無恙紳士廖秦瑋等思保護之功又思捐廉培高陳家隄因以陳家隄名曰阿公隄以報功焉隄有阿隄阿柳之詠秦瑋有記道光年間潰數次或官捐並民費修整同治八年復潰九江道景福捐銀一百兩知縣陳肅詳請撫憲劉籌借款銀四百兩分限兩年帶徵還款並集民費修復又同仁隄同治八年被水浸裂知縣陳肅詳請撫憲劉籌借款銀五百兩分限兩年帶徵還款修竣又初公隄同治八年大潰知縣陳肅詳請撫憲劉籌借款銀六千六百兩零復修并改遷桂家林隄脚一千八百餘丈楠木廟挽月隄一百五十餘丈復借款銀一千八百兩代修宿邑驛里塘隄俱分作五年帶徵還款以上俱德化縣志 瑞昌縣梁公隄又決邑令王明璠稟借帑銀一千五百兩重修九年邑令姚暹補修江西通志 湖口縣大水湖口縣志 鄱陽縣大水與道光二十八年等圩隄盡沒鄱陽縣志 饒州府志作五月 餘干縣夏大水圩隄沖決十月水始消早晚絕粒民多

流離知縣區作霖請發圩銀六千兩以工代賑並請緩徵餘干縣志 豐城縣四月瑞河橫塘頭決一口

又橫塘頭與新邑隄連屬處決半口陳相渡決一口豬頭灣決一口滕家壩決一口各決口籌費維艱

未能補築嗣十年邑尹唐先霖稟請撫憲籌撥款八百六十六兩六錢七分倡修又各圩民自籌費

費於是年十月間興工委員楊葆宸大江司潘金安監督十二月間修築完固工竣豐城縣志 新建縣

夏大水上下鄉圩隄盡決新建縣志 新淦縣石口隄同治八年二月又被水坍鬆新隄三十餘丈經巡

撫劉坤一札知府德馨徑飭知縣胡傳釗趕修嗣經知縣王肇賜捐廉計錢二百千文暨各圖捐輸足

錢一千一百六十八千文至十二月工竣新淦縣志 廬陵縣五月大水廬陵縣志

是年江水漲發明年又漲發同仁隄圯鄂贛皖三省會勘改建大工由官撥款興修民國安徽通志 水工稿

引宿松縣志 桐城縣重修天定隄及豐樂隄民國安徽通志 水工稿引同治未刻桐城縣志抄本

是年丹徒縣開鮎魚套新河一道以便舟泊 光緒丹徒縣志鮎魚套在金山西南五里山西之沙套與溇灣江岸相對


其形首大尾小故名鮎魚套爲商船往來停泊之所闊二三里不等今西沙漲連南岸舟不能通亦難停觀同治八年當事開新河

一道上接老鵬河南岸築隄以資舟行收泊之便 民國私纂江蘇通志水工志稿

是年疏濬白茆河六百三十七丈並修近海口蘇常石閘清會典事例 蘇州府志載同治八年設昭文縣境白茆

閘即蘇常閘抵禦海潮剝開旁龍王廟前禁民船出入非遇水旱不得啓閉 婁縣知縣金福曾修築沿浦圩岸青浦

縣知縣陳其元修築各鄉圩岸并刊邑人孫峻築圩圖說發照舉辦民國私纂江蘇通志 水工志稿



# 再續行水金鑑卷第十二

江水編年十二

同治九年七月壬辰二十八日諭吳棠奏川東沿江各廳州縣被水並請將玩視民瘼之知縣革職查辦等語本年六月間川東連日大雨江水陡漲數十丈南充合州江北廳巴縣長壽涪州忠州鄂都萬縣奉節雲陽巫山等州縣城垣衝署營汛民田廬舍多被衝淹居民遷徙不及亦有溺斃者覽奏實深軫念著吳棠督同藩司卽行籌撥公項遴派委員兼程前往查勘分別被災輕重會同地方官優加撫卹並飭該管道府及各該廳州縣趕緊查明被淹若干戶溺斃人丁若干名口酌量分別賑恤毋令一夫失所鄂都縣知縣徐濬鏞於江水進城時先行遠避置難民於不顧殊出情理之外徐濬鏞著卽革職聽候查辦清稟實錄 按吳棠爲四川總督

是月劉峴奏爲安鄉等縣被水甚重分別撥款撫恤並預籌接濟情形事竊湖南下游各縣去年被水漫淹經臣酌撥釐金賑濟並在省設局安撫飢民復行撥款修隄以工代賑曾經奏明在案該有隄各縣領到撥款隨卽派集紳董夫役趕動冬工各處紳民迭遭水患無不實力興修均於春汛未到以前一律完固飢民漸次回籍田禾乘時播種今春桃汛甚小雨暘又復得宜隄內禾苗皆極茂五月後夏汛漲發水雖淹及隄身而修築既堅未致被衝潰決迨六月初穀漸成熟刈穫有期詎湖北襄水橫貫荆河遏阻川水東下荆川諸水倒漾入湘湖河因以並漲復值大雨連宵達旦逐日水漲四五六尺

不等致澧州所屬之安鄉岳州府屬之臨湘華容常德府屬之沅江龍陽武陵長沙府屬之湘陰益陽被水情形較之去歲尤重安鄉華容素稱澤國地極低窪水從隄頭漫過田禾悉被淹沒官署民房亦遭漫浸該縣等皆係乘舟辦理公事龍陽湘陰田多濱水專恃隄垸護防亦因水高於隄被衝潰漫湘陰六十餘圍龍陽數十餘障田均被淹臨湘沅江武陵益陽或沖淹十餘村障或潰漫數十圍洲或漾沒數十餘垸民情殊爲困苦惟較安鄉等縣略輕各該縣無歲不水無水不災今年水漲雖屬稍遲而搶穫早穀不過十中一二穫存之穀間亦爲水漉流民力拮据不堪房屋亦多倒塌據各該縣先後稟報前來臣接閱之餘實深焦灼當與藩司王文韶籌商撥發釐金錢文酌量輕重分給各縣查辦賑恤並飭趕緊設法疏消積水察看能否補種雜糧據實稟報再行核辦旋又查去歲諸處皆係歉收各州縣常年倉穀以及捐存積穀均因夏間米值過昂平糶動用鮮有存儲現雖山鄉州縣田穀未受損傷再得晴霽旬餘收成尙屬豐稔可以令其買補如數還倉而下游被水各縣連經兩次災荒城鄉毫無蓋藏採買亦難籌款來歲青黃不接其艱窘必有甚於今年者臣復與藩司悉心核酌預提司道兩庫銀各二萬兩釐金督銷兩局銀各二萬兩俟八九月間查探鄰近之江廣川鄂各省何處米穀價廉委員採辦回湘分存被水各縣辦理賑撫及來年接濟之需其應修隄工一經水勢消退亦當委查應需工費酌量籌款飭令趕修以資保障

劉中丞奏稿

八月丁酉(初三日)諭李瀚章郭柏蔭奏川江水勢異漲荆宜等屬猝遭水患並漢水時發沿河民田垸隄漫淹一摺本年夏間湖北大雨時行江水陡漲五月間漢水又發以致宜昌郡城內外概被淹沒荆

州南岸公安地方被淹最重此外松滋石首監利嘉魚咸甯蒲圻江夏漢陽黃梅及鍾祥荊門京山潛江天門沔陽漢川黃陂孝感雲夢應城各州縣均因各隄漫潰田畝淹沒人民遷徙殊深軫念所有被淹較重之宜昌公安二郡邑著李瀚章等督飭司道籌款發給量予賑撫其餘各處并著督飭各該地方官隨時設法妥爲安撫毋令一夫失所清穆宗實錄

閏十月二十五日內閣奉上諭湖北荊江爲岷江清江沮漳諸水綜匯之區全賴萬城大隄保障本年伏汛盛漲幾至漫隄情形頗爲危險經該道府等親詣各廟虔申祈禱仰賴神靈默佑化險爲平實深寅感荊州萬城隄志

是月劉峴奏爲查明武陵等州縣衛被水民屯田畝蘆洲已未成災輕重情形籲懇分別蠲緩錢漕等項及遞緩帶征錢漕蘆課隄工佃租銀米以紓民力劉中丞奏稿

十二月初八日安陸府知府艾稟奉各上憲批准船釐酌發捐輸湊修鍾隄石牛潭潰口札本年十二月初二日奉藩憲張札開奉督部堂李批據該府督同鍾祥縣稟呈查勘鍾邑十四工石牛潭潰口并十三工八形頭崩險各退挽月隄估需土礮錢文數目摺圖趕緊籌修由據稟各情均悉仰北布政司飭仍督率各縣趕緊派催徵費諏吉興工以期及早完竣至勸捐濟工一層應如何辦理章程仰會同捐輸局妥議詳飭遵照具報查核並候撫部院批示繳摺圖存又奉撫部院郭批據稟已悉仰布政司卽飭督率各縣迅速催征畝費並勸辦捐輸趁此天晴水涸趕緊開工興修勸限報竣仍先將開工日期報查仍候督部堂批示繳摺圖存各等因奉此查鍾隄石牛潭潰口工程已由司會同捐輸總局

籌議詳覆酌發空白捐照勸捐辦理次以鍾邑船釐留工備用再有不敷即以襄陽船釐酌量湊給等因現奉督憲批示抄詳另檄行府在案奉批前因合就札飭該府即便遵照來檄并另札批詳事理督率各縣趕催畝費刻即興修仍俟飭發空白各照到府再行分飭妥爲勸捐并次第酌撥船釐以濟工用毋稍違延切切又奉藩憲批現奉兩院批司另札飭遵在案仰即查照辦理仍候臬司守道牙釐局批示繳另單併悉摺圖存各等因奉此合就札飭該縣立即遵照趕緊催收畝費并俟奉發空白各照到府即行分飭妥爲勸捐源源解濟鍾隄工用襄隄成案

冬江西道府稟前段原文漏錄江西撫憲劉咨以德化縣陳令熊稟稱卑縣北岸各鄉隄埝與黃梅宿松之隄輔車相依所有被水浸潰各隄乞請遴委大員會勘妥議修復定章以專責成等情飭即前赴各隄勘明議覆並奉咨准湖北撫憲飭委卑府江西撫憲札委職道面委卑府會同勘議等因奉此卑府啓遵於閏十月十九日束裝起程至二十七日會同卑府彝督同各縣令先詣梅化兩邑連界之潘興圩詳細勘查圩內梅邑新開蔡山孔壠塘穴謝灘各鎮及化邑一封二兩鄉田廬地畝居處其中前有沿江隄向係梅化二邑各分段承修以禦江水後有坐落黃梅之驛路隄向係梅邑承修以禦湖水茲查沿江隄雖經洗刷尙易補苴猶可就地籌畫惟驛路隄自清江鎮之丁字壩起至孔壠驛止計長四十里由孔壠至西黃泥塘止計長二十里上年被湖水浸潰九口通隄殘缺因工程浩大未能即時修復本年又復成災勢難再緩勘計土方工價約計銀一萬四千餘兩伏思地方連年水患十室九空以此鉅工責之於民固力有未逮責之於官而賠累難支轉恐推延時日有誤要工若不代爲之謀



其何以保民生而裕國賦職道等連日會同妥議卒鮮長策又無冊可稽適安徽委員會勘同仁隄帶有宿松抄錄乾隆三十二年奏案查閱內載黃梅縣之驛路隄自孔壠起至清江止冲塌殘缺估計另案詳請動項修復其董家口上下隄工動用公項銀一萬數千兩旋經邀免扣還伏思此次隄工事同一律竊恐鄂省公項支絀惟有仰求俯念地方困苦災歎頻仍迅賜咨商湖北督撫憲奏請動撥帑銀發交黃梅縣承領并委員會同督工將驛路隄修復完固共資保衛兩省軍民均受其益如蒙俯允先發銀兩趁此冬晴水涸以便及時興工將來歲修保固俟工竣後由黃梅縣籌辦附呈圖說德化縣志

是年諭前內閣侍讀學士鍾佩賢奏浙江漢港壅塞請速籌疏濬當諭令楊昌濬查勘辦理茲據奏稱派員周歷漢港委係年久失修淤塞現在查明最要及較次各工分別估辦先於釐捐項下借款動工惟湖州漢港泥水壅灌多係蘇松下游淤滯請飭江蘇一體籌辦等語漢港關繫水利自應趕緊疏濬著楊昌濬即督飭該處地方官趁此冬隙之際先將寺橋等最要之九港及諸沈二漢先行借撥款項趕辦其餘各工及碧浪湖工程亦應次第查勘分別興辦並著會國藩張之萬迅即遴派委員查勘吳江縣長橋及太湖出水各口設法疏通與浙江同時並舉清會典事例 按楊昌濬同治八年十二月任浙江巡撫會國藩九年八月再任兩江總督張之萬九年閏十月任江蘇巡撫此次廷諭在九年十一月間

是年涪陵縣揚子江夏大水淹及小東門城不沒者一版又西門北門俱進水城外民房被淹幾盡漂流者二百餘間大渡口及李渡珍溪鎮俱於水至處刻其石曰庚午大水漲至此續修普州志 歸州六月大水壞民居無算歸州志

是年監利縣六月鄒碼頭引港螺山等處隄潰邑令林瑞枝請帑以工代賑並勸殷戶捐助修復三處挽築新隄共長七百七十三丈監利縣志 縣志又載引港永安月隄三百二十二丈九尺鄒碼頭長安月隄一百一十丈七尺萬安月隄三百三十九丈四尺均同治九年冬修 潛江縣五月荆河兩岸深河潭坨中坨孫家列通順河東

岸永林泗河場隄俱潰彭宅旁復潰續修潛江縣志 縣志又載同治十年秋霖雨深河潭永林泗河場隄復潰 宜城

縣令陸祐勸築隄名陸公隄沿漢東西兩岸西自臥虎岩至龍王洲長七十餘里計六萬餘丈高一丈

至三丈不等厚一丈六尺又自龍王洲至葛藤灣築隄二十餘里高厚如之東自古河口至萬楊洲長

十五六里高厚如西岸十年完成宜城縣志 漢川縣夏大水江漢並漲上游襄隄南北俱潰漢川縣志

廣濟縣七月窩陂寶賽同時潰口直長共二百餘丈知縣劉宗元籌費興修十月興工次年三月隄

成並諭各棚補栽蘆葦廣濟縣志 黃梅縣知縣覃瀚元請款萬除金從楊家口四號起至董家口抵宿

松隄止建修新隄隄脚內移三四里至此情形變易極矣夫昔年江岸有洲洲內有套套內有民屯田

地始行建隄隄內有段姚街市及衆姓居址田地越四十餘年新建長隄四次補挽月隄七次所移入

十餘里之地俱落江心黃梅縣志 是年華容縣大水諸坨悉潰舟行城中華容縣志 湘陰縣大水歷年以此爲最圍隄無一存者湘陰縣志

是年德化縣夏秋大水隄潰流民甚衆又永安隄復有漫潰借官穀集民費修補又封郭隄夏汛圩內

業民同往搶築驛路隄因梅民率衆阻之中止以致湖水溢成衆災與八年等陳縣主捐費將封郭隄

保固復稟請三省委道府大員會勘各隄遂將驛路隄撥案議詳蒙湖北大憲照准發二萬四千緡飭交黃梅縣修復驛路隄并歲修亦專責成隄界修葺得復舊章而封郭可無外患又阿公隄道憲景捐費保險因梅邑新洲圍潰水勢直冲阿公隄間有崩裂官督民修又同仁隄陳縣主捐費保險被水洗刷借官穀修固又初公隄道憲景捐費保險因驛里塘隄潰遂衝決初公隄縣主陳龍捐錢一千九百三十串並民捐及畝費得以修固又稟奉撫憲劉給公款八百緡代築驛里塘隄潰口德化縣志 湖口縣大水湖口縣志 釐金局委員李岳年借款七千餘緡重修湖口縣長虹隄江西通志 鄱陽縣五月久

雨大水月盡稍退六月二十後江水漲逐日漸長至七月半後始定較八年水小僅尺餘圩多傾壞鄱陽縣志 餘干縣五月大水稼多被淹七月秋水圩多漫決緩微餘干縣志 豐城縣南沙岸隄冲塌知縣

王家傑添修石隄十丈補修土隄數處豐城縣志 新建縣大水新建縣志

是年安徽巡撫英翰奏請撥帑增築廣泰圩自懷甯入桐城抵梅林花山新舊圩垣長互百里更名廣濟圩民國安徽通志 水工稿引懷甯縣志 無爲州知縣王鴻飛詳修三壩隄自青岡山起搭青分隄止計長

七百八十餘丈嗣經知州陳炳培築堅實 無爲州於柵港下建永成隄計長六百餘丈又於白茅嘴下建永定壩民國安徽通志 水工稿引廬州府志

同治十年正月二十一日湖廣總督李瀚章等奏爲江鄂連界地方隄工緊要委員勘估籌款興修事竊

照湖北黃梅縣清江等鎮與江西之德化縣之封一等鄉連界濱江臨湖前有沿江隄向係化邑修築以禦江水後有驛路隄向歸梅邑民間派工承修以禦湖水兩隄輔車相依田地虛舍藉資保障上年

因江湖盛漲各隄間有被水漫潰以致田成巨浸水落之後經臣等咨會江西撫臣劉坤一委員會勘籌修旋據江西九江廣饒道景福九江府知府邵子彝湖北黃州府知府英啓會稟稱查勘沿江隄雖經被水洗刷修補工費無多尙能就地籌集興辦惟驛路隄自清江鎮之丁字壩起至黃泥塘止計長六十里上年被湖水漫潰九口通隄殘缺勘估土方工價共需銀一萬四千餘兩亟宜及時修復惟地方頻遭水患民情困苦勢難責令派集土費調查乾隆三十二年因該隄冲塌曾經由鄂動用公項修築并免民間扣還此案此次事同一律稟請援案撥款興工等情并准劉坤一以江省應否協濟咨商前來臣等伏查黃梅縣驛路隄與江西德化縣之沿江封廓一作封郭隄唇齒相依外禦江流內障湖水互相保衛不可偏廢既據該道府等勘明驛路隄潰口工程緊要自應籌款興修隨經會同督飭湖北藩司在於釐金項下酌撥錢二萬串由司揀委熟悉隄務廉幹委員馳赴黃梅會商該縣知縣覃瀚元趕緊廣集民夫將該隄各工堅實修築勒限春汛前一律完竣報請驗收照例具結保固以杜草率儉減等弊其經費除已撥外實尙不敷若干應令覃瀚元核實開報續請給發毋庸再由江省協濟至此項隄工向係民間派工自修茲因工大費鉅官爲撥款本應照章按畝攤繳但地方疊被水災閭閻實形拮据請卽免其徵還俾舒民力嗣後該隄歲修之工仍歸梅民自行承修其德化縣沿江封廓隄卽由江省籌費修築以清界限而專責成除咨行江省飭令德化縣趕將沿江隄一律培修完固共資保障外所有撥款興修江鄂連界隄工緣由謹會同江西巡撫臣劉坤一恭摺具奏李勳格公政書

二月初八日江蘇巡撫張之萬奏再臣前奉寄諭派員查勘吳江縣長橋及太湖出水各口設法疏通

等因欽此當將欽遵飭司籌款並遴員勘辦各緣由具奏在案茲據署蘇藩司應寶時詳稱督飭各委員親往履查見澱湖水勢浩漫無須開濬泖湖則惟東泖進口之攔路港及泖塔旁圩亟宜上緊挑挖西泖亦無須開濬十八港淤淺特甚宜先施工瓜涇港及練聚等港工程均宜次之其垂虹橋通名長橋兵燹以後十傾七八目前總以水利爲急宜先撈廢石陸續估修所需經費擬先向蘇城牙釐局於應解善後經費項下撥定銀三萬兩再由司庫地丁項下借撥銀三萬兩以便分投舉辦等情前來伏查長橋十八港等處工程攸關水利亟宜乘時興辦應准於地丁項下借撥濟支除仍飭該署司會同牙釐善後兩局另行籌畫歸款外理合附片具陳 是月署江蘇布政使應寶時稟督撫文云竊照太湖漫港淤塞籌議興挑一案前奉憲臺札飭欽奉寄諭著卽派員查勘吳江縣長橋及太湖出水各口設法疏通與浙江同時並舉以期一律疏暢有裨民田等因欽此札司欽遵辦理並奉撫憲札同前因各到司奉經分別移行籌辦續經本司督飭各委員親往履勘回省後面奉撫憲諭飭趕緊開辦等因伏查澱湖水勢浩漫無須開濬泖湖則維東泖進口之攔路港及泖塔旁圩水深不過三四尺亟宜趁此久晴乾涸之候上緊挑挖但水面極寬不能築壩只能用鐵廠機器船開挑泥水夾雜勢難細核土方濬深之後亦只能隔水測量所開深淺不比尋常築壩挑濬可以驗收乾工所幸揣測大勢費尙不鉅如監督人員得力卽不至虛糜經費本司業經移商機器局派船至泖港量查並委劉令步瀛前往專辦泖港挑濬事宜其西泖亦無須開濬至於歷稟所稱十八港者東洩太湖之水分趨吳江之長橋下入龐山湖及八斥鎮之大浦橋下語兒蕩匯歸泖澱入浦出海此湖水之東注者也江震城北五里

許與元和縣境接壤瓜涇橋下之水俗呼瓜涇港亦東洩太湖之水直接吳淞江迤邐轉北入浦出海此湖水之東北注者也八斥鎮迤西而南自練聚港起至浙江界之湖漚止綿亙數十餘里中間共七十餘港大半淤塞蓋因十八港瓜涇港東流未暢以致西來之水間有南行此又湖水原委今昔不同之情形也三者之中十八港港身較爲長闊而淤淺特甚宜先施工瓜涇港西達湖壩不過三里實卽吳淞江上口而過橋以東細淺不暢宜次之練聚等港工程自應在十八港以後宜又次之其江震外之垂虹橋直南沿運河至平望鎮計程四十七里一帶長隄多有橋座水竇兵燹以後十傾七八雖係江浙兩省驛站攸關而目前總以水利爲急宜先撈廢石陸續估修此就前稟衆說酌分先後之次第也本司已委楊沈兩守會同前往復估本司俟其估定後再行親往勘視惟春令已交各港土工必得趕緊開挑飭卽一面復估一面派員分段開工其橋座工程不能急就經本司札調前署桃源縣知縣李令克勤前來專辦所有經費則擬先向蘇城牙釐局應解善後局項下撥定銀三萬兩再由司庫地丁項下借撥銀三萬兩以便分投舉辦將來實需經費若干應俟各該員勘定議復再行稟報續纂江蘇水利全案

四月己卯二十日以阻撓隄工湖北在籍道員陳相清革職訊辦清程宗實錄

七月湖北候補知縣委員上官振勳天門縣知縣諸鑄會勘小澤口河內楊林洲土壩沔人具結認毀通稟竊卑職振勳奉藩憲札奉督撫憲批據沔陽州稟覆楊林洲暫築四成土埂情形請飭天門縣趕修劉家月隄潰口仰卽委員會同沔陽州天門縣馳詣該處確切勘明據實稟覆核辦遵將馳赴天

門日期並移沔陽州訂約前赴楊林洲會勘情形稟明在案茲接准羅牧覆函因病囑州吏目黃桂森  
伺應會勘於二十三日晚到縣卑職等卽於二十四日同往會勘二十五日渡襄河抵小澤口會勘得  
襄河南北分支河者三一北岸曰牛蹄口襄水自該河入脈旺嘴出襄河一南岸曰大澤口係襄水由  
西荆河達草市出江陵又由東荆河至新隄開福田開二處分出大江一曰小澤口係襄水由排沙渡  
通順河分出青灘口並沌口各湖河等處以上三支河口均係分洩襄河之水勢古河誠不容築塞阻  
礙伏查楊林洲卽小澤口內西岸之沙灘經沔陽紳首等自小澤口東岸上築土埂起至小澤口西岸  
並抵襄河老隄埂址相連橫長七百餘弓東西所築壩面約寬四五尺不等小澤口河內所築土埂面  
寬八九尺零高有丈餘脚寬三四丈此係會同勘明暫築土埂之實在情形當據沔陽紳首李修德張  
廷選胡兆甲鄭以如等結求卑職等轉稟容俟秋收後疏修工竣卽行平毀不敢違誤並據襄北沿途  
紳民羅德懷張楚儒周炳馬鳴佩王振義戴學典吳濟山萬杰徐作霖黃元吉王繼善李其書楊敏堂  
薛定國劉國斌吳景之汪德珍李善長李茂春等公稟懇批強築藐法抗毀貽害下游羣懇詳覆飭毀  
以保民賦各等情前來惟事屬民命賦稅攸關若不令平毀勢必阻礙分洩若卽刻平毀又誤沔民收  
穫卑職等未敢擅專可否姑念沔民連年水災今獲大有准其秋收後檄飭羅牧卽行押令將所築土  
壩全行平毀免滋事端以復襄河故道出自憲裁所有會勘小澤口內之楊林洲暫築土埂情形並紳  
首李修德等投呈願毀甘結理合繪圖稟報至劉家月隄亦經卑職振勸履勘前已修復現俱完固合  
併聲明謹隨成案

九月初三日督辦蘇屬水利工程江蘇布政使恩錫江蘇按察使應寶時稟督撫文云竊照興挑太湖  
漚港一案本司寶時於署藩司任內督飭各委員親往查勘先將亟應修濬之泖港並吳江縣之垂虹  
橋通名長橋及關係太湖洩水各港沿塘橋竇工程派員陸續確估次第興辦節次稟報在案又經委  
令安徽候補知府董守保成等分投前往查勘吳淞劉河黃浦各海口與江震諸港水勢原委貫輸情  
形妥議稟辦去後茲據該守等繪開圖摺詳細稟復前來復經本司等會商先由運河至震澤縣鄰浙  
界首迤向東北詳勘七十二港現在之通塞復西入太湖周歷十八港測量吳江縣長橋以東由湖出  
運河各港身口門以期設法疏通無礙浙省湖水出口之路旋由元和縣至崑山新陽之致和塘入吳  
淞江繞向青浦泖澱復由吳淞江折向金雞獨墅等湖仍由吳淞正港以出運河周圍六七百里之間  
經歷港汊湖蕩大小百數十處一一分察水勢合觀地形查太湖近浙江之處亟應於漚港擇要挑濬  
使不阻滯上游以符兩省合辦奏案至蘇省形勢則以吳淞江正港清水暢旺爲主運河自分水墩以  
南窰港張家斷港等數十里內凡從西而東之水皆穿河由勝河語兒蕩殷家蕩龐山湖澄湖等處趨  
澱泖以入黃浦惟分水墩一港爲吳淞正港受水之西口其稍北之塘東一港亦入吳淞而甫入吳淞  
正港之水卽有斜港等港分由同里各湖蕩趨澱泖以入黃浦及迤東大石浦以下六港無不南流而  
入黃浦者此實黃浦日暢吳淞日滯之所由來現除泖澱攔路港一帶極淺阻處已用機器挑挖外似  
宜併力專挑吳淞正港下段雖於窰港以南各港迤趨黃浦之水不能挽使北流而於吳淞正港之分  
流而南及迤北金雞獨墅尹山諸湖南通吳淞以入黃浦之水或可分使東注庶浙省太湖之下游有



所宜洩蘇省吳淞之經流不致壅遏終爲浙水下洩之礙乃能實收兩省合辦之效惟吳淞江下段延袤六七十里必須一律挑挖所需工費甚鉅現已一面飭游湖局迅將溇港及塘東港并吳淞江下段分別勘估稟復伏乞札飭司關局庫極力籌濟務使蘇省下游水利得與上游鄰浙各港同時並舉以仰副諭旨一律疏暢有裨民田之至意再上海所設新舊兩閘海潮吐納最易停沙其逼溜所折之處悉成漲灘實於吳淞下游大有關礙所以前此挑濬未久卽又淤淺可否查案奏明將其拆去并乞憲裁施行 十月二十日恩錫應寶時又稟竊照興挑太湖溇港一案本司寶時於署藩司任內督飭各委員查勘復經本司等會商親至震澤縣鄰浙界首察看七十二溇長橋十八港測量吳江震澤相連南北八九十里之間湖水出運河各港身口門橋竇等期於概行疏通無礙浙省湖水出口之路又自元和崑山新陽青浦周歷湖蕩港汊百數十處分察水勢合觀地形必應挑挖吳淞江流出海之下段庶不以蘇省尾閘之壅遏致浙省胸腹之噎塞稟請籌辦各在案伏查太湖全勢浙省以溇港爲下口蘇省則以吳淞爲下口而以溇港爲上口溇港不通浙省首受其病溇港通而吳淞不通蘇省尤倍受其災現在開濬鄰浙溇港修建沿塘橋竇工費約需八九萬金其吳淞江自黃渡通潮下至出口六七里之內河底較邇上百餘里均高至五六尺以上一律挑挖所費較溇港橋竇各工恐須加倍然既不取惜鉅費而置鄰災於不恤亦何敢憚籌款而令成於自貽是以前此稟請籌挑吳淞下段時卽經添委候補知府厲守學潮等前往吳淞黃渡以下老閘以上逐段詳確估計一俟稟復卽擬趁此冬潮落之時趕緊興挑庶幾溇港既通吳淞亦暢蘇浙兩省共獲安全稍可仰副聖主軫念東南令兩

省同時舉辦一律疏暢有裨民田之至意惟所費浩繁伏乞俯賜察核通籌款項奏請動撥以濟緊要  
鉅工至上海新閘本屬虛設從未啓閉徒使入河之潮歸勢停緩所挾之沙節節留滯前升任撫憲陶  
曾以石閘有害無利奏請拆除本司等擬俟吳淞勘估稟到仍親往察度即彙入挑濬吳淞江案內一  
併估報合併聲明 續纂江蘇水利全案 蘇州府志載同治十年巡撫張之洞濬太湖濬港設水利局委署藩司應寶時總辦  
計濬吳江境內垂虹橋內外六港 上元圩港香煙橋三江橋沿塘夾河震澤境內樹港港薛埠港丁家港吳淞港張港葉港蔣家港  
雙板石家港西邵廟港徐楊港南盛港大廟港鴻漸港南仁港南舍港唐家港馬家港沈家港西港湖嘉港江震境內燒香河是年  
正月開工至十一年四月畢 共費銀二萬二千四百餘兩由蘇滬二局盤金項下撥節撥用濬吳淞江應寶時水利局事每頁從  
輕酌周歷水道或月一出或旬一出 必信宿於數百里中沿湖殆徧是役九月開工至十一年五月畢 共費銀十二萬五千一百餘  
兩亦由盤金項下撥用 松江府志載同治十年巡撫何璟檄候補府屬學潮督濬吳淞江案是役西工自黃渡至曹家渡長七  
千七十丈上海青浦嘉定崑山新陽太倉鎮洋七州縣分段承挑次年又續濬東工自曹家渡至新開大王廟前長二千丈派爲五  
分援照同治二年成案酌派華亭婁縣合挑一分川沙南匯合挑二分寶山獨挑一分上海加派承挑一分工價每土一方仍給錢  
三百文 青浦縣志載同治十一年署布政使應寶時委員劉步瀛會知縣錢寶傳葉庶昌開濬吳淞江七千七十丈分十四段青  
浦承挑二段計土四萬五千三百十二方零每日工夫挑土一方給工食九五扣錢三百文並不科派民間又開濬湖用庫平銀  
五千九百兩 上海縣志吳淞江金家灣石閘俗呼新開同治十一年廢  
是年漕縣走馬河秋漲決開農壇灣一百餘丈入新開河知縣柳委陳炳魁督民工乃率邑人鍾世選  
廖昌奎董治王永圻任其役修濬完工補官工所不及節江堰功小傳

是年荊州大水萬城瀕潰低處幾至漫漶拾築小堰陳湘圃守郡力疾往隄晝夜防護正危急間水落尺餘乃南岸斗湖隄決次日水復至則子堰已成矣傳聞是年水將漫隄危在呼吸有獻策於陳太守請決南隄以殺水勢者陳太守躊躇中夜歎曰南岸獨非吾民乎惟盡力築防而已至明水落尺餘而子堰以成查詢其故則南岸斗湖隄潰也陳太守旋以憂勞成疾遂致不起云 荊州萬城隄劉大人巷磯荆南道恭觀察勸諭沙市紳商修築荊州萬城堤志 江陵縣大水戴家場隄潰江陵縣志

是年德化縣復借官款作封郭隄歲修之費水雖氾而初公隄無害德化縣志

是年江蘇巡撫張之萬奏設水利局興修三吳水利民國私纂江蘇通志水工志稿 滄太湖漕港二十九

處共長一萬一千三十丈有奇正月始十一年三月竟布政司庫用蘇滬釐局撥存水利經費銀二萬一千三百九十一兩有奇機器船間斷開濬滌湖三十餘里正月始十一月竟布政司庫用水利經費銀五千八百九十九兩有奇總纂江蘇水利全案工役財用表 太湖全圖附說云太湖古號曰震澤曰具區凡以狀其滄

滄之廣也今暹環三郡地而江蘇省有其二東流分數道入海所逕州縣以十數計言吳中農政者宜莫不以爲大利而又竊竊焉以爲大憂然自明築五堰於溧陽以節金陸宜飲之水盡由分水銀林二堰趨無湖達大江而湖之受水已減其半尼爾有吳淞江又輔之以黃浦劉河名吳古三江實因不必議之總其出納之數與爲悉比氾濫之患不宜更見顧今所慮者湖濱之民與水爭地耳震澤志有之曰向時湖塘之外卽爲太湖今塘外浮漲成田近者一里遠者三里此言其在南濱者也又曰平沙灘湖心浮漲周圍可三十里許當湖水東趨之處前之種蒲荻葦蘆者皆爲種稻之地歲增浮漲謂之新平沙此言其在湖心者也又曰十八港樞紐湖心朝夕吞吐其東之沙日漲爲田者謂之新漲東南二湖俱成原隄則壤爲科亦以萬計城南高堰悉成民居此言其在東濱者

也今距修志時又百數十歲矣畦墾增闢突翅數倍東漲西勢雖有是言然考吳江震澤志田蕩之數則漲浮於舟自古已然萎蘆叢生且日以繁夫今之畦墾昔日皆爲菱蘆則今之菱蘆他日又皆爲畦墾境淤侵佔何所底止恐湖成中滿之病導源之流者又皆受扼吭之禍濼則內溢旱則外渴春歸歲勤庸能補患此則當然究古今之變思與理董之而未可以疏濬自多者也 重濬太湖濬港全圖附說云太湖之南岸爲港七十有二（一名七十二讀一名七十二港震澤志云七十九今日驗實八十一仍曰七十二者沿舊稱也）東岸爲港十有八皆隸震澤縣境七十二港濬西天目及杭州湖州衆山之水入太湖壅塞則水過於湖外而犯溢之憂在南境十八港同洩太湖之水由諸湖蕩分流入黃浦吳淞江壅塞則水閉於湖內而溢溢吞蝕之憂在西境湖何可治治濬港卽所以治湖兩役並舉無時重也濬之役十三港之役十八因勢利導各視其宜井所未濬一一圖之通塞之速障若黑白矣長橋在吳江縣治東又東之三江橋又東迤南之翁溇橋附近川港縱橫交貫或爲十八港轉輸或自導其區之流役雖已簡實在治濬港之先詳繼於圖重始事也

修建元和吳縣橋十有五三月始十二年七月成布政司庫用水利經費銀三萬六千六百三十八兩有奇重建元和吳江震澤水竇百一十五五月始十二年成布政司庫用水利經費銀五千二百五十五兩有奇修建吳江震澤橋三十七七月始十二年閏六月成布政司庫用水利經費銀三萬四千十八兩有奇 續纂江蘇水利全案工役財用表 重修元和吳縣吳江震澤橋賣圖附說

云蘇州水鄉也自唐刺史王仲舒隄松江爲路吳江之遠郡城乃不專恃舟楫宋元以來踵事特治易土爲石隄益堅整然擁遏湖水必規宣洩此橋賣之利所爲興隄相始終也隄起郡城古赤門訖吳江王江濶百餘里間橋以數十計（橋始於唐增多於宋元）賣以百數十計（賣始於元增多於國朝康熙間）兵燹後或崩或壞水道多阻失此不治隄障將爲湖病當務爲急不必智者皆能知之顧今昔情事之異亦有宜審者昔之時洪波浩瀾迫近隄下欲治橋費必兼治隄隄固而橋費通便無遺慮今則不然隄

外境邊田疇日闢湖流分導率成溼港農民倉漚煮之恒往往寒賣自利曾不數年已透其所脫遇盛漲僅恃各橋貫輸而無賣以旁殺其怒濤悍迅液必見滄澁然則治今日之橋費又不可無以善持其後者勢則然矣橋之役修治者七（吳江四震澤三）重建者百有三惟吳縣二橋在盤門外者四十五（震澤四吳江二十六元和十三吳縣二）費之役增置者九（吳江震澤）重建者百有三惟吳縣二橋在盤門外他皆難隄比屬聯綴者壁帶之銜金釘也 滄吳淞江起黃渡止新閘西長九千二十三丈十二廳州縣集夫十

月始十一年四月竟布政司庫用水利經費銀十一萬八千二百三十五兩有奇十二廳州縣共協貼錢十一萬六千二百四十一千上海縣知縣陳其元捐錢一千八百二十四千有奇機器船滄吳淞江黃渡新閘東西共長七百三十八丈十二月始明年九月竟布政司庫用水利經費六千三十三兩有奇續募江蘇水利全案工役財用表 吳淞江全圖附說云吳淞江受太湖之水迤吳江元和毗山新陽青浦嘉定上海七縣之地

（此但以所運者言受其利者不止七縣也）以達於海古稱經流東江婁江莫之與比今則爲黃浦屈矣夫黃浦之廣舊視吳淞不能及半自前明大濬後西南嘉湖及西北湖鹽諸水趨之益利遂增濬草雖視各濱吳淞則長橋之源涓涓將絕第怪瓜渚一港與爲貨輸其引而東也港汊旁擊復繁有所此即尾閘不見奪於黃浦其力已不足攻海潮日積之沙使不留滯豈況強弱爭歸壑因處不勝之勢哉然則治之奈何曰亦策使強而已矣 決長橋內外諸港之擁遏疏濬使深潮流東趨者分其勢導之北注如此則源以盛而強周履江行所運橫浦紆滬多引潤注外洩巨港量置開堰旱潦一啓他時常閉如是則流不分而強梵王澆以東夷居舛互者日皆川軌也即未能運復舊觀見露枯宜悉開除毋使再佔其橋梁植木根流滯淤者亦宜禁約不得踵增如是則委以暢而強治之之術亦有三江勢盤折停淤最易擇其已甚改曲爲直（莊文恭常主是說所謂三江水利最重切灘是也）庶免填遏日狹之患一也水性就下惟順斯駛潛深之數下流宜以次遞漸遂其趨欲攻沙乃易爲力二也（古松江七十二澗遂澗邊低

一尺蓋就大勢言悟此可與言理水矣。江浦交會之所形若丁字黃浦自西南而東北其勢順吳淞西來黃浦橫流適封其外其勢阻於南岸築立石壩鏡隅斜指磯浦江使近北岸江水循壩直趨中流匯與黃浦分道入海勢均者其力自敵三也雖然言之非舉行之難難苟非其人寧不慮理其方敗於庸醫或反持以爲方藥皆亦君子所深惡也。重濬吳淞江圖附說云吳淞江自黃浦千秋橋起至新閘西大王廟止長九千餘丈此次重濬之川軌也源流泉治而下游工繁繁者則以尾閘審於黃浦之故夫黃浦強而吳淞弱欲既緩力難攻沙海潮內輪停淤彌易疏濬難勤亦旋見梗塞耳今欲除斜港之流不入黃浦併使東注以強吳淞之勢與黃浦敵既有未能重以津商醫集馬路廣開淤漚偶見旋成閘閘川渠日險橋梁遂多所以爲吳淞病者又非止小極之患然則治今日之吳淞其無從策永遠者豈惟細於財力實亦人寧有窮矣是役也鳩十二州縣之力衆凡數萬人五閱月始竟詳圖屑以著與作之不易云

同治十一年春知武昌府方大澍重修四縣公隄逾年作記 記曰皇上御極之五年予權荊州以謂鄂之利害莫甚於水窮諏博考得治隄肯綮而條約之試有效越五年來守武昌則議爲荊州所爲有難者曰曷隄乎武昌郡屬爲隄五今之衝刷塌圯者昨所稱完固堅實者也相去幾何時然而煩費甚矣予唯唯否否謁大府具陳隄可恃狀於是始事於民所號府隄者大江循嘉魚縣境迤邐若曳若帶以下繫江夏而隄並之隄在江夏境者爲江夏隄其上爲府隄再上爲成甯隄又上爲蒲圻隄又上爲嘉魚隄實皆在嘉境而各以任修之縣爲名府隄四縣共任之是爲四縣公隄而今稱府隄蓋公隄歲修例集四邑之民力民力既罄於所私縣隄公隄卽垂壞環視而愕眙卒無如何府太守或事焉民樂其然而遂府之也歸隄於府民之窳委隄於水官之窳予則何敢乃遵員惟廉與能擇其佐惟樸與勤鈐

役督夫惟吾約是程影竿既立取土於隄十丈之外淨土於沙澗土於水揀土於枯荻碎石而予時往按視隄人耳吾口目吾指手足吾心遵吾約惟恐不盡累土以待礮其積必毋厚礮焉卒減其厚之三分土由浮而實故由厚而薄也土欲屑而毋塊屑者密以黏塊者疏以梗黏內凝梗中滲也土之堅以礮礮必百斤抗焉而翔墜焉而衝著土如冒之合邸中實而四周其稜築土以爲方方與方相聯必膠其合而使如一方隄成而繩之以砥其窪上而虧旁也行以圓木砥其轉否以知崇綱之均也原隄袤二千七百餘丈列號四曰金曰城曰同曰樂率皆庫以薄潰口五陷而深潭穢而平地者所塞築互一百八十餘丈塌坍不中修者舍其墳墓而別爲月隄互五百餘丈增高培厚則盡隄之長而止勸官錢以千計者二萬一千九百耳隄成之三年四邑之民慶安澗走郡請予文子嘉在事者之克勝任以弛吾責因爲識約略於此督修候補知州李朝監修候補從九王先立蔣桐張樂會傳祿候補巡檢湯鍾南也隄始工同治十年十二月而訖於明年五月其時江漲盛突成甯隄而下撼風濤衝激夾隄兩月而屹立無恙彼謂隄不可恃者果隄之不可恃耶嘉魚縣志

九月湖北布政司嚴催沔陽州羅牧速將小澤口河內私築楊林洲土壩全行平毀札 案查上年四月內據署天門縣諸令稟請飭禁沔民在楊林洲創築土壩一案奉兩院批司轉飭該州會同天門縣馳往確勘押令平毀具報嗣於五月內據該州稟覆西東北三鄉隄塍節被水災漫潰殘缺垵民流離擬在楊林洲暫築土壩四成小水藉可堵禦大水仍於河道無阻稟奉批准在案茲奉飭平毀遵札會勘勒催首事趕緊疏河平毀奉院批司飭委試用知縣上官振勳前往會勘毋任兩邑紳首各執私見

致滋事端旋據委員上官會同天門縣稟覆可否姑念河民連年水災准其秋收後徹飭羅牧全行平毀以復襄河故道並取河紳李修德等秋後願毀甘結通稟奉批轉飭遵照復因未據稟報平毀又奉兩院憲札催本年三月復據天門縣稟請嚴催以免整鄰又經嚴飭該州押令該處民人速將土壩全行平毀儘再抗延卽行查拏倡首之人從重懲辦並於四月內據該州職員夏倚松等以楊林洲地方卽州誌所載旗鼓隄今該處所築土壩卽旗鼓復修等情呈奉撫憲批示該處所築土壩前經委員勘明不合平毀勢必阻礙水行彼時姑念水勢甚濶取具印結代求秋後平毀稟經批准在案該紳民並不依限平毀巧捏修復旗鼓隄名目飾詞妄瀆大屬非是批司速飭該州督催趕緊平毀具報並據天門鍾祥二縣紳民先後赴督憲呈請委員帶勇押毀等情又經批司飭催該州趕緊押令創毀如仍抗違卽將倡首之人嚴拏重辦儘須水師彈壓亦卽據實稟請酌撥等因各在案現在該處土壩究竟已未平毀杳無文報實屬玩延台再專札由五百里排遞飛催札到該州立遵叠檄押令該處民人速將私築土壩全行平毀通報查考儘再觀望抗延卽將倡首之人嚴拏到案從重究辦如須水師彈壓亦卽據實稟請酌撥事關水利民瘼毋再任延致干參咎謹臚成案

十一月初九日太倉直隸州知州吳承潞稟 竊卑州境七浦河道稟請撥款開挑一案前奉憲臺批開該河應挑底面若干寬深仰再確實分晰開陳所稱同治五年開濬僅止水深五尺此次必得以七尺爲限何以五尺之下加深二尺卽能保其經久亦卽究晰形勢確實指陳至本局並無酌留釐金協濟地方河工之案來稟所稱動用藩庫正款之案應逕稟藩司衙門查案察核示遵等因當經稟奉藩



憲批飭遵照前札復勘明確據實稟候核奪至原稟所稱奏定七鴉浦及劉家港動用正款並即照錄原卷送司察核等因奉此卑職伏思三吳水利近凡太湖漢港以及下流宣洩之口均蒙撥款疏濬卑境七浦幹河與婁江相輔其爲入海大口及目前淤淺情形均在洞鑿之中卑職奉批後遵又會董勸量該河上游爲沙溪塗松等鎮市河離海較遠現在河面寬有十丈餘至七八丈不等水深一丈許至六七尺不等清水暢行無虞阻塞迤東至老閘鎮河面僅寬三丈餘水深不過二尺許即從該處西市稍丁德田頭起釘立信椿分段測量至種田橋西周英田頭止共長四千四百丈潮落之時最淺者僅一尺許最深之處不及五尺自二尺至三尺者居十分之五六水面最狹者不及二丈最寬之處約四丈有奇岸高河面四尺六寸至一丈餘不等口寬五丈餘至八丈不等再東至海口七百餘丈水面約寬五六丈底深五六七尺不等尙無壅遏之患間有淺處撈挖亦易此通河之現在情形也查同治五年開濬建築西壩在老閘鎮之東濬深僅止五尺下游河底高於上游清水失奔注之勢而海潮之挾沙而入者轉成留滯故迄今僅五六年卽形淤塞並舊西壩迤西二百餘丈亦僅存二尺之水此從下而上阻及咽喉之明驗現擬估挑口寬七丈至九丈餘不等面寬四丈八尺底寬二丈連水面一律濬深七尺使與上游河底相平庶潮汐往來暢達而上流清水率其就下之性亦可轉弱爲強力與海水相拒當不致旋開旋塞惟兩岸灘灣現擬一律挑切核計土方較多俟築壩水定後覆勘準確再行造送細冊謹先繪具圖說附呈是否有當伏候鈞裁至所需經費卑職前稟所稱從前分別官民挑濬有案係查志書所載乾隆二年奏定太倉州七鴉浦專係宣洩太湖巴城陽城諸河之水遇有淤塞應動

藩庫釐費修濬等云與劉家港事同一律卑境河工向本分別官民開挑由民挑者業食佃力由官挑者籌款給價該河現既亟須開濬而卑州濱海地瘠又苦無款可籌故徇紳民之請輒據志書所言率爾上陳深知冒昧現惟仰求籌撥款項俯賜委員下州會同覆估開挑農商感戴實無既極

續纂江蘇水利全案

十二月二十日督辦蘇屬水利工程署江蘇布政使司按察使應寶時記名道江清驥詳督撫文云竊本年十二月十九日據上海縣董事候選訓導唐錫榮川沙廳董事候選訓導潘鏊太倉州董事候選訓導繆朝荃崑山縣董事候選訓導蔣泰成新陽縣董事福建試用縣丞薛廷楨華亭縣董事候選訓導徐林婁縣董事候選訓導龔源達青浦縣董事候選教諭蔡增光南匯縣董事附貢生喬鼎勳鎮洋縣董事廩貢生聞福圻嘉定縣董事舉人楊恆福寶山縣董事候選訓導劉文浩等聯名稟稱竊照吳淞江河道有關蘇浙兩省之水利實爲太湖巨浸之尾閘自前明以來言吳中水利者如周文襄夏忠靖諸公靡不實力講求馨香俎豆至我國朝大一區宇涵育羣靈重念東南財賦之邦食德服疇尤以此爲先務之急如近數十年來陶文毅林文忠諸大憲亦時復爲民請命發帑濬修比及同治二年升任宮保爵撫憲李駐師滬濱其時兵燹之餘人民凋敝然一開治河之役無不擔葢荷鍤踴躍興工誠以杭嘉湖蘇松太六郡大利大害之所在雖鄉曲愚民亦知不分畛域而同關休戚也上年冬季仰荷各大憲軫念民生奏奉諭旨令蘇浙兩省同時舉辦而吳淞則派由上海等十二廳州縣按田雇夫並蒙俯念民力之艱難各處河工經費悉由庫款動發用是加濬深闊自太湖漶以至吳淞經流出海之

路無不一律疏通其時董等奉總辦委員派令監工日與各段委員常川奔走自念分所當盡固不敢稍有畏難獨念各夫役等夙夜在公劬勞況瘁以七十餘里之地段迫於百二十日之限期雖極之足賦手胼而卒不聞有怨言者蓋深知各大憲勤修水利無非爲我農商從此旱潦有資自可一勞永逸也現查吳淞江出口之路被洋人就南岸填作花園基地因於兩岸起駁石壩跨造木橋並風聞前造鐵橋因河面較闊難以成功因擬自老閘至浦口將四里有餘河面一律填砌收束至二十丈餘使前造未成之鐵橋可以移建江口等語伏查吳淞江河道從前河面寬闊本有五六十丈之多此時年久就壘已漸窄至二三十丈不等然新閘以外究屬較爲寬深若以三四十丈之河收束至二十丈餘凡屬進口行船固恐易遭衝擊而咽喉阻塞上游千數百里農田皆有下壅上溢之災其害何可勝言董等竊思中外通商歷有年所如果在租界以內爲條約所不禁者原可聽其自便若吳淞江河道實與外國租界絕不相調例以本地鄉民侵佔官塘尙有應得之罪況以三百餘里之通津費數十萬緡之鉅款爲千百萬農田蓄洩之資而壞於三四里之河面誠恐兩省農民商旅共懷不平萬一怨讟忿興羣情洶洶竟將該處石岸橋梁全行拆毀彼時衆怨難犯勢致釀成釁端似於中外和好情形多所窒礙董等實爲大局起見用敢不揣冒昧縷晰稟陳仰祈俯賜咨商上海道憲查明外國租地照會領事務將現砌石岸及前造鐵橋一律拆除復還原舊河道以通水利而順輿情六郡生靈同深感戴

江蘇水利全案

是年四川總督吳棠修都江堰都江堰自嘉慶以來蔣攸銛議加工於前崇實加工修理於後其財政

時虞支絀至是大起堰工每年或加銀六七千兩或累至萬餘兩不等棠通前後以制用始將加工之費著爲常例司堰務者每歲竭心力爲之亦無掣其肘者矣成都用水十四州縣至今賴之都江堰工小傳 按縣志作同治末年查民國無錫嚴懲功著清代徵獻類編載四川總督吳棠同治十年任光緒元年十二月免今細詳都江堰功小傳水條文義似修整不止一年姑附於此

是年灌縣人民請免繳灘派加工銀粟 竊邑都江大小官河爲十四屬水利之源去歲水利會主請加河工銀五千二百餘兩蒙各憲軫念民瘼准撥科場款項發領支用工竣開水而後各州縣計畝灘派邑應解繳銀六百兩所以填庫款而均民力也第邑境半山水土甚磽瘠同治五年六年以來江漲沙溝河黑石河羊馬河漂沒良田四萬餘畝蒙各憲札飭前任楊主錢主兩次設法撫卹去臘又飭籌辦外江民工凡十一處今春次第完竣共費銀七千餘兩五月初旬恩臺復飭搶挖新河當二百餘丈用銀二百四十餘兩沿河徧爲勸捐民力備形拮据及秋山雨連綿江水泛漲邑內南北諸渠各處多有淤塞漂刷惟內江走馬河水至農壇下游上因岸折下爲堰逼勢更湍悍異常遂至橫決一百餘丈滾入新開河壞田一千餘畝恩臺現在一面稟請委勘一面傳集紳糧估計約費銀二千餘兩修濬始克完工可補官工所不及查走馬河下分五斗河羊子河徐堰河油子河係成華溫郫崇雙之灌漑及去歲所辦沙溝河黑石河羊馬河等工下分白江河龍安河楊柳河亦係崇新溫雙之灌漑上游必杜其沖決下游始免夫旱乾是邑之籌興民工有關各縣農田者匪淺也伏念數年之間疊遭蕩析一歲之內屢次修淘兩河赤子元氣未復瘡痍倍增恐財力有所不支而旱澇必病交至是以協懇恩

臺通稟各憲將灘派加工銀兩額懇豁免略爲瀧派用水各縣則各縣毫末之助遂足濟夫灌邑而灌邑隄岸之修實兼利夫各縣庶勞逸得均而水旱無虞矣灌志文徵

是年潛江縣深河潭隄潰水繞城日夜防險續修潛江縣志

是年湘陰縣水湘陰縣圖志

是年湖口縣大水湖口縣志

是年潛昭文徐六涇起梅李鎮止范孝思基長四千七百四十四丈通縣集夫二月始三月竟布政司庫借用銀一萬三千六百十三兩有奇由江陰無錫金匱長洲元和常熟昭文七縣攤徵解還續纂江蘇水利全案工役財用表 重潛昭文徐六涇圖說云（舊作徐六涇明張國維水利全書圖最詳細此涇不載而有徐公涇疑六爲

公字之譌）在昭文縣東境北通海始潛無考詳邑志當勝國時論小涇耳內有田家壩運潮不入康熙三十年塌決驚濤排突途

成巨川西至梅李二十餘里間支港日淤耕壤日瘠凡壞其田數十萬畝其時白蕪許浦或皆梗澀衆流趨欲轉恃此爲尾閘故後

來議疏濬者亦率以幹河目之邑人陶貞一以爲其地下於白蕪若塞白蕪港口導其水由此涇入海有三便利而張大受之言則

又謂他浦宣暢此涇有可塞者四兩說互較莫衷一是然此涇名與白蕪相表裏實則視許浦爲盛衰蓋距許浦曾不數里委判而

原則同分流莫能兩強弱者先塞乾隆間許浦復圖此涇遂淤（詳王應奎圖白蕪議）是其明證勞耜博考似張說優矣是役重

違民意然時方規鑿白蕪開闢而許浦之流又微因勢利導亦自有弗可緩者 潛太倉七浦起老閘鎮止種田橋長四

千六百四十二丈有奇十二月始十二年三月竟布政司庫用水利經費銀二萬五千八百二十九兩

有奇續纂江蘇水利全案工役財用表 重潛太倉七浦圖說云七浦在常熟昭文二縣之東南北通白蕪西引昆城湖之水

白山涇口起東南入新陽界之毛沙塘又東逕州界之吳塘又東鹽鐵塘東逕橫澗又東清頭塘又東逕糜場涇又東逕八尺河又東合花蒲入於海陳善絃錄謂范文正公實始濬之考歷代疏治之役惟太倉爲獨多以處下游近海故也舊有閘去海口一千五百餘丈道光十六年重濬時築壩閘外後竟遂留以阻潮沙清流停滯頗利灌溉二十九年西鄉民盜決之壩廢而閘亦不閉嗣然之觀復見濬於泥沙成壘同一濬同治五年再濬曾不就稔尾閘之填淤高於上游且四五尺然則治水而不計及閘堰與不治等遠識之君子所爲斷斷也

議修昭文縣白茆閘不果估築閘北攔河土壩大壩一道長十丈許開閘東舊越河長九十六丈越河北口亦築土壩鐵蓋江蘇水利全案

# 再續行水金鑑卷第十三

江水編年十三

同治十二年七月初九日督辦蘇屬水利工程江蘇布政使恩錫江蘇按察使應寶時蘇松太道沈秉成詳督撫文云奉憲臺批候補知府厲守學潮會同委辦租界幫審委員陳承福勸署上海縣葉令廷眷稟會勘吳淞江口門現經商酌核辦繪圖呈請示遵由奉批仰蘇屬水利工程局會同蘇松太道確查核議詳復飭遵仍候撫部院批示繳圖存又奉撫憲張批開據稟有無窒礙仰蘇松太道核明詳復飭遵仍候督部堂批示繳圖存各等因奉此伏查厲守等原稟內開與英副領事逐細察看吳淞江迤西至新閘爲止水程約計五里江口較寬西商擬築駁岸若過形收窄必致宜洩不暢下淤上溢江口河面三十餘丈下多漲土潮落時水面不寬目前挖去灘沙用條石砌岸使兩岸之灘土無從復漲口面略加收束則水勢急溜上游清水下注可以刷盡淤沙此卽借淮刷黃之成規以三百餘里之清水直瀉出二十餘丈之口門潮來自當爭道口門旣束潮性無從施展必不敵清水之源遠流長現令將新閘老閘等處河面凡原在十七八丈左右者概開至二十丈之寬其口門所議二十丈者仍須酌量加寬不得竟以二十丈爲限其南自洋涇濱北至虹口港一帶如須一併起駁概限於舊有碼頭之內築成月牙形式俾水勢不致擊衝至前次口門擬造鐵橋議作罷論現於口內原造鐵橋之處改造木橋仍應另擇穩妥處所開挖大漾一條爲停泊行船之用似此持平辦理於水利農商尙無窒礙口內前

造浮橋中間橋面離水過低應於造橋時將橋面升高三尺等情本司等伏查此案前據上海董事候選訓導唐錫榮等以吳淞江河道有關蘇浙兩省水利現查出口之路洋人就南岸填地於兩岸起駁石壩跨造木橋並將自老閘至浦口河面一律填砌收束至二十丈餘使鐵橋可以移建江口然河道阻塞上游農田皆有下壅下溢之災等語當因該董等所稟如果屬實殊於江浙兩省農田水利均有關礙由局詳奉前憲臺札道查明妥辦並奉撫憲批道確查妥議等因奉經由道札委陳丞福勳會同上海縣果勘旋據復稱已將該董所稟大略情形告知英領事據云若謂有礙水利西商豈肯不惜經費爲之如果不築駁岸其浦岸淺灘必致愈漲愈出卽如大橋之南岸轉角可爲明證現在西商請築駁岸原欲流通河道起見岸高則水急勢可直趨中外皆同今各董均以此舉與農田民生皆有下壅上溢之患不妨指勘盡善再爲舉行請由局專派熟悉水利之員會同查勘應如何辦理之處再行定奪稟請核示到道又經咨局札委厲守來滬會勘並准英領事將英工部局繪圖送道轉發縣委各員確查在案今厲守等按圖會勘稟復前情如果江口收窄砌築石岸使清水急流漲沙冲刷則與水利農商似尙有益無礙可否俯如厲守等所稟照會英領事飭遵之處理台會同四品卿銜何中書聯銜詳復仰祈憲臺俯賜察核批示祇遵 兩江總督部堂李批如詳飭遵仍候撫部院批示繳 江蘇巡撫部院張批此案既據該局道等會同覆核無異自屬可行仍候通商大臣督部堂批示繳 續纂江蘇水利全案

八月十三日江蘇巡撫張樹聲奏爲遵旨疏濬蘇省太湖等處河港並修建橋梁水竇各工一律告竣



事竊照前奉寄諭江浙漫港關繫水利著曾國藩張之萬迅卽派員查勘吳江縣長橋及太湖出水各口設法疏通與浙江同時並舉以期一律疏暢有裨民田等因欽此當經前督撫臣欽遵設局委令署蘇藩司臬司應寶時會同總辦蘇省牙釐局內閣中書何慎脩專司其事所有派員籌辦勘驗情形均經張之萬先後奏明在案查太湖爲蘇浙兩省巨浸在浙惟疏導各水以入於湖卽可無虞漫溢在蘇則必使入湖之水分出各港暢流達海方不致下壅上溢以病蘇者病浙事雖同舉工費倍多卽經督飭水利局員統籌上下游全局循幹達支悉心規畫至湖水匯注之吳淞劉河白茆諸處爲三江水利之樞紐何處壅遏應與開寬何處淤淺應與深濬此外瀕湖穿運沿塘橋梁水竇關係農田運道均須分別緩急次第興工江蘇本爲澤國各州縣支河汶港甚多皆與正工脈絡相通勢難一一代爲挑濬應飭各地方官察看情形自行設法籌辦以收全益茲據蘇州布政使恩錫江蘇按察使應寶時會詳勘得震澤縣境之七十二港緊承浙省來源爲蘇省太湖首宜宣導之處各港通塞不一內惟胡漢薛埠港丁家港吳漢張港葉港蔣家港雙板石橋港西邱廟港徐楊港南盛港大廟港鴻雁港等十三港最爲淤淺又震澤縣境之十八港爲太湖腹脇出水要道除吳家南洩中洩陸家四港現經通暢梅里石里等港量加撈挖外計應挑南仁唐家馬家西港湖墓等五港又吳江縣境之長橋內外橫直六港及上元圩港沿塘夾河並吳江震澤境內之燒香河均多湮塞此瀕湖各港之亟應擇要挑濬者由此進東則溇湖吳淞江上承各湖蕩之水以入黃浦爲分洩湖水之要道溇湖自東湖進口之關路港起至小蠟圩港止吳淞自西口起至黃浦以上止淤淺甚多該二處河面極寬無從築壩當用機器撈挖

其吳淞江黃渡以東至曹家渡迤西六十里河身淤墊高於上游從前旋開旋淤實因曹家渡迤東上海新闢迤西十餘里爲吳淞入黃浦之下口河底尤形高仰必須一律加挑下游庶能暢駛又太倉州境之七浦河道長五十餘里西洩太湖巴城陽城諸湖之水東出七鴉口以入於海同治五年曾經地方開濬迄今數載潮汐往來沙泥停積日形淤淺又昭文縣境徐六涇河與洩湖之白茆河相爲表裏河身淤塞幾成平陸均應開濬深通此太湖下游宜洩水口以及出海河道之亟應擇要挑濬者至緣湖沿塘運河各岸橋竇均爲通洩湖水要口如江震元和境內大小橋梁五十餘座沿塘環平水竇一百餘座又蘇省盤門外之吳門橋爲胥江湖尾匯入運河之路溧陽縣境之南渡橋爲東壩以下諸水匯入太湖之咽喉皆因歷年久遠及兵燹殘毀坍塌積阻塞水道以及無錫縣境內沿塘坍塌橋梁二十三座均應分別濬清拆修重建以資鞏固而利宜洩以上各工由該司等督同委員董事擇節估計陸續興辦現已一律完竣均係如式寬深工堅料實並無草率偷減各屬自行籌辦之處據報隨時疏濬以佐正工所未及亦已到處深通所用經費計太湖漚港等工共用銀二萬二千四百餘兩泖湖黃渡機器濬挖工程共用銀一萬二千餘兩吳淞江工程共用銀十二萬五千一百餘兩七浦河工共用銀二萬六千三百餘兩徐六涇河工共用銀一萬三千八百餘兩橋竇各工共用銀九萬五千二百餘兩總計共用過銀二十九萬五千餘兩悉照原估數目核實撙節毫無浮濫除徐六涇河工用款係由藩庫墊發歸入白茆河工經費案內照章分派得沾水利各州縣攤捐歸款外其餘均以蘇淞二釐局釐捐銀兩通籌濟用並未動支正項錢糧應請邀免造冊報銷在事出力各員董擬請擇尤量予獎

勵以酬勞勳等情由司會詳請奏前來臣伏查此次興辦太湖等處河港暨橋竇各工地段綿長工程浩大自開辦至今未及三年全工告蒞蘇浙兩省農田運道從茲宣洩有資洵足以下利民生上紓宸顧應需工費均在釐金項下撙節撥用並未動支庫款合無仰懇天恩俯准免予造冊報銷至承辦工員臬司應寶時始終一手經理實心任事勞勳倍常惟係現任大員不敢仰邀議叙此外在事各員董及同時開濬支河各縣莫不殫力奉公迅速集事均屬著有微勞可否容臣擇其尤爲出力者奏請獎叙出力稍次者由外酌獎以示鼓勵之處伏候諭旨遵行所有太湖水利一律報竣緣由謹會同兩江總督臣李宗義恭摺具陳 奉硃批著照所請該部知道欽此

欽此 吳江縣續志載

應寶時瓜涇橋記曰太湖之水皆由西北橫穿運河以東南注於海經流之大者爲吳淞江其首受湖水在吳江縣縣之所由名也地最窪湖尾之北出胥口入運者又自東北分注運河與運河南來之水匯匯而東南趨之港曰分水港港西受瓜涇橋出河之水合運河南北之流三漲以入而名曰分水水者因墩而名之也天下之合水以合其分而不先分則無以爲合衆水以入一港其勢不能不互有強弱此強而駛則彼弱而阻必有受其患者矣昔之渡是河者留爲墩以避港口使水之未入港者不驟合而得順其激流之性及其合也則已入於港而流愈迅此港所以必有墩墩所爲以分水名其功用亦因被於港以見水不分則港亦終幾於廢矣禹於河下流分爲九而後合之作者其或師此意也乎情入港數里後水又由斜港入蠡山湖以達黃浦不能專注吳淞吳淞東北諸水亦多貫吳淞而南流入黃浦黃浦日盛吳淞日衰青婁濼濼太昭臺濼則吳淞下流及東方諸渠之不治非斯港所能爲力者也歲庚午大府於朝命修三吳水利傳寶時次第其事舉湖之濼港河之橋竇隄岸與七浦徐六涇諸河濬之築之修之作之復大濬吳淞以竟治湖之業迨癸酉瓜涇橋成乃刻石此墩竈計所見於前人之意者如此使後之覽者知吳淞所以導洩太湖者

於茲港始茲港所以合受三派而無強弱爭軋以得暢入者茲墩分水之所爲也因覆石以亭俾無速泐夫登爲北呀 胥濱南隄松陵西望龍威馬蹟攬湖山欽帆樯流連光景之地云爾哉同治十二年七月既望江蘇按察使司應寶時記

是月湖北布政使林飭毀私垸札 八月初四日奉撫部院郭批據江陵縣職員熊廷前監生宋文炳生員黃德楨沈英烈呈稱竊荊州大隄爲通省咽喉石邑河道爲洞庭門戶防水患宜先顧荆隄疏江流宜先禁私挽乾隆年間蕭姓寄金洲阻流奉旨抄沒道光年間奉上諭洲路似隄形者著地方官創毀咸豐年間府憲憲官示禁私挽軍法處治嗣各大憲札禁有案近自江陵新淤白沙等洲及石邑蕭梓澗一帶多挽私隄經前府憲方押毀淨盡乃石首縣東北忽被李申琨等沿江陡挽私隄綿亙四五十里挺立江心抵窄江流夏泛則逼水逆湧荆隄勢爲莫當職等於同治七年以違例違案私挽阻流等情叩府叩道均沐批委下石不知現等若何弊朦仍不創毀尤敢倍築高厚並煽惑各垸首歛費數萬金控同石邑慣行舞弊之衙蠹石宏太賄通上下一氣以致案閣多年終屬虛文隄分兩岸盡蹈故轍則私隄竟等磐石之安而荆隄反深魚鼈之患矣職等共仰鴻恩敢存一己私見爲此抄粘俯叩作主懇飭委勘毀私隄則荆隄固辦創修則衆弊銷萬民頂祝等情奉批仰布政司飭府委員查勘石邑沿江一帶如果違禁挽築私隄卽行押毀具報毋任遠延貽害切切繪圖粘抄併發等因查該縣濱江一帶每多挽築私隄以致有礙江流久經專札嚴禁並令於水涸後逐細勘明何處有礙應毀何處無礙應存分別造具應存應毀各垸田地若干完納課則册結通費繼復不次札催迄未勘覆茲奉前批合就札飭該府卽便遵照遵委委員前往石邑會同該令查勘沿江一帶如果違禁挽築私隄阻礙江

流卽行押毀具報如刁紳劣監從中把持阻撓務卽拿案詳辦事關水利民瘼毋任遠延貽害荊州萬城誌

十月十四日湖北巡撫郭柏蔭奏爲荊江三汛安瀾萬城大隄防護穩固事茲據荆宜施道孫家穀荊州府知府倪文蔚等稟稱本年自夏徂秋荆江沮漳諸水消長靡定盛漲之時高過楊林州磯頂八九尺不等官民兩工隄脚全沒水中時歷數月之久兼之大雨時行風浪洗刷各工險要迭出經該道督同在工員弁無分兩夜實力搶護幸得化險爲平現屆霜清水漸消退全隄悉臻穩固共慶安瀾等情前來仍飭實力巡防並俟水落歸槽再將官民各工詳細履勘擇其應行補修之處乘此冬晴水涸循例派工興修以禦來年汛漲謹會同督臣李瀚章具奏京報及申報

是年荊州府知府倪文蔚加高萬城隄楊林磯土壩五尺明年接出石磯嘴五尺荊州萬城隄誌 志井

載倪文蔚稟云竊惟荊州萬城大隄濱臨江河綿長二百餘里當岷江之要衝爲下游之保障關係匪輕每年霜清水落通隄勘估歲終以資擇審查修築陸垆宜於冬晴之際人力既暇土性亦凝方期堅實惟所派土費向章次年開募後督徵春夏始能辦罷故歷開冬工僅能擇要興修其次各工來春陸續接辦均於夏汛一律報竣皆緣巨款難籌不得不通融辦理也卑府覆看官民各隄雖尙寬厚堅固第江心淤墊日高隄身日見其低而夏秋盛漲水距隄巔實不過一二尺風搖浪撼岌岌可危若非旋濬旋消卽有漫滅之懼自應思患預防擬就本年水勢通隄低處酌加三四尺不等所有修培隄脚寬放坦坡補築礮滿歲修土石各工一俟巡憲回轅隨同勘估造冊詳報之後卽於十月內全行開工募夫趕築務期春汛以前一律完竣以仰副大人軫念生民之至意惟是開辦冬工需費甚鉅卑府署中並無閒款可籌若全向錢店挪移萬難應手必至停工待費掣肘堪虞卑府前請撥還辦姓抄產變

價之款籌備工程要需仰蒙院憲批飭藩司會同軍需總局核議此款擬俟善後存款充裕再行酌量籌還該陸如出險工應仍由該府勸明實需經費若干詳請暫於附近釐金項下提撥等因詳奉院憲批允在案今查全隄土石各工歲修經費向有定數應俟巡憲回轅後逐段估勘再行詳報惟現開冬工約略估計土價一項先需錢四萬串擬請於附近釐金局如數借撥以濟要需俟本年三月內徵獲土費即行陸續解還一轉移間隨工受益無窮億萬生靈感戴鴻慈無既矣 兩湖總督李札據荊州府倪守稟請就近借撥釐金四萬串興修萬城大隄冬工俟來春徵土陸續還款等情前來除批據稟擬將萬城大隄低處工段一律修培具見慎重工惟本部堂訪聞所徵土費如果撥節動用足有盈餘歷年以來因經理不善鮮有存款該守請率核實以後務將徵收土費清理整頓冀有存貯而濟公用否則一有要工即希借用釐金尙復成何事體本年歲修各工趕早加修高固姑念該守未雨綢繆尙屬急公准暫借撥釐金錢二萬串具領興修明春在於所徵土費內徵解還款其不敷錢文應由該府自行設法籌措未便盡借釐款也仰即遵照辦理趕緊興修仍將興工日期稟報查核

是年黃毓奎署灌縣知縣適大水汎溢新渡口西岸上下衝沒田廬無算毓奎惻然憫之親爲勸捐修築岷江隄在縣西南十五里朝夕巡視犯霜踐露與工役人等疲筋力於波濤囁嚅中未幾大功告竣計長一千餘丈部江賑功小傳 灌縣志載費五千餘金

是年湘陰縣水澗陰縣圖志 龍陽縣知縣黃教銘詣勘隄勝飭諭各障通體補築加高二尺培厚五尺王家堰險隄加石磯劉十八崩塌砌以亂石濱沉諸險堅石貫之概用三沙錘築內固隄身外防衝塌次第修築水不爲患龍門縣志

是年拆修江西省九江府護城石牆清會典事例

是年無爲州知州尹沛清以泥沒柵港二口江流倒灌築壩堵塞嗣近山洪洩滯議建閘不果民國安徽通志水工稿引蕪州府志

是年築昭文白茆港土壩開越河九十六丈十二月竟布政司庫用白茆河工經費銀二千七百兩續纂江蘇水利全案工役財用表 全案又載同治十一年五月江蘇藩司衙門咨督辦蘇屬水利工程總局文略云照得劉河七浦

白茆諸河現經水署司周歷閱看於海口設閘一節尤爲深信不疑而閘之不可無故啓閉更宜定一經久之法查劉河係同治五年開濬平水濬深九尺七尺不等今則水深一如初濬之時七浦係同治四年開濬平水濬深五尺今則極淺之處有僅止一尺四五寸者白茆係同治九年開濬平水濬深八尺今則極淺之處有僅止五尺者推原其故蓋劉河有閘七浦無閘白茆則有新建之閘而土人營圖便捷不肯常閉也茲飭橋工委員李令等刊勒石碑二塊永禁船隻出入非遇水旱不准無故開關免致河身淤淺

又載同治十一年十一月候補直隸州知州孫元超稟勸得白茆閘即蕪常關該關金門三孔中孔口寬一丈二尺旁兩孔各口寬一丈上迎水各斜長五丈五尺由身各直長一丈四尺下分水各斜長五丈五尺礮心二座上迎水各斜長一丈七尺由身各直長一丈四尺下分水各斜長一丈七尺各寬一丈八尺兩牆被湖衝激皆有裂縫串水之處而東面閘牆下分水設裂最甚且該處河勢急濤回濤關注後湖底下分水業已傾倒鑿陷離位中間一段墊塌脫橋牆身以後串水內土間有坐墊下面墊有深塘洶之董事云稱鑿垣牆其礮心兩座東面礮心已見聲動西面礮心傾側尤甚兩牆礮心底樁多有下陷開底金門上下皆有衝跌塘石塊溜激掀動裂縫既損磚木冒起漂漲雜資啓閉亟應拆卸重建此開座衝損之大概情形也 又載同治十二年二月初知府羅繩祖稟竊卑府於正月二十八日奉憲札以昭文縣境白茆開座被湖衝損亟須重修應將開旁原有越河先爲量加挑深以備水旱足資蓄洩再將閘下及越河口口墊壩攔截使運潮不致逐日內灌飭即前往白茆詳細確勘估計加挑開旁越河及

堵築關下越河口兩壩工程共需土方物料經費各若干分斷開摺稟候核辦等因奉此卑府遵即前往履勘（中略）合先開摺稟呈計開估挑白茆開東岸舊越河工長九十六丈估築白茆開北欄河土壩大壩一道牽長十丈四尺估築開東越河北口錯口柴土壩一道金門兩旁廟築草開式柴壩直長各一丈五尺北首廟築上迎水裏頭橫斜牽長各二丈七寸五分南首廟築下水牽斜長各三丈四尺五寸兩面及金門共牽長十四丈五寸壩面均寬一丈高懸河底一丈二尺六寸 又載同治十三年春昭文縣人民紛紛稟請開壩均以民田缺水爲詞五月初一日港口忽開怒潮衝入倉稱係偷挖十一月照式堵築光緒元年常昭兩縣低區農民二三百人各執鐵鋤農具將大壩掘開洩水十一月堵築 全案表二又載光緒元年昭文縣濬白茆港支河三十餘道四月竟昭文縣民捐錢一萬六百六十二千有奇 常昭合志稿載同治十二年築白茆開大壩開越河應寶時記曰昭文境白茆開即蘇常開逼近海口潮勢迅急土壩而易淤同治八年設開抵禦海潮勒碑開旁龍王廟前禁民船出入非遇水旱不得啓旋被風潮激擊土脚日漸坍塌開帶開尾坵裂因於開外築攔潮大壩以載運潮內灌於開旁開越河口築土壩以備水旱著洩候補知府崔繩祖實董其役自十二年十一月十八日至十二月二十日告竣凡用工費錢四千七百三十九千四百十有七

是年通州知州梁悅馨濬九圩天生等港通州直隸州志

同治十三年三月湖北荊州府知府湖南澧州知州會勘荊州南岸毛楊尖潰口工程稟 案奉憲臺札開前准藩司咨奉督憲札准陝甘督部堂左咨據湖南武陵縣生員王文嵐等呈請籌修荊州南岸毛家尖等處江隄潰口等情行道移會湖南岳常澧道會勘籌議詳辦等因當經行府並咨會岳常澧道訂期會勘在案咨准岳常澧道覆知擬先委澧州前往查勘合行札委該府即便遵照一俟澧州來荆卽行會同該州前往毛家尖等處詳細勘估妥爲籌議稟覆以憑本道會商湖南岳常澧道親詣覆



勘詳辦等因卑府遵卽函致澧州黃牧來荆訂期會勘卑府先於十一月二十八日帶領工書弓正渡江相度地勢其楊家尖潰隄早已崩入江內惟同治六年所挽新月隄尙存其毛家尖潰口近年淤墊大半上年江陵陳令公安周令擬就老廢隄上搭腦接連新廢隄下搭腦挽築估工三百餘丈但該處現係崩岸成功雖易保固實難查照八年原估之退挽大月形式自上古牆老隄起牽至百子庵後西隄止計長一千三百二十丈需土一十八萬八千餘方卽武陵生員王文嵐等詞稱十五萬串之工也需費甚大爾時口門內外水深丈尺不等不能不退至高阜卑府裁度取中擬就上搭腦廢隄起至楊家尖新月隄中段止計長七百四十丈約需土一十三萬五千三百八十餘方計費五萬一千餘串西支隄尙有潰口四處必須修挽月隄且南隄十四年未修所有低矮單薄及迭年洗刷之處皆應撈幫加高補築尙未估計不在此數次日會同黃牧覆勘意見相同伏思該隄上接松滋下臨虎渡江陵境內占地無多本年松滋之龐家灣一帶連潰四口黃家鋪一口長約二百餘丈深與江通卑府親往勘驗現在口門積水尙深丈許此口不築春水方生卽行灌注下游州縣依然巨浸毛家尖築亦無益虎渡係南岸洩水故道近因毛家尖潰口奔溜停沙冬月卽涸幾與地平水失故道縱使上游潰口一律築成大汛一到循隄直下勢必仍趨潰口與新工爭路能否相敵尙無把握是虎渡之通塞又荆隄南北一大關鍵也至興工必先籌費江陵南岸被淹以後久未開徵松滋自有要工不暇兼顧公安本年全境成災更難攤派同治六年該三縣修築毛楊家尖借撥釐金錢萬串至今屢奉藩憲嚴札催追茫無以應南省受益州縣雖有義幫然向年不過五分之一耳謹就會勘情形估計大數繪圖貼說恭呈憲鑒

應否仍由大人親詣覆勘抑或轉詳督憲遴派熟習工務之員來荆覆勘籌費興修荆州萬城隄志

六月湖廣總督李瀚章湖北巡撫郭伯蔭奏竊照湖北潛江縣所屬大澤口支河爲消洩襄水故道上通荆州綿亙百餘里兩岸均有隄埝以資保障前因潛江之深河潭隄潰口節經札飭地方官集費興修旋有已革千總嚴士連煽惑沔陽江陵監利等州縣鄉民不修深河潭老隄輒在該河口門內何家到地方攔築橫隄塞斷河流飭據漢陽荆州安陸三府會同勘明稟覆該河被堵襄水消洩路少上游兩岸部隄潰決堪虞萬不可築已由該府等示諭禁止詎嚴士連於該府等詣勘時糾衆恃蠻挾制因見垸民畏法停工復與已革縣丞銜田秉臣相商私設隄局按畝勒派夫費邀允民人劉子才幫同經理收錢督工並令民人王葆衡在局寫賬抑勒沔陽州連界各垸民一體出夫稍不遂慾卽行趕牛拆屋受害者不下數十家皆畏兇不敢告發經署沔陽州知州王元會查知示禁嚴士連挾忿獨自起意於本年三月十九日脅同附近各垸老幼男婦三百餘人執旗持械齊至沔陽州城將州署圍住逼令該州繕給告示准其歛費始行退散當據王元會稟報維時臣等已先訪聞札委營務處候補道張蔭桓統領忠義軍提督劉維楨會同酌帶營勇馳往拏辦嚴士連等均聞風逃匿王葆衡旋卽行赴縣投首張蔭桓等督飭署潛江縣知縣戴昌言諭令紳士武舉鄭超一等及嚴姓戶旗設法圍捕隨將嚴士連田秉臣劉子才一併拏獲時值襄河夏汛盛漲該處私隄不待創毀而已被水沖決檄飭該道提犯研審據各供認前情歷歷如繪開錄供情呈送前來臣等伏查此案嚴士連違禁擅築私隄堵塞官河抑勒派夫恃強拆屋擾害良民已干法紀乃因地方官查禁復敢糾脅多人越境圍署逼官給示尤屬

兇頑卽與光棍無異按例罪應斬決當卽批飭將該犯就地正法以昭炯戒田秉臣於嚴士連脅衆圍署逼官之時雖未預謀同往惟輒聽嚴士連私設隄局勒派夫費亦屬不法應於首犯斬罪上減一等擬杖一百流三千里定地發配斥責安置劉子才聽從收錢督工應於田秉臣流罪上減一等擬杖一百徒三年解配斥責充徒限滿詳釋王葆衡訊僅幫同在局管賬且據自行投首情尙可原應照不應重律擬杖八十酌加枷號一個月滿日斥責發落其被嚴士連逼脅同行之男婦人數既衆又均不知姓名應請從寬概免查究以省株累而安民心至潛江縣深河潭隄潰口現值汛漲無從施工請俟秋後水落委員會同地方官勘估籌修完固俾資保衛與隄成案

八月初三日湖廣總督李瀚章湖北巡撫吳元炳奏爲荊州萬城大隄緊要擬請裁改員缺專司防護事竊照荊州水師營制兵燹以前額設守備千總各一員把總二員外委額外各一員兵二百十二名因萬城大隄緊要仿照河工例撥兵建卡駐防嗣同治八年新設長江水師營汛經前兩江督臣曾國藩等奏請將該營員弁兵丁裁撤旋經前兩江督臣馬新貽等於續議長江水師分別改留裁汰各員弁案內奏經部議准留守備一員兵九十二名防護隄工歸宜昌鎮統轄各在案竊維立法貴於因時循名必須責實萬城大隄地段綿長工程緊要爲荊州全郡及下游保障每遇盛漲險工疊出節節需人防護備搶救稍疏關繫億萬身家性命僅一守備既慮其周歷難徧且稽查勤惰須歸附近上司統屬宜昌鎮相離過遠耳目不及查斯隄向由荊州道府督修利害切身則經營倍力弁兵既有防護隄工之責卽當歸其管轄似宜倣照浙江海塘營汛之例將防護弁兵改隸荊州道管轄庶事權有所專

屬而文武聯爲一體於隄務較有裨益臣等公同商酌擬將該營員缺酌量裁改以歸實際而免疏虞相應請旨將荊州水師營守備裁去改設千總外委額外各一員分段專防萬城大隄歸荆宜施道管轄毋庸再隸宜昌鎮標以專責任如蒙俞允其一切營務章程再飭司道會議詳咨立案李勣恪公政書

九月初七日天門縣知縣傅詩陳明鍾隄八形頭等處潰口淹沒天邑各垸田地及防護城隄情形稟竊照卑縣地居鍾京潛三縣之下形低如釜全賴上游各段隄塍以爲屏藩本月初一二三四等日

秋汛盛漲卑縣襄河水勢陡長八尺餘寸疊經開摺通賚並將赴隄督同防護情形具文申報在案詎初四日酉刻卑縣縣河忽到水頭至初五日辰刻陡漲六尺餘寸幸城池尙有護城隄保護卑職在岳口襄隄聞信驚駭不得不以城池倉庫爲重旋即回城料理防護又自初五日巳刻起初七日卯時止連日縣河之水合計共漲一丈八尺五寸水離護城隄面一尺五寸卑職會督營汛各員及紳首圩業人等無分兩夜沿隄防護廣募人夫加築子埂幸無滲漏潰決情事惟卑縣南北兩岸向無橫隄各垸田地俱被淹沒連日派差僱舟查探據稱係上游鍾邑八形頭附近襄隄潰口水勢建瓴直下以致縣河之水如此陡漲差查各垸被水居民盡皆遷避高阜尙未損傷人口倒塌房屋但今早水漲雖形稍緩而勢終未定設再稍漲尺餘必致漫過護城隄頂實屬可危除仍會同營汛督率紳首圩業添僱人夫晝夜在於沿隄加築子埂實力防護總期化險爲夷一俟水退卽行查勘各垸被淹輕重情形另行稟報外合將上游鍾邑八形頭附近襄隄潰口淹及卑縣縣河各垸田地及卑職回城連日防守護城隄情形先行馳稟查核並懇檄飭鍾祥縣趕緊搶築斷流冀隄成案

十二月初五日安陸府知府李稟奉督部堂准撥船釐兼籌巨款修築鍾隄潰口札 本年十一月二  
十二日奉藩憲林札開同治十三年十一月初九日奉督部堂李札開案照前據安陸府李守鍾祥縣  
鄭令會同委員熊令等具稟勘估鍾隄烏龍廟羅家店等處缺口退修挽月等項工程共估需錢十七  
萬四千餘串請將安襄兩局船釐撥歸鍾隄工用並賜籌撥錢六萬串等情到本部堂據此當查同治  
六年修築鍾祥法華庵等處潰口隄工共計隄段一千五百餘丈用過經費尙不及十萬串今該府所  
估該隄工費爲數較鉅其中恐有浮冒除將安襄兩局船釐准撥歸工用外其原估經費應如何核實  
刪減批司會議詳辦去後茲據藩司會同牙釐等局請派委大員會勘另估從實刪減其大段要工責  
成督修以安襄船釐撥濟應用不敷再稟請酌借釐款其餘各段工程由該府督率地方官紳集費興  
修等情詳覆前來本部堂查有候補知府胡承澤堪以派往合行札委爲此札仰該守立即遵照剋日  
束裝馳赴安陸府查照札飭會同李守將該隄應修潰口各工程逐細履勘另行撙節估計核實刪減  
開具清單覆察奪一面揀派印委各員趕緊廣集人夫分段堅實修築所需經費除提撥安襄兩局  
船釐如或不敷再行據實稟請酌借釐款各縣認派畝費卽由李守督縣修理分段工程事關民瘼該  
府務須認真會督辦理勿稍大意仍將起程及到工日期先行稟報查核切切等因除札飭委胡守承  
辦遵辦外合併札行備札行司卽便分飭遵照辦理毋違等因奉此除行胡守遵照前往會勘稟辦外  
合就札飭札到該府卽便遵照會同胡守將應修潰口各工程逐細履勘另行撙節估計核實刪減開  
具清單通稟察奪一面揀委委員分段督修堅實並將各縣認派畝費卽由該守督縣修理分段工程

軍關民瘼務須認真會督辦理毋稍大意切切又奉臬憲王批同前由奉批據稟已悉仰候兩院暨藩司守道牙釐局批示並飭該令等知照繳圖摺存又奉守憲批同前由奉批既據通稟仰候各憲批示繳摺圖存又奉牙釐總局憲批同前由奉批據稟已悉仰候兼院憲暨兩司守道衙門批示繳摺圖摺存各等因奉此業經本府會同胡委員會勘另行稟覆已於十一月二十六日祀土興工除移知委員熊令等知照外合就札飭札到該縣即便遵照飭紳首趕緊催繳畝費解濟工用襄陽成案

是年湖廣總督李嚴禁私挽洲垸示 照得荆江北岸萬城大隄當川江清江沮漳諸水之衝爲合郡及下游各州縣保障自乾隆戊申以來屢經發帑修築歲修責之業民而令道府董其役本部堂與撫部院輪年巡防關係甚重近年隄日加高而江身每多淤墊一逢汛漲時出險工推原其故皆由私垸阻遏以致宣洩不暢每年各該縣雖有查勘虛文並未認真毀禁且各垸業民或藉口舊埂無礙江流或報舉升科各圖己便殊不知沿江私垸例禁甚嚴蓋水勢既漲若上游多一尺之阻勢必停蓄旁趨經流壅遏甚至橫決爲害昔年窶金洲之事其明證也若不申明禁令何以固官隄而暢江流合行出示嚴禁爲此示仰荆江南北兩岸軍民人等知悉自示之後凡沿江私垸有礙江流者無論新舊概行平毀果係遠年古埂僻處偏隅聽民安業惟不得冒名舊冊擅行擴充卽如馬廠淤灘業經納課柴草豆麥取利頗多亦不得打壩築塍以防水路儘敢仍前玩違卽由地方官拏案照例從嚴懲辦決不姑寬各該縣仍遵向章按季親詣查禁於年終取具各洲頭並未私挽垸隄甘結加具印結通費查核本部堂爲保衛田賦民命起見不憚諄諄誥誡爾等慎毋貪小利而貽大患是爲至要荆州萬城隄志

是年荆宜施道孫家毅勸捐修萬城隍沙市劉大巷石岸稟 竊照荊州萬城大隍古月隍官工段內自觀音洲起至康家橋止計長五百七十三丈迎溜頂衝形如偃月觀音洲舊有石磯排水下駛米廠河以上水勢尚屬平緩米廠河以下迴漩箭急勢若奔騰兼大巷對岸窩金洲挺峙江心逼水北趨以致隍脚油刷空虛有同壁立大汛之時頗爲可慮每屆雖有歲修因隍體內外皆屬沙市民房吊樓難以施工且該隍外江內河取土維艱僅以碎石設法保護年復一年終屬可虞恭前升道任內議於劉大巷隍外建修石磯以攻窰金之沙誠屬卓見至論前之中筭篷楊林嘴石磯與夫觀音洲石磯原冀排江流而南之垂今數十餘年而該洲之沙倍於曩昔是此洲人力難攻即屬明證且探量劉大巷隍外上下江干多係潭淵有水深數十餘丈者職道留心訪問履勘形勢如果修建石磯非長三十餘丈不足以殺水勢工程浩大把握全無況相距觀音磯不過百餘丈兩磯逼近激成回溜冲刷隍身即使於劉大巷有益仍不能顧及沙鎖全局伏思沙市爲荊南巨鎮商賈輻輳億萬生靈關繫匪細自應急圖弭患現經職道等督飭江陵縣謝令傳集沙市十三幫首士及地方紳衿再四籌商擬自米廠河起至康家橋止緊靠隍身向外展放數尺一律修建副岸外用尺寬尺厚大條石層層鋪砌高與隍平內將老隍原土翻築加增層土層磯以固根本共計四百丈有零根脚宜深深則經久坡勢宜坦坦則穩實先拋大塊毛石爲脚以出水爲度復間段排釘梅花木椿出水後即用三合鑲砌條石爲面多放收分碼頭則加用條石砌坎以便商民起貨并於沿江新工栽砌石椿以便船隻灣泊工竣後仍於工頭工尾鐵鑄獨角獸鎮立其上所需經費節次估計共需銀三萬一千九百五十一兩六錢八分值此庫

藏支絀之際，曷敢輕議請撥。如派之民間，則每年歲修費已不少，未便再事加累。職道等隨傳沙市各幫首士，並該處紳富，曉以利害，剴切勸捐。僉以石岸爲固本之計，樂於從事。數日之間，該紳首等共已認捐銀二萬二千五百兩，有奇。分作三限呈繳。由職道發交股實鋪戶彙存，陸續支用。恭候示下，卽擬趕雇民船，遊員馳赴長陽宜都一帶採買條石等項，以俟水落歸槽，卽行分段興工。務期冬間一律修竣，以免延宕。所有經費，選派公正首士一手經理，官幕概不經手。其工程做法，仍由職道等督同辦理。庶幾工歸實用，款不虛糜。荊州萬城隍志 志未載年月，查志又載同治十三年，荆南道孫觀察勸諭沙市紳商捐修康家橋礮石岸，復行接砌。又勸捐接修劉大人巷礮石岸，自米廠河至康家橋，計長四百丈。又載是年修砌劉大人巷石岸，四百餘丈。自劉大人巷起至康家橋止，孫觀察勸諭沙市紳商共捐銀二萬二千五百兩，有奇。又載官守廛名，荆宜施道孫家穀同治十三年，任有勸捐修沙市劉大巷石岸稟。

是年荆州萬城隍觀音寺礙歲修加砌四尺連土壩計長十一丈一尺荊州萬城隍志

是年灌縣人民陳炳魁上四川總督吳懋撥捐輸呈稱爲叩懇恩恤俾成要工以弭旱澇事緣邑去歲水決都江堰內江之水滾歸外江至新渡口深溪坎張家碾等處衝沒新河常龍隄南面新決一河口寬二百餘丈逼近黑石河壞田八百餘畝下衝布袋口縣主以決處關係甚大若不興工保固則春夏江水一發仍然滾歸決處黑石河必成大江邑之西南數十里及崇慶州東北百餘里固遭水溢之患而溫雙等邑亦將紛紛以水乏告矣是以據情通稟蒙憲台批飭籌款興修委員錢主會同崇慶州李主縣主履勘外江新河當及黑石河新堰子等處估計工費銀五六千兩札飭兩治籌辦崇慶州僅認



培修同治六年所辦黑石河湯家灣一處邑獨辦新河當新埂子等工舉人等奉縣主札飭經理准撥社濟倉開款銀三百二十兩及外借銀八百兩以作河工墊款上自新渡口下至王家船開故道以順直隸之性上自陳家渡下至駱家船作新隄以杜橫決之漸又於新埂子東潘柴家坎開泮缺以殺泛漲之勢洵河則二萬七千六百零五方築隄則七百三十丈及裝長籠一千三百二十條尖籠八百二十箇共計工價銀四千五百九十二兩九錢五分二月二十三日道憲臨縣開水舉人等具呈粘單叩懇蒙准親勘嗣於開水之後細察水勢稟明縣主又於深溪張家碾及新渡口新埂子上下等處添修隄埂六百七十丈工價銀八百一十兩零六錢前後河工共計需銀五千四百零三兩五錢五分粘單附電慘邑外江居民數年以來疊被水災半傷元氣去歲又新決兩河蕩囂墳廬漂沒禾稼沿河上下幾無以生一聞憲台飭籌工款修理河道壅石作隄則狂瀾可挽淤沙成地則失業可還莫不欣然遂有起色又蒙道憲親勘河工飭催經費卽有刁劣阻撓之徒亦皆惶然生畏幡然知悔而頌惠我田疇無如灑河一帶地方概皆瘠土率多窮民屈指上戶百無一二約計中戶十僅三四縣主所以體恤輿情酌定工款除貧戶豁免外既量力而議派之又分局以勸繳之迄今四月有餘始收銀二千二百餘兩卽更挨門逐戶酌派靡遺朝騫夕馳催繳徧至而沿河西南地狹且短不過再收銀七八百兩勉強湊三千餘兩之數民力已覺悉竭工款更無可籌萬難收足五千四百餘兩使要工得以及時告成舉人等計此初夏之時積雪已消大雨將降前蒙道憲賞勘之功雖次第畢完而後稟縣主准添之工尙支絀未就儘河水突然泛漲一隄隅缺則衆隄徒勞無功稍疏則前功盡棄何以保農田而均水利伏見

同治八年前任柳主籌辦走馬河農壇灣易家橋民工共收花戶銀一千四百兩稟請前任藩憲准撥本邑捐輸銀一千四百三十六兩始將河工告竣况此次所辦河工備築旁溢之河口使外江之水不至斜滾黑石河而入木江河龍安河因爲崇灌杜其泛濫深澹淤塞之河心使外江之水得以直下金馬河而分揚柳河玉石河更爲溫雙溥其灌溉則是灌邑一隅之河工實關成屬數縣之田業是以叩懇憲台格外垂憐查照前案卽擇勞之善政施撫恤之厚恩准撥本邑備捐款銀二千餘兩給發夫徒工價俾要工得以一一完竣則此不傷勞彼不傷旱邑與崇慶溫雙數州縣共沐治水之功德於無窮矣補志文徵

是年灌縣知縣胡圻獨力築岷江隄以續黃令未竟之志黃去後圻輒私計曰黃公隄長逾千丈今所補苴估計不過四十餘丈未及十之一若再勸捐以累民民其謂我何因割俸補足所估丈尺而岷江隄復完都江賑功小傳

是年潛江縣秋大水護城隄潰城中水深丈餘續修潛江縣志

是年撥釐項下錢四萬八千串修築湖北省咸甯蒲圻二縣隄清會典事例

是年重修太倉州七浦閘及築護埭八月始十二月竟布政司庫用水利經費銀二千八十五兩有奇

續纂江蘇水利全案工役財用表 全案又載重修太倉七浦閘圖附說云太倉七浦閘康熙間置州人沈光祿起元嘗議去之以

爲平江大河無所用閘而且潮大則阻於閘而閘外之田受其氾濫潮小則阻於閘而閘內之田無從解救陳書然錄跋之曰長江大河一瀉萬里者固無所用閘亦自不能用閘然其出海之口亦往往朝沙淤淀或用爬沙掣船或用束水攻沙之法以相補救蓋

灌湖之爲患鉅矣卽今沿海支河汶港大都灌爲平陸如楊林塘黃潤浦川沙港練新河等處未聞以有開而然者夫幹河之潮不可禦支河之潮可禦開堰者爲支河之通潮者言之亦卽沈光祿之論然則於新濬十丈二十丈之河不足當巨幹者作爲開堰盡人力以節宣之寬緩十年二十年之塞而開外之淤卽欲疏濬亦見功曷足歸民之財力亦寓於其中也語極有識而惜乎其猶有未盡也夫七浦之非平江大河此固不煩置辯其以阻潮爲內外患則亦不考之言開距江口尙數千百丈支港橫列奚翅六七旁引則勢殺近江農田漲蕪且所深實何有氾濫至如開內水非無原溝治專待潮至而盈激流既濬爲利正大而反需濶湖爲屏救之助亦理所必無者矣嘗維古人建開之意重在啓閉湖上而閉湖退而啓濶沙不入清流永暢此上策也專司難其人積久而法汨於弊有開不閉則如勿啓值大旱潦乃用引洩此中策也會上策而行中策其利亦可永敷十年顧有時或見爲害者則亦有說以徒知治水而不知治田也夫水何利利田耳高陸岸廣溝洫而田治陸岸高則漫溢絕溝洫廣則流通遠田治而水亦治不務乎此以謂置開之外無復餘事尾閘停蓄委輸不得旁暢偶值霖霖下之區致憂反濬此實人事之不至豈得執以爲開病哉藉曰田與水交治而開納病阻遏則亦第一啓洩之勞孰與泥沙壅塞求洩無自之爲患者大反覆參究而開之有利無害也審矣誠令繕完此開更通左右之引河疏內外之支港凡所以善開之用者治之不遺餘力起沈光祿賢之當亦釋然無復有憂得失之故費於有徵用廣陳說而曲暢之以告後之治茲浦者 同治十三年四月候補知府崔繩祖稟嘉卑府前奉憲諭馳赴太倉七浦鎮之七鴉口查勘該處開座能否下板免湖內灌河日淤墊等因遵卽前往履勘該開原制三孔南孔已沒入土中中孔與北孔開身井未損動板尙可下察看情形如下板開身喫重或於板之裏而澆一小鐵鑊縫其隙使無滲水之串漏或於開之外口鑿築磨壩環鑊其間以當急溜之掀翻開身卽可無慮至七浦長河因得恃以分洩內漲而兩岸農田尤深賴以灌溉乃灌湖內灌一年約淤一尺如本可受水四五尺者閱六七年而卽淤爲平陸此無他實由於原建之開閉而不閉失前人建開之意不得開之用也苟當下

板使潮不得內滿第於水旱之年偶一啓板或洩內漲使之出或引外潮使之入則淤墊之時甚暫雖開數十年而河仍可通暢將省無限濟河之費是開之宜於下板也決矣 又載同治十三年五月督辦蘇屬水利工程署江蘇布政使應寶時署江蘇按察使衛榮光詳撫院略云勘得該開南孔濇塞北孔坐灣均雜資以啓閉惟中孔金門寬有二丈二尺形勢動直水可暢達開身并未傾欹此即崔守原勘所稱可下板者也當飭夫役用橫木槌探至底知金門上口寬於下口者數寸開身未動視此益信蓋凡下板之石槽原製上口無不稍寬於下底必下動而後上欹上欹板始不得下也今既平直未動板自可下第此開查係建於康熙年間年久未修其上下水金剛磨石塊裂縫潮退後尚有餘水離位之處現已甚於去冬雖無礙於下板而既有罅隙下板之後掣動尤易修開既乏此銀費下板當豫籌善後水司等再四查度擬將南北兩孔開門均暫聽其閉塞而於開之前面緊接兩岸隄身即如崔守原議鐵鑿磨盤式齒衝塔將開前迎水石牆所有裂縫漏洩實行包裹而兩塔之相距合以一丈八尺空之爲兩塔金門計窄於開之中孔金門者四尺放水之時水力之激射者均歸於塔則噴重即不在開而在塔矣如下板後察看開底竟已下虛不能擊撐應改於塔之金門下塔塔之則啓閉斤兩全歸於板開第用爲託塔塔即以之代開工成之後金門閉遏水可託平即可於開之後而築一土壩將壩內存水厚乾細看開底周圍如何儘並未動即用灰漿黏補開塔缺爲費當不甚多將來仍專以開啓閉塔即無須修理又有言蓄清拒渾之法者云潮來黃水在上清水在上下板宜於海潮來時量內水之淺深大小閉水面之板以禦渾潮留開底之板以通清水所言果驗則連開外亦可不至淤墊更足盡開妙用然均須俟開板製成試下乃見實在 又載光緒元年三月崔權祖稟督學奉委辦理七鴉口開板並磨盤塔等工曾將興工日期申報在案旋於正月二十五日將開板磨塔一律辦竣計照估製成開板兩槽並酌備應用圓繩等物又築成兩岸磨塔共長十四丈八尺寬二丈高深二丈較比原估增長一丈五尺五寸增高深二尺當經試下開板開身尙能承受惟不知水下開底如何遵照詳詳即於兩塔相距中空之金門下塔塔之備可開

餐車水試看乃水從開底外泛是爲開底之下樁縫空虛已無疑義遂即撤堵逾經二月初旬大汛復行察看埭前水深除潮已幾及二丈比正月工竣之時復又劇深八尺埭身雖仍屹立而已善而墊下八尺（中略）觀察明開底之下樁縫串水底亦日益空虛開底不能即修埭又礙難堵閉埭固喫重關更難恃誠如憲諭恐必須仿照白茆開辦法於開數丈之上橫築壩壩將開全行屏蔽暫用月河代資啓閉其如何飭行地方官及此尙未農忙之際籌挑月河並接築壩壩應俟核議詳辦

是年兩江總督李宗義覆□□□函云尋繹鈞函以吳淞漲沙之案洋人曉濟不已幾有萬難罷休之勢而蓋慮所及仍以該處究竟應否挑挖經費如何籌畫並是否地居險要有無安設礮位等事分別下詢此數言中固已明示以輕重權衡之要而行止之機宜已不待躊躇而可決矣宗義於該處水道地勢商船進出情形未曾親身閱歷而考證圖志徧詢衆論參酌本案事理乃知此段漲沙實難開挖而其所以不可行者約有數端請爲縷晰陳之卷查同治四五年間洋人請挖吳淞海口當經上海道查覆略云該處尙無須挑浚若爲不甚經意以姑置之此亦辦理之一法迨上年輸送沙圖並由沈道指稱沙隨潮漲人力難施亦不過措塞一時今觀覲未絕外則十四國領事合詞挾制內則英俄各使相繼要求而來函復詢及是否地居險要一層尤爲慮遠思深獨見其大現查此段淤沙坐落黃浦江與海相接口門之內西岸爲寶山東岸爲川沙實爲由海入蘇松等處要道自北而南入此口門不數里許其西卽有內河來通此江名吳淞口亦名胡巷口今人俱以黃浦口爲吳淞口其實吳淞口卽在黃浦口內該淤沙自口門東偏隱伏水底南至江心沙始露出水面凡華洋大船初入口必沿西岸而行見此沙露出水面兩岸水底又有淤沙各船必改依東岸行駛至此沙盡處方能暢行口門向有礮

臺對設東西兩岸濱臨海口江心沙雖在礮臺之南數里其實礮臺相對之處水底已伏此沙各船行駛之處與西岸礮臺尤相近也黃浦口內淺處每逢冬令潮漲之時深二丈四五尺不等潮涸之時尚深一丈五六尺不等重量洋輪喫水二丈餘者到此偶有停泊候潮之事並非各船皆然亦非通年皆然洋人現欲挖長一千七百碼寬一百碼外國四碼合中度一丈而弱則是長四百二十餘丈寬將二十五丈其意只爲載重洋船開一船道並不全挖殆謂此事尙無所損耳孰知其所損已多乎此沙在口內綿亙數里多伏水底自成險阻外國大輪船有時畏淺不敢闖然而入彼之所忌正我之所利也黃浦口外水底積沙咸以爲攔門之限口內復有此沙明明寬平江面而大船到此只有屈曲一線可行之路亦可謂天險矣豈可曲徇一時之請有短垣而自毀之哉夫居今日而言設險誠不足爲外人道然自通商以來外國初未嘗阻我國之修武備設防汛也各局廠製造軍火輪船皆問津於西國蓋與和約本兩不相妨若仿天津辦法則上海內外礮臺正不妨隨時修葺復我舊規此案儘可以該處淤沙形勢所關未便輕動正色與言推誠相告使彼此心折而語塞似屬正辦若隱忍不露彼轉煩聒不休卽略事與挑必再求深濬而我已自失其險矣是不可行者一也查英約第二十款載明英國船隻有在中國沿海地方攔淺地方官查知卽設法妥爲料理等語並無將攔淺處之淤沙設法挑濬之說足見中外只能各就港口之淺深酌行船載之輕重在洋商不應儘貪重運以嘗試天生之挺沙在中國豈能特闢新途以招徠無限制之洋載非但條約章程無此辦法卽萬國公法亦無此破格之故事若置約不問惟外國重載商船是利遽強中國以驟興大役此端一啓則效尤者皆將於約外求開方

便之門卽如長江之九江以上亦多淺阻冬間重載輪船頗難行駛必須用小輪船駛至漢口他如大沽海口之攔港沙臺灣耳門之七鯤牙輪船到彼皆難暢行若准挖此沙萬一彼復援例請挖長江大沽及鹿耳門又將何以應之是不可行者二也沈道議令此項經費華船大者一體捐助其意蓋謂該處挑濬總於行船有益華洋均無二致此說亦未盡然黃浦爲東南第一繁盛之口內地帆檣林立究之大船少而小船多畏奔洪不畏閘淺往往停泊淺處榜人高臥船頭徐待潮至鳴榔自在而行今若於海口驟添中洪之險則避之惟恐不及當進出口岸之時轉增一番戒心且中洪既寬洋船破浪進出較前更速而無算華民小船首承其敵夫吳淞者中國之海口也以中國無算民船之不利爲外國數輪船之利不已喧賓奪主乎其宋王觀奏開海口諸浦而劉愨按行謂開海口反有風波駕入之憂康熙年間上海邑人張宸書云松江之閘主遏潮以拒泥沙與西北之閘蓄水以利舟楫者大異今乃以遏沙之具而爲舟楫之資是使海中之潮日來江中之沙日淤卽此說以參互觀之則開海口以致大潮不足爲我舟楫之利亦甚明矣是不可行者三也沈道前稟吳淞口開濬深通則宜洩無滯於水利亦爲有神等語此說亦未盡然查核淞江水利成案與前人論著黃浦今昔情形均與沈道所議不相符合溯自明季松江淤塞後江入黃浦以歸海今之黃浦口所以亦稱吳淞口也黃浦所受之水卽松江所受之太湖分派赴海之水也浦之通塞誠有關於蘇松之水利而其要則在於助江以敵潮出清以退渾未聞其濬沙以助潮也明嘉靖初蘇撫李充嗣嘗用濬川爬鐵帶船以濬吳淞水道並不聞濬海口之淤沙誠以江水清而海潮渾治於上流則衆水注江以出海斯所以爲宜洩也治於海口則


渾潮挾勢灌入以病江是求通反以致淤而何宜洩之有然則口內各岸之捍海塘禦潮堰杜之於潮後者人之所設也口內水底之漲沙截之於潮先者天之所生地之所成人力之所不逮也查寶山地圖乃乾隆十五年所刊浦內已有此沙迄今又一百二十餘年矣並未聞黃浦口壅塞不通是此沙無大增長可知且過此江心沙以南水皆深通具見海沙之來實賴此積沙遏之無礙內水之出足防外沙之入於農田水利實有裨益况華船可行外國船亦可行所稍有阻滯者僅裝貨太重之輪船耳未辦通商以前黃浦早有此淤沙奈何僅爲近日洋船之偶不便而隨欲挖去以亡己之水利乎是不可行者四也再查上海十四國領事申陳振軒文內稱此事有礙洋商貿易之據實難詳細聲明故有面見振軒再述緊要關鍵之說若有十分掣肘之處究之迭次噴瀆祇爲輪船遇此漲沙或延時刻或添駁費二事而已除此之外無所爲難也殊不思各船俱無阻礙獨此數船或爲此沙所滯則亦當自返而知其故矣惟其裝貨太多喫水太深遂有遇淺候潮之事海潮一日兩至耽延不過數時卽或適值大汛已過而船載太重仍須再候大潮否則起駁貨物令船稍輕方得過淺此皆重載船隻常有之事然實緣於自取不能諉過於淤沙蓋該口久有此沙誰不知之乃明知該口之水本有淺處而來船喫水之分數偏欲過之又不得逢淺候汛之常規而更欲速之假使續後更有來船馬力愈大喫水更深亦欲勉強進口則耽延必益久起駁必益多不又將嫌該口之淺阻益甚耶儻能幡然變計準照該口正洪之深淺酌定來船裝貨之重輕自然通暢流行毫無停滯矣乃不思減裝以避淺偏欲挖沙以就船是專爲數隻輪船惜費而轉令中國動鉅帑興大工尤於情理有未洽也是不可行者五也大抵洋



人之爲是謀亦明知此沙消長無定卽挖去亦必復生故有旣挖以後仍用機器常川拖挖之議是開挖之時費用旣屬浩大旣挖之後支銷仍無了期彼蓋以爲之而有效其獲益在洋商爲之而不效其耗費在中國樂得進此愚公移山之計該關道前稟人力難施經費難籌已足見此事之必不能成然洋人方恃其機器之足用又注意七成船鈔之可以開銷若概置不理則辦論滋煩未必卽能帖服今擬委大員會同上海道令熟悉挖沙之洋人詳細勘度如工程艱鉅不易蕨功或經費浩繁無從籌措卽據情知照當可知難而退立作罷論如其仍欲預從事則當根據條約事理逐層駁斥有此數不可行諒彼亦將類首無辭此事頗關海防形勢水利大局今承函諭轉飭確切查明以憑核辦尤不敢稍存簡率用是不避煩瑣具陳顛末惟冀卓識俯賜察度裁其徧駁訂其疏失俾成完論庶足備臨時探擇於萬一耳抄冊

同治中挑濬江浦縣浦口區擔河嗣開濬四泉河由九洲洲新口入江區擔河遂廢 民國私纂江蘇通志水工

志稿引江浦埭乘



# 再續行水金鑑卷第十四

江水編年十四

清德宗光緒元年五月湖北巡撫翁同爵奏爲委員代防萬城大隄事竊查荆宜施道孫家穀荆州知府倪文蔚俱極諳練於隄工修防事務均能悉心講求現經檄委該道府督同廳營文武員弁親駐隄所晝夜梭巡預備守水器具遇有險要工段隨時搶護務保無虞中報

六月己巳(初四日)兩江總督劉坤一奏臣奏明於三月十九日出省於二十三日行抵上海次日查看機器局各廠旋由上海起程履勘各處新築炮臺查吳淞口炮臺已有七八分工程該處雖不足以關鎖長江亦可捍衛蘇松各郡當飭趕緊修築江陰水面收束實爲長江第一重門戶現築之鵝鼻嘴一帶炮臺洵足制敵惟大石灣地勢太縮飭令不必多築而於下游添築兩座以固藩籬其江陰北岸初築一座尙在末成餘皆僅築基址該處與南岸各炮臺緊對恐兩岸開炮時均有窒礙臣與前兵部侍郎彭玉麟面商飭令停止而於北三里之十圩港地方另築數座庶與南岸互爲犄角鎮江之焦山象山都天廟與江甯北四十里之烏龍山沙洲圩等處炮臺均得形勝焦山象山都天廟三方鼎峙尤爲扼要惟炮門略爲修改以期合法此外鎮江下之關山關亦屬險要之區須候經費稍充從容布置至江甯下關炮臺近在堂室略壯觀瞻此臣履勘沿江炮臺之實在情形也奏入報聞

東華續錄

冬署理湖廣總督翁同爵奏爲湖北嘉魚縣隄工緊要撥款興修以資保衛事竊照湖北嘉魚縣地方

濱臨大江地勢低窪民田廬舍全賴隄埝保障前據嘉魚縣知縣徐元杰稟報該縣江隄與江夏咸甯蒲圻等縣公隄相連自道光二十八九年被水沖潰蒙發帑金修復後閱今二十餘年每屆歲修因經費不充僅能擇要修葺歷時既久以致通隄崩殘缺極形低薄上年汛漲設法搶築子堰幸保無虞迨水退後查勘隄身為浪洗刷坍塌尤甚危險萬分請卽委員勘估籌修等情當經行司飭委候補知縣梁家鈺隨同武昌府知府方守馳往逐細勘估旋據勘明稟覆嘉邑江隄原編四邑上游萬民保障八字號共長三千二百七十八丈隄本低矮近因被水洗刷益形殘缺不堪急應加高培厚以禦汛漲隄內無土可取必須由對岸翻沙取土價值較昂樽節估計共需錢二萬一千六百餘串文委無絲毫浮冒惟是工大費鉅該地方瘠苦戶鮮蓋藏就地籌派民力實有未逮而工程緊要事關民瘼又未便從緩修理致有潰決之虞稟請籌撥興修等情由署湖北布政使王核明詳請具奏前來臣查嘉魚縣江隄居江咸蒲三邑上游爲濱江長隄最要之工關係綦重既據該府督同印委各員勘明該隄因水漲時被風浪油洗殘缺崩殘險工林立急宜加高培厚而所需經費又因民力拮据難以就地籌集應卽在於釐金項下如數撥給該印委各員具領飭令趕緊興工務於春汛以前一律修築完固報請委員驗收以資保障嘉魚隄志

是年湖廣總督李瀚章咨部開送酌議湖北荊州隄防營章程八條 一弁兵分段巡防以專責成也查萬城大隄自上逍遙湖起至橫隄止官工共計二十五工連堆金培得勝培民工二段原設兵卡二十六間向由該營每卡撥兵二名防守擬請仍循舊章各卡共撥兵五十二名并楊林洲黑窩廠觀音

寺三處石磯撥兵三名查看水勢照常設防毋庸更張惟橫隄以下民工向未撥兵駐防今該營既改歸隄防自應官民兩工一視同仁擬請在民工隄段內擇要添卡協防以昭周密查上潭子湖下潭子湖龍二淵上新堤下新堤五段多係迎溜頂衝石工最爲險要應卽添建五卡共撥兵十名協同防護外備划船四隻每船共住兵三名共撥兵十二名駐紮楊林磯水次做隄則令運土無事則令巡邏以上各兵卡應分爲兩哨以改設之外委一員爲左哨哨官駐紮李家埠帶親兵四名巡防堆金塔起至下獨陽止十八段計兵卡十六間管轄兵丁三十六名以改設之額外外委一員爲右哨哨官駐紮橫隄帶親兵四名巡防東嶽廟起至橫隄止九段計兵卡十間石磯三處并兼防上潭子湖等處五卡管轄兵丁三十七名又以改設之千總一員駐紮最要之中筭蓬帶親兵七名并划船四隻梭巡兩哨通工其外委額外委二員及所轄兵丁均歸千總約束至往來公牘及歲支俸餉冊籍需人繕辦卽於親兵內改募書識兵丁一名繕辦文冊如不辦文冊之時仍同千總巡防 一兵丁應募土夫承充以昭核實也查該營原額兵丁素習武事不諳隄工如不另募本地土夫仍於隄工無益擬請先將該營兵丁九十二名全行遣撤另募本地熟習隄務年力精壯土夫挑選成伍以收實效 一夏秋二汛協力防護以昭慎重也查荊州江汛每於夏秋之間不時漲發必須駐工巡防以免疎虞請於每年四月初一日起由各弁預備守水器具分駐各卡無分兩夜往來巡防傳簽協同圩甲人等認真守護遇有險工卽鳴鑼爲號各卡兵丁齊集險處通力合作搶築完固如查有蟻穴壩洞雨溜溝槽卽由該營兵丁隨時挖築補修如式不准推諉貽誤俟八月底江水退落再行撤防 一春冬二季挑土種蘆以備

防汛也查修築土牛以備防險隄外種蘆以資護衛二者皆隄工要務擬請每屆安瀾後於歲修土牛外責令各段兵丁每名於經管段內挑築土牛十座每座約計實土五方仍於隄外十丈栽種楊筒蘆  
蕝定限次年二月內一律完竣報明本管道檄委荊州府驗收務須如式辦理不得草率偷減 一弁  
兵應准專管隄工知府調遣以利修防也查萬城大隄專歸荊州府承修責任甚重夏秋大汛之際遇  
有險工必須由府酌核輕重情形立時派兵協同搶護卽修築土牛等項亦須隨時督催以免因循延  
誤擬請嗣後該營弁兵修防事宜應聽荊州府隨時調遣如有違誤卽由知府稟請荆宜施道轉詳參  
處庶幾呼應較靈 一營名應改隄防以示區別也查該營前有操江之責故稱水師今既專防萬城  
大隄春冬挑土種蘆夏秋分段防護全與武事無涉擬請仿照河工海塘之例改名荊州隄防營歸總  
督統轄一切差操均請優免 一營弁應頒鈴記以昭信守也該弁等凡遇修防事務均須隨時文報  
自應分別刊頒鈴記俾有遵守擬請由藩司刊發千總木質鈴記曰湖北荊州隄防營千總之鈴記又  
外委額外外委木質鈴記二顆 一曰荊州隄防營外委鈴記 一曰荊州隄防額外外委鈴記分給祇領  
一弁兵俸餉請照綠營章程以符舊制也查該營俸餉一切向照綠營章程請領今裁去守備改設  
千總一員外委一員額外外委一員并原留戰兵三十六名守兵五十六名共九十二名擬請將守備  
一員俸廉等項全行裁汰仍照綠營舊例添支千總一員俸廉坐馬馬乾等項又添支外委額外外委  
一員糧餉等項仍支戰兵糧餉二十六分守兵糧餉五十六分惟千總例無蔬菜燭炭心紅紙張銀兩  
又外委額外外委係由戰兵考拔向無馬匹今既專防隄工上下梭巡隄段甚長須用馬力往來較爲

便捷應請領給坐馬一匹馬乾一分此外應領公費仍照舊章請領以資辦公所有現議隄防營歲支俸餉等項銀兩數目與該營原支數目比較計少支銀六十三兩六錢零係屬有減無增應請照支荆州萬城隄志

是年奏准襄陽老龍石隄十一號普陀庵東接連十二號站鐵牛西椿脚俱已朽壞計長四十五丈高三丈六尺全行拆修第八號老龍隄段長五丈高一丈第十號普陀庵長四十六丈第十二站鐵牛西下首接連十三號站鐵牛隄段長六十一丈燹而未塌於隄面加高培補各段增築子隄及拋砌碎石釘椿護脚之處均行修理以禦春汛清會典事例

是年灌縣知縣胡圻捐俸增築岷江隄四十餘丈灌縣志 灌縣文徵載光緒元年灌縣人民陳炳魁上川督吳留任胡明府書略云邑自同治三年三道崖下鑿去石脚支水懸壘山脚塗堯次崩塌而都江堰人字隄亦連年衝決用水各州縣彼不傷旱此即傷澇去冬縣主通稟各壘培修懸壘保固灌口治水之源誠爲要務更勘歷年所壞田畝不忍數萬膏腴之地竟爲一片沙磧之場添隄七百餘丈洩河五千餘方栽柳二千餘株冒雪衝霜親爲勸課籌款設局備極經營而內外各河民工亦復大備今正內江斷流縣主詣河道勘賑工復密壘壞之處乃險懸壘局士曰堰水未泄寶瓶口北岸三道崖下插脚如雞拜支水而緩其湍悍也南堰消水隄下闔如人字讓水而使其澗洞也當中懸壘山下穿孔如鼻溜水而免其衝激也堰水增減之宜賴懸壘山口以檢制之懸壘障時之久賴三道崖脚以支護之此因山治水李王所以特創奇功也今培補懸壘必修復三道崖始爲永遠完善之策邑人隨即具呈懇修旋蒙諭春耕已遲堰水將開時既孔道工雖猝興而修復遂以不果士民等竊見縣主激任以來數月之內凡事之有利士民者靡不捐廉倡首竭力盡心而爲之況此補崖脚以保懸壘關係十四州縣之水利乎且李王築壘分江鑿山

引水二千餘載矣洵作深淺之規益歎蓄洩之準類多備誌而詳言之至三道崖石脚支水存則懸壘可保去則懸壘可危從未有  
道及於斯者今縣主詳論修復則是巧述之精心直契智劍之妙用也嚮蒙久任斯土壤石補崖形仍斜障吞流吐水勢不直衝奚  
至治水之不若古耶

是年遂甯縣知縣吳葵梅倡議重修三慶隄工未及竣而去知縣童沛霖繼爲之灌川府志

是年監利縣揚子院易家宅傍隄潰潛江團湖等院被淹續修潛江縣志 大治縣大水大治縣志

是年無爲州知州吳濛修築東灘圩後壩隄自田家灣起至姚家溝三官殿後搭老壩止工長四百餘  
丈又以白茅嘴下永定壩屢潰論建長隄八百餘丈未幾又潰廬州府請帑於迤下添建生工七百二  
十餘丈隄基完固安徽通志水工稿引廬州府志

是年武漢一帶正月江漲每一週時約漲高四寸許二月初旬漲至二丈有餘入夏以來雨澤滂沱各  
處水漲探聞揚子江充溢異常漢口尤甚每日計長一寸隄岸皆係被沖低窪之處大有浸沒之患又  
聞得鄱陽湖水亦漸漲漸高云 申報 民國二十四年出版江河修防紀要載光緒元年漢口揚子江最高水位四十五英  
尺最低水位四英尺三又二年最高四十三英尺八最低一英尺四又三年最高三十四英尺三最低零英尺二又四年最高四十八  
英尺八最低一英尺六又五年最高四十一英尺四最低二英尺八又六年最高三十九英尺六最低零英尺六又七年最高三十  
七英尺八最低零英尺八又八年最高四十六英尺二最低七英尺八又九年最高四十五英尺五最低三英尺三又十年最高三十  
七英尺最低七英尺一又十一年最高四十五英尺五最低零英尺八又十二年最高四十一英尺七最低一英尺六又十三年最  
高四十八英尺三最低三英尺八又十四年最高四十七英尺七最低零英尺三又十五年最高四十九英尺五最低零英尺八又十



六年最高四十六英尺五最低五英尺又十七年最高四十三英尺最低一英尺五又十八年最高四十三英尺二最低一英尺又十九年最高四十四英尺五最低二英尺七又二十年最高四十三英尺最低一英尺五又二十一年最高四十一英尺最低零英尺三(頁號)又二十二年最高四十六英尺六最低一英尺三(頁號)又二十三年最高四十五英尺最低五英尺八又二十四年最高四十英尺零三最低四英尺五又二十五年最高四十二英尺五最低零英尺七(頁號)又二十六年最高三十一英尺七最低三英尺五又二十七年最高四十六英尺二最低二英尺三(頁號)又二十八年最高三十七英尺五最低零英尺八(頁號)又二十九年最高四十二英尺五最低零英尺七(頁號)又三十年最高三十七英尺最低零英尺又三十一年最高四十三英尺最低五英尺五又三十二年最高四十四英尺五最低十一英尺又三十三年最高四十四英尺三最低一英尺一又三十四年最高三十九英尺八最低五英尺

初年防軍統領張得勝重濬江浦縣對江河加培隄工民國私纂江蘇通志水工志稿引江浦縣乘

光緒二年修築嘉魚縣江隄修隄疑在二年春夏間參看本年六月引嘉魚縣志 又奏准鍾祥縣境禹王宮隄加築

石岸坦坡並培月隄劉家灣隄脚汕刷退挽月隄一道清會典事例

二月兼署湖廣總督湖北巡撫翁同爵奏略 沔陽江隄暨利等州縣稟請委勘籌款當飭候補府史敬銘同知姚震榮會同漢陽安陸二府勘明現在大澤口故道沙淤成陸襄水由改口直抵深河潭探量水段長七十七丈有奇水深一丈八九尺不等須由水底排釘木椿方能施工旱段長三百七十餘丈北臨襄河東南緊接大澤口支河每遇汛漲兩水環夾腹背受敵必須退挽月隄一道以順水性竝於頂衝處建石磯以殺水勢其大澤口以內亦須修築支隄緊接改口隄身計長一千一百四十五丈

以上各工共估需錢七萬餘串又勘得大澤口河道淤沙自口門起循通擋河而達荊河計長一千八百二十餘丈現擬挖深七八尺不等估計工費需錢一萬九千一百餘串但閘閘瘠苦此兩項經費甚鉅仍請籌撥公款以便趕緊興工等情稟覆前來臣查春汛將臨民力未逮應在釐金項金籌撥 三月初六日軍機處行文湖廣總督俟前項隄河各工修築完竣將起止段落用過銀數開單奏報可也計奏撥釐金項下錢四萬九千串文 湖北通志清會典事例載大澤口沙淤蕪水改道遶潛江縣吳家場口南岸長隄淪爲巨浸長七十餘丈

五月監利縣民以襄河水漲議堵塞運河舊口聚衆滋事申報載光緒二年閏五月通訊云鄂省荊州所屬之監利縣地勢低窪各田畝半瀕於湖全賴四圍之隄以堵水勢而濱臨蕪河一面尤爲喫重自前年監利潛江沔陽兩縣一州因蕪河汛漲倒灌而入以致三屬之田畝屢舍屢被淹沒居民共集築隄岸達至釀成京控重案地方官用一時權宜之計聽民衆堵塞以冀相安無事乃堵塞隄口利南岸必不利於北岸天門等縣紳民公請仍開舊口以分水勢而免獅子口決隄之患適去年夏汛時監利縣民所堵之運河口被水衝開至今年五月間汛水又臨監利各營居民 議共捐資築堵運河舊口而北岸田戶又請地方官不准堵塞運河故道經荊州太守於月初率領差役練勇親詣監利縣境查勘隄形巡閱至運河口已有居民數萬人環懇照前准塞此口不但田畝可望收成抑於國課均有益無如太守以運河之口一經堵塞則南岸難免水災北岸恐成澤國殊非持平之策乃諭監邑百姓曰運河口向係荊州運糧之道如欲堵塞萬一糧艘率由舊章其將能飛挽乎因令不准堵塞然縣民以爲運河口如不能塞是殆欲驅監利一邑之人民盡葬於江魚之腹矣一時怨憤之聲聞數里其中無知愚氓皆以太守開隄阻斷北岸未免過甚遂羣拾田土擊碎太守乘輿之玻璃窗太守大怒喝將隨行勘隄紳民拿往八人將以解府從重究辦以示矧戒

由是民情益洶洶而前日堵塞運河口原爲國賦起見既翻前案不准復築而又拿及無辜豈行河陽之故智耶督一呼萬人齊應初只圖奪回所拿之紳民因紳勇緊護尙有四人被差鎖住遂向太守求救太守執意不肯以致各鄉百姓圍住太守之轎監利令傅壽芝恐百姓衝犯府尊乃以身進關與前適差勇持械來護賑民疑其用武遂用泥餅草刀與之格鬪不料誤傷傅明府刀痕七處所幸未至殞命監利百姓因前年築口之案積怨於中乃以白布大幅書官逼民變四大字於正中福登田間勢將與官作難雖太守因監利民變邑令又受多傷是夜趕回荊州哭寫於道台之前孫觀察一聞此言恐致生事諭令連營營兵前往彈壓太守謂如勦營兵易於激變請將受傷之傅令雙拿來紳民四人先行解省詳請撫憲核辦查襄河南北兩岸堰田較之河身形甚低下故北岸隄決則南岸得以安然南岸隄決則北岸可保無恙故南岸之居民因築隄口而興大獄者屢見於案牘全恃地方官度其形勢酌其緩急而辦理焉

六月護理江西巡撫布政使李文敏奏爲江西南豐南昌新建等縣被水分別撫卹查辦事竊臣接據南豐縣知縣狄學經稟稱五月中旬連朝陰雨二十日大雨傾盆上游山水陡發奔騰下注城外平地水深二丈數尺波濤洶湧沖坍城牆二十餘丈城內盡爲澤國官署民房倒塌甚多沿河房屋坍塌十分之六人口損傷不少監犯先派丁役防護倉廩亦尙完固丁漕串册等重件幸皆救全此外文卷不無漂失二十一日城內水漸消退隨將被災各戶妥爲安撫並查四鄉民屋田禾有無被淹另行具稟又據豐城進賢臨川萬安吉水清江新淦峽江等縣稟五月中旬大雨淋漓河水增漲丈餘沿河田禾廬舍均被淹浸圩隄多有潰決現赴各鄉安撫疏消次第查勘再行稟報各等情前來臣查省城地面亦自五月初十日以後雨多晴少二十日以後晝夜滂沱加以撫建吉臨等郡之水皆匯於省河以致

宜洩不及二十四五等日水勢長至一丈四尺有奇南昌新建二縣鄉間圩隄多有漫溢坍卸低處田廬皆在水中城廂內外低窪處所積水二三丈不等其時鄱湖尚淺是以數日之間水退過半無如大雨不止而江水近復驟漲倒灌入湖下游頂阻省河消退甚難臣詳加體察此次被水各縣以南豐爲最重小民猝遭水患蕩析離居情殊可憫已飭藩司委員馳往會勘飛速稟覆一面確查實在被水乏食貧民戶口酌量撫卹一月口糧其次則南昌新建二縣爲重臣已飭該二縣先將城廂被水居民設法安撫並令藩司委員該縣等赴鄉確切查勘察看水退遲速貧乏災戶或量予撫卹或籌款修隄以工代賑一俟覆到另行奏明辦理至豐城臨川萬安吉水清江新淦峽江等縣地處上游潦水易消亦經分飭確查收成豐歉分別酌辦各該縣被淹田地區圖頃畝飭令查明趕緊開報惟是江湖現俱盛漲內河數路大水復注於湖勢必泛溢橫流不但饒九南三郡濱江傍湖縣分皆虞淹浸卽進賢縣亦屬湖濱低區近日水勢情形尙未據該府縣稟報容俟飭查覆據實另陳申報 申報又載鄂屬春夏之交雨水稀少近以陰雨浹旬五月二十六二十九等日大雨時行兼之川湘之水亦滾滾直下故現在江水已漲至一丈四五尺之高云

又載五月二十二日南昌大水一由西河瀆州吉安臨江瑞州諸水入之一由劍江撫州建昌諸水入之須臾之間衆流畢匯驟漲至五六尺高漫過城外大街灌入濠溝沿濠城隍廟卽衝陷其勢洶洶壞及居民屋宇自撫州門外將軍渡至德勝門綿亘二十餘里編爲澤國復由濠溝透至琉璃灣察兩門被患以章江門爲最甚蓋其地勢低下又當水衝水齊屋簷多遭淹沒先是十九日起細雨屢繼積日不散河內亦漲有黃水數尺然距坡面尙低至二十一夜亥刻天氣驟寒歷亥子而丑大水卽至守更夫役沿街叫呼而臨河各舖家水已由後門衝進其時寒冷異常衆人起身俱爲戰慄手慌足亂爭相搬運貨物置在樓上迨天色漸明水已

湧運數尺勢不能仍顯物件各紛紛登樓於是難大吶號轉水中心隨流漂去是時雨勢甚大窮民避水者每至無可藏身未幾轉  
望傾頽人奔入城每向人言聲與浪俱接河沿距濠中間隔大街二內外民道俱極寬闊水初至即由各街巷溢入濠內頃刻之間  
已成無數小河有染坊所用巨石數塊置列巷口亦一衝而下自是屋之前後左右無在非水小艇往來通衢撈拾物件兼以渡人  
然大舟之失事者正復不少有鹽船五艘環繫一處索纜並施不料一時鐘緋俱斷即被衝圍隨流漂下舟人大呼救命無效前者  
轉瞬間已杳不知其所之矣是日清晨南昌新建兩邑尊出章江門乘坐紅船赴沙井頭飭開大杖向水頭打下南昌尊即往撫州  
門外督率衆役以石塊三千抵蕪魚尾附近有田約萬畝地極低窪被衝入非至冬底河水大涸之時不能退清且爲南昌第一  
膏腴之地故尤加意防及是時城外之水已漲至七八尺雨亦旋止居人滿望即刻退淨復我室廬無知信河之水又合湖水隨入  
繞境下流壅塞兼之北風甚大吹向上流不能退退而來勢正未有已也 又載南昌於前月陸遭水患城內外各處計淹沒兩次  
閏五月初六日贛河瑞河之水復洶湧而至沿河漂流木器及犬豕之屬不計其數俱由西河而下初七日遂淹上城外馬頭各舖  
將貨物陸續搬運初八日沿城濠濶滿凡低處屋宇又經浸入初九日淹及中沙河鬱洲上圓覺寺浮橋頭下並接官亭一帶凡  
近河外街之行口店面均在水中於是愚民廣潤章江琉璃灣壑五門外皆爲澤國初十日西河水勢稍平而撫河之水又泛濫奔  
至漫上城外大街復由水關流入城內東湖沿湖民房及西北一帶低處街道凡前次被患之處又皆遭水連日共計漲水一丈三  
尺數寸惟是前次水退之後天氣少晴多雨屋內地上均有漬溼未得乾透各處牆壁均未能修整復原今復遭此巨患真所謂痛  
上加痛其情景不堪言狀聞得贛州之興國瑞州之高安上等縣皆先後被蛟漂沒不稼至廬無算潯河之水盛發於廣昌據省  
垣傳言似較上月尤大不但漫過城牆即城外最高處房屋盡皆淹沒果爾則南豐南城適居下流其受患之深俱不知若何景象  
矣十二日水勢漸平城外高地而將次退出城內高橋上僅存水二寸許往來行人甚艱於舉步皆繞道而行十四日水已平河

然近河最低處尚有積水按此次被水幸得連日晴霽故各處受患較前稍輕聞傳得建郡上流信息又甚於前大據云廣昌各鄉於初二日獨發蛟水連漲三日沿城家廬多遭淹沒而甘竹一鎮直全行衝去所存者僅數戶而已南豐之瑤圃亦於初三日發蛟居人大受其禍城內外屋宇概已浸及初五日始退實察得比前僅低一尺餘惟城內之橫中巷一帶又比前加高數尺現聞撫州許灣鎮有人撈得南豐縣署大堂之正樑一根則地方被害之深可以想見又有建郡人撈獲上流浮屍數具不知爲何處人至該處受水回來勞瘁綏居人得以預先搬避不致有大損失然各縣沿河一帶早稻未及刈割現已顆粒無收云

六月既望嘉魚江漲隄盡裂塌鄉民男女相顧泣急急爲遷喬計江成蒲民亦倉皇奔走急求一援手

之人越數日徐公強孔魯珊以身導防護危險不避心力俱瘁隄得全民亦無恐嘉魚誌志 志又云先是

長隄五段四邑照界承修兵燹後經費耗盡均無能加高培厚全隄僅存遺址同治辛未府憲方公菊人蒞任以隄防爲首政陸續請撥巨款將府隄成隄江蒲隄次第修復嘉隄固有毛靈在任得魯珊與周海臣步臣季心精察平隄諸紳同時並起極力扶持隄尙無虞爰未請給修款然江成蒲三邑修費均出自照縣故近來倍於往常嘉邑修費出自下六里隄內受益民戶每年隨漕額徵僅得費錢七百餘串雖賴魯珊認真修理而費不敷用亦惟培補浪坎漏窟耳故嘉隄一綫僅存較三邑隄更形單薄是時江成蒲紳夏之時等以嘉隄路上游爲四邑頂冲咽喉地憂嘉隄宜修情形仰蒙方憲詳達大憲光緒乙亥冬給發帑錢二萬一千六百串揀委六員同嘉憲徐公藻璋督修徐公力迫魯珊盡其成魯珊以疾辭丙子夏工甫竣江汛迅隄身土盡斷裂不堪水障字號腰隄處尤最險內土埤塌深丈許計長七十餘丈隄面僅存三尺四尺有零危土墜立水從漏隙行人舟車莫敢近前委魯臨遷他土報請不及徐公堅請魯珊至以身督險處民爭議焉不一時而應召者千餘人三邑之民亦奔集於斯相與運土負沙供魯珊指使內用小舟十四隻抵險壁以木樁釘其腹尾使舟無下避中實以土外係以柴樁面約成一丈餘隄無患民遂安矣魯珊之

應是役也六晝夜臨幾大風雲爲飲不眠就寢席筵立深險之開尺土寸楹皆經 露漉是年冬轉土翻築卽屬未經之處其土猶甚  
水如泥士民相告曰使當日防護稍遲不如法則潰矣我輩室家未沈波底者皆徐公理智力也是水患之可畏也如斯人力之  
可授也如斯特誌之以爲防範式

九月壬戌(初五日)兩江總督沈葆楨安徽巡撫裕祿奏爲皖境江面之和悅洲已成繁盛市鎮移設同  
知以資彈壓事竊安徽省地當吳楚之中長江爲上下游往來必經之路凡商賈輻輳之地奸宄易於溷  
跡緝捕稽查不容稍懈地方情形如有今昔不同者例得因時制宜量移員缺駐紮歷經辦理有案查  
皖南池州府屬銅陵縣之大通鎮地方濱臨大江離城較遠向來設有巡檢一員並陸路把總一員駐  
於大通自咸豐三年後沿江被賊滋擾以致該處市鎮悉遭殘毀惟附近大通鎮僅隔箭許之江面舊  
有蘆洲一片地段較闊四圍皆水俗呼荷葉洲所居洲戶初不過土著寥寥數家迨水師入江先清江  
路卽就此洲屯割以爲水營賊不敢犯於是四處商民紛紛避居於此貿易其間遂名之曰和悅洲迄  
今十餘年來人烟稠密瓦屋如鱗已成皖境江面第一繁盛市鎮而游勇盜賊會匪亦最易溷跡其間  
該處分防文員仍只大通鎮巡檢一員實不足以資彈壓巡緝皖省如廬鳳穎三府本有移設鳳穎同  
知鳳廬同知分防捕盜之例今該處旣成巨鎮地方緊要似須援案移員駐劄方資治理查皖南太平  
府同知一缺歷駐蕪湖縣分防江口雖蕪湖亦係沿江要區惟向有巡道暨蕪采營駐劄且係縣治該  
同知在彼事務較簡似可因地制宜移簡就繁以期得力當經飭司體察情形妥議詳辦去後茲據布  
政使紹誠署按察使王思沂會議詳請具奏前來臣等伏查和悅洲地方自闢成市鎮以來商賈雲集

五方難處稽查彈壓均關緊要現查太平府江防同知向駐蕪湖縣事務既簡應請將該同知即移設和悅洲改爲池太兩府江防捕盜同知專司巡緝稽查 下部議奏 東華續錄

是年途甯縣知縣田秀榮續修三慶陽 漢川府志

是年監利縣砂礮頭潰潛邑團湖等垸復被淹 續修潛江縣志 修築荆門州仙人大隄 湖北通志

是年無爲州知州吳濠修築李塋外隄工長一百餘丈 民國安徽通志水工編引鳳州府志

是年廬陵縣五月大水 廬陵縣志

光緒三年二月壬辰(初六日)修湖北襄陽府老龍石隄從署總督翁同爵請也 清德宗實錄

十月己亥(十八日)以督防隄工出力予湖北荆宜施道孫家穀荊州府知府倪文蔚優叙 清德宗實錄

十二月□□日湖廣總督李瀚章奏爲武昌等縣刁衿違禁逞強糾衆斂費在於樊口攔河築壩有礙

水利調派兵勇前往平毀拿辦事竊照湖北武昌縣樊口地方外濱大江南通梁子等湖袤延八百餘

里與江夏大冶等縣接壤同治初年及十三年間據該紳民以樊口港內民屯田地每遇汛漲江水從

口灌入即被淹沒呈請在於港口建築壩閘經前督撫臣暨臣先後委員勘明該處築壩建閘窒礙多

端稟由武昌府議覆樊口長港內通諸湖自港口至黃柏山止計長數十里兩岸原有老隄賴以捍衛

後因坍塌致盛漲時江水倒灌低處誠不免被淹然梁子等湖衆流俱匯此港而達於江如建石閘雖

足以抵禦倒灌之江水而內湖水漲無路可出泛濫橫溢恐向不被淹之處亦將被淹爲害更大况該

處水路內通數邑集鎮糧食貨物皆係船運建築閘壩舟楫不通商旅裹足尤於民食及釐課有礙節



次明晰批駁上年前撫臣翁同龢接准武昌等邑紳士由京寄來公函仍申樊口建閘之請又經飭委候補知縣陳豪前往會縣覆加履勘審度地勢利害該處梁子等湖數百里之水向由樊口出江別無宣洩之路一經建閘下板堵禦如遇大雨時行各湖水無分洩其間沿邊田地必先受淹而夏汛盛漲之際內外隄不免沖決爲患委實利少害多批飭不准舉行在案詎有武昌縣廩生郭瑞麟候選訓導胡書田大冶縣武舉皮周福黃岡縣生員劉玉田於本年春夏間竟敢違禁逞強糾衆斂費在於樊口地方築壩將河堵塞並私立埠頭抽收船釐把持勒索擾累商民卽經臣訪聞札飭各該縣剴切示諭開導勒令平毀乃郭瑞麟等恃衆抗違如故茲據大冶武昌江夏等縣士商民楊鳴遠楊辛葵袁兆麟等紛紛呈由各該縣稟經武昌府知府方大湜查明地方受害及郭瑞麟等藐玩情形開摺繪圖轉請調派礮船營勇會縣將壩創毀嚴拿各首犯究辦等情前來臣查楚北素稱澤國江漢兩水自江夏合流東下汛漲之時勢極洶湧全賴沿江各湖以資分洩樊口爲入梁子等湖咽喉若將該口堵築則水無銷路就武昌一邑而言已屬害倍於利若以全省地勢揆之則不獨下游黃梅等縣隄工可慮卽上游各州縣江隄亦必有潰冒沖突之患乃郭瑞麟等膽大妄爲輒糾衆強行築壩抗諭不毀並私設釐卡勒索商民實屬藐法已極事關通省水利未便稍事姑容隨檄管帶漢陽操防營洋鎗隊提督宋德鴻武昌城守營參將樊國泰酌帶兵勇礮船並委武昌府知府方大湜會同馳往督縣率領兵勇於十一月初八九等日將樊口私壩全行創毀商民莫不稱便查拿郭瑞麟等先已逃避營勇概行撤回酌留礮船數號暫駐該處會同地方官嚴拿在逃各犯解省審辦嗣後樊口堵築壩責成各該縣隨時

稽察每年冬季將並無違禁私築緣由出結通齎查考以利水道而昭慎重除將郭瑞麟等衣頂分別咨部斥革一面仍飭勒拿務獲解報歸案訊究懲辦外所有辦理情形理合恭摺由驛具奏 又奏湖北武昌縣樊口地方為消洩江湖諸水要道前據該處紳民呈請創築閘壩經歷任督撫臣因受益僅止一隅而害及數邑且有礙通省水利節次明晰駁飭不准建築上年廩生郭瑞麟等赴縣仍申前請乃前署武昌縣知縣劉篤慶並不查案切實指駁禁止輒行含混批示以致郭瑞麟等藉口斂費逞強糾衆攔河築壩幾釀事端實屬不知輕重咎有難辭相應請旨將前署武昌縣事現任監利縣知縣劉篤慶交部嚴加議處以示懲儆 丙辰（十四年正月初六日）得旨如所請行 東華續錄 申報載光緒三年四月初四日漢口因襄水驟漲覆舟十一淹斃六人略言鄂省所屬之武昌荊州安陸漢陽諸府皆襟江帶河每逢夏秋兩汛泛漲之時全恃腹地巨湖以為潛澤蓋水勢以分而見少即水力以分而見馴也隸於江之東者其湖為大週圍不下五百餘里隸於江之西者洪湖為大週圍幾有一千餘里舟楫往來朝夕不絕因為外江內湖常川之水道自兩處湖湖居民欲以數百年荒廢之湖轉為千萬頃膏腴之壤遂於去年冬間將江夏武昌兩縣交界之真滋湖水口一律堵塞使江水不能倒灌而東岸蓄水之壩絕將屬潛江監利沔陽兩縣一州環拱之洪湖水口一律築塞使河水無所分流而西岸洩水之區絕方今汛水甫臨外江之水則川為大內河之水則漢為大然河水易於潰決轉甚於江向來腹地節節有湖即節節有口雖覺濇澀浪高如山湧快如奔馬而有汶港以為支流亦自具急驟受之法自湖口塞絕以後水勢以無分而見多即水力以無分而益厲現在漢水發自漢中浩蕩奔騰較之上年立夏之交又有過之原其故實因內河水無所洩而又有江水以樹之敵遂至急流匯進高似建瓴猶幸激口一帶隱形雖低尚未淹及然僅利尺許耳四月初四日夜半漢水驟漲漢口港頭高丈許一時人聲鼎沸潑泊之船適在昏黑之中措手不及隨波

覆者十有一艘中有六人與波臣爲伍云 又載是年十一月樊口攔堤淹斃人口略言武昌下游百有餘里之樊口水爲武昌大治等縣水程之要道內通亮子湖此湖四圍田地爲黃州府屬之黃岡武昌府屬之江夏武昌咸寧大治五縣錢糧所關沿湖地勢低窪每被長江水泛漲入該處卽難望有秋該處紳耆自願捐貲築堤從去歲開工至今年春夏間始竣約費金錢十萬餘緡井議於湖之下游造開洩水因礙工竣後民力已因此開至冬尙未動工秋收亦因蓄水過多而稍減近忽傳聞是月初七日夜間省憲調兵數百名倍道而來督擄堤隱破而水瀉現在冬令江水枯涸高下一二丈有奇該口自築堤後往內河之咸寧武昌大治等處不免阻隔每逢貨船進口皆須抵壩提駁故該處停泊大小駁船常有數百艘陸地一帶亦遭屢以通買賣挑夫亦聚有數百名是晚一經放水陡破而水不留霎時如激激矢飛船隻隨水下閘多有碰破亂聲呼救人盡無能爲力淹斃人口百餘而口上炮船閘亦同遭損壞又聞當開堤之際挑夫見官兵放鎗亦取鎗施放兩造受傷及致斃者不少互相活斃者亦有數人云 又載漢口之水六月間較夏初已落一丈四尺有餘現交秋令又復逐日漲起以視夏日高約有六尺餘云 又載武昌江水自中秋節後逐日加長梅花磯下之石已沉沒當道委員督修自武勝門起至草湖門止

是月二十八日丁寶楨奏爲勘明成都府屬之都江堰關繫十數州縣水利頻年江流泛溢衝毀民田現擬籌款修理事竊查江水發源岷山東南入夷地歷松潘理番茂州汶川之境合支流而匯於灌縣秦時沫水爲患蜀守李冰於灌縣西南鑿離堆穿爲二江中築都江堰導水分流藉溉農田其利始溥而水強土弱歷代均須修葺國朝雍正年間定有歲修之例准其動用公項由官修理按年題銷而銀數無多江流縣長並分內外二支上下百餘里大堰之外旁築小堰甚多官工實難徧及全賴民間自行捐資隨時挑築藉衛田畝計民工數倍官工自成豐年間軍興以後糧口於正供之外加完津貼繼

以連年捐輸小民竭蹶供億無力兼顧專恃官工補苴罅隙又以經費短絀顧此失彼致二十餘年來江底愈淤愈高水漲輒多泛溢衝刷隄堰沿江田畝時報坍塌小民失業空賠糧賦迭經赴省控訴又每逢雨水稍多之年省城城內卽須行船雖經前督臣委勘飭修因軍餉緊急庫帑空虛實無鉅款可籌未能興辦臣洩任後復據成屬各士民紛紛呈訴以現在工程緊要民力萬分拮据請將淤墊過甚之江心百餘里懇求發款挑浚其餘各岸工程尙多該紳民等仍願自行集資修理情詞實爲迫切臣以耳聞不如目見灌縣離省僅百餘里隨於本年九月間輕騎簡從率同署成縣龍茂道丁士彬隨帶熟悉水利之員親詣都江堰詳細履勘見內外兩江節節淤墊較舊時江底高至一二丈及八九尺不等兩岸沙灘上與田齊亂石縱橫中流阻塞灌縣溫江崇寧郫縣崇慶州等處民田衝毀已至六七十萬畝若不准予挑修非但已衝之田不能復業且恐成都十六屬州縣一遇大水浸成澤國而省城地處下流亦恐淹浸臣查悉工程實有萬不可緩之勢雖刻下庫款支絀而賦出於民民出於田且百姓正賦外加徵津貼已三十餘年收數不下一千六七百萬兩又自同治初年辦理捐輸每年約計八九十萬兩迄今已十餘年收數亦不下一千二三百萬兩此皆出自按糧攤派茲若省一時之費拂萬姓之心使之莫保田廬恐以後津捐難期踴躍殊失遠大之計况該紳民等僅請官爲修理江心此外兩岸堰工仍願自行按戶捐辦以後歲修一切均照舊自爲經理若竟置之不理實不足以對百姓卽督同委員逐段切實估勘擇節核實統需經費九萬餘兩方能將內外兩江一律疏洩並將坍塌隄修砌完好保衛十餘州縣糧田爲一勞永逸之舉值此冬令水涸亟應及時興工俾明年春江盛漲不致

再行泛濫衝灌良田隨飭現署成縣龍茂道丁士彬親往工次督署水利同知徐傳善署灌縣知縣陸葆德等催集人夫趕緊興工先濬外江限日分段疏洩一面飭令民間按戶集資趕築隄堰並分撥駐省之靖武營勇丁前往工所幫同夫役併力洶淤以期速竣要工臣於興工後復親詣該堰指示機宜察其勤惰衡定賞罰各該員役民夫等均能踴躍從公惟查司庫空乏異常此項工需又刻難再緩臣現商之藩司以正款無可動撥惟有於各州縣存寄司庫應領各款內暫行湊銀九萬兩陸續分解工次應用將來即由鹽貨各釐金項下撥還再行設法勸捐歸還釐金俾免挪用正款以期節省庫項臣當嚴飭各委員等核實撙節不准稍涉虛浮統俟工竣再行由臣查驗具奏丁文誠公奏稿 灌縣志載光緒丁丑四川總督丁寶楨親臨都江堰相度奏請大修堰成補道丁士彬等督工而責成於灌縣知縣陸葆德陸則聽信家人金石各販遂得因緣爲奸於是石壁毀鎔之謀並沿河製石爲隄實之以鐵加石灰銅油補苴罅漏工亦堅實而敗於垂成復蹈元明覆轍惟太平魚嘴僅存其所修白馬漕平水漕則至今爲利厥後勘修略有補救幸不甚壞然欲求洞然情形躬親指示如強望泰其人者實不易得清末在事諸人頗議鑿石補三道崖而慮水發即崩終無成效劉廷恕官水利時撰有記深惜其不能復舊云 都江堰功小傳載四川總督丁寶楨以都江堰舊制竹籠不堅歲修累甚奏請十萬金大興工役前後親勘十二坎均易以石隄復鍊鐵鏈之河堰成初視若堅壁粉然一新已而汛作陡瀉決片石無存者事聞諭明白同奏寶楨奏曰臣之辦理堰工惟有於人字隄一段泥淤經久費之虞易籠爲石致盛漲時堰工衝損三十七丈有零無可辭咎蓋亦自任其過然親過知仁未可以一售掩也小傳又載光緒三年莊裕琦監都江大工洞悉利弊六年署成都府水利同知十年九月復署每年修淘合度勘工恆至七八次絲毫無擾寒暑不辭堰工初墮時都江土邱遺址頽塌不可言狀至是復完葺葺劉秉璋官至四川總督都江大工頽壞時莊裕琦經

再續行水金鑑 卷十四 江水 光緒元年至三年

營於下乘璋主持於上補苴振理仍用竹籠古法隴祠以安

是年兩江總督沈葆楨使防軍重開六合縣朱家山河未成 常鎮道沈敦蘭復開丹徒縣鮎魚套新

河民國私纂江蘇通志水工志稿引縣志

# 再續行水金鑑卷第十五

江水編年十五

光緒四年七月初八日四川總督丁寶楨奏再川省都江堰向分內外中三江分溉成都十六屬民田爲利甚溥自咸豐兵燹後民力不繼年久失修每歲盛漲沙石俱下江身日益淤高而離隄一處爲內外江分水緊要關鍵復被衝塌一角江流益形洶湧臣上年到川卽據各屬紳民以水患日甚呈懇勸修臣以江水關繫民田且鑒於閩省連年水災隨卽督同署成縣道丁士彬帶同委員兩次親往踏勘河身淤高屬實隄岸亦多衝潰當卽籌款修理均經奏陳在案查當初估修之時以此工多年未修水勢橫決灌縣一帶淹沒民田已不下十數萬畝此次必須認真挑築期於一勞永逸計自上年十二月初開工起至本年三月中旬工竣均飭丁士彬親駐江干督同委紳妥辦工程頗爲堅實乃自五月十七八連日大雨至十九日辰刻江水陡漲一丈九尺有奇滿江濁流水黑氣腥離隄以下聲如牛吼而惡浪掀騰漩渦噴起上流連抱大木及長可丈餘之巨石隨波直下至午刻水力益猛內外兩江高過隄岸將及尺餘二十一日已刻水復增漲洪濤澎湃查看隄岸全行淹沒但聞內外江聲如雷震頓將人字隄第三道海缺所築之金剛牆衝塌數丈幸所築之新工魚背及人字隄並以下各堰分水角背尙無損折惟兩岸隄身向係碎石堆砌間有刷動亦無大損至灌縣城外護城底石大半衝去計自五月十九日起至六月十六日止水勢始漸平穩臣於水勢洶湧時飭委員嚴加搶護復飭丁士彬親往監

督並令沿江查看民田據報均無衝損查都江堰水發源岷山來勢極遠每當立夏以後西邊各山積雪消融加以雨水自松潘理番憑高直下總匯於灌縣城外流往下游勢極奔騰自秦李冰鑿離堆後歷代皆隨時修築我朝定有歲修並於離堆之寶瓶口建立水則以視水之漲落預爲隄防其水則以一畫爲一尺自出水面一畫起定至二十二畫爲止從來江水盛漲聞未有逾十八九畫者甲子年水大異常亦只至十八畫有奇而下游民田已幾成澤國省城城內亦可行舟幸消退迅速未致大害本年異常泛漲直將水則全行淹沒是合之挑深江身及培高隄岸計之水漲將及五丈有餘詢之沿江耆民均稱數十年來從未見此大水所幸隄防甚早河身隄岸均各加深培高水雖極漲流行通暢且新工魚勞人字隄及各堰分水魚勞均形結實故當巨浪排空尙能抵禦月餘以來不惟下游省城及各屬民田毫無損壞卽灌縣城垣偏處江濱亦完善如故一無損折此皆仰賴聖主鴻福得以普庇平安百姓歡呼同聲頌禱臣事後回思猶爲心悸現屆七月水勢之盛漲與否未能遽必而經此一番搏激以後各工段當不致再有他虞丁文誠公奏稿

八月戊寅(初一日)諭前據李瀚章奏湖北武昌等縣刁紳攔河築壩有礙水利調派兵勇前往平毀茲有人奏樊口隄關關繫農田民命委員勘報不實請飭覆加查勘等語樊口地方應否建築關壩爲商民利害所繫亟應確切查明以昭慎重著派彭玉麟楊岳斌前往詳細查勘悉心酌度據實具奏原摺及李瀚章前奏摺片均著鈔給閱看清德宗實錄

是月丙戌(初九日)諭前有人奏樊口隄關關繫農田民命請飭覆加查勘當降旨派彭玉麟楊岳斌前



往確查茲據李瀚章等奏武昌縣匪徒違禁復欲築壩調派營勇前往查拏解散獲犯懲辦等語樊口地方究竟應否築壩該督等所奏匪徒兇橫不法分別正法究辦各情辦理是否允當著彭玉麟楊岳斌迅速前往確切查明據實具奏毋稍徇隱

清德宗實錄

是月己丑(十二日)諭前據丁寶楨奏都江堰頻年泛溢衝毀民田現設法籌款修理旋聞該處江流盛漲民間已被水災正以新築工程能否可靠地方被災是否深重慮念方殷茲覽該督所奏情形是都江堰泛漲異常與朝廷所聞無異爲水勢高過隄身濁流洶湧歷時將及一月沿江田廬必多淹沒且從前盛漲下游已成澤國此次水大於前據稱沿江民田均無衝損殊難憑信至隄身既有缺動能否搶護平穩不至大損所築新工有無損折能否一律結實恐有不實不盡之處丁寶楨當嚴飭丁士彬認真履勘據實稟報再行詳細奏聞不准稍有粉飾並將新築隄工隨時保護完善被災地方加意撫恤毋令失所將此由四百里諭令知之

清德宗實錄

是月二十一日天門縣知縣邵世恩籌修岳口潰隄通稟 竊本年六月初間襄水陡漲並因襄河南岸潛江所屬之吳家改口及大小浮口等處概被築塞水無消路致於是月初七日早將卑縣岳家口之迎恩寺前街隄漫潰一口凡在下游各團垸及沔陽漢川所屬地方悉被帶淹汪洋一片四望無涯小民蕩析離居苦難言狀自不得不趕緊籌費修復以資抵禦卑職到任之初即經前詣查勘並諭飭該鎮本客各幫紳富熊紀雲李啓元等邀集街鄉紳耆籌商稟辦一面並將卑職辦理大致情形通稟憲鑒在案發稟後卑職旋即輕騎減從復往該鎮就近督辦沿途察看地方情形現在水勢雖已漸退

然被淹日久民困更甚鄉間田地高阜者固有涸出之處但全被新生淤沙積壓低窪者已俱沖成泓潭一時水難退盡依然淹沒以致均向不能耕種且潰口未築襄汛來去無常即間有補種之區自經兩次復汛仍歸淹沒加之時已深秋該災民等不獨棲身無屋即日食寒衣亦皆無措滿目嗷鴻不忍聞見若非國家經費有常早當請款撫卹所幸該鎮街市被沖者尙只十分之二元氣猶未大傷該災民等尙得備趁借貸聊延殘喘其該鎮居民士著者固慮藁攸關客藉者亦貿易所繫當此鉅工無款自應責令當地紳富就地籌辦惟該鎮素爲晉陝兩省花布客商屯集之所昔年買賣原本不小近年以來因該兩省迭遭荒歉花布銷路頓滯以致懋遷減色市面蕭條物力亦殊艱難但念隄潰不築匪特無此政體卽該鎮之廢敗更可立待欲爲士民謀百年之安不得不令士民受一時之累況卑職身任地方責無旁貸尤不敢畏難苟安致負憲德第亦未便一味苛派絕休養生息之機茲卑職首先捐廉五百串以爲之倡一面會同卑縣縣丞楊光杰徧邀街鄉本客各幫紳富齊集公所剴切開導公同妥議街市之費以捐股戶抽房租爲宗鄉間之費以按畝攤派爲主並酌定下等各戶概免派捐其餘股戶行舖分爲上中兩等而兩等之中又各分爲三等該鎮向有賈當兩家自難與別項舖戶並論應入上上此外各股戶行舖自上中至中下五等輸捐之數依次酌量遞減以昭平允各該紳富尙知顧全大局好義急公俱各踴躍樂從當卽發給印簿令各自行書捐一面並飭鄉間紳耆各自回鄉清查田畝造具細冊呈候核定派費現在合而計之樂輸畝費房租三項儘力羅掘約可集費四萬餘串惟是此次工程不特口闊泓深築塞非易且剝岸處處堪墜隄脚在在空虛隄外淤灘亦被沖去欲使新

築者不受頂衝塌堦者悉臻完固統籌全局爲一勞永逸之計非於上游建支水廠並將傾塌石砌從新拆做不可工程既鉅需費自多卑職與楊縣丞督令素諳隄務之紳耆約略估計僉謂即使竭力撙節涓滴歸工亦總非十萬串錢不能藏事而所集之費尙不足一半之用至畧守與高令所議之抽釐一層原稟就一歲計之云可捐錢萬串有奇但此項抽取向以花布爲大宗今年附近產花各州縣均被水淹來源既少貿易必減且本街商富已有樂輸房租兩項目下再令重出此款力實不逮自不能不注重於客販而客販蹤跡無定可東可西現在聞有此舉已均徘徊觀望設客販裹足不前則本街商富之交易亦爲阻滯兼之零星湊集爲時既屬紆緩捐項亦極瑣碎勢難應此急需卑職體察情形似應暫緩辦理庶該懋遷暢旺元氣可培不致日就蕭索然舍此之外實已搜羅殆盡無可設法若再責以就地籌勸民力實有不逮卑職非不知庫藏支絀無款可撥但此時民間已筋疲力竭而鉅工又不能任聽久懸目擊時艱又何敢顧慮憲飭不爲小民請命合無瀝陳下情仰懇俯念卑縣工鉅民貧實較他處爲甚將來開工時或在附近之沙洋釐局或在別項善後開款中借撥錢五萬串以濟急需俾大工可以尅期告成而小民亦得其登衽席一俟該鎮隄工告竣懋遷復元來秋棉花豐熟卑職卽查照畧守等抽釐原議按年抽收歸還前項借撥之款斷不敢事後懸擱致負生成惟其時或由卑縣釐局帶抽或由卑職遴派紳耆自行抽繳之處屆期再當具稟請示辦理至現在就地籌費之舉既經卑職會同楊縣丞辦有端倪則估工收費與夫購買木石等料僱用礮士各夫諸事急須委員下縣趕緊預爲辦理庶幾水落歸槽卽可擇期興工以免羈延時日致誤要工除仍催令各鄉紳耆趕緊清

查田畝造冊呈核並俟委員下縣再行會同確核勘估各工究竟實需工費若干暨將各商民樂輸畝費房租各細數開列清單繪具圖說及此外如有未盡事宜另議稟辦外所有卑職現在會同楊縣丞就地籌修岳家口潰隄已有端倪並懇憲恩撥借不敷之款各緣由是否可行理合稟乞查核批示祇遵一面迅賜遵委熟諳隄務廉幹耐勞之員下縣會同辦理抑更有請者潛江縣之吳家改口今歲與卑縣之岳家口街隄同時並潰現聞該縣士民籌費復築在鄉愚域於一隅未始非各顧其私之意但該縣所屬之大小澤口實爲消洩襄水故道數百年來未有人敢於議塞則該兩河之萬不能塞可知乃近年該縣與沔邑鄉民竟敢不顧整鄰之害先後恃強全行壅塞從前曾蒙各前憲屢次嚴札飭毀未遵以致襄水偶漲無路可消卽有橫決之患本年南北兩岸先後潰口甚多而南岸各州縣之水患較之兩口未塞以前勢更加甚則子產所謂大決所犯傷人必多不如小決使導者驗之今日而益信矣以後該縣士民若仍不將已塞之大小澤口疏開而又復修吳家改口則襄河北岸匪獨卑縣之岳家口一處受害靡底將上自鍾京各邑下而卑縣縣城與下游之漢川漢陽等縣不數年而俱爲澤國而南岸田畝之受益亦仍毫無把握似乎統計全局利害多可否仰邀憲恩俯念地方爲重遺害實大卽懇查案嚴檄現署潛江縣史令如果必修吳家改口務須先將大小澤口疏開以復消洩襄水故道冀成案

九月初八日丁寶楨奏爲本年都江堰水勢異常盛漲沿江民田實無衝損所築新工惟兩岸碎石隄身間有衝刷餘均穩固據實覆陳事竊臣於光緒四年八月二十八日承准軍機大臣字寄光緒四年

八月十二日奉上諭前據丁寶楨奏都江堰頻年泛溢衝毀民田現設法籌款修理（諭旨見前）欽此伏查都江堰水本年異常泛漲據本地土民均稱爲數十年來所未有當水勢極大時臣亦懸慮新工難資抵禦民田必致衝沒亟於五月底飭丁士彬前往督同水利同知及灌縣等縣設法搶護並飭各州縣查明民田有無衝沒隨時稟報乃自五月十九日起至六月十六日止水勢漸平所有新築分水各魚犄人字隄及兩岸隄身均未損折惟五月二十一日已刻內江離隄以前之水漲高一丈七八尺有奇氣色腥黑屹如山立不上不下灌城居民驚心駭目呼號不絕但聞離隄脚下聲如牛吼滿江洪濤澎湃有同雷震歷時許至申正濤頭忽轉向人字隄噴擊勢如電掣立將人字隄後第三道海缺所築護隄之金剛牆衝塌三丈餘水勢豁然由此奔赴外江分流中江始就平順查着人字隄毫無損折惟兩岸隄身向用碎石堆砌濁流經過間段均有衝刷隄岸並無傷損此外各工均各完固民田均一律幸獲保全臣前奏實係確切情形並不敢稍有掩飾第此次水大異常民田何以不致淹沒不惟朝廷不能釋疑卽臣當時目擊心維亦深詫異茲謹將實在情形敬爲我皇太后皇上詳陳之查都江本爲川江正流導自岷山來源極遠自松理各屬入川境奔騰而下至成都府屬之灌縣上游十里許地名西馬堰爲一總匯流入腹地每當夏令西江外各山積雪消融加以大雨時行汛期必有漲發其向來江水經行之正江卽今之所謂外江也外江僅一河水勢過大不能容蓄每多漫溢故秦李冰鑿離隄以分江水始將正江別支一支今名曰內江而於外內江下流之十餘里又分一支以資宣洩名曰中江自後三江並流水勢既殺而民田分受灌溉可免泛溢爲利甚溥溯查分江之始係於江口之白馬

堰以下三里許創建分水魚嘴一道以長數丈之竹編爲竹籠中載巨石排列江心深入水底丈餘復用徑數寸之鐵樁數十根釘入江底穿繫竹籠層層堆列高出江面一丈數尺至二丈數尺不等其籠石排砌頭小尾大形如魚身分水之處名曰魚嘴其分水係審定下游地勢之高低以定水口分水之多寡原立水誌流入外江者四流入內江者六分不容稍有增減並著有深洶灘低作堰二語爲修理江身準則迄今數千年咸守其法不敢改易且自是以後代有歲修所以防盛漲水落沙石淤積也自近數十年來久失修理不惟內中分支之兩江淤成平陸沙石壅塞高過隄岸卽外江爲江水正支江身淤墊亦幾與隄岸等故歷年來一遇水漲民田率多衝沒卽灌縣一屬查核已至十餘萬畝不可復識至甲子年水勢盛漲下游幾成澤國以旋漲旋退幸無大傷臣上年到川卽據灌縣各屬紳民呈懇興修臣詳詢之官紳均稱江身淤塞情形萬難展緩當時猶未遽信因督同丁士彬暨委員自灌縣上游之白馬堰起逐一履勘詳看水口之分水魚嘴實屬廢壞不堪外江之水大半灌入內江又從灌縣域外查看至下游之十餘里地名新都堰卽係中江江身則見外中內三江悉已連成一片水勢亂流固無所謂三江之分且併爲一江而亦不能順軌迨由新都堰江身憑高遙望下游省城及成都十六屬俱形同釜底彼時查看卽慮次年若有盛漲成屬必爲澤國始決意估勘工料奏明籌修飭委丁士彬帶同委員等親駐江干趕緊辦理其時已在冬初丁士彬以工大費繁爲時較晚先將江口之分水魚嘴照依古法加工重修並飭委員會同灌縣知縣將內外中三江分起同時並辦先將三江分出正身由外江興修至中江又由中江至內江每支江身挑深至一丈二三四尺不等一面將挑出江身

之大小碎石卽以培修隄岸隨地勢江身之高下相度施工地之低者增高至一丈六七尺及二丈四五尺其高者培修至七八尺丈餘不等合計外中內三江挑深培高約計七十里三分有奇復將三江之各分水魚嘴重行修築其人字隄一段爲內外江束水最要關鍵亦從新撤去朽壞籠石另行添工建修加寬加厚並自人字隄第三道起每道用一魚嘴順水流入江心中流高出水面數尺以禦湍激而保離隄至三月十八日始行竣事臣飭委藩司程豫親歷驗收工程實爲堅實臣竊惟此次籌修都江堰本因江流淤塞恐害民田不得不爲此大舉當建修之初實已慮及盛漲爲災故飭丁士彬親住江干監督修理臣亦於去歲冬臘兩月前往查視不准分毫草率儉減以期抵禦洪流且擬圖數十年之安幸丁士彬與各委員等均能實事求是逐日沿江監督工作毫無偷惰故本年水勢盛漲所築各工段一無損折至民田之不致淹沒者實緣三江江身從前淤成平陸今仍疏復舊制且益以江身挑深江岸加高故水雖極漲而在江口以下離隄以上之數里岸窄水陡則見其高一過江口離隄以下三江分注水勢自殺再加以以下各堰分段洶濬愈分愈平江身既無淤塞水流自行暢利故民田只受灌溉之益而絕無衝沒之患也夫以臣當興工之時亦自信有此一修卽遇盛漲必不致有害農田然初不料水勢之大至於此極迨後水勢極大而工程並無損折民田一無被淹實非微臣意料之所敢及也現在秋收已畢成屬實計八分有餘米價自七月中旬至今較六月以前減落十分之四至閩省收成均大略相同民情頗爲安帖凡此明明在人耳目不煩稽查而知臣斷不敢稍有欺飾俟十月水勢大落後所有兩岸堆砌碎石隄身間段衝刷各處及人字隄後衝塌之金剛牆三丈餘謹遵旨飭丁

士彬親往補修齊整以禦來年盛漲並將所築各工程分晰奏咨核銷丁文誠公奏稿

是月十八日委員李翰天門縣知縣邵世恩會勘岳口潰隄通稟 竊卑職等接奉藩憲札飭轉奉督憲批卑職世恩稟籌修岳隄潰口已有端倪並懇借撥不敷之款及委員下縣辦理各緣由以勘明丈尺確估需錢實數及查明集費若干批飭檄委卑職轉下縣會同勘估等因奉此卑職轉遵即東裝於本月十三日由水路抵岳會晤卑職世恩詢悉該處應辦工程共計五端一塞築潰口該處內外皆水須向對岸取土工費維艱連土方船埭樁木共估錢二萬八千餘串一新修磯礮迎恩寺前石礮擬重建一百一十丈塘坊碼頭石礮擬築四十丈邱家拐舊有小磯場埕不堪石亦朽裂擬從新另築共估錢二萬一千餘串一拆修舊礮蔣家拐以下至邱家拐以上礮岸一百二十丈大率傾欹埕裂擬一律拆卸重修共估錢九千六百餘串一添建新磯上游巽新垸外灘面擬建內土外石支水磯一座跨入河面以攻對岸沙嘴而護新隄並於蔣家拐賀家拐兩處河面接築分水石磯兩座挺入河心以緩水勢而保下游一帶礮岸計估錢三萬三千餘串一加幫街隄該鎮地處頂衝水極悍急而舊隄僅寬三丈實形單薄擬一律幫寬加高以資撐拄計估破土工價錢二千餘串以上五項共原估錢九萬四千餘串加以開局之後委員薪水首士辛工書役飯食以及購料川資並置備器具刷印券票紙張與一切米炭油燭等項雜用約共需錢十萬串之譜此卑職世恩會同楊縣丞督令該處紳耆原估之數也卑職等旋於十五十六十七等日會同周歷履勘逐一估計均與原估數目不相上下惟現自初九日以後秋汛大漲間有涸出田廬復被淹沒鄉民困苦萬分街市尤形蕭索民力較前更窘而此時帑項



支絀撥款維難亦卑職等之所素悉仰體時艱俯察民力不得不於無可刪減之中力求刪減現在會同商議築口及加幫兩項原估本極刻減萬難再省應照原估辦理其上游巽新垸外之支水碓最爲得力惟跨入河面則礮脚椿埭等項工料過多擬改於灘上建立以期節省又蔣家拐賀家拐兩處水勢現在雖俱喫重將來上游支水碓成之後水力當可稍緩而河心起脚工費尤覺不費擬一律改爲礮岸坦坡亦足抵禦至通鎮礮岸除潰口處一百一十丈塘坊碼頭四十丈必須修建外其餘一百二十丈逐段細勘內七十四丈雖有滲漏脚椿尙固均用灰汁黏補以省拆修之費此外四十六丈燈塌不堪必須拆卸釘椿從底做起其邱家拐舊礮椿木已朽拆裂過甚亦擬從新修建以上各工刻求刪減比原估可省錢三萬三千餘串加以一切局用亦非錢六萬七千串不辦惟潰口處所水溜泓深下皆淤泥現僅就測量所及約略估計須待淤泥壓出方知深淺確數此卑職等現在刪減工費之數也至卑職世恩就地籌費四萬一千餘串經此次復淹之後察看民田更窘於前內惟捐輸一項可期於一二月內全數催齊其房租畝費兩項均須分期催繳恐年內未必收齊而該處潰口必須刻日竣工俾鄉民可趕種菜麥以免春荒卽礮脚撐幫等工亦宜趁冬令晴霽之時一律完竣庶免春雨停工之慮若待就地費齊尙虛緩不濟急可否仰乞憲恩仍如卑職世恩前請借撥之數先暫借給以濟急需一俟房租畝費收齊卽由卑職世恩先行繳還一半借項其餘一半於來秋棉花成熟後再行抽釐歸款之處出自恩裁再近日襄水陡長由上游潛江縣屬之楊湖隄潰口灌入致將卑縣週河以下前未被淹各垸全行帶淹縣河水已平隄護城隄危險萬分現在岳口至縣陸路不通卑職世恩隨連夜乘

小舟趕回縣城實力防護卑職轉亦於估工後回省銷差還求憲台遴委熟諳隄務廉幹耐勞之員下縣辦理修築事宜實爲德便襄隄成案

十月丁丑朔彭玉麟奏遵旨查明樊口地方江水入湖之處必應修補老隄建築新閘以衛民田事奉  
上諭前據李瀚章奏湖北武昌等縣刁紳攔河築壩有礙水利等因又奉上諭前有人奏樊口隄閘關  
係農田民命請飭覆加查勘等因當卽改裝易服搭坐民船星夜上駛於八月二十三日行抵武昌黃  
岡兩縣所屬之樊口雇一小划入樊口三十餘里卽築隄毀隄與訟之處該隄雖毀形跡猶存橫寬不  
過數十丈直寬亦不過十丈由此再進則名九十里長港屬黃岡縣者六十里屬武昌縣者三十里此  
港九十里內港汶紛歧旁通各湖如蔓繫瓜其右有洋湖洋魚湖月山湖涇頭湖鴨兒湖江夏湖鮮湖  
湖等湖共十二湖其左有根洲湖夏新湖三山湖保安湖等六湖每年江水未漲之時各湖十餘里數  
里不等若江水盛漲由樊口入港右則薛家港東港沈家溝等處滯滿各湖左則由揚澤溝曾邱溝東  
溝等處灌滿各湖九十里長港盡頭處曰磨刀磯始入梁子湖湖心有山有市鎮此湖於江水未灌時  
周環不過三百餘里而東西南北所通俗稱九十九汶東通武昌黃岡所屬之長港卽樊口港也西通  
咸甯興國所屬各汶北通江夏所屬各汶南通大冶武昌等縣所屬各汶而總匯出入之路則實在樊  
口舍此無路消瀉每年江水灌入各湖港汶不分一片汪洋濱湖各田無不變爲澤國周環七八百里  
小民流離轉徙慘不忍言此樊口以內之湖河港汶江水浸灌之實在情形也查梁子湖各港汶兩岸  
皆平時沃野農民賴以安業濱湖各州縣所屬濱湖之田雖地有寬窄田有肥瘠綜計共可收穀六百

餘萬石而此六百餘萬石穀之收成全賴濱湖田地之不被水淹欲求濱湖田地之不被水淹全賴樊口地方之建築閘壩無閘則無堵禦而田淹田淹則弱者轉於溝壑強者流而爲盜賊有閘則水有關關而田熟田熟則農得倍收之利國多維正之供此事利害甚鉅是非甚顯關係甚重然該處居民各執一說盡以建閘爲然者何也樊口乃魚米之鄉百姓謀生者有二一則有恆產者以耕田爲業一則無恆產者以捕魚爲業耕田者恐江水內灌而禾稼被淹捕魚者惟恐江水不內灌而罟網失利本相反勢不並存加以一築閘壩則商販貨物有盤壩起旱之費此亦稍有不便之處然以人數計之則耕田者十居七八捕魚者不過十之二三以國課計之收田課則利倍千百收漁稅不過千百之什一至於商販之盤壩更屬害之至輕者況樊口入湖生意大半皆油鹽雜貨分銷於江夏所屬之豹子澗山坡街賀聖橋等處武昌所屬之謝埠金牛鎮大冶興國所屬之保安街長嶺街碧石渡等處皆有陸路可通本不專走水路惟梁子湖心中梁子街一處不通陸路自然有湖內小划可以往來轉運僑因小有損於客商漁戶而舉數百萬生靈待食之穀年年付諸洪波巨浸之中因小誤大因少失多可以不煩言而解矣然而農民恆弱漁戶恆強農民恆愚漁戶恆黠各湖濱業漁之處曰三山湖月山湖橫山湖銅山湖惟三山袁姓月山楊姓爲巨族該漁戶最稱豪強家有舉貢生監侍爲護符占奪大利袁姓楊姓二族所置田地皆在湖外不患水淹每年江水愈大則網魚愈多一築閘壩雖不失業而利則減矣漁戶楊辛葵楊鳴遠卽土棍楊光明等祇圖利己不顧害人勾結大冶訟棍袁甲甫卽增生袁兆麟互爲爪牙倡議斂錢包告包准包挖橫隄盜借各人名紛紛上控肆言恐嚇以聳堅聽而所有呈

詞實出袁甲甫一手致令被水地方全家困於追呼餓夫尙在縲絏無怪各鄉農民恨袁甲甫刺骨皆欲食其肉而寢其皮也至胡炳盧汪輻沅向來皆係好事之徒近年自知斂跡不預外事樊口內各屬百姓前因築成橫隄悉得豐收地方安堵去冬挖開橫隄今春江水漸入衆百姓逃生無路急於重築橫隄公請胡炳盧爲首汪輻沅副之胡炳盧頗懼招禍再三不允衆姓泣求救命始允出而興築萬人歡助每日千百小划拆廢屋竹木載廢隄磚石奔赴工次以期不日告成不使江水滿灌以救禾苗此實愚民不諳法律情急勢迫非真玩官藐法也當聞派水陸隊伍將往彈壓之時內有不識輕重之人譁稱隄不成不能活命隄成而毀仍不能活命不如一鬥而散稍舒憤氣胡炳盧涕泣勸阻而耆老解事者亦悉戒其子弟不准妄爲自取滅族故官兵一到卽時散去否則禍變不堪設想矣以上各節皆玉麟草笠短衣親身查訪耳聞目覩異口同聲不敢妄叅臆說輕聽訛言再四思維悉心酌度欲全樊口內各屬湖濱生命不能不修補老隄建築圍壩所謂老隄者濱江黃柏山起至樊口四十里向有大隄足捍大江前面之水隄身漸已坍塌而隄脚尙屬堅結急宜趕緊修補並須於黃柏山以上添修里許方爲有濟以該山上面尙有塌口可以入水也樊口以內則宜修一石閘其橫直尺寸之寬廣可以度地布置惟必宜建石閘斷不可築土隄土隄呆板而易於衝決石閘活動而便於啓閉如今年水勢本非常有但使春夏播種之時偶有澇患則江水與湖水消長隨時可以斟酌宜洩實爲兩全無弊之策議者或謂樊口內自古並無橫隄何以從前並無歉收之患不知山谷且有變遷何論江湖潮汐所激朝暮迭更情形迥異臣於咸豐初年從戎江上目覩江形遷徙淺深通塞不知凡幾未便泥昔日之

成規誤目前之要務似須因時制事因地制宜方稱妥適梁子湖一帶現近冬令水勢依然浩漣居民多未歸業被水災區錢糧必須核實蠲免哀鴻滿地觸目興嗟既有可救之策不敢不爲民請命上達宸聰至建築石閘後並應設立埠頭搬運貨物均由民間自行經理官則嚴立規條重懲需索此則地方官稍能盡心民事即可令行禁止決無流弊惟湖北有湖通江之口尙多而情形與此不同好事者不得援此爲例 上諭前據御史李廷簫奏湖北樊口隄閘關係農田民命委員勘報不實請飭覆查當派彭玉麟等前往確查茲據彭玉麟奏樊口隄閘於濱湖農田民命所關甚重必須將濱江黃柏山起至樊口四十里之大隄趕緊修補再於黃柏山以上添修里許樊口以內宜修一石閘其橫直寬可以度地布置並應設立埠頭搬運貨物均由民間自行經理官則嚴立條規重懲需索等語該處隄閘既據該侍郎查明有裨國課民生而於漁戶商販尙無大害自應權衡輕重酌度與修卽照所請由李瀚章等督飭屬員趕緊辦理毋任該地方官拘泥成規稍形鬆懈此次所築隄閘實因地勢變遷必須興辦既可於民田有益而江流宣洩亦無妨礙他處情形不同不得援以爲例詎袁甲甫卽增生袁兆麟楊光明著該督撫嚴拿務獲從重懲辦其修隄建閘及被水災區應如何減免錢糧之處並著查明具奏

東華續錄

是月二十四日李瀚章奏爲樊口創建石閘關繫民間利病遵旨查明具奏一面飭議舉行並將續陳歷辦情形事竊臣等於光緒四年七月間具奏武昌縣匪徒遠禁脅衆強築橫壩派營查拏解散獲犯懲辦一案九月初一日差弁賈回原摺內開軍機大臣奉旨樊口築壩一事關繫民間利病業經派員

查辦著該督撫聽候諭旨遵行欽此茲又恭閱邸抄十月初一日奉上諭前據御史李廷簫奏湖北樊口隄關繫農田民命委員勘報不實請飭覆查（諭旨已載前彭玉麟奏後）欽此伏查武昌縣樊口地方內通梁子等湖周圍八百餘里匯於一口出江載在大清會典一統志欽定明史地理志諸書數千年來從無議建閘壩之事同治元年武昌縣知縣龍雲始據紳士稟請築壩前撫臣嚴樹森以此壩一築水無分洩大江兩岸必別有衝決之患嚴飭不准三年紳士等復申前請前督臣官文以水漲之時內外沖激閘壩斷難支柱必有損於隄工顯爲歛費肥己起見立案不行六年前撫臣曾國荃以前此師次黃州探訪輿論如在樊口築壩僅附近西楊二畝田廬受益而內湖積水別無消路各邑被淹必廣樊口與鄰近同係朝廷赤子豈能損被益此飭縣嚴禁前升任布政使臣何璟以樊口修建閘壩如果有利無害數百年來何竟無人議及該紳民欲派費於附近六縣從中漁利勒捐商船索取開費膽敢豎旗斂費擅自興工要挾實屬目無法紀其平日刁悍強梁概可想見飭將已修工段平毀出示永禁此歷任辦理情形也光緒二年前撫臣翁同爵接准京官公函議建閘壩委員覆勘以此處興建利少害多重申禁令廩生郭瑞麟等抗違不遵糾衆強築將河堵塞並私立埠頭抽收船釐把持勒索臣瀚章回任後疊據受害紳民控告並該管府縣查明商民被擾及郭瑞麟等藐抗情形稟請派營查辦事關通省水利未便稍事姑容故檄調兵勇將該處私壩創毀奏明嗣後樊口地方永遠不准建築閘壩欽奉諭旨轉行遵照今歲春間突有革生胡炳盧汪繼沅等家無田產但冀盤剝獲利糾衆復築鄉民有不願者立將房屋燒毀始而不服地方官彈壓甚至捆捉縣差戕害勇丁形同叛逆不得已派營前

往查肇始各解散此臣等先後辦理情形也竊惟湖北之水江漢爲大江水自巴東縣入境漢水自鄖西縣入境分流千餘里至漢口而合流其勢浩大外則支河港口內則巨澤重湖節節棋布星羅足爲分殺停滯之地使之紆徐委折逐漸東趨故前史所載水患希見自後世與水爭地設隄防以禦之水道日窄然沿江沿湖亦祇有順水直隄從無堵水橫壩歷考名臣奏議留心湖北水利如阿桂汪志伊等僉以疏濬支河爲要凡宜洩積水之路被居民阻塞者乾隆五十三四等年迭奉諭旨照例嚴治其罪並飭勒碑永禁伏讀道光十一年上諭本年湖廣等省水漫成災如果平日講求水利江湖通暢何致釀成水患著於濱臨江湖地方詳加履勘如有壅遏水道之處必當設法查禁使漲水得資宜洩則害除而利可興等因欽此此外欽奉諭旨甚多不能備錄煌煌祖訓深切著明誠帝王經世之宏謨萬古不易之準則也樊口地方外江內湖爲古來洩水要道山川如故並無變遷壅塞其流爲害滋大惟口內西楊畝一帶周圍三十餘里建閘以後田禾受益較多該處居民紛紛訴請百端聳聽臣瀚章亦設爲其所搖追屢次親歷其地察其形勢復博訪周諮通籌全局始知建築閘壩其害有五謹爲皇太后皇上縷晰陳之樊口內包湖澤九十有九其源甚遠其浸甚廣每逢春夏各縣山水畢匯於湖僅恃此一綫之口以出江江水盛漲之年亦倒漾而入內外相連汪洋一片卽至冬令水涸口門尙寬二十餘丈壩固爲害閘亦無益議者乃謂築壩則湖無出勢不可行築閘以時啓閉可資消洩不知樊口係兩面受敵之地旣須洩出湖水又慮灌入江水豈能兩全況下閘必在桃汛以前放閘應俟霜降以後此數月中如大雨時行諸湖有漲無消漫溢何可限量無論向來各洲地春收豆麥悉付波臣卽濱湖

數百頃稻田亦必盡遭淹浸受害之家歸咎於閘勢必此築彼毀械鬥相尋巨案叠出是不建閘僅止水大年分江水倒灌入湖盛夏不無可慮建閘卽水小年分湖水亦無消路妨農病稼歲以爲常甚至激成事端其害一也江水經由之道譬之人身湖河港汊猶四肢之脈絡所以宣行血氣也今堵塞湖口是截去肢體僅留胸膈也胸膈不快頭足皆病口不能洩則尾闕洩之沿江各隄雖不能指定南岸北岸要之川壅必潰理有固然嘉慶年間監利之水港口沔陽之茅江口皆因橫堵一隄上游石首江陵大受其害近日修吳家改口遂溢於天門之岳口是其明證樊口爲江漢合流以後南岸洩水首區一經築塞則上下隄防皆有岌岌可危之勢其害二也樊口內湖之民農漁參半漁有應完之魚課蘆課農有額設之地丁漕糧向係一律啓徵湖查同治元年至今十六年中僅止三年蠲緩歷有成案可稽足見水小之年湖水稍洩入江江水不致灌入仍可普獲豐收建閘後江魚不能入湖漁利全無卽農田因積水難消亦耕作俱廢不特正供無著而此無數失業窮民何以爲生又沿湖市鎮林立該口帆檣上下百貨流通釐收最旺口門一堵舟楫皆停課於何出惟西楊畝附近居民縱禾稼被淹仍可踞埠頭以恣勒索坐獲其利徒覺民生無裨國計其害三也鄂中爲天下咽喉樊口乃省城後路自來踞形勢者江夏與武昌並重咸豐年間鄂省三陷三復軍械餉糈多轉運於梁湖建閘後湖內淤泥隨流下注壅積口門數年後愈聚愈高閘將淪爲平地萬一有事徵兵轉餉必須泝江而上屯儲無所運調不靈失地露軍兵家切忌我朝運際隆平固無慮此而閘內湖水盛積一旦沛然橫決下流郡縣之民蕩析離居皆意中事其害四也大江兩岸如新灘口沌口金口沙口陸谿口富池口等處皆係江湖



貫通樊口情形無異居民屢請堵築叠經據理駁斥如樊口建閘雖有他處不得援以爲例之諭旨而小民何知必謂利害相同形勢相似何以辦理兩歧難免怨咨交作且見樊口之民恃強橫築官遂准行萬一相率效尤糾衆逞兇肆無忌憚必盡堵諸口而後已江水建瓴而下孤行數千里兩旁無可停滯無可宣洩驚波剽悍一瀉無餘下游數省之田廬何堪設想其害五也以上數端灼然易曉在創議築閘者耳聞目見不過樊口附近之一隅臣等所慮實繁乎通省之水利東南之大勢是以奸民聚訐將及二十年歷任督撫臣嚴禁於先臣等復力持於後無非欽遵列聖諭旨循守歷辦章程又慮西楊一帶地方時受水災曾於上年奏明准於口內兩岸添築直隄以資保衛區區經畫之苦心初不敢求諒於衆人亦不敢自明於君父惟受恩深重忝領疆圉儻欲見好愚民爲敷衍目前之計或因廷臣論奏遂於將來變故不爲先事陳明則獲戾滋大前侍郎臣彭玉麟奉旨來鄂查辦未經調核案卷如何覆奏其摺片各稿未據咨送茲蒙諭旨勅臣等督飭屬員趕緊辦理何敢固執成見稍涉遲疑謹已遵旨轉飭司道秉公妥議應如何嚴立條規重懲需索遴選公正紳士責令自行集費興修及聽民設立埠頭一節有無窒礙並飭詳查議覆再行具奏李勤恪公政書

十一月辛亥初八日諭前據彭玉麟奏湖北樊口地方宜修補大隄建築石閘當諭李瀚章等飭屬辦理茲據李瀚章等奏稱樊口建閘惟西楊一隅有益而江湖盛漲時皆難宣洩有害通省水利等情所奏不爲無見惟建閘非隄壩可比但當察看外江內湖水勢消長以時啓閉既可宣洩盛漲又可保衛田廬未始不可兩全該督等所稱下閘必在桃汛以前放閘應俟霜降以後利病若何仍准隨

時體察具奏 清德宗實錄 湖北通志載張之洞樊口閘壩私議湖北武昌之樊口若江水內灌則橫壩逼江水兩湖總督李禁之侍郎彭承命往勸奏張壩不使建開便李奏建開亦不使朝廷已從彭議建開復勸李許以後利病隨時具奏皇上厚民生防水患之意至美矣余從邸抄中得彭李兩疏讀之彭疏實爲樊口以內農民計李疏固通爲沿江全局計夫爲樊口計誠無以易彭之說矣顧不言有害他處與否李所陳五害他端姑不具論若謂上下隄防皆有可危他處效尤盡堵諸口此殆不可不慮也今欲定開壩之是非必先究樊口之形勢江夏以南通山以北咸寧以東武昌大冶以西羣山環之平衍八百餘里無大水源而西北樊山之下有一港受江水是謂樊口江水入其中隨爲梁子等湖大抵此九十九汶皆以口爲源以港爲身以湖爲尾彭疏如蔓繫瓜之喻最爲明確按水經注江水又東經鄒縣故城南鄒縣北江水右得樊口江津江入歷樊山上下三百里鄒注義例凡遇衆水入江之處必曰江水得某口某水注之此不言湖注江而言江入口者明口內本無水源因江入其中潰爲巨浸此古來山水自然之形勢也所以分設江漲者也楚辭涉江乘鄂渚以反顧兮據六朝以前言鄂皆指今武昌縣韓詩內傳曰水溢爲渚然則楚辭所云鄂渚卽今樊口內之梁子湖無疑尤爲古典確證故樊口之名自三國志以後歷見史傳九十九澤之名見於古圖經及北宋人撰寰宇記數千年來何以無人議及障塞誠以此口乃宣洩江水之常道不得例以他處外水灌入之變局今悍然拒之是猶利減河河身之可耕而禁啓閘之瀉水也漢賈讓有云古者立國居民必遺川澤之分使秋水有所休息游波寬緩涸水而防其川猶兒啼而塞其口江水既失此八百里停瀾之地自必別求八百里之地以容之此消彼息事理甚明據西人近來測量漢口江水夏令盛漲時高於臘月極潤時四尺三丈六尺九江二丈四尺金陵一丈二尺岳州上游亦二丈四尺緣江漢始合洪流暴橫故以下漸緩漸殺倘復加壅遏此盛漲分數移之何處江自關風鎮南至於樊口折而東趨轉成直角南岸無所洩則激射東北黃岡以下將成頂衝卽或因黃岡地多陸阜支港灌入不致大害溢於下游則江西之湖口壅於上游則漢陽黃陂甚至漢川沔陽必有受其闕者

樊口幸矣其毋乃以鄙爲靈乎江陵上下舊有九穴十三口所以使江漢湖澤呼吸均輸不致滯落懸絕爲害宋元及明漕運盡  
公安石首華容一帶民排水澤而居圩隄交錯泥沙壅塞江無經流消洩愈緩上流愈甚故今日荊州大隄岌岌可危不知洪波巨  
患當在何時上游之患已苦無策何乃於下游自生一患哉然則黃柏山何以爲老隄曰老隄只有順水直隄從無堵水橫壩二語  
盡之矣按隄與壩異隄古謂之防防旁也傍水築隄使不潰溢也周禮以防止水必因地勢是也壩古謂之堰堰塞使不流也尙書  
所謂漚洪水史記所謂盤山漚谷漢書所謂當水衝與水爭地排水澤而居也淮黃運河諸壩其著清湖黃者當以開論或以減漲  
或以淡水皆係順築不開橫截各省居民偶遇河決若有築橫壩以自衛者則傍村必悉衆致死力以爭之夫曲防且不可况橫壩  
哉或曰今已改壩爲閘矣亦奚不可曰樊口之壩猶之閘也水爲退江故壩壩又欲洩湖故造閘意在春夏閉以阻外水秋冬啓以  
放內水江旣異漲其必不肯啓而納之明矣與其不納則知勿開然則無與於江水之宜洩明矣彭疏謂江水變通因時制宜考湖  
北江勢北岸自黃岡之陽遇汛至廣濟之礮將南岸自江夏之黃鵠磯至江西瑞昌之碼頭埠盤紆江形不改撫其意當謂近年江  
身益淤漲勢益猛內瀆益多耳如所策江壑漲高急謀分洩之不暇而乃重侵削之乎據彭疏稱西洋畝周環三十餘里以開方計  
之得田三四百頃歲收穀至三四十萬石而止水鄉被水所失如此若暴注平日膏腴之區所失又當何限至李疏所謂湖水不消  
寧敢淹沒目下尙可無虞蓋春夏江漲則內瀆平水則漫口湖常低於江雖無開壩湖不能洩也及至霜降水涸江以流水而先落  
湖以止水而後消則江又低放之不難也旣無外水增益積潦無源湖必漸洩較之受江水之時被滂必輕所慮者十年以後湖濱  
港路窳行壘種開口停淤壅滯菱草糾結港既日高湖亦日整且樊口之門以外江中水有淺灘荷無大溜冲刷積漸增長設遇淫  
潦欲放不能或因見過江之害已著始議微開而沃產日增廬舍當道再納江水所傷多矣湖北近年如潛江天門諸處數因築隄  
至墮巨案然則接踵效尤勢有固然至於其他皆不足慮漁戶應利減不至無漁商賈盤壩不至無商釐盤衰少不至無稅兩利

相權無難舍輕而從重夫使建開而效則歲益無數萬之發頓彌數千年之愚豈非不世之奇功若僅爲樊口一隅一時之計則楚人得弓楚人必有失之者矣竊惟天地養人山林川澤環衍原隰各有其利山民之利在林木金錫漁民之利在菹魚鹽平陸之利在稼穡布帛固其自然乃爲無弊之利強谷爲踐則不順專利嫁禍則不均故治天下者以大德不以小惠古人以保赤子譬養民非虛言也君上如父母小民如嬰兒民牧如保傅小兒性情飽則不節同嗜則相爭見可欲而不見害養民者爲之求其欲遠其害適其節乎其爭而已愚謂今日之策要當務遠大計久長惟有利令樊口之民沿港者自築直隄濱湖者量遺土圍其墜下者讓以與水遺官墾勸其遇平漲亦被淹沒者乃本不可耕之地丁銀漕糧悉予蠲除約計不過一兩萬金而止既有隄圍不至全沒則亦不至全闕三楚財賦之數豈爭此區區而不以利民哉如此則江湖不相害農漁商賈不相妨正賦釐稅不相侵故道不改爭端不作斯爲久大之鴻規軌中之正道或謂直隄圍田若可紓水患樊民何不自爲之乎不知細民之情所見恆小港各爲圍田自爲圍塲費滋多何如口門一壩役夫千人崇朝而畢矣重利憚勞虛害而不察地自便而已遠恤其他漁戶目料衆繁墜者爲奸民農夫目訟事毀墻者曰訟棍其實附從者皆發於自顧身家之念倡首者必皆樂助好事之人左右佩劍反唇相稽夫亦可以不必矣今老成命難收謂宜將李疏發交彭侍郎推勘籌思再行閱歷上下游相度今日外江內湖水勢體察李疏所舉水港口茅江口吳家收口等處情形是否如其所言此乃前規確證如初奏事理未盡彭爲人忠直斷不至迴護前非僅李疏所慮者皆不足以相難無妨一一疏通證明仍執前奏庶朝廷益可灼見堅持以後不致爲他說所動慎之於始固猶勝改之於後耳要之有形之利易見未然之害難知一方之利害有主名故有人爭之全局之利害無所定故無人任之彭李皆國家重臣所疏皆持有故而言成理彭未檢案敵目擊沈溺之狀耳盈膚受之言加其天性至誠惻怛故力持建隄之說楚中士大夫皆有彭而左李故楚人亦從而和之余於彭李兩無所與然書生之見不能無隱憂焉閱輿客論及此歸而書之以諗究心世務者余嘗遊楚猶念楚人烏虜使李疏之

言而不驗固余所勝說而求者也 湖北隄防紀要云查有清光緒時期隄務行政生軒然大波者即在樊口隄開闢張文襄復眼特議將武泰武豐兩隄修成并於青山及保安門外添築石關可謂爲鄂省隄防上放大異彩受其賜者眞萬世之利

是月二十三日丁寶楨奏再據黔邊鹽務總局候補道唐炯郎中文天駿會詳竊查川鹽入黔向分四岸轉運一由納谿泝至永甯小河二百餘里爲永岸運黔要道一由合江泝至貴州茅臺村小河五百餘里爲仁岸運黔要道一由江津江口泝至貴州松坎小河六百餘里爲綦岸運黔要道一由涪州泝至貴州龔灘小河八百餘里爲涪岸運黔要道此四小河發源滇黔分流川江皆窄峽崩崖激湍亂石節節有灘自去年開辦官運以來鹽船經過每至險處觸石卽漏必須提載加繯萬分艱難非議修淘難期暢利現據紳耆商民等公稟自願捐貲集款因勢利導酌加修治以利舟楫俾官商均可暢行鹽船無虞失事而沿河窮民更可以工代賑於邊地商民大有裨益俟此工告竣如果經費有餘再妥議歲修河道及四岸陸行險路以便行旅而期久遠該局現已委員分岸查勘並傳詢商民衆議僉同惟茅臺松坎等處均係貴州地界現擬興工一律修淘慮黔中官吏未悉底蘊應請先行奏咨等情前來臣查川省各岸運鹽入黔河道多係灘高岸窄亂石縱橫久未修淘舟行實形滯礙現據商人自願捐貲修治以通運鹽之路自應如議照辦以重鹽務而暢銷岸惟此次工程係屬商捐商辦分釐不關公款自可無庸造報相應請旨勅下部臣免其報銷丁文誠公奏稿

十二月辛巳(初六日)諭御史孔憲毅奏樊口建閘築隄有關農田水利請簡派大員覆勘一摺據稱湖北樊口築隄一事彭玉麟與李瀚章所奏意見不同請飭彭玉麟將李瀚章原奏逐條查覆或飭楊岳

斌就近查勘等語此案李瀚章於彭玉麟查覆明降諭旨後續據具奏該處情形當即諭令該督等督飭屬員妥議辦理並令將建剛以後利病若何隨時體察情形據實具奏如果創建石剛有利無弊而李瀚章固執成見不爲辦理朝廷亦不能爲之曲恕現在該督方奏明飭議舉行該御史復請派員覆勘所奏殊非政體應毋庸議李瀚章等惟當懷遵前旨於該省農田水利通盤籌計務策萬全不得稍涉偏執亦不准故爲遷就以致貽誤地方前派恩承重華前往四川查辦事件孔憲毅何以指爲樊口決隄之事率以臆見形諸奏牘殊屬冒昧另片奏武昌府知府方大湜居心巧猾專事逢迎李瀚章辦理樊口一案均由該府引導請飭查辦等語方大湜歷任官聲若何其與樊口之案有無迎合妄爲之處著潘霽確切查明據實具奏毋稍瞻徇

清德宗實錄

是月湖北巡撫潘霽奏爲荊江三汛安瀾萬城大隄防護穩固事竊照荊州府萬城大隄經奏明飭委荆宜施道孫家穀本任荊州府知府倪文蔚督同廳營文武員弁駐隄防護嗣孫家穀升任浙江臬司卸事接署道方大湜到任又經檄飭接辦督防在案茲據現任荆宜施道董儒署荊州府知府蔣銘勳稟稱本年川江及沮漳諸水夏伏秋三汛迭次盛漲勢若奔騰加之風雨時作波濤沖擊官民各工節節險要經前任道府暨該道府隨時督同在工各員弁無分晝夜實力防護幸得化險爲平現屆霜清水漸退落全隄悉臻穩固共慶安瀾等情前來除仍飭實力巡防並俟水落歸槽再將官民各工詳細履勘擇其應行修補之處乘時派工興修以禦來年汛漲外理合將本年防護萬城大隄穩固緣由會同湖廣督臣李瀚章恭摺具奏申報

申報又載光緒四年六月武漢水勢暴漲初十日以後陰晴不定十七八兩日水復

漲高二三尺租界內二三兩馬路水深及膝惟江邊第一馬路塔補略高尙未淹沒查漢鎮地勢本來四周高而中窪下近則開設  
淹沒深處三尺有餘淺處及膝及膝者不等所幸前有正街後有隄塞外更有城垣重重保護故各房屋不至遭風浪鼓盪之虞然  
矮屋茅廬中之居民已奔避無所矣後湖蕭家園及鍾靈書院俱在水中瀉陽月湖隄及鸚鵡洲亦遭淹沒臨高眺望俱見一片汪洋  
洋恐今歲鄂省田禾又當告歉矣 又載八月蕪湖水漲 又載金陵自入夏後雖大雨兼旬而江湖尙小沿江圩田俱無妨礙  
不料七月以後江湖陡漲水勢日增秦淮兩岸人家在水中者大半貧院豐文廟前亦均水深尺許城外沿江小圩多遭淹沒附城  
沙洲圩埂亦十分危險皆因江湖既大兼之江東橋倒後復遺未及完工恐爲江湖衝塌故將橋前所築土壩格外加高不令漫溢  
過橋免礙橋脚水勢無從宣洩圩埂卽更形岌岌由朱統領派令該營勇丁分段加築沙洲圩埂日夜梭巡不懈

是年改築江夏縣金口長隄 武昌通訊云武昌府江夏縣屬鎮金口之有長隄自赤磯山至陶家碼頭凡四十里其間自鯉魚滲以西爲馬船港烏洲湖李老湖白樹港滾打洲名雖有五相距共止三里  
土性盡屬淤泥隨築隨塌故議改築查赤磯山南至雨灌山舊有橫隄今自雨灌山迤西歷南廟山范  
家港至隆家溝過大青口之鎮口港斜抵西北直接陶家碼頭舊隄本以防江水但自嘉魚下田寺二  
十里過陶家碼頭至赤磯山四十里水爲隄限不得南行由赤磯十里至金口則內有長港泗洲以上  
有斧頭湖黃塘湖以及嘉蒲咸三縣諸河并山澗之水悉由長港入江江水泛漲又從此倒灌故長隄  
四十里不過稍緩水勢至從長港逆上則隄受浸灌無可如何矣是以冬春修築至夏尤須防守今經  
改築則江水在舊隄之北港水在新隄之南不獨周遭四十里不受水患隄亦永保無虞但此四十里  
內唯李老湖在舊隄之外其馬頭港烏洲湖白楊港及泗洲茶湖四五月間雨水盈積苦無所洩特又

於范家港建一小閘以時啓閉出納皆由長港蓋江邑之有隄工二十二里每歲隄長四十丈用夫七工統計夫工十四萬興工之月攜糧露處辛苦可憫所費又不貲今新隄旣成地勢高阜土性堅固每歲增修用夫不過十之一二一兩年後舊隄可廢且新隄內外高則麥田低則草場今若依傍隄形加以子隄各成坵畝自爲溝洫以通水路旱澇無虞則自赤磯以抵陶家馬頭俱成膏腴之產從此直接嘉魚亦可類推是向之慮水患者今成水利而民產日益國賦日增區區隄民自愛惜無所督率而自固矣其江水從長港逆流勢亦甚猛嘉魚蒲圻咸甯較江邑雖稍遠其受水患亦同誠能相其要害於雨灌南廟兩山之間建閘一二所如北運河之法內用閘板春則啓之以洩湖夏則閉之以禦江是又保障四邑之長策也申報

是年潛江縣五月大水襄河南岸楊湖垸吳家改口義豐垸千華菴沙窩垸騎馬隄荆河東岸深河潭丁家月隄直西垸邊江垸隄俱潰續修潛江縣志 武昌縣重修清思隄隄在縣東三里虎頭山下武昌縣志

大冶縣大水大冶縣志

是年德化縣被水較重巡撫李文敏奏借帑銀一萬二千五百餘兩撥修境內圩隄江西縣志



# 再續行水金鑑卷第十六

江水編年十六

光緒五年正月恩承董華奏爲遵旨查明督臣大修都江堰新工並未體水性率更舊制以致逼水壅川將新築石土沖刷大半各緣由據實覆陳事竊臣等於光緒四年十二月二十二日將抵川日期恭摺由驛馳奏在案臣等於到省後逐日督飭隨帶司員按照交抄各摺欽遵而奉諭旨認真查辦如原參該督誤聽道員丁士彬之言師心自用將石梁毀掘舊隄全圻紳民踴阻勿聽遂致水勢橫決盡注外江本年春耕之際內江十餘州縣無水播種農民數千赴轅呼籲求水幾釀事端尋因大雨幸得無事而所修新隄高舊隄數尺五月水發猛不可支又將新隄全行沖刷農田被災者數千畝淹沒民畜房屋數不可計不惟此次隄王費帑十餘萬盡付東流後卽欲收拾亦無從下手等語又查上年八月十二日奉上諭前據丁寶楨奏都江堰水泛異常民田均無沖損殊難憑信等因欽此嗣據該督覆奏內稱本年當建修之始人字隄一段重新撤去朽壞籠石另行添工加寬加厚幸丁士彬與各委員均能實事求是毫無偷惰故本年水勢甚盛惟沖刷護隄之金剛牆三丈餘而人字隄毫無損折等語臣等調閱督道廳縣各全卷並率同司員於正月十四日前往都江堰連日履勘周歷江干傳集承修監修之道廳州縣各員暨紳耆等詳加諮訪難免其中各存私見迴護前說而萃以衆論稽之志書是非無難立判查都江堰南北二江上游本係一水發自岷山自秦李冰鑿離堆江水遂擊爲二後人因之作

都江大堰堰之東爲人字隄東接離隄下西至江心堰首西向作分水大魚嘴正迎江溜左爲南江卽禹所導岷山正江也又名外江右爲北江卽冰鑿離隄所引之支流名之曰內江按四川通志內載李冰當日所遺深淘灘低作堰六字刻於石爲千古治水法則嗣是編竹爲籠納石於內築隄堰以資捍禦惟元明兩朝間有廢竹籠用鐵石者曾未幾何輒震蕩湮沒誠不若籠石相聯之力重罅空不與水敵且能洩水之爲便也凡此載在志乘歷歷可考國朝四川巡撫憲德題修都江堰一遵竹籠作隄之法道光年間水利同知強望泰最稱盡職亦以竹籠修隄是籠石一法我朝二百餘年從未有更易者惟此次大修都江堰卷載係將舊鋪籠隄透底揭去改用石工先將河身挖深數尺加椿填石貫鐵塊灰並加寬加厚隄身寬厚河身必致逼窄其所修新工石隄又定爲一丈八尺亦屬過高是以去歲水發河窄則大溜壅川隄高則盛漲難洩且係石工壁立逼水激沖遂將新隄一百三十丈沖刷過半所存石工無幾現在隄外砂磧中亂石縱橫其沖刷情形宛然在目核與該督所奏僅沖刷金剛牆三丈餘情形迥不相符申報

丙戌二月十二日諭前據給事中吳鎮奏丁寶楨誤聽道員丁士彬之言將灌縣隄拆毀有礙水利等情當派恩承童華前往查辦茲據奏稱查明都江堰隄工原參毀掘石梁及淹沒田廬各節尙無其事惟該處舊用竹籠作隄此次全行揭去改用石工並加寬厚致河身逼窄水勢激衝將新隄一百三十丈沖刷過半與丁寶楨所奏僅沖刷金剛牆三丈餘情形迥不相符等語

丁寶楨辦理隄工要務又值經費支絀之時宜如何盡心區畫謹慎興辦乃憑丁士彬之言並不詳細致查率更成法發帑興工以致被水沖刷又不據實奏陳迨經降旨詢問仍以人字隄毫無損折等詞

飭覆陳寶屬辦理乖方丁寶楨著交部議處前署成綿龍茂道丁士彬前署灌縣知縣陸葆德承修隄工領款甚鉅現經查明做法與原稟懸殊難保無浮冒侵蝕情事丁士彬陸葆德均著先行交部議處仍交恩承董華確查有無情弊據實具奏並著該督將此項工程迅速核實造冊報銷 同日又諭軍機大臣等恩承等奏履勘都江堰隄工相度形勢惟有仍守成法並將分水大魚嘴退修原處再將外江淤沙淘平內江深漕平墊準以水則定以水平庶內六外四分水可均等語著丁寶楨按照該尙書等所陳各節督同司道等悉心妥議具奏一俟水涸農閒卽行辦理原摺著鈔給閱看將此由四百里諭令知之清德宗實錄 旋由大學士管理吏部事務寶鋆等奏爲遵旨議處事內閣抄出光緒五年二月十二日奉上諭前據給事中吳鎮奏丁寶楨誤聽道員丁士彬之言將灌縣離隄拆毀有礙水利等情（諭旨已載正月恩承等奏後）欽此查雍正九年九月十四日奉旨嘗見督撫提鎮等於蒞任之初或輕聽人言或自憑臆見率爾具奏更改舊章而不計其事之永遠可行與否及至經條奏仍復成規已多費曲折地方官民未必不受更張之擾累嗣後文武官員儘有將地方不可施行之事妄行條奏經後人復請更改者將原奏之人交部議處等因欽此又定例官員妄行條奏者降一級調用公罪又律載凡不應爲而爲之事理重者杖八十係私罪降三級調用又定例分管官所築隄工有一二處夯杆不堅盛水卽漏並有五丈以上不豐滿合式者革職公罪等語除恭錄諭旨移咨欽差大臣四川總督欽遵辦理外此案四川總督丁寶楨辦理隄工要務僅憑丁士彬之言並不詳細考察率更成法發帑興工以致被水沖刷又不據實奏陳迨經奉旨詢問仍以人字隄毫無損折等詞粉飾覆奏實屬辦理乖

方欽奉諭旨着交部議處自未便僅照輕聽人言率更舊章妄行條奏降一級調用公罪例議處應請將四川總督丁寶楨照不應重私罪律降三級調用例議以降三級調用係私罪毋庸查級紀議抵丁寶楨前因奏調已革道李耀南差委未將該員原參永不叙用情節詳細聲叙革職留任在案今議降三級調用處分應行革任前署成綿龍茂道丁士彬前署灌縣知縣陸葆德承修隄工領款甚鉅現經查明做法與原稟懸殊難保無浮冒侵蝕情事奉旨均着先行交部議處臣等查原奏內稱丁士彬等承修隄工先後領款十數萬卷查做法係將河底挖深加椿貫鐵等工嗣經逐款傳問據丁士彬親筆書覆大修之時係於隄前鑿砌石工並未將舊隄全拆等語除錢糧有無浮冒侵蝕應俟恩承等查明到日再議核其所築新隄一百三十丈並未照原稟做法修築現已沖刷過半所存石工無幾應將前署成綿龍茂道川東道丁士彬前署灌縣事榮昌縣知縣陸葆德均照修工不堅五丈以上不豐滿合式者革職公罪例先議以革職申報

二月李瀚章奏樊口創建石閘前議舉行嗣據武昌紳耆議稱建閘需工費七萬西楊畝民糧僅二千有奇應在內四鄉及江夏黃岡大冶三縣派費興修查集費建閘必須衆情欣願若僅就城畝紳士開報處所違令外縣外鄉按畝出費難保無抑勒情弊當批令設法廣勸公保首事速行集費承修務順輿情不得苛斂仍飭嚴立條規重懲需索尋奏建閘章程 甲戌（閏三月初一日）得旨所議尙屬周

妥著該督等飭屬興辦仍隨時體察情形總期有利無弊湖北通志引東華續錄 清會典事例載奏定樊口建閘

章程 一樊口宜建石閘不可私築橫壩一樊口長港一遺橫寬二十六丈墩子諸湖之水皆由長港入江應建閘門三座口門各

寬一丈二尺以分水勢 一建開經費以開內田地受益之淺深定漲數之多寡仍責成各縣首事秉公勻漲嚴實開報 一經費不得借撥公款動用帑項亦不得私行寄派統計需費若干每縣應出費若干通盤籌算設局統收如數俟餘查出重懲亦不准書差經手 一首事須各縣紳耆公舉受益地方紳民之公正者武昌縣公舉內鄉二人外鄉二人大冶黃岡江夏三縣各公舉二人從前倡築橫壩之人不准干預 一每年秋冬初察看開壩如有坍塌由各首事勸明修葺即在埠頭抽存錢文內動用 一由港運出船隻抵開時開內外設單頭各一人督率開夫代搬貨物凡貨物出進所取力錢明定數目牌示河干並立號簿每月覈計力錢若干抽十分之一撥入歲修支用按月造冊報查 一由武昌縣內外鄉各派首事輪流專司啓閉每當江漲將次倒灌而入方准閉開秋冬水落視開內之水高於開外二三尺即應啓開不得遲逾致形壅塞

三月二十八日湖廣總督李瀚章湖北巡撫潘蔚奏爲湖北沔陽天門等州縣上年隄潰被水民情困苦分別撥借公款以工代賑事竊照湖北地方濱臨江漢各州縣全賴隄障保障向係按糧派土官督民修上年夏汛盛漲以致沔陽天門黃梅等州縣各隄漫潰成口當經臣等行司委員馳往會同地方官查勘令照舊章就地集費興修並將大略情形恭摺奏報聲明俟該印委各員勘估稟覆到日應修潰隄如民力實有未逮者再當酌量撥借公款在案旋據漢川嘉魚二縣續報被水漫隄潰口飭據委員會同各該地方官先後勘估稟覆已潰隄段均屬刻不容緩之工亟宜修復惟工費浩繁若令全數就地派捐委實民力不逮所有各邑被水情形以天門漢川二縣爲最重沔陽州次之黃梅嘉魚二縣又次之臣等伏查潰口各隄雖由各該州縣在於受益之區照章派捐土費第工大費鉅驟難捐集且地方既遭水患秋收失望民情尤形困苦不得不酌動公款分別撥借藉資接濟隨卽督飭司道詳加

體察通盤籌措在於所提一成釐金善後項下動給天門縣錢一萬五千串漢川縣錢一萬串沔陽州錢八千串皆係作爲撫卹之資俾得以工代賑又動給黃梅縣修築驛路隄工銀三千兩以上四款均請免其籌還又撥借嘉魚縣修築江隄錢三千串黃梅縣修築梅家口等隄錢八千串此二項仍應責成地方官督飭紳首俟今歲秋收後即在受益各區循照向章按畝攤繳分年徵解還款似此分別辦理庶各隄得以及時興修而民力亦可稍紓茲據湖北布政使司王大經彙案具詳請奏前來仍飭催沔陽等州縣將業已興工各隄趕緊修築務於春汛未漲以前一律完固以資保障

李勤恪公政書

閏三月壬午(初九日)諭軍機大臣等前據恩承董華奏道員丁士彬等承修都江堰工程做法與原稟不符當諭令該尙書等查明有無浮冒侵蝕情弊茲據奏稱此項隄工支發帑項先據該員等稟請發銀五六萬兩丁寶楨即奏請動用銀九萬兩嗣據稟請續奏籌款該督並不奏明輒批令籌撥四萬兩統計提用銀十三萬兩等語工需均關國帑自應力求覈實此次動用銀兩何以前後數目懸殊有無浮冒情弊即著丁寶楨據實覆奏不得稍有含混一面懍遵前旨將工程銀兩迅速造冊報銷東鄉縣一案著恩承董華即行查訊明確定擬具奏毋稍遲延將此由四百里各諭令知之

清德宗實錄

是月己丑(十六日)湖廣總督李瀚章等奏湖北襄陽老龍隄衝塌撥款興修

清德宗實錄

是月十七日四川總督丁寶楨奏爲查明修理都江堰工用款造報核銷事竊據已革川東道丁士彬轉據已革前署灌縣知縣陸葆德詳稱都江堰年久失修外內各江身淤塞一片分水各魚陂及人字等隄並兩岸隄埝橋座均殘缺朽敗上年籌款興修計自光緒三年十月起至四年四月止先後兩次

共發九七三平銀十二萬九千九百四十五兩六錢零六釐八毫內有光緒四年分例發歲修銀四千九百二十餘兩一併在內現計挑挖外內江工段牽算共長七十里共計土方四十萬零六千六百四十四方四分六釐共實支夫工銀四萬零六百六十四兩四錢四分六釐修砌外內各江石埂一萬二千七百六十四丈四尺共實支石價夫工銀二萬四千零四十九兩四錢一分又外內江各處用過三丈長竹籠一萬九千零一十七條連背石裝籠工價共實支銀七千三百零五兩五錢一釐又修理魚鰲三道共實支石鐵木各料及工價銀一萬二千四百三十八兩七錢二分一釐七絲六忽又伏龍觀車水工價銀一百二十一兩八錢六分又置買石灰四百四十七萬七千八百三十七觔共實支銀六千二百六十八兩九錢七分一釐八毫又擡石運木實用夫三千七百六十九工共實支工銀三百三十九兩二錢一分又修復人字隄身長一百三十丈連泮水口及飛沙堰泮水口共實支工料夫價銀二萬二千三百四十五兩四錢一分三釐五毫四忽又修理千金隄東西兩岸石埂共實支銀三百二十九兩四錢又修復索橋石墩及普濟橋一座共實支工料夫價銀五千六百二十七兩一錢零一釐四毫二絲四忽又內外江截水夫工及應用竹木石料共實用銀一千一百一十五兩九錢零二釐又採辦河工應需雜物器具及種樹護隄等項共實用銀一千三百六十六兩五錢二分又辦工委員薪水書役工食及雇用陝西飢民幫工口食賞恤共實支銀七千七百九十五兩四錢四分又開完工完工祭神及油飾河神廟工等項共實用銀一百七十七兩七錢一分通計共實用銀十二萬九千九百四十五兩六錢零六釐八毫均係實支實領取有各行戶夫工人等收領票據呈驗並無分毫浮冒惟查

川省向辦堰工僅土方竹籠等項有歲修報銷成例可遵此外石木灰鐵各項川省向無辦過河工成案實無一定例價上年與修堰工除挑挖河身土方並竹籠等項遵照歲修成例辦理外其餘應用木石鐵灰各項無一定例價者只得照民價核實承買此次報銷應將實支實用數目造報復查定例修造工程若因物料運腳價值昂貴今昔情形不同准承辦官於請銷時隨案切實聲明以憑查核等語今修辦都江堰工所有木石灰鐵各項雖照民價承買核計仍較例價爲輕應並聲明等情詳請奏咨前來臣查都江堰工當日履勘情形其河身淤塞隄埂殘廢實屬不堪言狀民間受害甚深工難暫緩當時飭委員再三估計以外內江均未截水江底未能現出深淺實難確估而數十里內一切隄工無不殘廢工費較鉅其一應工價又均無成例可循當經丁士彬等稟商先擬籌撥銀五六萬兩撙節興辦如實有不敷再行續估籌撥臣當時詳審全河工段縣長已至七十里又加以各魚豕人字隄等工用款較多斷不敷用而四年分應領歲修及向來每年尙有照案加增之款尙須請領爲數亦鉅當卽約計一併籌撥銀九萬兩由司飭發丁士彬等認真興辦又以司庫款項難籌因商之藩司查明各州縣已清交代項下應行領回之雜捐等款尙寄存司庫暫可動用卽就此款借撥暫將土貨釐金撥抵事後由本省攤捐歸還釐金不動正款均經奏明在案嗣外江各工完竣後截水興修內江查看隄身朽敗益甚而人字隄三十丈以下之舊隄一百丈全行蕩廢僅存痕迹必須修復以還舊制其時該處紳民公議請將人字隄臨水前而改用石工以期堅實工費較煩而江身淤墊較外江尤高通計工用實不敷銀三萬九千兩經陸葆德稟由丁士彬轉請續行撥籌以資接濟臣以初次奏撥銀九萬兩已



經切實聲明係借用各屬交代應行領回雜捐等款暫借釐金抵補事後由本省自行攤捐歸還不動正款此次工需緊要必須續撥仍應查照前奏暫行由交代釐金借撥事後一併由本省自行攤捐歸還不得動用正款並應暫緩奏致滋煩數俟辦理奏銷時再行詳悉聲明當經飭司仍由交代釐金項下暫行借撥給領事後一併由外攤捐歸還以濟急用現計此項工程兩次共撥銀十二萬九千九百四十餘兩其四年分照例應領歲修銀四千九百二十五兩亦在此內覆查所辦各工毫無浮冒應准核銷惟人字隄一節計應銷銀二萬二千三百四十五兩四錢一分三釐五毫四忽本係實支實用但既經盛漲衝刷例應開賠復查川省歷辦堰工成案凡修辦隄工若水勢在寶餅口水則十六畫內衝損者應惟承辦之官吏工頭開賠若在水則十六畫以上者准免此次隄工被衝實係異常大水沒過水則照川省向辦成案應准免賠惟既被衝刷究屬修工不堅臣已將此款全行剔除仍令丁士彬陸葆德分賠飭限兩年交清不准開銷以昭核實計除剔賠外實只應銷銀十萬二千六百七十五兩一錢九分三釐二毫九絲六忽臣提驗陸葆德發給各行戶工役一應支領各款皆有印領票據呈查均係實用實銷毫無浮冒相應據實奏明並咨部查核至此次原奏動用工需及續撥之款均係借支各屬交代存司應行領回之雜捐各款暫撥釐金抵補事後一併由外自行籌捐歸還本未分釐動用正款然亦應查照趕緊籌還以免虛懸惟查川省修辦堰工自雍正三年議定歲修銀一千九百二十餘兩道光末年又續增銀三千七百二十餘兩至咸豐十年以後則每年加增銀四五六千兩不等係由司庫捐輸項下墊支歷未奏咨有案三年臣到任後飭司確查計自咸豐十年截至光緒二年止司

庫實墊發銀十萬三千九百九十八兩零至今尙未歸補清楚湖查當初墊發之時原議由用水之十數州縣按年分攤彌補嗣以地段縣長工難徧及以歲定四千九百餘兩之工程每年加增至一萬餘兩而江身日益淤隄身日益壞江水則年年橫流衝刷糧田少則數千畝多則數萬畝因之民力拮据應行攤還之款民間攤派爲難以致庫款日久未清臣現在飭司嚴行催追以重款項至此次奏明借用州縣交代應領存款暫借盤金撥抵事後由外攤捐歸補若仍照前分攤之用水各州縣則前攤未清亦恐日久延宕亟應切實籌畫一定之款俾資迅速現與藩司熟商所有此次借撥交代領款暫借盤金抵補銀十二萬九千九百四十五兩六錢零應除去四年分例應請領歲修銀四千九百二十五兩仍照常年成案辦理無庸另行籌還又除刪賠入字隄一款不計外實只應自行籌還銀十萬二千六百七十五兩一錢九分三釐二毫九絲六忽茲議定由本省各屬自行酌捐養廉並於每年通省公捐之緝捕賞需預籌經費兩項三共勻攤出銀二萬兩按年歸還借款卽自本年冬季爲始定限五年至光緒九年還清不准逾限其每年歸還二萬兩之數應於年終咨報以憑查核如此切實辦理既於庫款無涉且亦不致蹈從前有借無還之故轍至以後歲修款項臣於此次大修後已酌定仍按雍正道光年間所定四千九百餘兩之數支發其成豐十年以後遞年加增之款一律停止不准再行濫支如遇工需喫緊有必應加增之處應行核實奏明辦理以杜冒領此中每年節省實多至此次報銷工款現除去光緒四年分應領之歲修一款暨入字隄工刪賠一款應毋庸籌還不計外所有原奏借撥及續行借撥各銀兩現均係全數由本省自行籌捐歸還未經動用庫款與他項河工動支正款請銷

者不同應請敕下部臣查照分別辦理丁文誠公奏稿

四月初五日丁寶楨奏爲遵旨據實覆奏事竊臣承准軍機大臣字寄光緒五年閏三月初九日奉上諭據恩承董華奏稱丁士彬承修都江堰工程（諭旨見前）欽此伏查都江堰年久失修江身淤塞水勢橫流每至夏令江水稍漲淹沒民田動卽千萬畝至盛漲則不可思議臣此次修理注重在挑挖三江淤塞之河身修復兩岸殘廢之隄埂其各分水魚背人字隄並各橋座乃係修理中之一節未可爲全河之工程也至動用工需前丁士彬稟請籌撥銀五六萬兩臣卽奏撥九萬兩者實因當日親履查勘全河情形不堪入目臣先令委員等沿江丈量應行挑挖淤塞河身縣長計七十里而兩岸殘廢應修隄埂亦如之其各分水魚背人字隄橋座等工爲數亦多隨飭切實估計工需該委員等以修辦堰工必須分先後截水如先修外江必將外江之水截歸內江後修內江必將內江之水截過外江辦理不能同時截水則工需卽不能同時估計丁士彬等以兩次截水工難確估而遲緩又恐貽誤因擬力求撙節稟請先行籌撥銀五六萬兩開辦如後有不敷再行續請籌撥臣以目前查看應挑河身計長已至七十里此外尙有應修之隄埂人字隄魚背橋座各工均應及時興辦五六萬兩之數斷不敷用因查明堰工尙有年例歲修應領及盛漲時搶險續增之款約銀一萬餘兩當將此項併計再爲添撥銀一萬數千兩共計籌撥銀九萬兩飭發先行辦理當經據實具奏並將此項銀兩司庫無款可籌係在各州縣交代存司應領項下借用暫將釐金抵補事竣仍由外自行勸捐歸還釐金不動分毫正款均於摺內聲明在案此初次奏報銀九萬兩之實情也至續撥之款未及奏明者係因外江工竣後截水

興修內江經委員等查看內江淤墊較甚外江而人字隄之三十丈一經水涸現底查看已全形朽壞其三十丈以下尚有舊隄一百丈亦早全數衝刷僅存迹痕必應從新修復以還舊制工費已覺有增而其時灌縣紳民又公議請委員陸葆德轉請將人字隄一段改鑲石工冀資經久費益加多丁士彬等見工費實有不敷乃稟請續行奏撥銀四萬兩以濟急用臣以前撥工需不敷早經計及自應續撥以竟全功惟查前次奏撥銀九萬兩係聲明不動正款借用交代釐金事後應自行勸捐歸還此次續撥仍應照前辦理似可暫緩具奏俟將來奏銷時隨案聲明以免煩瀆當批飭照辦並續行籌發銀三萬九千數百兩飭領應用此二次續撥銀兩未及奏明之實情也查臣此次修辦都江堰工通計用銀十二萬九千七百餘兩內除年例應領歲修銀四千九百餘兩係有專款外其另行籌撥之款實祇銀十二萬四千八百餘兩而修復人字隄一段實祇用過銀二萬二千三百數十兩此外挑挖河身七十里及修復兩岸隄埂並各分水魚背各橋座工程多於人字隄數倍而所用之銀均祇此數是前後撥銀十二萬九千數百兩係辦理都江堰全河工程非專在人字隄一段也前恩承董華所奏似以此項銀兩專指人字隄一段而於挑挖河身修復隄埂魚背橋座各工均未叙及遂覺動用銀兩數目前後懸殊其實工大費煩紳民共見實未敢稍涉浮冒況臣素於庫款尙知慎重如委員等偶有不實臣亦必查明嚴參決不稍爲姑容至臣續撥款項未及奏明者實因初次奏撥銀九萬兩聲明係借用交代以釐金抵補事後仍由外自行攤捐歸還不動正款則續撥之款自可照前辦理暫緩具奏以免煩瀆且查川省辦理堰工所有頻年續增之款均係借動正款事後由外攤還尙未具奏有案此項事同一

律擬爲援照辦理以致一時冒昧失於陳奏實非敢於含混自干咎戾欽承垂詢惶悚至深現在此項工程銀兩前因人字隄一段查有衝刷已將用過之銀二萬二千三百數十兩全數駁刷飭令丁士彬陸葆德等分成分限著賠應毋庸議外其餘各項已遵前次諭旨造報於閏三月內將一切工段用款詳細分晰陳奏並將清冊咨部核辦丁文誠公奏稿

六月二十一日丁寶楨奏爲都江堰補修人字隄工現經伏汛盛漲一律堅固並前修砌之兩岸隄埂及淘挖江身通暢順流民田毫無淹刷據實具陳事竊臣上年奏明修理都江堰工所有人字隄之金剛牆及間段隄身經是年夏間江水異常漲發水勢洶湧該隄壁立水中致被衝刷上年十一月水涸隄現臣委員覆勘丈量合計衝刷人字隄之金剛牆及各段隄身共三十七丈有零當經遵旨飭令丁士彬等仍行補修卽據稟報自行籌款修補於本年三月初將應行修補隄工全數修竣稟經臣督同成縣道崇綱親往驗收工程十分堅實卽擬於驗收後據實奏報因前恩承董華等查摺內有補修隄工能否可靠尙未可知之語臣是以擬緩至六月俟伏汛盛漲經過後查看該隄身有無衝損並江流是否暢順民田有無淹沒再行詳晰陳奏茲屆立秋伏汛已過所有本年都江堰水自四月二十一日起至五月十五日止均漲至十八畫六七寸較之上年盛漲時淹沒水則之水尙小九尺餘寸而比之前數年大水則已相等查看新補隄工屹立水中一無衝動江水雖漲毫無漫溢民田均無損傷其自五月十五日以後至六月十七日止水勢均祇漲至十七畫十六畫五六七寸不等皆緣江身淘挖深通兩岸隄埂收束得力是以盛漲時水流極順不致潰決爲害現在成屬各民田均皆出穗揚花

極爲丸茂秋稼日內可收至江水向於立秋後尚有一二次漲發然秋汛微弱不如伏汛之大當可無慮臣俟霜降水落後續查看江水漲發情形再爲具報再此次補修隄工所有一切經費其實用銀三千二百餘兩係丁士彬等自行捐資修辦並未分毫動支庫款自應無庸造報至本年堰工丁士彬係於去歲十月早經交卸例應歸現任成縣道崇綱經管臣因人字隄有補修之工是以將本年年全河仍責成丁士彬經理如有隄身衝刷及民田淹沒等事仍惟丁士彬是問以釋疑慮現在伏汛正慶安瀾一俟霜清後各隄完固丁士彬亦可卸責卽以後承管之員亦再無可藉口丁文誠公奏稿 丁文誠公年譜

載光緒三年丁寶楨到四川總督任以秦蜀守李冰壘壘避涑水之害穿二江成部之中用源田畝其法於壘壘前江心作堰（

今名都江堰）編竹作籠中實石砌排列江底寬數丈以次層累高出江面一丈數尺或二丈數尺高下有則長一百三十丈爲人

字隄形如魚身其首分水名曰魚嘴隄內爲內江外爲大江自隄下行十餘里地爲新都堰（今名中江）分堰河十數道又下散爲大小堰三千數百道分派十四州縣分水多寡數定內六外四以外江所派止四縣也分不如法則或苦旱乾或苦水溢隄身且三道洲閘備盛漲內水池歸外江所謂低作堰也歲久失修道光初年漸移案橋以上（據道光初年水利同知強望泰所記其前莫可考）春夏雪消松潘理番萬山之水匯於白馬槽建堰而下經三道巖大溜一截斜射魚嘴內外乃分同治二年總督駱公秉章檄聖成編道何咸宜督修委聖去三道巖江流直衝壘壘費一角自是之後水患頗仍灌郭崇寧溫江金堂崇慶淹沒民田二十餘萬畝賑吏成膜視置不上聞舊定歲修條竹籠經年水涸日曝朽壤常更易而江水徑行沙石並下所在淤墊成灘當疏濬大抵每歲起十一月迄清明先後內次第疏濬以所濬石如法作堰深以見江底鐵柱爲準所謂深濬也歲修費雍正初定千九百兩道光季年增三千九百兩咸豐七年以來遞增至一萬兩有奇乃費益增而民田歲輒淹沒二十年經吏無一爲國家計及者公

以爲政事莫急於此乃率署成綿道丁士彬水利同知劉廷紹灌縣知縣陸葆德羅勛自人字隄內外兩江淤墊下堰兩岸隄堰壞缺計七十里乃奏借帑大修陸葆德議人字隄總所謂全剛壩者改用條石宜可經久省費費公許之餘如法經始十一月迄明年三月工竣其年夏五月二十一日江大溢漫過水則（離礁口山石刻有水則十九畫一畫爲一尺歷考極大水之年未有漫過水則者）離礁口急不能納（俗名寶瓶口）湫頭壁立丈餘譬如雷訕時轉向人字隄毀三道洩開全剛壩洩入外江勢乃平江以疏濬故大小堰復所在納受歲則大熟公深自咎歎不如龍石宜洩得宜也自是歲修仍如法田畝漸復修費定如道光時

七月十三日丁寶楨奏爲查明都江堰之分水大魚勢難向後退修事竊臣承准軍機大臣字寄光緒五年二月十二日奉上諭恩承等奏履勘都江堰隄工（諭旨見前）欽此遵卽檄行司道會同悉心籌議並札飭該管廳縣相度形勢詳細查復茲據布政使程豫署按察使崇綱署鹽茶道董潤署成綿龍茂道徐景軾等詳轉據署水利同知劉廷紹灌縣知縣陸惠疇具稟遵查都江堰之大魚勢爲成都府屬十四州縣分水緊要關鍵向有內六外四之說係專指春水初發灌漑田畝而言蓋因外江所既田畝止及四縣內江所既田畝共有十縣就兩路用水田畝之多寡以分差等迨夏汛盛漲洪濤騰湧一望汪洋則但求去路之通暢無阻不能拘定水則溯查該堰之分水大魚勢從前創設原在安瀾索橋之下嗣因河道遷改靡常承修之員循流溯源將分水魚背節次向前移置其移自何年代遠難稽惟查道光七年前任水利同知強望泰所記其時分水大魚勢已在安瀾索橋之上則移改自在道光以前並非始於近年推考向前移置之故自以上游之江源早分則下游之水勢可殺卽本秦時李冰鑿分內外兩江以殺水勢遺意實非省工包砌所致且魚背愈上則受衝愈甚非惟工不能省必須加倍

堅固方足以捍急湍去年署灌縣知縣陸葆德等承修大工卽就索橋以上舊基興修大石魚背長十六丈高二丈底深一丈是年夏水異常暴漲僉稱罕見雖大魚背以下之人字隄身間有衝刷而大魚背仍帖然穩固今歲夏汛固較去年略減而比前數年大水則已相等江流仍毫無漫決民田亦毫無損淹成效昭然此時若將數百年已成之舊基全行挖掘退修四十餘丈不但工費浩繁難以籌計而退修之後各隄堰之成敗利害實難逆料並據灌縣紳耆張映極余漢章等先後具呈該紳民等生長江干五六十年以來目擊分水魚背在索橋之上歷年久遠現在兩江河身尙覺內低外高若將魚背退修數十丈則內江愈低夏水驟漲勢必專趨內江沿河十縣糧田將成澤國是利未形而害已著且自去年大修之後已歷兩次夏汛水勢之大前所未有祇因隄岸束水得力沿江民田廬舍均毫無衝淹不似從前之年年漫溢田畝被害民間共深欣幸合詞懇免退修情勢迫切該司道等查核無異據情會詳具奏前來臣查都江堰之大魚背爲內外兩江分流總口成都等十數州縣農田民命皆繫於此細閱恩承等原奏議將分水魚背退修四十餘丈係恐內外分水不均期復道光以前舊制惟查恩承等勘工之時正在冬令水涸以後而於前數年江流之漲發漫溢民間迭遭水患情形未曾目觀至臣屢詣江干多值大水之際詳查水勢並詢之三農父老僉稱分水大魚背移設索橋之上已歷五六十年內外兩江自此劃分使下流水勢稍殺如另議退修則上流之急湍狂瀾併力直注恐新工無從下手而人字隄當衝更甚尤易潰決復統觀兩江形勢當春耕播種之時利在關截停蓄以均輸灌至夏汛盛漲利在宣洩疏暢以保十數州縣田廬宣洩要法不外源流界劃分明以均水利而期通暢



且所謂分水者必須迎上流偏注之水勢以定界址斯分多分少乃有斟酌若上流之水勢既愈劇愈寬而下流之分水魚背復向後縮退揆諸分水情勢實覺無此辦法所有都江堰現在分水魚背既爲分別內外兩江水路而設現在根基又已穩固該官紳耆民等一聞退修之說情急勢迫僉請無庸更議以免上游之水盡趨內江漫淹滋懼係屬實情臣經歷兩年實不敢輕議更張致貽無窮後患至外江之淤沙宜淘內江之深漕宜墊無使內低外高係爲均平兩江水則起見乃屬照常辦理之事須俟冬令水涸遵旨督屬妥辦以期有利無害丁文誠公奏稿 癸亥八月二十二日諭丁寶楨奏查明都江堰之分水大魚嘴勢難向後退修一摺據稱四川都江堰之分水大魚嘴從前創設原在安瀾索橋之下嗣因河道遷改靡常節次興修向前移置已歷五六十年內外兩江自此畫分使下流水勢稍殺恩承等勘工之時正在冬令水涸於江流漲漫情形未經目覩若如所議退修四十餘丈則上流之急湍狂瀾併力直注恐新工無從下手而人字隄當沖更甚尤易潰決現據該省官紳耆民等僉請毋庸更議退修以免內江漫淹等語都江堰之大魚嘴爲四川十四屬分水緊要關鍵既據該署督查明實在情形卽著照所請毋庸另議退修以免更張至淘去外江淤沙平墊內江深槽各工仍著丁寶楨督飭所屬悉心妥辦總期有利無害以衛民生儻有疏虞必惟該署督是問清德宗實錄

八月二十四日湖廣總督李瀚章奏再前准工部咨光緒四年九月三十日奉上諭據彭玉麟奏樊口隄闕於濱湖農田民命所關甚重必須將濱江黃柏山起至樊口四十里之大隄趕緊修補再於黃柏山以上添修里許樊口以內宜修一石閘卽著照所請由李瀚章等督飭屬員趕緊辦理等因欽此臣

等遵卽督飭司道轉行武昌等縣衛邀集紳耆分別辦理並將所議建開章程開具清單恭摺奏明在案旋據該縣衛稟稱修築黃柏山大隄費難驟集經該紳耆稟借黃岡縣軍儲倉穀二千石暫濟工用秋後買補還倉並有在於該處駐紮彈壓之統領忠義軍提督劉維楨因目擊該隄工難速成自行捐製器具督率勇丁幫同紳民趕緊修補於伏汛未漲以前一律工竣當由該縣衛會詣勘驗該隄自樊口內起至黃柏山止計長四五十里根脚壘厚夯築如法現在江水盛漲相距隄頂尙餘一丈足資抵禦等情先後稟報前來除批飭仍將口內石開遵照奏定章程迅速集紳籌費興築並將該隄歲修經費按照受益田畝預議稟辦以垂久遠外謹合詞附片具奏

李勤恪公政書

九月二十三日丁寶楨奏再修補都江堰上年衝刷隄工臣已於六月內將伏汛已過隄身一律穩固據實奏陳並聲明俟霜降安瀾後再行察看情形具奏現在霜降已過據水利同知暨各屬稟報堰工各項工程普形堅實民田收成豐稔惟查農田水利關係於民生者甚重有不得不縷悉瀝陳者都江堰失修已百餘年各州縣被患亦數十年灌縣崇甯繁慶郫縣温江金堂等處其久經淹沒不能耕種之田有案可稽約計二十餘萬畝而完善未淹之地尙時被衝損民甚病之灌縣寶瓶口向來立有水則但就十餘年來考之水勢極大亦不過十八九晝而止從未沒過水則而查同治四年灌縣稟河西衝毀民田四萬餘畝五年衝毀民房甚多城垣亦經倒塌惟義和一鄉薄有收成其餘被沙石淤塞顆粒無收此兩年內據稟崇慶州一帶亦衝毀糧田六七萬畝六年七年十二年灌縣均衝毀民地民房橋梁官道甚多而七年水漲竟湧入城內歷經知縣楊若黼錢璋柳宗芳等稟報在案光緒元年水患

尤甚灌縣崇甯金堂新繁新都均衝毀民田房屋甚多淹斃人口二百餘名數十名不等二年灌縣又衝毀糧田官道並導江橋一座衝刷無存歷經灌縣知縣胡圻馬德徵崇甯縣知縣祿壽金堂縣知縣王椿等稟報卽近時十年之間水患頻仍如此皆緣都江堰失修之故從前均視爲故常歷未奏報又查成屬十數州縣農民向於三四五六等月必有數次向督署及成縣道署索水他署並不過問其索水情狀則皆聚衆至千餘人閔堂塞署任意叫囂官吏出而勸導輒加毆辱卽總督道員亦只忍受不敢出問臣於三年三月到任四月內卽聚衆兩次赴臣署要水勢甚洶洶五月復然臣從未覩此橫暴情形深爲駭異及詢之地方文武始悉此風數十年來積慣如此臣因推求其故皆以爲都江堰多年不修江身淤塞過甚水不順流故有被淹之處卽有缺水之處而離岸一處又經同治二年前督臣駱秉章發款興修飭派前成縣道何咸宜督辦誤從蒞夫之請將搗水三道巖鑿去以致水勢直衝離岸全無攔蓄不數年間遂將離岸衝缺一角此處極爲危險尤須力求保護等語臣既見百姓要水之凶橫又聞離岸之危險若再仍前膜視何堪自問乃於三年十一月率同已革成縣水利道丁士彬暨各委員親往履勘目睹江身之淤塞與各隄工之朽壞實屬不堪言狀當以丁士彬職司水利乃飭令承修堰工計應挑江身長七十里淘挖深至一丈七八尺不等又修砌兩岸殘缺之隄數十里爲攔束之計而五月間水勢暴漲沒過水則十九晝外又高出八九尺就水面漲勢與灘底寬深核計較同治以來水勢極大年分多至二丈以外實爲數十年來所未有父老驚爲異事而漲水從金剛牆衝決而出晏然順軌各堰層層消納但有灌漑之利絕無泛濫之患非但各州縣並未報災卽向來久經淹沒之

二十餘萬畝並有涸復播種之處計灌縣涸復田四萬一千九十餘畝溫江涸復三千三百九十餘畝  
崇慶州涸復三千二百三十餘畝郫縣涸復一千五十餘畝崇甯涸復九百一十一畝均據各該縣會同  
委員切實勘報在案此但就業經耕種者言之而其已涸未種之地尙不在內本年九月初旬臣復委  
員會同各該州縣親歷查勘從前淹沒之田現又涸復若干據實稟報茲據該印委各員會稟郫縣本  
年又涸出田一千一百三十八畝灌縣內江本年又涸復田九百一十餘畝外江涸復田二萬二千五  
百餘畝金堂縣涸復田七千一百三十八畝崇甯縣又涸復田一百四十六畝溫江縣本年又涸復田  
四百五十餘畝崇慶州本年又涸復田一千零二十七畝通計本年共實涸復田三萬三千三百一十  
餘畝合計去今兩年從前被淹之田已涸復八萬二千九百餘畝其溫江金堂兩縣田畝涸復已逾十  
分之九由此以觀今日堰工比較前數十年利害懸殊似有成效復查都江堰工成例凡隄衝壞若  
係水勢至寶瓶口水則十六晝以下則承辦之員與堰長工頭均應著賠若過水則十六晝以上則應  
准免罰上年水勢沒過水則又高出數尺以致隄工衝刷此實川省堰工成例之所不問又查都江堰  
工自雍正初年議定歲修工需每年銀一千九百餘兩道光末年又續增銀三千九百餘兩工費已加  
增兩倍至同治初年以後則每年遞增五六千兩不等歲以爲常臣飭司核計年來遞增之款已十一  
萬餘兩有奇均未經奏報有案查其原議係由司庫借發事後攤之用水各州縣彌補乃年年加增銀  
兩年年淹沒民地以致各州縣民力拮据迄今追繳頗覺爲難此等浮冒糜費十數年來誰復爲國家  
一計及者現丁士彬等淘挖江身至七十里河道一律深通卽隄工被水衝刷而以上年水勢極大竟

不爲災本年隄身一切並未似從前格外花費而水勢之大如故江流一無弊缺民田毫未衝損且兩年之間從前淹沒田畝已涸復至八萬數千餘畝之多此後但使承辦各員能照雍正年間所定工需實用實支當可爲川省永遠之利仰懇特降嚴諭俾後來任事之人不致照前泄沓方能持久無弊丁

文誠公奏稿

十月乙丑(二十五日)諭有人奏丁寶楨所奏都江堰隄工修築堅固恐有不實請飭密查等語著恆訓按照所奏各節秉公確查據實具奏

清德宗實錄

十一月丁寶楨奏光緒四年五月中旬連日大雨松潘懋功廳等處蛟水大發於十七十八十九等日江水陡漲至一丈八九尺拱木巨石隨流滾下色黑氣腥縱橫鼓盪聲如牛吼驚心駭目士人僉謂數十年所未有隨後水勢益大城隄民舍岌岌可危閩邑紳民驚惶呼號束手無策二十一日已刻忽聞江聲雷轟驟由海缺沖奔而出勢如掣電斜趨中外兩江水即平退丈餘沿江各州縣田畝廬舍均毫無損傷秋後仍獲豐收本年夏汛較往年亦大經該縣等隨時督飭搶護卒亦安流順軌俾成屬十數州縣無旱無澇兩年以來涸復田地至八萬數千餘畝稻穀豐登

申報

十二月二十日丁寶楨奏再查都江堰自康熙以來卽定有歲修分內外江先後辦理每年於十一月水涸時先修外江卽將外江之水全數閘入內江定期於十二月中修理完竣又將內江之水全數閘入外江定期於次年二月清明前後十日內完竣然後起閘放水分入內外兩江其放水數內江定爲六分外江定爲四分係以江中所修分水魚背爲權衡至所留人字隄者長僅一百二十丈其隄身

壁立水中春時則全資以得力至夏秋間則不甚喫緊蓋因三四月內江水尙未漲發內江每患水少故以此隄攔截內江之水使不至溢入外江至五六月江水大漲內江不能容納則必須任其漫過隄頂洩出外江而後內江不致泛濫故人字隄一段向來均用竹編成長籠裝石堆砌其間高低尺寸均有一定光緒三年陸葆德等易籠石爲砌石者殆見此段隄身屹立江中以籠石堆砌歷年一經漲發後竹卽朽敗不堪禦水冬令必須全行拆修因與該處紳民等商擬改籠石爲砌石期於經久可免年年拆修稍節公費嗣經次年江水大漲砌石之法不若籠石之宜洩合宜卽於是年冬月自備經費仍將所砌石隄全行拆盡照舊改爲籠石堆砌既改爲籠石堆砌則此後仍須照前年年拆修方可無誤而內外江江心於光緒三年大修後已經兩年盛漲江水來源甚勇挾沙而下不無淤積處所亦應照前將河底逐段查看辦理以免愈積愈甚用資久遠現在正值歲修外江之時臣以此兩年內江流極順若再於歲修時督飭水利同知切實辦理卽此雍道年間所定歲修之款儘足敷用不至如同治二三年以後辦法費日加增江日漫溢爲害農田臣因都江堰距省不遠因於十二月初二日親行前往查看該水利同知歲修外江之工將次竣事辦理尙爲結實當飭於十五日趕將內江之水放出外江修理內江定於明春二月中放水分入內外兩江以資農田播種之用約計內江歲修之工明春二月初卽可完竣屆時或由臣親往查驗或委員前往查驗再爲陳奏至內外江分水定制本係外四內六而歷來盛漲時究未能恰如分際臣年來推求其故並委員會同水利同知再四詳度地形始覺江水來源處有白馬槽一道其地勢甚長將江流倒阻致溜勢偏趨右路復將其形勢與分水魚嘴

詳加測量似亦將魚塹遮攔過半以致分水不能適中故江水下流內江易致偏重臣詳審形勢確切不易已飭令該同知將白馬槽一處挑去十八丈有零此次前往查看甚覺直截得力復沿河徧詢老農均稱妥協且謂此次歲修工程明年江水即有大漲儘足以資抵禦無虞橫溢查江水之利害農民實所身受且其居處田畝多在江干於水利尤爲關心儘辦理稍有不合卽相率攔阻現在都江堰工各屬鄉農尙無異議臣以此差可自信其他則非所敢知也丁文誠公奏稿

是年武昌縣黃岡縣加修蘆洲灣老隄由黃柏山址袁家經起下抵樊口計長四十里黃岡縣志 按前同治八年武昌縣知縣張吳所修之黃柏山隄

是年宿松縣知縣黃傳廉請修綏豐隄民國安徽通志水工稿引宿松縣志 綏豐隄在澤江莊爲同仁隄後接抵聖湖水有關三省賦命

是年蘇松太道劉瑞芬設水利局委員管理十六鋪迤南至龍華一帶水道其十六鋪北法國租界起至美國租界止界旁水道仍歸理船廳管理附水利局章程 一水利局會同廳縣管理黃浦水道並指泊華船一切事宜浦西自滬城小東門外十六鋪橋南首起至南碼頭止計路四里已於沿浦岸釘立界樁示以限制對岸浦東亦另丈量劃定界限其自南碼頭起至製造局及龍華一帶路約八里浦江之內如有淤淺並局員所管浦江兩岸支河汶港或有阻塞等事一併設法疏通 一局員所管界內浦西碼頭現已查明丈尺繪圖立案其長出界樁以外祇准於界樁外接造浮水空心水碼頭長以八丈爲度不准逾越亦不准界樁外填築實心碼頭違者立即拆毀 一華民有在沿浦修造碼頭築駁岸及填淤灘等事無論界樁內外及有無關礙水道總須先行繪圖赴局聲明俟局員勘丈核准之後方准動工違者立即拆毀懲辦 一浦岸界樁之外


如有淤灘應挑及浦內有渣泥應除者由局指定地段喚諭出海商船准在該處挖泥作壓載之用不取泥價 一局員查勘如有阻塞水道妨礙行船之碼頭等項應行拆除挑去者一經諭知業主限三日內遵飭開工拆挑如逾限不辦官爲代拆代挑仍追拆費挑費歸款 一局員所管浦內華船林立沙甯建廣東衛等船喫水較深不能傍岸停泊皆在中流下旋地鋪參差不齊有礙官局輪船行駛之路應由局員劃定泊船界限擇老關附近及浦面寬闊處所諭令各船分幫分段挨次排泊某幫之船應泊某段每段泊船以十隻爲一排應泊幾排並前排與後排相離若干丈尺可免碰撞均由局預爲酌定飭違者由局提究 一外海內河所來各船駛入局員所管界內卽由局派人指引令其停泊某處不准任意亂泊儻敢不遵立提船戶訊究其各項渡船航船向有泊船一定碼頭且有義渡委員等專管悉循其舊毋庸由局指泊其各鄉各鎮所來小船能靠岸停泊者住泊何處亦聽其便 一浦江晝夜兩潮泥沙流動水勢深淺亦變遷無常由局專派熟悉水利之人隨時分段測量丈尺繪圖登注報局 曉諭各船知照遇有淤淺妨礙行船之處堅立標杆爲記務使衆目共睹以免攔淺 一浦東楊家渡南首現有空地數十畝可以堆積泥沙垃圾由局插標爲記如商船有壓載泥沙及居民舖戶有垃圾等項均應裝入駁船運至該處堆在空地之內儻敢不遵仍有將泥沙垃圾拋入江中者以船隻之大小定罰款之輕重罰銀自一兩至十二兩爲止如有抗違不遵由縣分別等責枷示仍追罰銀歸局充公

附泊船章程 一各船每排如逾十隻定章者卽將停泊在外之船動移如前後有不滿十隻之處卽將指移之船併入儻前後均無空處統須指往南段停泊 一每幫船隻如在十五隻以外者分作二排二十五隻以外者分作三排再有多者以此類推 一前船與後船以相離二十丈爲率儻前後相離近促不滿二十丈違者統須挨次推移將船當展寬俾出入駁渡各船便於行駛且免前後排遇風潮漲激時碰撞之虞 一沿浦碼頭爲各船駁貨起岸之所凡沙甯建廣東衛等船於停泊處所須將繫對碼頭浦面讓出水道一條作爲船當俾駁船便於起岸免致繞越 一副後外海內河船隻駛入本局所管界內統須本局巡船指引不



得隨意停泊違者提究 一續來之船僮遇潮汛不便不及進幫暫時單泊在外者至傍晚時即於前後桅杆上懸點玻璃燈兩盞  
必須徹夜光明天明始熄俾他船知所趨避違者究罰 上海縣續志

是年重修高淳下壩二月始三月竟布政司庫撥用善後工程銀七百十一兩有奇釐局撥錢二百九  
十三千有奇續纂江蘇水利全案工役財用表 重修高淳下壩圖附說云廣通壩在高淳縣東五十里與五堰相表裏以遏古  
中江之水使之不入太湖也初祇一壩築於明永樂時正統六年爲江水泛漲敗壞吳中田禾無算於是增易土石并嚴盜決之誅  
懸爲風禁今所謂上壩是矣下壩則成於嘉靖間居民利商船盤剝之費增築之者後亦屢修不廢非第壩壩之用不厭重疊實以  
中河蓄水能益固上壩之基也道光二十九年二壩並決警合四郡（蘇州松江常州鎮江）之力圖之今俱下壩小圯殆未可執舊  
章然責諸高淳民赴不藉口前奉費出於公事得易竟譬彼築壩無取道謀矣建壩利繁前人論說各殊以錢中諧之議爲詳允獨  
其意主移壩謂在五堰之上高淳與吳中交病險險今日言似不韙是又當分別觀之謹詳皇朝經世文編工政十七



# 再續行水金鑑卷第十七

江水編年十七

光緒六年二月庚戌(十二日)諭軍機大臣等前因有人奏四川修築都江堰隄工奏報不實等情當諭令恆訓按照所奏各節確查具奏茲據該將軍先後奏稱勘明都江堰外江淤沙堆塞地勢高於內江丈餘丁寶楨復將內江挖深一丈七八尺水勢全注內江連年堰工冲塌實由分水不勻所致灌縣等處並無涸出農田八萬餘畝之多等語丁寶楨疊次所奏修築隄工具有成效朝廷以該署督辦理地方事宜尙能破除情面認真整頓故責成始終經理信任不爲不專丁寶楨若果事事措置合宜何至人言嘖嘖此次恆訓所奏竟與該署督奏報情形迥不相同著丁寶楨按照恆訓覆奏各節據實明白回奏如敢意存掩飾貽誤地方恐該署督不能當此重咎也恆訓摺片四件均著抄給閱看將此由驛四百里諭令知之清德宗實錄及東華續錄

三月湖廣總督李瀚章奏派知府一人防汛摺 竊照湖北荊州萬城大隄轉瞬夏汛將臨自應委員代防現宜昌府添設洋關荆宜施道董鶴翰須隨時赴宜督辦未能常住荊州查有荊州府知府倪文蔚廉勤幹練於隄工修防事務講求有素堪以委令代防現經檄委該府督同廳營文武員弁親駐隄所晝夜梭巡預備守水器具遇有險要工段立時搶護務保無虞荊州萬城隄續志

四月十六日丁寶楨奏爲修復都江堰工成效顯著於民生確有裨益據實覆陳事竊臣於光緒六年

二月二十九日承准軍機大臣字寄光緒六年二月十二日奉上諭前因有人奏四川修築都江堰隄工奏報不實等情（諭旨見前）欽此伏查都江堰之壞非壞自臣臣之修壩並非將該壩遷移而改置之也亦就其自來形勢爲之疏其壅塞培其隄堰以順民之情而救時之弊耳且堰工關繫十餘屬農田百姓利害切身若不應修而妄修與修之有不如法民必羣起攘臂而爭之卽如上年恩承董華擬將分水大魚嘴退修四十丈甫有是議而十餘屬之紳民早已譁然呈稟紛投經臣多方開導司道會詳請據情奏罷而後已此可概見今堰工修理已經兩年隄無衝缺田無被淹年豐穀賤迥異從前田家者流毫無異議而論者乃輒以空言營詆臣實不知其何故茲敬承垂詢敢就該將軍所奏各節謹爲皇太后皇上詳悉陳之如恆訓奏稱原修人字隄金剛牆一百三十丈前經恩承董華查勘時已衝刷過半嗣復衝毀殘缺現僅存石工三十一丈又竹籠培修者四十五丈其餘石子堆壘者五十四丈等語查人字隄一段自離隄前面起至分水魚尾止原長一百三十丈臣三年十月經勘時見隄身石籠完砌者三十餘丈其餘均零星殘毀無所謂隄也當時民間俱稱歷年歲修工程草率以致如此又查向來人字隄皆籠石鋪砌只能經歷一年次年非另換籠裝修則必不可用因令署灌縣知縣陸葆德會商紳民等試將籠石改爲石工以期永久而省帑項適逢江水奇漲致金剛牆突被衝決至十月水涸隄身全現當飭丁士彬等前往確查衝缺之處連隄身共計長三十七丈有零隨即欽遵諭旨飭令補修今查自人字隄頭段逐一丈量至第二道湃缺長二十五丈石條完整其第二段二道湃缺金剛牆四年經水衝刷者約長八丈係前培修時已改用石籠其第三段計長三十六丈原無損傷因丁士

彬等嫌隄身略高過水不便遂將下截二十丈面石拆去四層照舊培修竹籠其第四段三道溝缺金剛牆長八丈卽係當日衝毀之處其第五段直接離隄長五十三丈石條完整者約三十丈其隄堦隄面當日間有衝刷者三十三丈此段石條五十餘丈上年已同第四段一律改用石籠補齊以復舊觀皆係培修時改石爲籠始全行拆換並非五十餘丈當日全被衝刷也茲恆調於此僅將大數查量而於各段落辦理情形未曾明悉其所稱石子堆壘者意必以爲原工如此不知都江堰所用石籠連年經水泡日曬卽形黧朽每年冬令必須淘沙另換其有各隄岸石籠朽爛者均任附近居民取以代薪仍將石子堆存原處以備另裝此二百年來歷辦成法恆調於臘月初旬往勘正六年分歲修辦工之時舊籠全撤新籠未安其所稱爲原修人字隄金剛牆者旣非四年大修時情形亦並非五年歲修時情形乃於此並不能分悉其不明壞工辦理事宜可見至原奏所稱人字隄金剛牆一百三十丈前經恩承童華查勘時已衝刷過半嗣復衝毀殘缺查臣修堰在三年十二月起至四年三月初旬止人字隄衝缺在四年五月下旬丁士彬等補修在四年十一月至五年二月恩承童華往勘係在五年正月是時補修隄工已將及半二月卽行完竣經丁士彬等稟請驗收臣於三月初率同成錄水利道崇綱親往收工驗明一色齊整兩岸人民觀者如堵如使當時修理不能堅實崇綱職司水利固不肯默無一言代人認過而百姓受害切身豈能一無異議迨四月下旬水勢大發適臣正在灌縣查水則已過十八晝可謂盛漲臣終日與水利同知劉廷恕在二王廟查看極慮波濤洶湧而人字隄宜洩合宜全隄晏安是時川北道董潤因公來灌與臣同觀情形此可查而知也迨至六七月後民無報災之處年

豐穀賤昭然耳目實不知恆訓所謂復衝毀殘缺者果係何時果係何處也況恆訓前往查勘時悉取  
有水利同知盛時彥灌縣知縣陸惠疇出具隄工並無衝毀切結何乃一概抹置而竟憑空以置詞乎  
此所言人字隄工段落之實在情形也又所稱分水大魚嘴用石條當頭陡砌加高一丈一遇盛水反  
致衝激漫溢等語查素橋上分水魚嘴歷有歲修向因工程儉減裝籠卑薄不能得分水之用臣以此  
處當大江正流之衝且賴以爲截水關鍵所繫極重非堅厚高大安能抵禦乃用大石砌高而於魚嘴  
之前及兩旁均加石籠外護數層自三年十二月工竣後至四五兩年迭經大汛衝擊至今屹立中流  
毫不動損是其得失不辨自明乃恆訓反謂加高一丈盛水反致衝激漫溢試問加高一丈盛水猶且  
衝激漫溢設再卑薄則水將駕過魚嘴二丈以上是一片汪洋更何從藉以分水其漫溢又將何如事  
非親歷又不得其肯綮第懸空妄論實亦難矣此所言分水魚嘴之實在情形也又如所稱勘得太平  
橋各處橋梁旱地水田多有衝毀天齊寺前橫衝大河一道訪詢紳耆咸稱本年五月二十一日江水  
泛溢過人字隄金剛牆並離隄之脚均有衝損等語查堰工專重民田灌縣崇縣各屬田地當四年奇  
漲時實未分毫衝淹前恩承等查勘覆奏已稱民田並無被淹至上年水勢較四年稍殺各屬田地一  
律豐收不能掩人耳目如果多有衝毀則民間完納丁糧津捐爲數甚多何竟無一呈懇求減免州縣  
亦無一稟懇求撫恤設謂州縣盡皆諱矣則歷查光緒二年以前各屬凡有被水衝沒田畝者民間無  
不呈報州縣無不據稟皆有舊卷可考即現在四五兩年如江津綦江彭山秀山等處稍有被風被雹  
被蛟者該州縣無不稟請撫恤均經臣籌發具奏有案茲灌縣等處衝毀旱地水田既多而民間不聞

一處言災不見一戶報災且完納丁糧異常踴躍豈成屬百姓獨有私於臣乎至都江堰向分官工民  
工官工則責之官民工則歸之民定制久遵歷無異議緣江堰首分內外中三江三江以下則分爲支  
河十數道支河以下又分大小壩三千數百餘道其各處小壩原用以過水地窄溝淺易淤易塞歷  
係民間自辦與官工不相牽涉至川省橋梁甚多皆係民間自行募造官不過問其中有歷百餘年數  
十年者日久失修不無毀壞如所稱太平橋各處內惟玉帶橋係木橋四洞建造有年其靠東岸一洞  
木柱早經朽壞民間無力遽修用木支撐臣於三年十月查勘河道兩過此橋目擊如此四年盛漲將  
中流量水之柱衝側東岸支撐之木刷動數根餘未倒塌此外各橋均查係光緒二年及同治十二年  
所衝嗣後已多修整內有長官橋甚大長約一里其水係由彭縣小魚洞發源不與堰水相干其橋有  
隄三道係同治十二年衝開隨即修復光緒三年又復衝開因非堰水所經至今尙未全修又三道堰  
無損其西名金沙堰光緒二三年連次衝開係屬民工現復修砌又天齊寺前衝開橫河一道係光緒  
二年前所衝四年經陸葆德修整堅實田多潤復何可率意牽混又人字隄一段向來江水漲發過水  
則十三四晝以外即須令由溝缺上面漫出以免內江泛溢一定之理今所謂五年五月二十一日江  
水泛濫漫過人字隄金剛牆者實係修理合法宜洩得宜之效何得妄以爲非至離隄之脚均有衝損  
此係同治三年之事與此次堰工更渺不相涉何能張冠李戴此則旱地水田並未衝沒之實在情形  
也又所稱外江淤沙堆塞一丈有奇上年大修又將內江挖深一丈七八尺水發全注內江連年堰工  
衝塌實由內江挖淘過深分水不勻所致等語查堰工未經大修以前內外中三江自人字隄以下率

皆沙石堆積三江已連爲一片臣督飭委員先將內外中三江地形高下用繩牽平測量以定淘挖深淺之準故內外中三江各有淘深丈餘者有淘深至七八尺者皆各憑江形地勢及淤塞高下酌量淘挖有報部尺寸清摺可核且向來歲修定法係先淘外江再淘內江何至有僅淘內江之說至江水盛漲力疾勢猛沙石俱下每年一遇大汛內外中皆有淤積之所次年則酌量挑挖是以定有歲修之例又內江挑挖古制向以挖見鐵柱爲準殆所謂深淘灘也四年所挖內江卽係遵照辦理至外江口地段先經夏漲水退沙積至是年冬經承辦五年歲修委員淘挖一次五年夏汛復有新淤又經承辦六年歲修委員淘挖一次此壞工自來辦法臣無所用其捏飾恆調去職往勘其所見淤塞情形乃四五年夏漲後新淤情形中隔歲修兩次安得仍混作大修至所謂外江高於內江丈餘水卽全注內江堰工易致衝塌是未知兩江高下若至相等則內江受水必不足六成外江亦必不止四成更與古人遺制不合若外江過於挖深附近田畝固可免潦而下游分水之處必苦於旱今乃謂外江農民利於決口田水始足臣三年來於河堰時加體察實未得其解此外江口挖深通塞之實在情形也又所稱離隄當水之衝已有塌裂之處設全行衝塌省門恐爲澤國等語查離隄本係開鑿內江時特留山石一角以資屏蔽至今呼爲離隄正當南江口之衝向恃上游北面山脚石巖三道將水一擋折使紆回免致直射離隄因同治三年修工時前署成縣道何咸宜誤將三道巖全行鑿去水勢直衝離隄次年夏間卽將離隄衝塌一隅經該管丞令稟報補綴有案嗣該縣士民屢請補砌各前任因此石本係天生人功無能爲力尤恐補砌之後盛漲衝擊石必毀墜填塞堰口關繫極重是以未敢辦理亦經前任



道承確切查明詳稟在案臣三年大修時三次親往查看亦慮離隄不可久特曾與委員等百計籌思實無善策因戒委員等只要每年歲修將人字隄完密鋪排使盛漲大水安然由人字隄面洩缺滾出外洋則水勢雖急尙有處宜洩以殺其怒離隄或不致違損而內外江田畝亦皆獲益緣人字隄之爲用春令則借以蓄水之不足夏漲則借以洩水之有餘與別河隄借以束水攻沙者迥別其隄係水行外江舊路並無田畝若水大不能洩洩一逾寶瓶口必將農田全衝臣前奏稱水從金剛牆衝缺而去內江各堰但有灌溉之利略無泛溢之患者係屬實在情形非敢張皇創論也至謂離隄全衝省門卽爲澤國一層板訓所虛誠是然省門成爲澤國不必在離隄全衝之時但使內外中三江久任淤積則江水挾建瓴之勢阻遏橫流盛漲卽爲可慮臣初次奏請修辦堰工卽引前兩年福建省城被水爲言實見及此至此處日後果有衝塌此則同治三年時承辦堰工之矢意其中或有數定臣於歷次查勘時深思遠慮百計籌維竟苦於天工人力之不可相敵而無法補救於數十年之後此則智絀材短負疚神明問心難安者也竊臣之辦理堰工惟有於人字隄一段因泥淤經久省費之說易籠爲石致盛漲時堰工衝損三十七丈有零無可辭咎至於疏濬壅滯修固隄埂兩年以來各屬農田旣無以前淹沒之害且獲以後潤復之利年穀屢豐人民和樂卽以歲修而論較前省費亦多而民間無復隨時派累之擾此皆可憑諸天日詢諸輿論雖人之多言臣儘可與共質不敢有所避也 同日又奏再恆調片奏該將軍履勘隄工沿河逐一查看仍然支流錯雜亂石縱橫並無潤復田畝及抵灌縣札調六州縣卷宗詳覈半屬子虛金堂縣於光緒四五年衝毀民田旱地七千餘畝鄉縣崇慶溫江連年被水

衝壞糧田亦各數千畝數百畝不等均係丁士彬授意委員會同地方官捏報虛飾光緒五年正月恩承等踏勘數目情形最爲詳確臣惑於丁士彬之言含混鋪張率行具奏圖爲開復地步欺罔情形於此可見等語查修堰一役臣原爲民生起見非別有所爲而爲也當未大修時各屬士民紛紛以田畝久淹賦入無出呈請興修臣隨檢光緒二年至同治初年各卷查核灌縣溫江崇甯郫縣崇慶州金堂各屬稟報民田被水淹沒者不下二十餘萬畝後至灌縣查看江身淤墊太甚復詳詢知縣陸葆德及各鄉民均稱該縣逼近江干連年堰隄潰決民田淹沒實不下十餘萬畝淚隨言下臣爲惻然迨四年三月堰工修竣至五月下旬適逢江水奇漲沒過水則人字隄金剛牆一段突被衝決水勢照常流出外江內江田畝晏安無事臣時恐外江各屬或有漫淹隨委員分投往查據稟外江亦毫無淹沒至七八月內農田收穫普慶豐登穀價頓賤是年冬間糧價較三年前每石減少銀二兩五六錢不等臣私心竊喜以爲水災旣免前被淹民田必有潤復其時丁士彬署成縣道當飭其委員前往各該縣會同地方官切實查勘有無潤復之田並實在潤復若干據實具稟查考嗣據會同查明各屬潤出之田核計實共四萬九千六百餘畝至五年堰工自三月開堰至八月秋成江堰順流年穀大豐比四年收數有加而省城委員買穀煮賑穀價較四年冬間加賤臣又札派委員分赴灌崇各屬仍會同地方官履勘確切據實稟報復據該印委員查明將成熟可舉共三萬三千三百一十餘畝明晰開摺具稟臣綜核兩年共潤復田八萬二千九百餘畝當經據實奏報今恆訓乃謂履勘隄工沿河查看仍然支流錯雜亂石縱橫不知都江堰在離埠之前共分內外中三江以下則派別支分散爲堰河十數道分流各

屬再下則又散爲大小堰三千數百道分旣各鄉各村田畝其勢愈遠分派愈衆江身本係石河有河卽有石民間皆以之填砌溝漕是所謂支流錯雜者乃都江堰分堰自然之勢所謂亂石縱橫者乃都江堰生成自有之形孰能改易至於州縣委員查案稟報查各省辦公凡關繫錢糧倉庫以及命盜緊要重大事件無一不由州縣申詳以昭實際或廬州縣不實不盡則再委員會辦以爲稽考成憲昭垂同此遵守今恆調謂臣等委員會同該州縣查明涸復之地畝調卷詳核皆屬子虛夫以州縣委員之印稟清摺而謂之子虛則是身任地方之員印文皆不足憑國家何須用州縣且恆調亦係委查誠不知其所委者係何等賢員所查者又何以若此之盡可靠也至謂金堂縣五年衝毀田七千數百畝崇慶溫江等處更衝毀數千畝數百畝不等真乃任意妄言誠不解其何據又謂年來涸復田畝州縣爲之申詳奏請加賜江神封號匾額又以江流通暢農田安堵公舉臣爲之奏請頒發關帝文昌匾額是州縣可謂工於迎合豈百姓公懇亦謂之工於迎合耶至謂民田淹沒恩承童華踏勘數目情形最爲詳確查上年恩承童華查勘堰工只言人字隄修法不合與衝刷情形至於地畝則奏稱尙無被淹之處亦未奏有勘明實數恆調不知何指至謂丁士彬授意委員捏報虛飾臣有感於丁士彬之言含混鋪張率行具奏圖爲前案開復地步等情查從前各屬民田淹沒均非臣等任內之事此時卽無一畝涸復臣等並無責成且臣前修堰工其意只求現在之民田可以免害並未計及從前之民田能以涸復本無功之可言亦何功之可冒至四年丁士彬委員查勘地畝已否涸復係地方官分所應爲況其時並不知有查辦堰工之舉更不知有因此革職之事何須授意委員代爲捏報且委員與各州縣兩

次共二十餘員若使田畝並無涸復亦安能合二十數員同爲一心將無作有甘蹈虛誣之咎又况丁士彬革職後成屬紳民因兩年來農田豐收多有涸復在臣署紛紛呈懇代爲奏請開復計者百數十起臣均諭飭不行各紳民等又在該將軍處以民田獲利等情再三公呈懇爲代奏開復卽該將軍去冬前往灌縣亦云該紳民等又爲之公懇查明代請開復向使大修之後田地仍復被淹且無涸復是丁士彬已革之員與民無與該紳民何能至再至三爲此不情之請此而謂其授意捏飾亦誣甚矣臣前爲丁士彬奏請開復係按照河工定例請旨辦理原不與涸復田畝相干恆調乃謂爲含混鋪張圖爲開復地步何臆度之甚也夫臣措置未當怨尤交集蒙聖主逾格矜全不加譴逐咎已寬諸既往過思補於將來亦何敢用其鋪張更何忍肆其欺罔丁文誠公奏稿 戊辰（五月初一日）諭軍機大臣等丁寶楨奏修理都江堰工成效頗著並覆陳地畝涸復並無虛飾各摺片隄堰保衛民田大利大害關繫甚重該署督惟當實力實心認真經理以期經久可行固不可憂讒畏譏稍易初念亦不可剛愎偏徇自護已非朝廷實事求是丁寶楨將來功罪總以有無成效爲斷不在此時之剖辯也儻之慎之將此由四百里諭令知之清德宗實錄

六月通政司參議胡家玉奏竊維江西十三郡一州之水匯於鄱陽一湖源遠流長統歸湖口入江出路本不甚寬廣從前湖底深湖面闊盛漲尙能容納且河流迅利直達長江旋漲旋消不爲大害自道光三年以後濱湖十數縣田畝寔成澤國霖雨旬日輒汪洋一片往往圩隄決盡至八九月仍未涸復不特無田可種而且無地可棲卽有一二圩地勢稍高倖未漫決而圩外之水高於圩內圩內水無所

洩仍歸淹浸有種無收歲饑荒年年蠲緩推原其故固由湖身日淺亦由河道日淤臣生長湖鄉咸豐年間兩次回籍見昔時村舍多被漂沒所存戶口十之二三彫敝情形不堪言狀思之再四鄱陽湖周圍數百里濬不勝濬疏不勝疏惟有將東西河淤淺處所次第疏通俾夏潦暢行不至壅滯爲患謹臚陳六條以備聖明採擇 一疏濬之費宜動公款也當此民力疲敝捐無可捐庫項空虛撥無可撥而欲辦大工興大役鮮不以爲大難而有不難者江省自同治五年經撫臣奏明地丁銀每兩加徵四錢以一錢提歸司庫漕折銀每石加徵六錢以二錢提歸道庫藉充公用計每年應提銀三十餘萬兩十數年來除支用外所存不少應請飭下江西巡撫酌撥此款爲疏濬河道之用以辦公不民困可蘇於國計亦甚有裨益 一疏濬之具宜用機器也機器挖河用力少而成功多有擲沙泥於岸上者有傾沙泥於舟中者來自外洋售於上海每架三四千金二三千金不等聞江浙用之頗有成效應請飭下江西巡撫委派委員攜銀赴滬擇其精良適用者購買四五架以便同時並舉易於告成如一時不能猝辦或咨行江浙暫時借用俟購得後依舊歸還通有無而資利用恤鄰之誼應爾也江浙又何靳焉 一疏濬之沙泥宜妥爲安放也機器能挖沙泥而搬運仍須人力安放不得其所雨淋水刷仍復入河隨挖隨淤不無可慮每見墾洲地者積土爲墩結廬其上雖遇大水廬去墩存卽此可悟安放沙泥之法大凡河必有洲洲必有脊若將所挖沙泥運至洲脊最高處堆成大阜屹然巋峙自不至隨水漂流 一疏濬之河宜分先後也江省吉贛南瑞袁臨各州郡之水會於省垣章江門外其由石頭口樵舍昌邑山吳城歷千數百里邇邇而出大江者西河也此河受水最多爲患最鉅自應先行疏

導以殺洪流其由揚子洲頭下椒溪滌汶趙家圍入湖者東河也此河長不過百數十里受水不及西河之半西河既治再治東河令其一律深通而後圩田可保此外如南昌縣之黃溪渡樓前新建縣之蘆洲頭帥官嘴各支河分洩橫流於圩隄甚有關繫應以餘力分疏旁濬其進賢臨川德安建昌及湖東各縣有無應行疏濬之處是在董其事者權衡緩急擇利而行期臻美善耳 一疏濬之法宜自下而上也禹貢治水始於兗州良以下游不暢則上游之水必多壅闕治江省西河應由吳城溯流而上察看沙灘泥灘各變處逐層疏剔大約湖至豐城縣以上勢若建瓴可以不施工作東河應從趙家圍以下先疏入湖之路節節上溯遇淺則創遇淤則挖較西河易爲力亦易奏功 一疏濬之後宜加歲修也江省每於四五月間大雨時行山水驟發挾沙帶泥至豐城縣以下水漸平衍沙停泥積最易成灘非歲時修治恐舊灘甫除新灘又起日積月累濬治尤難江省本有水利官員於水利全不講求於水害漠不關涉殊非設官本意應請飭下江西巡撫經此次疏濬後自豐城下至吳城河道責成吳城水利同知管理自揚子洲頭下至趙家圍河道責成南昌府水利通判管理各於秋末冬初逐加履勘如有沙泥停積阻礙河流之處卽報明撫藩動撥公款用機器分投創挖務於冬季竣工如此則沙不能停泥不能積灘不能成可期經久無患矣至江省之水以鄱湖爲尾閘鄱湖之水以大江爲尾閘其由湖入江口門如有新洲攔截灘高水淺必當疏濬者及條奏內未盡事宜應由派出之員詳悉勘明妥籌辦理臣爲江省河道日淤水災日甚上虧國賦下困民生不可不力籌拯救愚昧之見是否有當伏乞聖鑒盛康經世文續編 壬子(六月十六日)諭軍機大臣等通政司參議胡家玉奏江西河道淤淺請

飭勸款疏濬一摺據稱江西十三郡一州之水匯於鄱陽湖統歸湖口入江出路本不甚寬近年濱湖十數縣田畝寢成澤國有種無收擬將東西河淤淺處所次第疏通俾夏潦暢行不至壅滯爲患並臆陳六條以備採擇等語著李文敏酌度情形妥籌辦理原摺著鈔給閱看將此諭令知之 尋奏江西河道淤淺由來已久體察情形力難疏濬報聞清德宗實錄

是年光化縣令李鏡心督修泰天廟土隄自廟右至恩滿門長二百七十餘丈抽提沿岸地課房租計費銀二萬三千餘緡光化縣志 武昌縣黃岡縣修蘆洲灣老隄黃岡縣志

光緒七年二月湖廣總督李瀚章湖北巡撫彭祖賢奏爲襄陽老龍石隄間有埝埝工程緊要仰祈撥款與修以資保衛事竊照湖北襄陽老龍石隄爲郡城及閩邑田廬保障最關緊要上年夏秋之交汛水迭漲隄身浸水日久加以風浪沖激間有埝埝埝裂迨冬令水落隄脚畢露經襄陽府同知黃國瓚親詣勘明該隄第二十八號丁家嘴西子隄被水沖去而石二層計長十六丈又二十九號丁家嘴老隄埝塌四丈高一丈二尺又三十二號碼頭子隄埝塌二丈高一丈二尺又三十七號寡婦埝東老隄石礮塌計長四丈高三丈二尺又三十九號長門礮頭老隄埝裂十丈高三丈四尺又四十號楊泗廟子隄塌八丈高一丈六尺下成深潭又接連東子隄埝埝裂裂十三丈高一丈二尺當據該同知稟報請修行司移飭襄陽道府就近前往確切勘估旋據覆稱查勘該隄各段工程均關緊要必須分別拆卸修築摺節核實估計共需工料庫平銀二千九百三十兩七錢七分九釐開具清單請撥款趕修以禦春汛等情由湖北布政使王大經核明詳請具奏前來臣等伏查襄陽老龍石隄二十八九等號

隄段既因被水沖激間有埝塌崩裂工程均關緊要自應及早修築惟估需工料銀二千九百三十兩有奇司庫所存該隄歲修專款不敷動撥應於本款內儘數動撥銀二千兩責成襄陽府同知黃國瑛迅速購備石料廣集人夫趕緊堅實修築毋得草率偷減其不敷之項仍由該地方官就近妥爲籌捐

辦理務於春汛前一律完固報請委員驗收以資保障

申報

八月二十一日湖廣總督李瀚章附片奏再湖北潛江縣大澤口支河爲分洩襄水要道前因刁徒嚴士連歛費聚衆攔河築壩有礙數邑水利經臣委員前往創毀擊辦恭摺奏明嚴禁在案茲有沔陽劣紳王子芳勾串潛江縣民人王光炳等聚衆多人在於澤口河內何家到地方違禁築壩不服彈壓甫經高出水面卽值汛漲沖決淨盡並帶沖楊家塢新挽月隄以致下游各垸居民猝不及防受害較重據署潛江縣知縣柳正笏會同沔陽州知州鍾廷瑞稟經臣行司飭委補用知縣王培厚馳往會同地方官將王子芳王光炳擊獲到案訊據供認前情屬實詰無藉端歛費肥己情事並據王子芳供稱伊曾投甘軍營隨剿出力由六品軍功歷保花翎副將銜補用參將等語由該印委開錄供摺具稟請示前來臣查該參將王子芳違禁商同王光炳率領衆人在於澤口河內復築橫壩水漲卽潰非徒無益且又貽害地方實屬膽大妄爲相應請旨將花翎副將銜補用參將王子芳卽行革職以示懲儆除飭司頒發永禁築壩告示泐石河干俾知儆戒而杜後患外謹會同湖北巡撫彭祖賢附片具奏 奉旨

着照所請 欽此

○月湖北巡撫彭祖賢奏爲荊江三汛安瀾萬城大隄防護穩固事查荊州府萬城大隄前經奏明飭



委荊州府知府蔣銘勳督同文武員弁親駐隄所妥爲巡防在案茲據該府稟稱本年自夏徂秋川江及漳河諸水屢次盛漲建瓴直下水勢洶湧最大之時高過楊林洲石磯四尺有餘兼之風雨時作波浪沖擊間有洗刷煙塌之處各工節節險要經該府親駐工次不惜重資設法搶築完固並督飭在工文武汛委員弁晝夜梭巡防護幸得化險爲平現已節屆霜降水漸消退全隄穩固普慶安瀾中報

十月辛酉(初二日)以神靈默佑江水安瀾發大藏香十枝交四川總督丁寶楨祇領虔詣江神廟祀謝

清德宗實錄

□□月江西巡撫李文敏奏竊江西近年水患求其故皆由鄱陽湖日就淤淺長江又昔寬今狹驟遭大雨疏洩不及便致四溢爲災卽如本年五月江省水災蔓延者四五十縣實則不過連雨十日而已夫十日之雨氣候常有未可諉爲天災也而水利不修患已如此設遇霖霖匝月豈不徧成澤國何堪設想考地志鄱陽湖古稱彭蠡闊四十里袤三百里西有章貢之水會南贛雷都吉遠臨瑞諸郡之流爲贛河一千里繞而左穿樵舍吳城入於湖爲西鄱陽湖東有軍峯之水會建撫諸郡之流爲撫河四百里繞而右穿楊家灘趙家壩入於湖爲東鄱陽湖兩湖又北駛百里始混一於彭蠡南跨南昌西接南康東抵饒州北達潯陽由湖口以出長江故爲通省水道之門戶禹貢治水卽在彭蠡既濬之說其關係緊要可知臣上年赴任適當殘臘水落之時察看湖水有深不盈一尺者湖中沙石積而成洲曲折紆纒水性多爲所遏抑商賈帆檣亦以水淺濡滯不能暢行生計日困心竊憂之思欲設法疏濬而工役繁興耗費無算際此民窮財盡安能得累萬金錢擲諸水濱用是四顧徬徨一籌莫展未幾卽遭

五月之水當時委員四出散賑勒限均飭其詳查受患之由確可彌災之策咸謂非濬湖無以出斯民於昏墊臣再四思維與其年年被水歲歲籌賑竭盡官民之力而不能求一日之安誠不如勉籌鉅款大加修治庶幾一勞永逸且湖水淤滯商船不能通行商務亦無從振起是浚湖雖爲防水患起見亦未始非爲振興商務張本也八月間奉文停捐實官臣督同司道辜較所收籌餉新捐除上年辦理團防及撥付教堂賠款尙有敷餘此款前經奏蒙天恩全數留歸外用雖江省現正舉行新政興學練兵諸大端無不需鉅款本屬力難兼顧惟濬湖一事既於民生商務均有關係自不得不先其所急臣當飭司道委員赴滬購置挖泥機器輪船數艘乘此時多晴水淺將全湖淤墊之處分別挑挖其上游河道亦一律擇要疏治願此時開辦布置初定卽屆年終仍恐不能竟其全功當期諸來年次第辦理總期逐漸修治盡一分之力卽受一分之效其所需工役費用卽在籌餉捐款內支用不敢動撥正項錢

糧京報

是年宿松縣知縣雷恩棠請修綏豐隄民國安徽通志水工稿引宿松縣志 詳見前五年註

光緒八年正月辛卯(初四日)湖南巡撫李明燾奏爲開濬東湖九馬嘴新河告竣應卽籌款接修西湖舵桿洲要工事竊照洞庭一湖爲東南巨浸周圍八百里水落之時尙有沙洲間隔分爲東西兩湖春夏水漲則合而爲一萬頃汪洋茫無涯涘行旅視爲畏途東湖危險之處以九馬嘴爲最每遇暴風波濤洶湧往來舟楫覆溺無算從前特設鹿角救生局專收九馬嘴一帶浮屍每歲多至三四百具其附近地段有所謂拆船廠萬人堆救命港等項名目具載志乘一切慘酷艱危之狀如在目中至迤西湖面

寬廣尤倍東湖爲雲貴兩省及常澧等屬水路要道舟行必須橫截湖心而過三百里內無停泊之地猝遇狂風束手待斃又其地水勢停蓄冬令嚴寒易致冰凍往往船爲冰阻進退兩難或食盡而冰未開竟有全船餓斃者故東湖危險春杪以逮秋仲西湖則並及冬盡春初伏查雍正九年仰蒙世宗憲皇帝詳考圖志洞悉情形特降諭旨發給營田水利捐納項內平餘銀二十萬兩交前湖廣督臣邁柱湖南撫臣趙宏恩於西湖適中之舵桿洲建築石臺並於四面建隄各數十丈悉用堅石砌成以爲行舟避風之所臺上立營房以駐汛兵立店房以便貿易風起則趨避有地灣泊則防護有資冰凍則接濟有賴天恩高厚至今感戴不忘惟臺峙湖中風波搖撼軍興以後不及大加修培以致日就傾圮僅存亂石冬令水涸尙可藉以泊舟而營房店房均經坍塌深夜多盜賊之虞膠淺無薪米之恃若值湖漲水高旣難停泊而亂石隱伏水中舟行尤多攔碰之患蓋一歲之中失事者幾難以數計也查東湖九馬嘴光緒四年經紳商人等稟請於山後別開新河使上游船隻可以直趨鹿角由萬石湖入新河以達九馬嘴之北下游船隻一過扁山亦可稍依湖岸入新河繞出九馬嘴之南中間一段險地全行避去數年來河開之後九馬嘴以下竟未損壞一船鹿角救生局起獲浮屍比前不及十分之一此項工程半由紳商人等捐資辦理現已一律告竣極著成效嗣後遇有淤墊祇須設法籌款隨時疏濬以爲經久之圖其西湖舵桿洲應修工程臣於五年冬到任後卽經派員前往履勘查明舊石僅有其半而湖身淤墊入土頗深勢須多購石料加高砌築方可有裨以時方開濬九馬嘴新河力難兼營並舉且計工費甚鉅湘省物力有限必須九馬嘴蒞事後合湖南北兩省之力設法通籌集成鉅款方可接

續興辦茲新河幸已竣工微臣適交卸在即深念此項工程攸關於民生利病甚大未敢以事非己責緘默不言應請勅下湖廣督臣暨新任湖南撫臣會商籌款遴派妥員估勘修築成此要工庶先朝良法美意有舉莫之敢廢而商旅往來益沾利賴於無窮矣 上諭李明燁奏飭修洞庭西湖舵桿洲要工一摺洞庭湖東南巨浸船隻往來向稱危險經李明燁於東湖九馬菑地方別開新河以避風浪商旅稱便惟西湖舵桿洲隄工等項極關緊要亦應接續修整著李瀚章涂宗瀛會同籌款勘估興修以重要工而利行旅東華續錄 按上諭並載清德宗實錄

六月辛未(十七日)諭軍機大臣等有人奏湖北地方官決隄殃民請飭查參各摺片據稱湖北監利縣子貝垸濱臨江漢向賴洪心河宣洩水勢該垸百姓請修河道署江陵縣吳耀斗不允所請本年夏間江漢漲溢吳耀斗前往查勘將子貝隄開挖南岸七百餘垸田廬盡沒決隄殃民請飭查辦等語監利縣挖隄一案前經彭祖賢具奏刁民藉端滋事派營彈壓查辦首要各犯並經派員勘估擬建石閘以弭後患茲據所奏各節關繫地方民生水利究竟決隄情形是否吳耀斗辦理不善及該處河道如何修復著涂宗瀛確切查明據實覆奏毋稍徇隱原摺片著鈔給閱看將此諭令知之清德宗實錄

是月丁丑(二十三日)諭李文敏奏江西玉山等縣被水分別撫卹一摺本年五月間江西玉山上饒廣豐德興都昌鄱陽湖口浮梁德安建昌等縣山水暴發衝決田廬淹斃人口甚多並德化彭澤餘干樂平進賢鉛山弋陽貴溪等縣亦同時被水覽奏殊深憫惻被災較重各州縣業由各該府縣分籌賑濟卹著李文敏督飭認真撫恤毋任一夫失所東華續錄

七月庚寅（初六日）諭丁寶楨奏查明叙永廳等處被災情形分別酌量撫卹等語本年夏間四川叙永涪州彭水奉節巫山綦江等處大雨冰雹河水陡漲衝沒田廬淹斃人口業經該督委員會同各該

地方官查勘被災輕重分別籌款賑濟卽著督飭認真撫卹毋令一夫失所東華續錄

是月辛亥（二十七日）諭軍機大臣等御史譚承祖奏江西河道淤塞急宜乘便疏通一摺據稱江西近年以來水患頻仍由於鄱陽湖不能消洩支河間有壅阻他如吉安撫州各處亦因河身淤淺不能容水以致常被水災該省現有水師營弁勇三千餘人正宜藉此兵力設法挑挖等語江西頻年水患皆因河道淤塞不能暢消所致亟宜設法開通以蘇民困應如何妥籌疏濬之法著李文敏體察情形酌度辦理另片奏景德鎮現被水災請飭一體撫卹等語著李文敏卽將該處被災戶口詳細查明妥爲撫卹毋令一夫失所原摺片著鈔給閱看將此諭令知之清德宗實錄

是月湖廣總督涂宗瀛查復子貝淵挖口情形籌議疏河建閘疏竊臣於本年六月二十八日承准軍機大臣字寄光緒八年六月十七日奉上諭有人奏湖北地方官決隄殃民請查飭各摺片（諭旨見前）查監利縣子貝淵隄自光緒二年潰口修築其下游之柴林河道因經費不敷致未疏濬深通北岸常遭潰淹欲圖挖口南岸不允因而迭次爭鬪去冬今春兩岸刁民各招匪徒互相燒殺荊州府知府蔣銘勳恐釀鉅患稟請派兵彈壓維時前督臣李瀚章丁憂開缺經兼署督篆湖北撫臣彭祖賢檄調武毅軍提督宋德鴻等暨水師新副中營總兵賀縉紳等分帶勇丁礮船馳往會同荊州漢陽兩府督率地方官勸諭南岸紳民先開隄口相機辦理并據蔣銘勳以前任襄陽縣丁憂知縣吳耀斗會署

河陽州熟悉情形因會算交代在省指請隨同查辦由撫臣彭祖賢札委前往嗣據稟報擊獲案內首要各犯訊明就地正法梟示并傳集兩岸紳首勸諭暫挖隄口俾北岸放水補種許俟挖隄後速爲請款建設石閘不派民間分文又給築送水子隄經費錢六千串該紳首各願遵依議定於四月十六日挖隄放水當經彭祖賢將辦理情形恭摺奏奉諭旨一面委員查勘疏河建閘各工在案是此案係彭祖賢兼署總督任內之事吳耀斗亦非前督臣李瀚章所委皆有案牘可稽惟當時挖隄究係如何情形有無傷斃民命及該處河道如何修復建閘果否有益共需經費若干自應派委大員查辦隨札委湖北候補道陳汝蕃暨現署河陽州知州黃廣焯密查確勘籌議稟辦去後茲據陳汝蕃督同黃廣焯確切查明逐細開摺稟復前來臣復加查核如原奏內稱監河毗連之子貝垵濱臨江漢向賴洪心河宣洩一節查子貝淵屬監利縣地處腹內並非濱臨江漢洪心河卽馮姓河屬沔陽州此河本係支流自前明淤塞首段十五里已成田畝且多墳墓中段二十餘里尚有河形尾段十五里僅一線細流雖地勢較低挖通可資宣洩惟支河旣開正河愈塞且開河必加築隄陸兩岸共長百里北岸尚有黃絲等十三子垵地勢尤低積水苦無去路是開此河不特諸多窒礙且先廢久熟之良田尤於人情不順又原奏內稱江漢漲溢時江陵縣知縣吳耀斗丁憂尙未回籍前督臣李瀚章仍委勸辦一節查吳耀斗係撫臣彭祖賢札委前往隨同漢荆兩府查辦該員係四月初五日由省起程初七日到沔陽會同該署知州黃廣焯諭飭北岸紳民將所雇匪徒盡行遣散一面馳抵監利縣之柳集隨同荊州府知府蔣銘勳傳集南岸紳耆剴切開導勸令暫開隄口以消北岸積水俾得及時補種該紳耆已具遵依甘

結始行定期開挖當由該府州縣出示曉諭許俟挖隄後卽爲請款勸辦建閘工程並許給錢六千串令其自築送水子隄至被匪焚毀房屋由該府州縣公捐廉一千五百串俾資撫恤均據報明有案又原奏內稱吳耀斗帶領礮船決子貝隄民跪哭求緩該員悍然不顧指揮開礮傷斃多命一節查本年四月十六日開挖灇隄先經府縣出示曉諭是日吳耀斗到隄該處聚集男婦二三百人間有攜帶竹擔湖叉及打野鴨小鎗特衆攔阻該員正在開導樹林內鄉民忽放烏鎗礮船因亦連放空鎗嚇退不退無知之徒尤復拋擲石適傷賀縉紳額角礮船勇丁登岸救護致相格鬪勇丁受傷三人百姓受傷七人當由黃廣焯分別驗明飭醫現均平復吳耀斗委無悍然不顧指揮放礮傷斃多命情事又原奏內稱決隄後洪濤洶湧南岸七百餘垵田廬盡沒一節查該隄開口北岸水退尺餘南岸水漲四尺餘附近灇隄之瞿家灣等二十六垵被淹維時偏值霖雨兼旬江漢并漲水由新灘等口倒灌而入致將監北河南八十餘官垵陸續淹沒此實天時適逢其會不能盡歸咎於灇隄挖口也又原奏內稱欲消水患以復河道爲上策一節查監利沔陽河道紛歧而總匯上游荆門江陵潛江及監利沔陽兩邑五州縣湖河諸水下洩新灘口沌口出則僅恃柴林河一道自道光十九年子貝灇隄潰口各水由潰口合併直趨洪湖柴林河遂致淤淺潰口一經堵築南岸七百餘垵尚有洪湖消納北岸九百餘垵水無出路故兩岸之民歷年爭鬪不休今旣官爲挖隄自應疏濬柴林河道以消夏秋泛漲之水并在灇隄挖口處添建啓閉石閘一座并修復新隄龍王廟閘以洩冬春積滯之水惟兩閘啓閉應籌一定日期當經該委員等與紳耆商議擬以每年三月初三日閉閘先五日閉內閘九月初九日啓閘先五

日啓外開庶啓閉兩得其平南北各受利益爭端可期永息以上各節均經該委員等明查暗訪毫無虛捏是吳耀斗奉委隨同決隄并無辦理不善情事請免置議至疏河建閘兩端經該委員博訪周諮兩岸紳耆僉稱果能照此辦理後患可弭地方受福等語事關民生水利不厭倍加詳慎臣與撫臣彭祖賢及司道等再三商酌皆以該委員等所稟爲是應卽照此定議惟此時水尙未退勘估疏河工費約需錢十二萬餘串建閘工費約需錢八萬餘串兩項共約需經費錢二十餘萬串前既奏明動撥公款辦理自應預爲籌備隨卽會督司道妥商擬在藩庫洋藥土稅項下動撥銀十萬兩善後局一成釐金項下動撥銀四萬兩共撥銀十四萬兩相應懇聖恩俯准先行如數撥用如有不敷再當奏請續撥事竣核實造冊報銷至此兩項工程重大必須經理得人方足以期鞏固而資宜洩查湖北候補道陳汝蕃廉幹精細情形最熟又查有現帶湖南選鋒水師營營務處福山鎮總兵陳海鵬曾在湘省辦理各種工程結實可靠堪以委令會同督辦應請勅下湖南巡撫臣飭令該總兵陳海鵬剋日來鄂以便會督該管府州縣及委員等辦理疏河建閘各工實於地方水利均有裨益除先札飭採購石料一俟水落歸槽卽行分別興工外所有查明監利縣子貝澗挖隄放水實在情形及籌議疏河建閘各工程請撥公款調派委員興辦緣由恭摺具奏 奉上諭涂宗瀛奏查明監利縣子貝澗挖口放水情形籌議疏河建閘請撥款調員一摺知縣吳耀斗奉委隨同決隄既據查明并無辦理不善情事卽著毋庸置議子貝澗地方隄工南北兩岸居民因水無出路互相爭訟現據涂宗瀛籌議疏濬柴林河道並建修新舊閘工係爲民生水利起見所請動撥公項銀十四萬兩准其如數撥用卽著涂宗瀛彭祖



賢督飭陳汝蕃等認真興辦務期工歸實用款不虛糜湖南管帶水師之福山鎮總兵陳海鵬著卅寶第飭令前赴湖北會同辦理疏河建閘事宜以資得力商州萬城臨續志 湖北通志載建閘疏河各工程於九月

興修至九年四月告竣

八月乙卯(初二日)鮑超奏蜀江險灘甲於天下自夔州下達宜昌更覺危險異常為商船往來必由之路覆溺之患不可勝言四川督臣丁寶楨曾身過其地目擊覆舟傷慘情形深為憫念故在山東巡撫任內即經捐廉一萬兩以六千交四川以四千交湖北兩商各督撫臣製造救生紅船以資救濟四川則由督臣於候補州縣中遴委幹員二人分駐夔巫兩處設局經理如救人最多年滿酌予記功湖北督撫以統帶宜昌水師總兵賀楷紳老成持重令其就近在宜昌設局經理一併歸其統率分飭所部沿途妥為防護此次奴才因風失事若非該紅船等合力救援則全舟之人皆不堪設想是紅船之關係實非淺鮮惟查大江西來即夔宜一帶險灘過多約計不下六十處現在夔巫兩局原設紅船僅十四號宜昌一局原設紅船僅十五號共計二十九號似覺不敷分布且紅船一隻本船勇丁六人此外不過再容數人縱令每灘分設一隻而峽中貨船每船人夫多至五六十人而灘兇水惡劇急非常遇有失事之時紛紛乞命一船往救既有擁擠沈溺之虞次第相援又有顧此失彼之憾以故救起者少而溺斃者多奴才體察形勢凡著名險灘非有紅船多隻萬不足以資拯救合無仰懇天恩飭下川湖各督撫臣設法添補之處出自高厚鴻慈 上諭湖南提督鮑超奏四川夔州至湖北宜昌沿江一帶向有救生紅船惟險灘過多紅船尙少遇有覆溺船隻救護不及情形甚慘請飭添設等語著湖廣總

督四川總督湖北巡撫籌撥款項於著名險灘處酌量添設紅船並飭屬隨時認真救護以保行旅  
東華續錄

是月辛酉(初八日)安徽巡撫裕祿奏潛山等州縣賑撫就緒擬即趕辦隄工 得旨潛山等處賑撫事

宜籌辦尙屬周妥其下游圩隄潰決處所即著督飭趕緊堵築所有續被漫淹各州縣一併妥爲撫卹

清德宗實錄

是年奏准借項修復廣信饒州九江南康四府屬圩隄以工代賑免其還繳清會典事例

是年堵築潛山宿松太湖望江英山六安各州縣衝決圩隄並和州境內之唐家灣至無爲州之下九

連塘隄埂合肥之東關至西口一帶民圩貴池繁昌含山當塗等縣濱臨湖河之圩埂請會典事例

是年兩江總督左宗棠派撥營勇五千人興挑秦淮上源赤山湖新舊河道自道士壩起至陳家邊止

工長三千九百丈有奇並建陳家村閘以資蓄洩用銀二萬八千四百六十二兩旋擬接開東河經淤

鄉達於寶堰以分水勢不果行民國私纂江蘇通志水工志稿引句容縣志 按東河即古破閘

是年江都縣沙頭夾江老岸坍塌飭防營修築嗣屢修築旋復逐漸淤漲民國江都縣志沙頭夾江自丹徒


縣境入口十三里許入縣境又四里爲錢家灣江流湍急北岸遺項其衝光緒八年老岸坍塌大憲飭部天廟防營修築至十二年

復坍塌人劉肇謙募經費自修長七百餘丈塞地匯水計自新岸至老岸移西一里有餘自光緒三十年復大溜移近南岸坍塌

處所漸逐漸於淤焉民國私纂江蘇通志水工志稿

是年濟甯熟昭文二縣福山塘河長四千一百六十八丈有奇二月始三月竟布政司庫借用錢二萬

五千三百六十有奇常熟昭文二縣攤徵還款續纂江蘇水利全案工役財用表 重濬常熟福山塘河附說云福山塘河在常熟縣境北通江南受昆尚二湖之水長三十餘里與昭文白茆同爲巨浦然彼好而此徑彼納海水而此引江潮泥沙淤之害固應少減明常熟令耿楮大修治水之政於白茆主塞於福山則主通議各有宜非逞臆妄作也顧其制要亦在於開有宋范文正公是實創始依福山之麓以爲固數百年來重建移置無敢佚者今遂頓敗遺迹蕩然說者謂此港爲通江要津實運往來帆檣如織開之固閉有度估船費守恆懋須留廢不復舉衆情殊以爲愼然而通行之利商賈專之勞費之擾農人均之矣港之旁濬在賸家橋西者運張官涇老鵝嘴林涇瀆至王莊橋止爲然塘涇其自老鵝嘴分流而北迤景市橋至金都者俗名之曰景市橋河潮汐流注仰漚之田凡一萬二千餘畝每以偏隅枝津貧民自理斂賞視其田不得勞及通邑與幹渠比歲久失濬農力告疲求助於官卹而貸之紓其困也



# 再續行水金鑑卷第十八

江水編年十八

光緒九年正月十六日兩江總督左宗棠奏赤山湖自東之道士壩起歷蟹子壩至西之麻培橋已於十  
二月初四日挑挖完工現接挑三叉秦淮兩河以殺下游之勢朱家山河工關係滁州來安全椒江浦  
六合五屬水利得能一律疏濬農商實兩受其益而地段較長中復橫巨石脊從前所以旋作旋輟者  
以此適臣酌帶親軍及淮揚鎮總兵章合才各營素諳工作淮軍各營相助而理尤異常勤奮踴躍爭  
先故能收同役同心之效其省城內外河道開工則藩司梁肇煌鹽巡道德壽會督省標及城守弁兵  
修築亦可次第竣工臣擬於正月月中旬先赴赤山湖朱家山驗收工程左格靖侯奏稿

二月荊州府知府蔣銘勳捐廉修江陵縣丫角廟官口潰隄稟 竊照江陵縣丫角廟官口襄隄爲洪  
家等四十八大垸七十二小垸保障關繫重大光緒八年五月間因雨水過多河水陡漲致將該處隄  
墜漫溢一口當由前署縣葉令設法籌款拾築完固乃甫經完竣適值九月間大雨連旬河湖水勢較  
前更爲洶湧新修之隄土性不堅又被漫潰小民蕩析離居深堪憫惻嗣於十一月間據丫角廟一帶  
紳民以潰口水勢已定亟須乘時趕築來春東作可望數十垸內災黎庶有生機等情來府具稟時值  
前署縣葉令奉文受代一切呼應不靈并乏鉅款可墊接署縣多令又不知何日可來而此種工程既  
爲民瘼所關何忍坐視當經卑府籌墊款項遴委熟悉隄工結實可靠之候補主簿曹本元前往勘估

與修祇以內河積水未消無處取土且潰口業已沖成深泓施工非易經該員詳加籌策仿照河工成法先築埽臺密下椿木廣購蘆柴下埽層土層柴竭數晝夜之力始得一氣呵成復在隄之內外加築土倉以資捍禦已於本年正月十二日一律竣事共用錢一千三百七十餘串文卑府親往查驗工程均尙如式高厚亦與老隄相埒現在隄內田畝高處業已播種低處亦將潤復所有修築該隄經費若於江邑土費內徵還則業戶派數必多民力恐有未逮若於釐局借項內扣撥則縣隄需款正鉅工用恐有不敷再四思維卽作爲卑府捐廉辦理以恤民困而節公款並飭接署縣多令速將歲修各工及應加高培厚之處認真辦理

兩州萬城隄續志

三月初三日左宗棠奏爲出省勘收大江下游水利工程回省復勘朱家山赤山湖水利江南漕運商務農田均有成效可觀事竊臣於正月二十四日乘坐祥雲輪船歷上元丹徒丹陽江陰靖江寶山海門儀徵江都甘泉泰州如皋通州東臺鹽城高郵寶應各屬十八日閱視朱家山工程回省料檢署中積貯稍資休憩二十七日復出省勘收赤山湖工程二十九日由三汶河順流至通濟門回省竊惟江南要政以水利爲急前明名臣有若夏原吉周忱海瑞我朝治吳有聲績者推陳鵬年陶澍林則徐皆名顯當時功垂後世誠以民爲邦本食爲民天水利興而後早潦有備民得所養而後禮義廉恥興尊親樂利之心由此篤民心定民力紆官司有所恃以爲固臣自履任以來苦於經費無措不得不於鹽務籌之惟課釐正項不敢擅請致煩周折定擬票費按行定價隨時批發漕運兩司專款存儲聽候指撥比積有鉅款始飭沿江各州縣將所轄之水利分別官修民修大舉興辦其屢遭兵燹民力實有不

逮者仍由各統領營官代其工作或爲之倡導同時並舉時越一載而後成效始有可觀怨謔不興而頌聲起矣臣此次親往勘驗沿江而下歷裏河下河以抵海壩各鹽場復勘驗范隄馬棚灣車邏壩清水潭諸要工帆隨江轉到處焚香列案老稚男婦跪伏兩岸人語喧雜皆含樂歲之聲豆麥彌望青蔥其預擬種稻者吐糟翻犁正忙東作新種桑秧榆樹歷落成行柳葉則舒青垂線漏洩春光俱漸作依依態矣舟行鏡裏對此每飯加餐心曠神怡不復知于役之苦也統計各處工程均結實飽滿較上年加高培厚宜洩有資惟朱家山河工關係滁州來安全椒江浦六合州縣農田水利石土工既鉅且要致力殊多掘淤泥八九丈露出一碑爲嘉慶七年前江甯布政使康基田所立碧泉碑康後官河督亦著聲績者也碑中所言治河要略與今無異而碑沉水底已七十七年是此次鑿險絕幽不遺餘力亦概可想碑下石骨犖角勾連兩岸石質稍嫩酥者尚可用工錘鑿堅者非火藥轟之不可適前福建布政使王德榜假歸道過金陵便邀其前往相度並令指麾舊部之現隸親軍者助力一任其難庶幾成此一簣之功卽樹數百年之績亦楚淮將士所樂聞者水利倖成則沿江下游一帶旱潦無虞歲獲常稔不但民食充裕且可汎舟出壩而民富兵強日增其盛矣左格請侯奏稿

四月初二日總兵曾紹霖天門縣知縣邵世思呈報修築葉家背潰隄工程完竣稟 竊總兵等前奉憲檄督修葉家背潰口工程當將開工合龍各情形先後稟蒙鑒核批示在案伏查此次工程當迭被水淹之後公款民力均形支絀自應格外撙節以期仰副德意合龍後水已歸槽情形顯露察看口門之上半截衝刷尙不過深知水勢較下截稍緩故復會同商酌將原估進占老隄外之上隄頭退與老

隄相平俾隄身上直下曲改爲杵鈎形式計可少水壩工程十八丈零約省費二千串之譜旋即遵飭會同水利縣丞及前藩司委來卑縣幫辦隄務之陳巡檢森輪流駐工督率哨弁紳首人等催遣人夫層土層礮趕緊修築並隨時抽撥勇丁幫同工作其奉撥沙岳兩局錢文亦陸續領運工次因孟季兩月內春雨連綿致間有停工之時幸人夫衆多輿情踴躍雨稍止即督率赴工挑築不稍延緩茲於三月二十七日將水壩各段告竣其旱壩工程自慧覺寺以上亦均同時修成統計該潰口應修正隄業已一律完工總兵等會同察勘俱屬土堅礮實足資抵禦堪以仰慰憲懷其慧覺寺以下第九段內撐一百餘丈原估本在民修之列該處老隄尙存兼以民力艱困流亡未盡復業是以興修較遲現因初七日雷雨之後老隄又有經裂業經責成紳首就地集費接續撐修又總兵等另案稟報之岳鎮賀家拐塌經刷岸於正月內續又塌經情形甚重若不趕緊拆修仍是顧此忽彼幸有葉家背水壩項下節省錢文暨所備椿木尙可通融移撥以應急需早已開工砌成底腳計撥款外此處工用不敷尙鉅現亦責成紳首設法措辦襄隄成案

五月庚辰湖廣總督涂宗瀛湖北巡撫彭祖賢奏准部咨光緒八年八月初二日內閣奉上諭湖南提督鮑超奏四川夔州至湖北宜昌沿江一帶尙有救生紅船惟險灘過多紅船尙少遇有覆溺船隻救護不及情形甚慘請添設等語著湖廣總督四川總督湖北巡撫籌撥款項於著名險灘處酌量添設紅船並飭屬隨時認真救護以保行旅欽此伏查川江發源岷山水勢消漲不定由四川夔州歷巫峽而達宜昌亂石橫江險灘林立其在湖北境內者上自巴東縣巫山縣交界之涪石起下至東湖



縣之虎牙灘止計程四百餘里每當夏秋汛漲之時驚濤險浪洶湧異常船隻往來每虞覆溺舊設救生紅船無多不敷分布光緒二年四川總督丁寶楨前在山東巡撫任內捐集銀四千兩匯寄到鄂創辦救生船義舉經前兼署督臣翁同爵札委候補道程以輔會同管帶水師健捷新副中營副將賀緒紳查明該處沿江險灘情形釘造大小紅船十五隻連舊有紅船四隻擺江二隻併入辦理共計船二十一隻分泊著名險灘復歸賀緒紳經理隨時督率救護所需釘造船隻經費及舵工水手工食由宜昌川鹽局在於五成充餉公費項下就近撥給歷年以來全活人口甚多著有成效欽奉諭飭前因臣等當卽咨會四川督臣一體欽遵辦理並會同檄委候補道何應鍾管帶水師健捷新副中營總兵賀緒紳周歷各灘勘明形勢何處尙應添設船隻據實稟報旋據覆稱原設紅船分按險灘駐泊輔以礮船督率彈壓本尙妥協但其中有著名險處如巴東之火箴口石青竹標牛口灘橫梁子歸州之洩灘新灘八斗灘四季蕩大小崆嶺洞灘賈古石東湖之紅石子馬屁股楠木坑等灘尤爲危險須再添設紅船六隻察看水勢之漲落以及灘形之夷險隨時布置愈爲周密因思救生之道不專恃船多而全賴各軍得力舊章紅船舵工水手工食太薄難資溫飽請將月支口糧改照水師月餉章程每年發餉十月四十兩月仍發米錢一律酌加給發此項救生船原設二十一隻現添六隻共計二十七隻頭舵水手共勇一百三十七名加以領哨各弁及書識薪水每年共需銀五千七百餘兩又船隻必須堅固方能出入波濤器具尤宜完備援救方能得力應請每年小修一次計需錢三百三十串文三年大修一次照歲修加倍發給酌議章程稟送核奪等情又經批飭藩臬兩司鹽道會同善後局妥籌核議

茲據該司道詳覆以查核賀縉紳等所稟各節均屬周妥應請照辦此項紅船舵工水勇口糧准改照水師月餉章程給領連現在添造紅船六隻價值及後歲修經費一併在於宜昌川鹽局五成充餉公費項下就近提支造册統歸善後局報銷等情詳請具奏前來臣等覆核無異應如所詳辦理惟此次添造紅船經費由臣宗瀛捐廉發給毋庸動用公款現已檄飭賀縉紳估計造船價值需銀若干專弁來省具領一面趕緊購料釘造務於伏汛前造齊分駐險灘隨時認真救護從此大川利涉行舟無覆溺之虞廣被皇仁善舉收長久之效至巫山縣涪石以上江灘添設紅船前准四川督臣丁寶楨函業經札行司局設法籌款舉行應由川省自行辦理合併陳明

下部知之東華續錄

七月丙申(十八日)諭御史黃兆楹奏現在湖北江隄潰決蘄州等處江水漫溢等語該處隄工潰溢情形未據奏報著涂宗瀛卞寶第彭祖賢迅速查明具奏清德宗實錄

八月壬子(初五日)諭卞寶第彭祖賢奏明湖北各屬被水民情困苦請旨截留漕米賑撫一摺據稱本年六月間長陽興山宜都等縣蛟水陡發沿河民田廬舍廟宇均被淹灌衝塌甚多又雲夢潛江江陵等縣亦同時被淹現已委員查勘分投賑撫等語覽奏被災情形小民蕩析離居殊堪憫惻著照所請准其截留湖北冬漕採運米三萬石並隨漕耗米等項俾作賑需其餘被淹之孝感等州縣仍著卞寶第等查看情形分別辦理東華續錄 按卞寶第爲湖廣總督

是月二十六日左宗棠奏七月二十二日暴雨烈風連宵達旦發屋拔木平地成渠沿江圩岸風潮所過吸溜當衝各處廬舍家具概付波臣人民困苦流離且有淹陷壓斃一家僅存數口者實堪憫惻臣

與藩司梁肇煌鹽巡道德壽等熟商若俟各州縣稟報到日方辦賑務猶覺其遲於災務鮮濟應先由司動撥庫款銀三千兩派員帶赴下游沿江一帶會同地方官隨宜散賑去後旋據常州府紳士直隸候補道盛宜懷等稟稱江南北如江都儀徵六合泰興丹徒等縣湖圩南以受衝而破北以受漫而潰額請派員散賑臣核所稟情形以泰興縣爲最重復飭司委員帶銀二千兩前赴撫恤並令分別飛飭各地方官迅速辦賑復由撫臣飭司動銀五千兩派員帶赴丹陽等縣漕臣亦派員帶銀前往宿遷等處分投撫恤現據各州縣先後稟報者通州所屬之泰興縣衝決圩岸多處淹斃七十餘人常州府屬之靖江縣衝漫隄岸八十餘里淹沒田禾三十餘畝大小男婦淹斃者八十餘口武進縣衝塌圩岸數十處衝倒廬舍二百餘間災黎約計數千人淹斃者二十餘口鎮江府屬之丹陽縣衝倒江岸八九十丈淹沒田畝二十餘村人畜淹斃不少丹徒縣沿江圩岸衝破者亦不下數十處此外則淮安府屬山陽阜甯清河安東鹽城桃源及海州之沭陽各縣被災輕重不等徐州府屬以碭山邳州宿遷爲重揚州府屬之江都縣亦據報田廬被淹太倉州屬之鎮洋縣棉稻損傷甚重此外各屬有無被水成災應需賑恤之處先後飭司分查舉辦左文襄公奏稿

是月丙子八月二十九日左宗棠奏江陰南岸大石灣一帶礮臺逼近山坳潮濕太重其剝裂朽盡之處尚須設法改修經前督臣劉坤一於巡閱江防摺內奏明在案查該處依山臨江濕氣本重於暗臺非宜現據籌防局司道會營勘議經臣飭將暗臺紅門全改明臺並將剝落之處分別修理本年七月二十二日風雨猛驟爲近數十年所未有致江陰南北岸關山關南北岸象山焦山都天廟各處明暗

礮臺各臺篷護廊檐柱圍牆等類均有損壞業分飭趕緊修理 下部知之東華續錄

是月荆宜施道于稟大隄情形并核減土方定數 竊照近年北隄之固全係修防之力然虎渡太平口現多淤塞成田間與北圩相埒職道親至容金洲相度水勢北湧管窺適當其衝緣南岸愈淤愈高北岸愈淘愈深以致正流近皆北趨洋船貼北岸而行震動隄基尤爲喫緊談者人人自危謂荊州將來恐有滄桑之慮實堪殷憂目前要計莫如管窺添築石磯逼溜南趨但需款甚鉅必須預籌每年節省若干數年後即可由此取給無事他籌至每年所派土方請明定總數大隄土數即以恆守估派六十九萬方爲定限襄隄土數即以何令估派十六萬方爲定限江襄兩隄不得過八十五萬方爲定限飭府縣以後照辦通計江襄兩隄土方較八年共減十九萬餘方值此釐剔隄弊之始即請批准立案職道智慮短淺不敢謂於弊端清剔無遺惟事非一年官非一任但於民事有濟何必過事苛求所有一切雜費不可不節各局正用悉請照舊擬請每動用萬串翻出一千串以作該守公費其餘未盡事宜隨時體察情形辦理荊州萬城隄續志 續志又載按管窺在楊林磯之上正在小河出水之處彼時楊林磯前水深不可測故有議及於管窺建石磯現在楊林磯窺兩磯先後接長增高放寬磯之外面已見淤洲足以挑溜南趨前議中止

九月丁未(三十日)署湖廣總督卞寶第等奏安陸府知府李慶霖知縣沈星標玩忽隄工請交部議處縣丞張福鎖督工草率擬定斬監候 均下部議清德宗實錄

十月給事中黃元善奏爲湖北安陸府所屬鍾祥縣之新河口隄工歲修按畝派費民力未逮擬請旨飭下湖廣總督照舊仍將船釐辦理並於鍾祥京山兩縣由地方官設法疏通淤塞河道以蘇民困而

宜水利事竊湖北鍾祥縣城外築有長隄一道爲該縣及京山天門各縣保障如值隄身告潰向由藩庫撥款承修咸豐二三年間新河口隄潰適值軍興無款可籌節經各縣紳民捐辦久未告竣嗣於七年前任湖北巡撫胡林翼據天門知縣楊楸稟請由該縣設局按畝派費協修當日雖經照准仍飭各縣居民後不爲例緣該府深知畝費爲害最烈乃於新河設立船卡徵收船釐作爲歲修之費當將畝費停止並札飭司道等徵收錢糧章程內卽有嚴禁畝費以絕科斂等語自胡林翼去後所有新河口每年徵收船釐全數解省以致同治元年及六八兩年該隄迭次潰決仍向各縣分派畝費已與胡林翼原議不符迨九年以後該處歲修工程亦由民間按畝派費十餘年來民力殊有不逮查新河口所派歲修畝費卽以天門而論每年不過制錢七八千之譜而該縣隄局所收不啻三萬餘千之多其餘京山潛江等縣情形大略相同緣畝費大權全寄局員及胥役之手浮收勒派弊竇百出以致民不聊生乘間聚衆鬧局如光緒三年天門洪吉團一案七年京山高廟集一案各該縣及局員卽以謀逆具稟治罪其餘如上年天門縣拆毀局紳房屋並不呈報之件更不一而足又上游如鍾祥縣新河口隄內邱家潭以至海子湖等處每值夏秋陰雨山水漲發週迴二百餘里汪洋一片累月不消下游如天門之岳家口暨關家口自光緒五年以來三次隄潰本年京山張壁口又聞告潰由該縣以至天門漢川等縣約五百里之遙全成巨浸似此各縣累年被災小民皆流離失所豈堪令其再出畝費查新河口船卡一款本在百貨釐金之外並不解往各營作爲餉需且前次遇有隄工會經給發現在仍照常徵收擬請查照胡林翼原議將該卡所收船釐永作新河口隄工歲修銀兩勿容另派各縣畝費至該

處如遇隄潰之日擬請仿照直隸江蘇等省興修水利章程撥勇充工亦勿容另派畝費又新河口隄內之邱家潭等處被淹該縣之火龍山一帶河身淤塞十餘年前被水淹惟此河雖廢不過十有餘里中間尙有一道細流且下通京山天門等縣如由該地方官就地籌款酌派公正紳董商辦民間必皆擁派民夫一並疏濬亦易爲力再京山縣所屬之長灘埠山邊小河向有小船運糧至天門等縣現已淤塞十有餘段仍應由京山知縣查明開辦 奉諭著湖廣總督卞寶第湖北巡撫彭祖賢按照所奏各節酌度情形奏明辦理 欽此

襄陽成案

是月總兵曾紹霖天門縣知縣邵世恩會同修築岳鎮礮副各工程先後完竣通稟 竊總兵等會同修築岳鎮礮副各工前迭經將修過工程暨收用錢文數目隨時稟報並於上年九月具報糖坊碼頭工程完竣稟內聲明邱家拐天茂店後賀家拐三處同屬險要惟需費甚鉅籌捐不易將來或斟酌緩急擇尤先修之處俟水落確勘核辦在案詎至臘月內賀家拐埕塌處所又復逐漸塌寬迨本年正月初旬竟至全行沈塌測探水底舊椿業已年久腐朽察看情形設非另打長椿重建一經巨汛患將不測不得不儘先籌修以資保障惟邱家拐天茂店後兩處又未能置爲緩圖致貽後患然統計有著之款僅前蒙恩撥給興修天茂店後礮副之二千串文可以應用而物力艱難就地既不易籌集且有前欠之甄石等價尙未清償幾至束手無策幸於修築葉家背隄工案內竭力節省計餘存錢一千九百八十餘串並有用剩椿木通融移撥隨復督飭紳耆傳集商賈居民再三勸導仍照向章在本鎮買賣貨物內每串捐錢二文並酌捐房租錢文復於蒙恩准撥郡倉積穀以工代賑案內領撥倉穀四

百石到工藉資分給一面會督哨弁紳首上緊加修自正月興工起先將賀家拐兩岸修完並將邱家拐前修未竣之六丈三尺一併趕竣其天茂店後礮礮若照原估概行拆修未免工費過鉅茲於舊礮外密下長椿一道擱以松板外填碎石內築純土亦可藉資堵禦以上各工統於六月內一律告成嗣經伏秋巨汛均無絲毫損傷今已節逾霜降總兵等復請先後經修各工會同週歷查勘俱屬鞏固無虞堪以仰慰慈廑至所需工料錢文除將收到公款民捐儘數動用並奉撥倉穀勻給各夫匠作為工資外計尚不敷錢一千三百九十餘串係除欠礮石等項價值現在帑藏支絀總兵等何敢瀆請已責成紳首仍就地勸收捐項陸續歸還以清款目合將收用穀石錢文開具四柱清摺費呈鑒核再邱拐礮工全竣之後支水頗見得力前稟議於邱家拐下另建柴礮之處似可緩辦又現在修護天茂店後之工暨迭次稟陳春秋閏前之險工自上下礮礮完竣後水勢改移故本年屢經巨汛均未續增險形方今民情拮据擬俟將來豐熟之年察看緩急情形再行籌辦以紓民力合併聲明

漢陽成案

十一月卅寶第彭祖賢奏為遵旨查明湖北鍾祥縣船釐請撥充該縣隄工歲修經費事竊臣等承准軍機大臣字寄光緒九年十月初六日奉上諭給事中黃元善奏湖北鍾祥縣城外長隄從前按畝派費協修自新河口徵收船釐作為歲修之資即嚴禁畝費近年所收船釐全數解省該處工程復向民間按畝收費局員胥役百弊叢生請將所收船釐永作該隄歲修銀兩勿容另派畝費如遇隄決仿照直隸等省興修水利章程辦理又鍾祥等縣所屬小河淤塞宜設法疏通湖田宜設法宣洩等語著卅寶第彭祖賢按照所奏各節酌度情形奏明辦理等因欽此遵旨寄信前來當經欽遵行司轉飭該府

按照原奏各節查勘情形妥議詳辦去後茲據署安陸府知府李有棻先後查明稟稱鍾隄綿亙九十里爲鍾祥及下游京山天門等七州縣田廬保障最關緊要每逢襄水盛漲其迎溜頂沖各段被浪洗刷危險萬分必須隨時搶護尤在平日修築堅固方保無虞昔年歲修經費向係在於隄內業民按畝派夫折錢歸鍾祥縣徵收募夫修築遇有潰口險工由京天二縣受益之區派費協修咸豐初年該隄二三工潰口工費較鉅民間力難籌修八年該前府陳壽圖請於該郡往來商船量抽船釐以助經費稟經前藩司議准抽收潰口得以修復而船釐遂爲鍾隄歲修專款同治元年因軍務緊急需餉浩繁該前府黃昌輔稟經前撫臣批飭將船釐提充軍餉該隄尋常歲修循照向章按畝派費興修設遇緊要工程仍准酌量動撥近年以來凡遇出有險工歷奉奏明指撥船釐濟用惟徵收畝費紳首胥役誠難免一無弊混現查前項船釐每年約可收錢一萬三四千串與公正紳士悉心籌議擬請將船釐全歸該隄歲修之用如有不敷卽由地方官自行設法籌濟儼遇險要之工仍在鍾隄受益之湖鄉按畝派夫援照從前定章每夫一名折錢三十文但險工需費多寡不一按畝派夫卽難預定若待臨期估派恐諸弊叢生擬卽於本年飭令該縣督同紳首預將受益湖鄉畝冊逐細清查呈縣核明蓋印存案一遇工險費細計需錢若干串每畝派夫若干名由紳首稟官出示按照存案畝冊計夫折錢隨糧交納是數皆預定既不能上下其手庶可杜苛索之弊至鍾祥縣屬火龍山京山縣屬長灘埠等處淤塞小河及郡城外湖田漬水能否疏通官洩已飭各該縣查勘籌議惟體察情形京山縣上年張壁口隄潰被淹民力拮据鍾祥縣亦因歷年派費修隄一時實難籌集鉅款疏濬河道請俟稍緩數年再行舉



辦等情由湖北布政使副按察使黃履核會詳請奏前來臣等伏查鍾祥縣隄本係官督民修之工歷由受益各縣按畝派費興修咸豐年間因隄墜潰口田畝被淹費無所出始議抽收船釐藉濟要工嗣以軍用浩繁提充餉需設遇該隄潰口工大費鉅量予酌撥用示體恤今該府請將此項船釐全充鍾隄歲修經費不敷之數由地方官自行籌備儘出有險工仍照向章在於受益湖鄉內按畝派夫折錢隨糧交納以資工用是於除弊之中仍存民修之義所擬尙屬妥協應即以光緒十年歲修爲始飭令照辦其鍾京二縣淤塞河道一時旣難籌款並請從緩疏挖至鍾隄將來遇有潰決能否仿照直隸

興修水利章程撥營幫同修築應由臣等隨時察看情形酌量辦理

襄陽成案

十二月諭卞寶第奏神靈顯應請頒匾額等語湖北荊州地方江神廟暨沮漳二神祠素著靈應本年伏汛江河汛漲風浪衝擊隄岸情形岌岌可危經該府率屬虔禱得以化險爲平實深寅感著南書房

翰林恭書匾額各一方交卞寶第祇領敬謹懸挂以答神庥

荊州萬城隍續志

是月左宗棠奏爲驗收水利工程及接續飭辦各情形事竊臣勘閱朱家山赤山湖水利於光緒九年三月初四日恭摺具奏奉旨知道了欽此欽遵在案查江南現辦水利工程以朱家山赤山湖工程最爲繁鉅朱家山區分上中下三段中下兩段石工經前福建藩司王德榜督率熟手勇丁如法轟鑿大致告竣因今歲江水浩大難於施工入秋後潮水漸消飭令竭力營作經按營派分段落先挑游陳家橋一段該處原辦者爲恪靖正中副中正後三營巡緝一營慶字中左右三營新湘中營禮字一營惟地段綿長工程繁重非添營助力不能速觀厥成復檄派仁營良營佐之嗣因秋間疾疫流行營勇染

病者多工程不能如限又准每營各加募勇夫百數十名照民夫發給工值幫同工作復察酌情形將新湘中營禮營與承辦通濟金川門水利工程之慶字中後營互相對調各專責成藉收分起呈功之效赤山湖已竣之工計長二十里有餘均一律挑濬深通圩隄加高培寬捶築堅固沿埂栽種桑秧以護隄而興利其下游之三汊河業經開竣再行接挑秦淮河道以暢其流以下載入運河水 左文襄公奏稿

是年廬江縣大修北鄉之又沙圩盛安圩東埂障蔽巢湖旋又修兩圩石閘民國安徽通志水工稿引廬州府志

是年秦興縣知縣陳謨增築江隄自廟灣港至界河增築一萬四千餘丈高廣如張隄凡三閱月竣工

光緒癸卯縣志 東華經錄載光緒十年六月程伯恆奏臣督隄江蘇之秦興縣其地三面臨江咸豐初年江水爲災觀前縣督率鄉民增築舊隄由寬四丈二尺面闊八丈身高一丈二尺沿江百里屹如長城自後山水暴發江湖頂沖大隄從未漫決民甚感之近年水又爲災復經現在縣令就塌入江心之處仿其規模移內補築去年水發尤大各隄均皆完固歲尙有秋是知多盡一分人工卽少一分水患其明效大驗固確有可見也 民國私纂江蘇通志水工志稿

光緒十年正月乙巳(二十九日)諭軍機大臣等御史趙爾巽奏樊口宜建石閘請旨飭辦一摺據稱湖北樊口地方前經奉旨修建隄閘至今大隄雖補石閘尙未興修以致居民仍遭水患請飭條議章程官督民辦等語著卡寶第彭祖賢酌度情形奏明辦理原摺均著鈔給閱看將此諭令知之 清德宗實錄

二月兩江總督左宗棠奏興修江南水利各工如帶子洲沿江圩隄江甯鎮瀨江閘壩均先後分別動工十一年九月會國荃奏蘇省沿江各屬被淹查辦賑恤情形得旨著趕緊修圩疏消積水以衛農田

是月左宗棠奏爲朱家山等處水利工程一律告成擬將出力文武員弁擇尤從優給獎事竊臣洩任後迭將興修江南水利各工分摺奏明在案查各工中最大者爲朱家山赤山湖兩處赤山湖先經工竣其朱家山亦據報於年二月底一律完竣經臣派委司道各員前往驗視均稱結實如式茲具詳請具奏前來查安徽之潞州來安全椒一州兩縣衆山環繞山水三面下注兼受定遠合肥之水至三汶河匯流繞六合二百餘里河道而達於江當山水陡發之時河流紆緩不能驟洩致潞州來安全椒江浦六合五屬圩田悉遭水患雍正乾隆嘉慶年間迭經各前督臣議開朱家山以興水利均因工大費鉅而止嗣前督臣沈葆楨委升任廣東提督吳長發率勇開辦爲時兩年甫有端倪又因該提督移防而輟緣朱家山中段石脊須挖深二十餘丈方能通水而石根蟠堅凝如鐵連成一片錐鑿之力兩窮故議開朱家山者咸苦此處之最難措手加以下游之宣化橋洩水之處蘆葦相雜一經施工節節阻礙經臣飭派營中善於攻石之勇士先從石工入手以棉花火藥鑿管通山層層轟塌併於下游新開一河自馬家橋歷曬市場以至浦江康山圩止而達於江讓出宣化橋一帶蘆葦赤山湖地轄旬容承受茅山諸水匯湖分流經溧水上元江甯三縣以達秦淮湖底既高圩隄亦薄旱乾水溢均受其災民間苦之當開辦之始添開湖河以暢其流加築圩隄以固其基並建橋閘以收蓄洩之利赤山湖先於光緒九年三月間完工經臣將該處承辦工程各營調集朱家山並先後添調各營合力趕辦其時適福建藩司王德榜來甯復經臣檄委添募開哨勇丁專攻石脊計朱家山自開工以來屆今兩易寒暑

乃得以告竣不惟沿江圩田平時均受其利卽山水陡至亦可免漂沒人畜廬舍之慘而糧艘貨船可由內河而行不必再犯大江風濤尤屬農商兩便此外則通濟門內外橋閘爲秦淮附郭正流金川門內外河道爲港汊入江去路均爲詳考地勢擇要建閘建橋乃得收納諸水導引清流陸居舟居咸受其益他如帶子洲沿江之圩隄江甯鎮瀕江之閘壩均大半冲塌殘缺並省城溝道亦年久失修均爲先後分別動工以慰紳民嗚嗚之請統計各處工程以言里數則朱家山自浦口起至張家堡接通滁河止綿亙一百二十餘里共長三萬八百四十餘丈赤山湖道士壩蟹子壩以至三汊下游各處亦綿亙二十餘里共長三千九百餘丈而各處零碎之工不計焉以言土方則朱家山共挑土方三百三十一萬五千一百九十餘方石工二十五萬六千二百餘方赤山湖土方十七萬五千八百八十餘方通濟門等處橋閘河道各工共挑土方十五萬七千九百餘方以言用款則朱家山共用銀十七萬七千八百八十餘兩有奇赤山湖共用銀二萬八千四百六十餘兩有奇通濟門金川門內外河道橋閘各工共用銀八萬三千五百六十餘兩有奇各處橋梁溝道圩隄閘壩各工共用銀七萬六千七百八十餘兩有奇統共用銀三十六萬六千六百九十餘兩有奇而設局之費動工之費兵勇米折賞犒之費民夫鄉夫哨勇石匠口糧之費木石各料價值之費以及此外散碎各費統算在內動款僅得此數非撙節動用核實開銷未易及此伏查臣當議辦朱家山河工之始或以經費浩大無從籌措爲疑或以工程煩重苦難入手爲慮此外赤山湖等處工程論辦法皆須連類而及以收一勞永逸之工若開辦則須同時並舉實有應接不暇之勢幸鹽票項下積有多款各司道亦以此事關國計民生未容

以難而諉用能本臣所議定者逐一興辦各營員督率弁勇奔走風日之中戰瘴冰雪之內衆手交奮各赴其私最難者尤在朱家山轟石之工藥石一燃石塊四揭聲勢之險無異戰陣豈能將該處石脊一律開通亦並非微臣始願之所敢必其餘各員或訂立章程或部署工務或辦理文案或總核勾稽或任採辦料件之勞或司催督勇夫之役咸屬始終勤奮有裨鉅工實非尋常勞績可比所有動用各款經臣飭令該司道等悉心細核均屬實用實銷毫無浮冒查去年防守運河伏秋大汛及承辦范隄工程各員經臣專案奏請給獎均經奉旨允准在案合無仰懇天恩俯念朱家山等處工程較之防汛則情形之難鉅相同較之范隄則時日久暫迥異懇恩准將出力文武員弁查明專案開單擇尤從優請獎以示鼓勵其銀係由鹽票項下動撥容即開單報銷以歸簡便而昭核實 奉旨著准其擇尤保獎毋許冒濫餘依議 左恪靖侯奏稿

三月湖廣總督卞寶第奏派知府防汛并飭道隨時查察督同辦理摺 竊照湖北荊州萬城大隄現在夏汛將臨自應委員代防查現署荊州府知府恆琛操守不苟熟悉情形於隄工修防事務認真講求堪以委令代防現經檄委該府督同廳營文武員弁親駐工所晝夜梭巡預備守水器具遇有險要工段即行搶護務保無虞并札飭荆宜施道于蔭霖隨時查察督同辦理以期隄防穩固 荊州萬城續隄

志

四月初三日安陸府知府吳稟奉督部堂卞批張壁口完工餘錢撥濟鍾隄工用札 奉署督部堂卞批本府稟奉辦京山縣張壁口隄工告竣日期餘款存庫候撥各情形請示祇遵由奉批據稟及另單

均悉京山縣張壁口潰口隄工經該府親駐工次會督各員弁分段修築現已大工告竣所需經費樽節動支尙餘錢一萬三千餘串足徵辦理得宜實事求是故能迅速戴事殊堪嘉尙仰北布政司速即委員馳赴張壁口驗明所築新隄是否一律堅固出結稟覆查核至捐開請獎在工幫修出力各員是否與定章相符及張壁口餘存錢文應否撥借鍾隄工用之處並即由司會同善後局核議詳覆察奪仍將委員銜名具文報查並候撫部院批示繳摺結存又於二十七日奉撫部院彭據稟張壁口大工於二月十三日一律告竣該府駐工四月督率鳩工妥爲籌辦近復力疾從公深堪嘉尙工程收支及委員請獎清摺二扣保固印結及另單稟沈令捐資效力張縣丞不無可諒等情暨隨後補送印冊均悉餘錢一萬三千餘串鍾工需用若干應准核明發給仰布政司委員驗收分飭查核辦理仍候督部堂批示繳摺結存各等因奉此合行札飭札到該縣即便遵照稟議成案

五月丙子(初二日)兩江總督曾國荃奏臣於十三日拜摺後坐兵輪船會同長江提臣李成謀在於鎮江象山焦山都天廟察看礮臺其地皆生成險要安放礮足以守江制敵十四日看圖山關三江口礮臺地勢不高受敵而不足以制敵惟關山關小河足以繞丹徒之後路三江口小河足以顧仙女廟之巨鎮均係應守之地行至江陰以下察看南岸沿江礮臺均得地勢足以制敵而不十分受敵惟對江所駐之營地勢太低後面多係水鄉前面雖可制敵然未免過於受敵十五日行過福山狼山該處江面相對已逾八十餘里又數十里而至大沙又數十里而至白茆沙其沙均隄江心藏在水內潮水落後深有丈餘水面渺無痕迹潮漲之時水增丈餘不得謂爲入江門戶非僅民間大船照常行駛即

中號輪船亦毫無窒礙中泓屈曲盤旋深不可測其寬或數百丈千丈不等水面之寬百二十餘里但見汪洋千頃之波濤而已其泓迤東迤西條南條北大號輪船往來上下深恐攔淺認取人力所設之紅黑浮筒爲記輪船到此祇能容與徘徊不敢逕遂直行若遇風濤之險輪船亦難駐泊又下數十里中有隱沙其狀如洲迤北而東則有東新興沙西新興沙東帶沙寶塘沙枯冒沙鼎興沙及崇明各沙卽是出洋之路迤南而西卽是吳淞口出洋之路浦東尙有大沙洲其洲西名黃浦江卽入上海松江之要路也洲東則有騰沙鴨窩沙過二沙之東南卽係出洋通廣東福建煙臺之大海也若夫逆湖而上由海入江應以江陰爲第一重門戶以鎮江爲第二重門戶以金陵之燕子磯下關爲第三重門戶長江關係五省財賦之區爲聖朝富強之地防守不可不慎 上諭軍機大臣等該署督察看沿江形勢督飭水陸各軍布置防守覽奏各節尙屬周密東華續錄

六月初八日江蘇巡撫衛榮光奏再上年七月間江蘇省揚州常州鎮江等府屬沿江沿海一帶猝被風潮沖破圩圍田廬漂沒節經前督臣左宗棠漕臣楊昌濬暨臣按其被災輕重先後動撥庫款委員分報解賑嗣又接辦冬春賑濟並修築堰隄以工代賑業經蘇藩司庫撥用銀數兩次附片奏報在案茲據江藩司梁肇焯詳稱江屬辦理賑濟現在次第辦竣查明各庫動放賑銀數目詳請具奏等情前來臣復查無異京報

七月福建道監察御史霍伯恆奏爲敬陳地方利弊擬請酌量變通以惠閭閻事一各省民隄宜勤培築也竊惟土田之利半資乎水然過則爲災而防實可免無如愚民慮淺吝惜財力所築大隄並不高

厚一經水發即難支持近年南省被水之區不一而足豈真水勢異常無可防範實由隄本卑薄不早修培故也夫天時難測地利可憑苟盡人功必收實效臣籍隸江蘇之泰興縣其地三面臨江咸豐初年江水爲災經前縣令督率鄉民增築舊隄脚寬四丈二尺而闊八尺身高一丈二尺沿江百里屹然若長城自後山水暴發江湖頂沖大隄從未漫決民甚感之近年水又爲災復經現任縣令就塌入江心之處仿其規模移內補築去年水勢尤大各隄均皆完固歲尙有秋是知多盡一分人功即少受一分水患其明效大驗固確有可見也水退以後大吏何嘗不以工代賑堵築決隄無如新隄仍復卑薄舊隄不加修培以致凶荒屢告蠲賑類仍若昔未雨綢繆勤加培築又何至下損民生上糜國帑哉夫地方官身膺民社水利農田本其專責昔江西撫臣陳宏謀疏言向例農隙時令地方官將舊築民隄派夫修葺良以財力雖出於民督率必由官始免阻撓之弊相應請旨飭下各該督撫於防水圩隄由民修築者皆責成地方官每歲秋成水退親往踏勘勸民培築舊隄繼長增高卽四面臨水沙洲亦必加高培厚以期無虞至地方官任事尤必示以勸懲俾知振奮庶水患去而民生乃益遂矣京報

○月欽差大臣左宗棠奏爲部駁江南朱家山河工獎案籲懇仍遵前旨擇尤保獎以勵前勞而策後效事竊臣前在兩江總督任內奏朱家山等處水利工程一律告成請將出力文武員弁擇尤從優獎叙光緒十年三月二十六日奉旨著准其擇尤保獎毋許冒濫等因欽此嗣經吏部議覆以署都察院左副都御史張佩綸條奏嚴核保舉章程指明修築塘壩挑濬河工等項事務均屬應辦之件一概不准保獎此次朱家山等處水利工程自應按照奏定章程不准保獎奏請更正奉旨依議欽此欽遵在



案查朱家山河工自雍正乾隆嘉慶間迭經各前督臣議請開鑿均因工大費鉅迄用無成臣在江督任時屢次接見士民均以該處時有水患春花秋稼多被淹沒雖常稔之年而糧價昂貴時以艱食爲虞環請大加修治因派員弁勇丁及時興辦通力合作兩易寒暑倖獲開通臣與司道府縣各員隨時察驗一律結實如式誠非臣始願所及料士民僉稱自金陵建設以來前後興修水利凡十四案積用弗成此次始覩成效黃童白叟莫不感頌皇仁歌舞載道臣此次經過郡縣農桑徧野其已穫者糧塋如墉如櫛小民含哺鼓腹比戶熙熙列案焚香羣相頌禱民氣之樂可知也惟朱家山赤山湖源自安徽廬鳳一帶山谷細流行百餘里始匯成巨浸農田瀕水者需潤漚溉歲獲豐登而糧食笨重不利行遠轉徙費煩民間時有豐年穀滯與荒年無異之嘆而江甯待哺情殷晨夕拮据幸省河開通而後朱家山赤山湖糧船絡繹米價平減農民均便省會得此民情安謐匪盜斂戢訟獄日稀而廬鳳一帶豆麥穀米銷路疏通無金生穀死之歎錢糧徵輸亦免追呼之苦萬民忻然不似從前扞格臣去任數月督臣曾國荃擇人委任一切遵用舊法不事更張輿論翕然日久而其效益見向之言治吳者稱三吳水利今則稱皖吳水利並疏源流而並治之其利益溥向之治漕者必購江楚之米今則糧艘鱗集高寶邵伯一帶水次購兌取攜既便色質又佳水手無從詐索倉場戶部無可指駁又河漕並治之明證也天下事未可執一端以概之亦未可執一概之見論之若如張佩綸嚴核保舉之奏修築壩塘挑濬河工等項事務均屬應辦之件一概不准保獎吏部核覆照准是臣兩載有餘與司道各員及印委員弁兵勇慘淡經營僅觀之微效概付流水雖臣等及文武員弁受恩深重固不敢妄有希冀致蹈愆尤

而弁丁勇夫力作於嚴寒暑雨兩載有餘無稍休息且復時遭訶督疾病侵尋黽勉從事未敢告勞卒能以數十年樂利貽之地方似非尋常勞績可比乃僅恃村童野老之歌詠冀邀言官哲臣之褒許愚懦無知豈文法所能通曉怨咨嗟歎亦在意中此後江南興治水利興辦鉅工何從措手同一應辦之件而致力之難易成效之大小固各有不同今欲比而同之慮多窒礙且原保均係虛銜頂戴封典似亦無繁駁斥也臣因江南水利均係前在兩江任內一手經理此次重來經過各處勘驗周歷正值春花已收秋稼滋長之際目睹氣象心曠神怡實爲大局慶幸用敢據實縷陳亦江南士民有懷未吐者俯懇皇太后皇上天恩逾格勅部將臣開濬朱家山水利一案文武員弁照尋常勞績擇尤保獎出自格外鴻施不勝惶悚待命之至謹會同兩江督臣曾國荃合詞陳請京報

十一月卞寶第彭祖賢奏明監利縣子貝淵隄前建啓閉閘座未能暢消北岸清水現擬於原開口處添建朝天石閘一座俾資宣洩而杜爭端所需經費責令北岸受益各區自行籌集興辦 原奏略云閘之啓閉未便拘泥原定日期應俟上游水勢漲落爲斷茲據道府等稟江陵縣所屬地方均已涸出自余家埠頭以下屬監利縣管轄各垸有全行涸出者有涸出五六成者從關王廟逼大小碟子湖下達柳家集統名官湖垸內包十八小垸間有稍高之區涸出一二成及二三成不等餘皆淪爲巨浸官湖垸以外監利北岸尚有六十三垸沔陽附於官湖垸內者有四十八垸亦均連年積淹統計被淹之田共二十二萬餘畝本皆膏腴沃壤茲則悉沈波底此北岸被淹情形也南岸鹽河二邑共三百六十三垸計田十九萬零一百餘畝以垸數而論雖南多於北但監利境內之長金等二十五垸沔陽境內


之周老等十八垸內包二百四十八小垸均屬濱臨洪湖地處低窪每逢江水泛漲從下游新灘口河口倒漾入湖卽全行淹沒其餘七十二垸如江水稍大亦僅能栽種二三成及四五成不等此南岸田畝情形也子貝淵前建石閘閘門窄狹卽使長開所消無幾應請仍在原開口處添建朝天石閘水大可由閘門暢消水小由柴林河分洩等情前來臣伏查潰口後柴林河淤塞雖經分別疏河建閘乃舊河道地勢較高所建閘口狹窄至北岸未能消暢今昔情形不同自應變通辦理應請如該道府所稟添建石閘近閘低田向係緩徵今既添閘併請查明豁除

湖北通志引檔冊

是年安徽省籌辦江防在於省城東門外及攔江磯南北兩岸暨東西梁山等處建造明礮臺石土營壘並藥彈兵房駁岸護隄工作告成越數歲江浪沖損較多一律修治完固

民國安徽通志水工稿引東

軍械錄



# 再續行水金鑑卷第十九

江水編年十九

光緒十一年四月彭祖賢奏爲委員代防萬城大隄事竊照湖北省萬城大隄綿亙百數十里濱臨荆江爲閩郡及下游各屬民田慮舍保障最關緊要例應督撫輪年於夏秋汛時赴隄督防如有省城應辦要事未克分身前往奏委該管道府就近駐工代防歷經辦理在案本年輪應臣前往督防惟因湖北自海疆多事以來總會同總督籌辦沿江水陸團防保甲等事卽京餉協餉亦須率同司局各員應時遵解不克分身前往夏汛已屆自應委員代防查荊州府知府恆琛於隄工修防事務講求有素現已委令會督文武員弁親駐工所晝夜梭巡預備守水器具遇有險要工段隨時搶護並札飭署荆宜施道沈錫慶隨時查察督辦務臻穩固所有委員代防萬城大隄緣由謹會同署湖廣總督臣卞寶第恭摺具奏

京報

六月曾國荃奏爲江南及兼轄之安徽江西雨澤過多水勢盛漲圩田隄岸多有被淹籌辦大概情形事竊照本年自春徂夏南中連得雨澤各處河湖水已充足及交五月大雨時行動輒連日經宵滂沱不止晴霽之時甚少上游山洪大發下游頂託難消途至江河漫溢五月下旬江甯城廂內外沿江近河各處均爲水淹據江甯府屬之上元江甯六合句容高淳溧水揚州府屬之江都甘泉東臺寶應興化儀徵淮安府屬之桃源清河山陽蘇州府屬之元和長洲吳縣吳江震澤鎮江府屬之金壇溧陽丹

徒等縣先後稟報低窪圩田多遭淹浸已熟二麥未能全行刈割間有霉爛已栽禾苗根蒂未固爲水所浸亦多受傷沿江濱湖圩岸風潮沖擊已有沖決之處安徽則有六安州和州泗州無爲州懷甯桐城潛山含山銅陵東流鳳陽懷遠廬江蕪湖繁昌天長等州縣江西則有清江建昌星子都昌湖口德化德安彭澤鄱陽餘干等州縣均據先後稟報低區圩田隄埂俱有被淹沖潰情事業經隨時分別批飭督率農民妥爲加築竭力防護務保無虞並趕緊設法疏消積水免誤秋成其蕪湖銅陵德安彭澤鄱陽等縣被水較重窮困農民亦經飭令妥爲安撫江都所屬瓜州地方江湖泛漲江岸屢被沖坍該處有教場圩隄一道係數萬民田之保障江潮已直逼隄前該營火藥局及瓜州鎮遊擊衙門亦均逼近已由臣札飭新湘新兵各營就近派撥營勇馳赴該隄會同勘明扼要加築子隄堵禦並令駐紮沿江各營各率弁兵各就各處將隄岸勤加梭巡妥慎防護力圖保全該營火藥局及衙署均關緊要亦經飭令江甯布政使暨籌防局委員前往會勘妥籌辦理江西德化縣內之封郭鄉與湖北黃梅縣驛路隄接壤該處居民田畝約計數萬驛路隄外兜圩被水沖破甚屬危險幸九江鎮總兵朱淮森派撥新勁正副兩營哨隊渡江購備椿木排釘堵救方保無虞現仍飭令督率弁勇嚴加防範遇有險工立即搶救毋稍疏忽幸六月初旬連日晴霽各路水漸消退但望從此暢晴圩田涸復尙可設法補救十之四五然秋成則已歉薄矣所有各處被災輕重應由各撫臣委勘明確循例奏報至於江蘇所屬各郡縣沿江濱湖被水較甚之區居民鮮飽臣當會同撫臣飭令江甯江蘇兩藩司體察情形准各州縣動用倉穀量爲撫恤核實散放毋遺毋濫

京報

上諭前開江蘇多雨曾經降旨垂詢茲覽所奏各情

朝廷倍深慮係卽著該督撫飭屬確查務將賑撫事宜妥籌速辦總期實惠及民毋任流離失所

曾忠

奏議  
七月乙卯(十九日)江西巡撫德馨奏四五月大雨江湖並漲清江等縣低田被水情形 得旨卽著妥

籌安撫並將各處隄工趕緊修築搶護以衛民生

清德宗實錄

是月二十六日湖廣總督裕祿湖北巡撫彭祖賢奏爲湖北本年被水地方業飭各屬安撫現擬查勘緊要潰隄酌撥款項以工代賑事竊臣等於本年七月十四日承准軍機大臣字寄光緒十一年七月初四日奉上諭前據卞寶第奏湖南鎮守地方本年四月間猝被大雨蛟水並漲田廬被淹災民失所當諭令該撫妥爲賑撫近聞湖南省城及湖北地方均有被水成災之處卽著該督撫飭屬將被災處所確切查明一面設法賑濟一面迅速奏聞將此由五百里諭令知之欽此伏查鄂省本年四五月間雨水過多江漢之水同時並漲武昌府屬之咸甯嘉魚蒲圻漢陽府屬之漢川沔陽黃陂孝感黃州府屬之圻水黃梅安陸府屬之鍾祥京山潛江天門德安府屬之雲夢應城荊州府屬之江陵公安監利等州縣濱臨江漢盛漲之際或因湖水漫潰積淹難消或因江浪沖激隄壘連潰以致低窪田畝多被水淹據各該州縣先後稟報卽經臣等隨時批飭該管道府督率地方官將被水災民妥爲安撫並飭趕緊搶護潰隄設法疏通積水俾得乘時補種毋任遷徙流離業經臣祖賢將大槪情形會同臣裕祿附片奏報在案幸至六月以後晴霽兼旬水勢逐漸消退涸出之地可以補蒔晚糧是月下旬及七月初間又復得雨數次農田深資蓄被臣等欽奉前因遵復督同司道飭屬確查被水貧民加意撫恤現

早中二禾皆已收穫米糧價值均屬平減查看情形目下尚可無須另籌接濟惟鄂省素稱澤國近水圩田全賴隄障本年已潰各隄秋後積水消盡亟宜趕緊修復此項工程雖皆由民辦而值此被水歉收之際民力倍常拮据其漫潰較重處所工鉅費繁概令就地籌修恐難集茲巨款臣等與司道公同商酌查本省前辦賑捐餘款尚有存銀三萬餘兩現飭司分飭各該州縣週歷詳勘將被水隄障實在緊要工程民力難以修復者據實估報擬請卽於前辦賑捐餘款內酌撥督令修理完固卽可以工代賑俾災黎得以藉工備趁卹口有資無虞凍綬嘉魚誌

八月丁卯朔安徽巡撫盧士杰奏當塗等縣水災情形 得旨飭屬查明被災戶口妥爲撫恤毋任一

夫失所並將沖決圩隄一律修築以衛農田

東華續錄

九月丙午(十一日)兩江總督曾國荃奏沿江沿海各屬圩岸沖決查辦情形 得旨覽奏殊深慮念卽

著飭屬覈實散放妥籌接濟毋任一夫失所一面趕緊修圩疏消積水以衛農田

清德宗實錄

十一月初五日曾國荃奏爲江甯府屬查辦撫卹籌款接濟事竊臣於光緒十一年六月二十一日電奉上諭曾國荃奏江南安徽江西三省被水籌辦情形一摺(諭旨已載六月奏後)欽此當卽恭錄轉行去後旋於七月初間鎮江府屬之丹徒丹陽揚州府屬之江都等縣因雨水過多陡發風潮沖決沿江圩岸災民待哺嗷嗷由江蘇江甯兩藩司籌撥銀二萬四千兩解往濟賑經前護撫臣譚鈞培會同臣國荃奏奉諭旨飭屬核實散放妥籌接濟等因轉行欽遵亦在案其時江甯府屬之上元等縣雖同時被淹幸未成災經臣飭令各該縣先就民捐集穀查戶散放藉資接濟無如被淹之處甚廣民捐積穀



爲數無多一經散放旋卽告罄現已十一月初旬若不急籌接續撫卹瞬屆隆冬民間情形益窘若輾轉遷徙已掣熟田又將復荒事後益難補救現據該府縣紛紛稟求籌款撫卹經江甯布政使梁肇煌通盤核計約需銀四五萬兩詳請具奏前來臣查此項撫恤銀兩保全甚大自應勉力設籌惟江甯司庫支絀異常力難獨任現擬通力合作由該司庫及兩淮運庫不拘何項各撥銀二萬兩共成四萬兩發交該府縣採辦米穀清查戶口分別賑撫並散給籽種預爲來春之備務使實惠均霑毋任一夫失所奉旨飭屬將所發銀兩核實動用查明戶口妥爲散放務使實惠及民毋任一夫失所

議

十二月湖北卽補知縣王培厚奉藩憲委勘吳家改口稟竊職於十一月二十六日奉札委赴潛江縣會同陶令暨署沔陽州方牧迅將吳家改口應否築修月隄於宜洩襄水河道有無窒礙會勘明確並現在籌有經費若干能否足敷工用據實通稟核奪等因奉此卑職遵卽就道於十二月初六日抵潛江縣署沔陽州方牧正值交卸之際未克分身前來卑職卽同陶令前往會勘查吳家改口在上游下六七里係大澤口又名烟墩口皆臨襄河改口口門寬約計四百丈上接黃家塢順水隄下至梁灘低於黃家塢隄暨梁灘一丈七八尺二丈不等自梁灘至大澤口計七百餘丈大澤口河面寬僅止四十丈日淤日高現低梁灘五六尺不等改口之內卽係荆河名爲二口實共一河遊查嘉慶年間蒙前督憲汪奏江漢水利情形疏內稱荆河壩河卽今所謂改口消洩襄水則非潰口可知每襄水漲發直注改口荆河東至楊林洲出青灘口沌口入江西繞江陵柴林河出青灘口沌口入江大澤口係倒漾

紆緩十里至改口之背嗣因楊林洲隄潰河淤不能暢洩以致河西各垸年年被淹經前沔陽王牧請修改口隄騰旋被沖潰無存改口不築隄騰潛江居上游荆河兩岸皆有順水隄所關甚淺江陵監利爲害稍輕惟沔西各垸切身之災因請修築此潛河請修築改口之情形也改口修隄則漢水自漢中入鄖縣境河南唐水入均州境二千餘里至漢口龍王廟出江夏秋之間襄水盛漲一日夜陡漲二三丈不等建瓴而下疾如奔馬僅此一口宣洩殺其盛漲之勢而上下兩岸隄工藉以保全如堵塞四百丈寬之改口留日淤日高將成平陸四十丈寬之大澤口倒漾紆緩十里至荆河水難宣洩不獨下游兩岸隄睦處處可危而上游之水壅阻難消則鍾祥京山簪荆門兩岸之隄亦屬可慮沔東之隄皆臨襄河兩岸雖沔西受益亦沔東之害此修改口隄實有礙於消洩襄水大局之情形也所籌經費查江陵監利能否籌費尙無回文沔陽雖云籌措亦無成數潛江已收錢三千串有奇局費已用去一千串因費未集雖經祀士尙未工作此經費之情形也襄隄成案

是年荊州府知府恆琛建郝穴之上新埧許仙觀石礮岸二十餘丈荊州萬城隄續志

是年奏准湖北省江夏縣蕎麥灣隄工危險照黃河隄工之例限保固一年清會典事例

是年奏准江西省本年江湖並漲上下游被水各隄借款修築清會典事例

是年宿松知縣孫葆田築寒縣南涇江港口以禦江水內灌又築護口長隄上接初公隄下至馬家港

計長二十餘里民國安徽通志水工稿 堵築安徽省和州之保大圩當塗縣之大官圩及沿江各圩 清會

光緒十二年春荊州府知府恆琛加高萬城隄楊林磯頂三尺四寸荊州萬城隄續志

六月湖廣總督裕祿湖北巡撫譚鈞培請將修防出力知府撥案奏請獎敘疏 再臣此次出省校閱襄陽等府營伍先至荊州查勘萬城大隄所有本年應修土石各工均已一律竣事悉臻穩固現在江水漸漲轉瞬卽至伏秋二汛一切修防事務業經照案奏委荊州府知府恆琛駐工代防臣於工次復面加諄飭該府督同廳營文武員弁晝夜梭巡遇有險要工段隨時搶護務保無虞不准稍涉疎懈惟查該隄上自江陵之堆金垵起下至監利交界之拖茆埠止綿長二百餘里濱臨大江險工林立荊州郡城及下游各州縣田廬村鎮悉在隄身之下每值夏秋盛漲水勢奔騰沖激勢極危險全賴駐工之員督防得力方足以資保障上年冬間臣因該府恆琛修防出力業已三屆安瀾當經撥案奏請獎敘懇恩賞加鹽運使銜原爲慎重要工鼓勵修防起見茲准吏部議覆以光緒九年奏定嚴核保舉章程各省修築塘壩挑濬河道等項事務均屬應辦之件一概不准保獎該署督奏稱萬城大隄自成豐十一年以後歷屆修防出力之員奏蒙給獎有案臣等查均係在奏定嚴核保舉以前之案自不得援照辦理所有該署督請獎荊州府知府恆琛加鹽運使銜之處核與奏定章程不符應毋庸議等因具奏奉旨依議欽此欽遵咨行到臣伏查此項隄工爲荊郡及下游各屬田廬民命攸關每屆汛漲例應督撫臣輪流赴隄督防所繫實爲重大近年歷經奏委該府恆琛代爲駐隄防護責成綦重設有潰決處分甚嚴迫非修築尋常塘壩河工可比該府自光緒九年到任以來於該隄修防事務認真講求不辭勞瘁每遇伏汛盛漲均能設法搶築化險爲平安瀾迭奏此次臣親蒞該隄遂段查勘各工高厚堅實

足資保衛洵屬異常出力若不量予獎叙不足以勵將來合無仰懇天恩俯念此項隄工關係緊要實與尋常塘壩不同准將荊州府知府恆琛仍照原請獎叙賞加鹽運使銜以昭激勸而資觀感 奉旨

著照所請荊州萬城隄續志

九月天門縣知縣邵世恩申覆老官廟開溝建閘今將興辦情形詳府文 敬稟者漢川士民陳士瑚等控張可亭等創開閘一案查陳士瑚等係彭公坑人張可亭等係七十二坑人彭公坑在下倚牛蹄支河東岸周圍九十餘里內包彭公湖一口該坑田地河六川四面地距川邑治較近故向來水利之事皆由川邑主政七十二坑在上倚牛蹄支河西岸周圍三百六十里內包沈湖一口該坑田地卑縣居六成以外沔居三成以外川邑不及一成故向來水利之事皆由卑縣經理此兩造所居地方之情形也牛蹄河之下有竹筒河一道長約五六十里上接牛蹄河下達洑汶大松諸湖該河係明代承漢二府紳民復疏以消兩郡積水由洑汶諸湖出鄖口而達大江見於省郡縣志及隄防紀要諸書所謂兩郡之公河寶臯縣之尾閘也七十二坑消洩向有襄河之永奠成功萬福等閘及支河之增嘉閘近則永奠萬福閘已廢增嘉閘亦淤僅賴成功一閘消路本苦不暢道光緒九十年沔邑北岸襄隄迭潰境內南面沿隄一帶田均淤阜致將七十二坑北面之水並無洩路卑職頻年奉委與前漢陽張司馬會勘沔屬隄工以疏築必須兼籌惟有在牛蹄支河西岸五十三丈之老官廟地方開口放水境內方能週復蓋牛蹄河無處不淤惟有老官廟附近地方正當竹筒河之首被竹筒河掣動急流泥沙不能停積故至今深通如故於是代籌款項飭三州縣士民如法決放次年仍即籌款堵築以禦支河

汛水其時彭公垸之人並無異議光緒十年冬間張可亭等以旋掘旋塞工費煩擾終非久計不如即在此處建閘以時啓閉庶可一勞永逸因與川沔紳業議立合同稟請酌撥賑餘錢文以工代賑其不敷之項仍由垸業湊集完工並准漢川薛令沔陽方牧亦以前情移商到縣經卑職以會勘議辦移復並於開報平糶餘錢摺內將此項撥給工費數目通報憲鑒在案其時彭公垸亦無異議迨光緒十一年春間卑職會同薛令方牧前詣勘估始據陳士瑚等具稟以伊等彭公垸曾在竹筒河下游之官湖口地方建有一閘今上游七十二垸添建新閘誠慮估伊下垸消路且放水過猛亦慮伊垸隄有洗刷之害不如將淤廢之增嘉閘疏復等情稟阻卑職等以上下兩垸均係地廣人衆總須會商妥協方免滋生事端如增嘉閘果可疏復則謀新不如復舊之善但淤塞年久誠慮徒勞無功查該處係沔邑所轄議由方牧督飭沔邑紳業將增嘉閘外淤塞之處掘探深淺再行核辦旋經掘開探驗所淤已深至丈餘長至二十餘里斷難籌此鉅款且卽有鉅款開疏亦難保其不再淤塞仍不如老官廟之得地正往返籌議問詎是年梅雨較多漬淹甚重而沔屬張婁字號花垸之隄又遭潰決以致七十二垸復成一片汪洋幾至無田可耕於是張可亭等與川沔士民之隸七十二垸者赴藩轅呈請委員督辦老官廟閘工批飭卑職議稟會於光緒十一年六月十四日蒙前憲轉行在案而彭公垸士民亦赴臬憲具控批飭會勘議稟由漢川縣轉移到縣適薛令方牧先後交卸夏秋水盛又難細勘至去臘陸牧到任後始彼此訂定日期於本年正月初二三四五六等日卑職會同沔陽陸牧漢川陳令前詣該處周歷勘視以七十二垸之積水不能不急籌消洩而建閘之地實惟老官廟爲最善但下游彭公垸既有異

議總須於上有益於下無礙方可彼此相安因議仍暫照上年辦法由七十二垸自疏溝通在老官廟掘開明口將垸水放出播種秋稼以四月初爲度仍行堵塞並由卑職等隨時親往察看究竟放出之水與彭公垸如何窒礙以便設法補救務俾兩全當會同而輪張可亭等遵辦在案旋因張可亭等疏挖河道陳士瑚等慮傷伊垸隄脚故又赴臬轅續控本年三月二十九日奉憲臺行知下縣經卑職等會同查明張可亭等所疏乃係河身於彭公垸隄脚尙無妨礙且此次放水之後經漢川陳令於公出時留心察看亦尙不致將彭公垸隄身洗刷而陳士瑚等之疑亦漸冰釋惟請將竹筒河下游之大埠頭一帶河身代爲開疏以期水無停滯並議老官廟之閘只以寬三尺爲度等情於八月初一日由陳令移請核辦前來伏查此案關係二府三州縣水利辦理稍不如法必致貽患無窮總須彼此平心靜氣會商妥協再行詳復方可垂諸經久現在彭公垸陳士瑚等所議開疏大埠頭河道及限定閘之尺寸兩層均尙屬彼此兼顧之策惟開疏河道究竟工程大小若何並三州縣如何分認之處尙須勘估定議至閘寬三尺於消洩七十二垸漬水實覺不敷尙須另議尺寸卑職愚昧之見卑縣之田偏重在上川邑之田偏重在下卑職與陳令所議雖均爲彼此兼顧而兩邑士民尙疑其各有所私惟沔邑之田上下兩垸相等此案將來總須由陸牧折中定議方能兩無異議現已移請陸牧核議並飭三州縣士民會同妥議具復一俟議商妥協即可稟復定案

議擬成案

是年江西巡撫德馨奏爲江西省上年南昌等縣被水動用漕糧加價銀兩條築圩隄以工代賑不敷懇准作正項開銷事竊照江西省光緒十一年四五月間連朝大雨江湖並漲被決各隄委員勘估或

由司借款或就地集資一律修築並德化縣驛路等隄險工經派營勇會同官紳合力搶護各情形前已經臣具奏奉旨覽奏均悉即著督飭所屬妥籌安撫並將各處隄工趕緊修築搶護以衛民生欽此欽遵在案茲據署藩司長祿詳稱此案先據南昌新建豐城鄱陽建昌德安等縣先後稟報奉經批司委員分赴各縣會同地方官將應修圩隄分別勸估動款興修除各縣官紳自行捐修不計外並德化縣驛路等隄險工或係派撥營勇搶護由九江鎮總兵朱淮森發給樁木等項或由饒九道李希蓮督同署德化縣周文潮捐廉酌給修費又鄱陽縣修隄工費係由知縣賀宏勳稟借廉銀分年措還均無須開銷庫款外實在南昌縣估需修隄銀一萬二千五百八十八兩九錢七釐又估需修築洲口圩隄銀六百兩新建縣估需修隄銀一萬九百一十一兩三錢六分八釐豐城縣估需修隄銀四千兩建昌縣估需修隄銀三千九百六十兩九錢三分七釐五毫德安縣估需修隄銀一千一百十三兩六錢六分以上共需土方工料銀三萬四千一百七十四兩八錢七分二釐五毫均係核實估計均勻放給當時興工待費至爲急迫司庫所收地丁釐金批解京協各餉有絀無盈先於支放款內分別截留借用以濟要工所借支款原應俟續收地丁歸還支放現在各該縣隄工一律造竣業經委員分投前往驗收結報溯查光緒二四兩年修隄工費均蒙奏准借給地丁名雖分年歸還實則迄今尙未繳清蓋緣民間水旱頻仍異常困苦無力歸償所致光緒八年隄費於欽奉皇太后節用推恩頒發賑款內奏准分給修隄以工代賑不敷銀兩作正開銷免予歸還今光緒十一年沿江一帶被災較重縣分因未辦賑撫分給隄費原係以工代賑核與八年情事相同查上年詳蒙奏准漕糧規復三限按限加價案內聲

明所收加價錢文專爲修隄公用現准糧道移知截至本年春季止各屬解存加價折銀一萬一千二百五十九兩八錢三分九釐應請全數撥充隄費以符奏案其餘不敷銀二萬二千九百十五兩三分三釐五毫擬請作正開銷免其歸繳俾免支款久懸等情具詳請奏前來臣查江西上年四五月間水患猝遭圩隄潰決小民蕩析離居困苦不堪經臣飭司委勘分給隄費係屬工賑兼施期在一舉兩得所有動用款項除查照前次奏案業已提撥徵存遺庫漕糧限外加價銀兩充用外尙有用過不敷銀兩若令分年歸還昏墊餘生力有未逮委屬實情合無仰懇天恩俯准於地丁項下作正開銷免予歸還以昭矜恤而廣皇仁中興奏議

光緒十三年春荊州府知府徐家幹加高萬城隄楊林礮土壩二尺寬一丈長一百四十丈接砌礮嘴二丈加高礮頂八尺荊州萬城隄續志

續志又載家幹增修楊林洲石礮記云荊州萬城隄綿亘二百餘里上起堆金壩下迄

蕪茅埠臨河濱江險工林立而其工之逼近城關風稱最險者則官工中筭壑也中筭壑在郡城正南而距城五里隄上建江神廟

廟前數百武爲楊林洲大江出峽徑夷陵奔騰而下至胥箕窺會沮漳河水合流而趨東北楊林洲實當衝乾際固阿文成公

議建石礮挑江南流爲攻對岸容金洲之沙蓄欲以保固中筭壑也光緒十二年冬予攝荆策躬赴大隄估議修至楊林洲相度江勢而知石礮之有益於隄爲甚鉅矣查原建石礮長二十一丈礮後鑿箭壩斜連大隄長一百四十丈工尾有凱王閣閣之下乃石

礮礮蓋低於壩也當倪豹帥守郡時礮上下岸屢崩以巨木排橋下石護脚添砌石工若干丈岸乃固嗣是守斯土者或則培築土

壩或則接修礮嘴經營不可謂不至惟賴年江禁日高南岸沙灘節節擬時夏秋汛漲水之漫出礮頂者勢多北刷其下玉路口江

岸遂致形同壁立要非繼長增高仍不足以收南流之效爰商僚幕勘計工程就原有石礮接砌礮嘴二丈復加高礮身八尺周用



條石礮轟成堤坡中實三合土礮頂用塊石結魚鱗甲臨江一面仍拋砌碎石以保礮脚礮後崩塌每石礮根本先於上岸加寬一丈再於堤面加高二尺平與礮頂相等爲助石礮障水之力礮在原木立誌水石橋移進丈許高低知之計擬始於丙戌冬越明年三月而工竣

三月丙午(十八日)湖廣總督裕祿等奏漢陽江岸隄工現經紳民捐修請酌借官款趕辦分年歸還報可清德宗實錄

四月湖廣總督裕祿請開疏馮姓等河以資宣洩疏竊查湖北監利縣屬子貝澗隄前因堵築潰口後監河北岸水無消路與南岸居民挖隄搆岸自光緒八年議辦以來始則修建石閘啓閉繼因地高閘窄北岸潰澇難消復經前署督臣卞寶第會同前撫臣彭祖賢奏明議在該隄原開口處添建朝天石閘冀水由閘門暢消責令北岸受益各垸按畝集資以濟工用嗣因垸民籌費維艱尙未興辦而南岸紳民於臣裕祿到任後仍以建閘壑鄰受害甚鉅等情紛紛具控臣裕祿當查監河地勢北高南下自道光十九年子貝澗隄潰口後凡上游江陵荊門潛江等州縣及監河北岸各垸之水皆由潰口直注洪湖從前消水故道淤塞四十餘年雖迭經設法開疏而上下數百里費大工多斷難復舊加以同治年間潛江縣屬之吳家改口又經沖潰每至襄水盛漲卽由田關長湖等處灌入內河汪洋一片潰澇難消水不出湖無地可放但子貝澗地當洪湖上游由此洩水居高臨下勢若建瓴南岸濱湖田畝受患過多是以該處建朝天閘之議在北岸雖視爲消水捷徑而南岸則始終畏害梗阻以致頻年構衅纏訟無休若不別求疏導之方終恐爭端不息後患難弭臣裕祿與前撫臣譚鈞培因飭漢黃德道

武震親歷該處督同該管府州縣重加詳勘并派統帶鴻營記名提督宋德鴻會同沔陽州知州陸祐勤妥爲相度旋據該道等勘查子貝淵下二十里隸沔陽管轄之馮姓河地居洪湖下段形勢較低如將此河開挖二十里使水由陸廟壩入湖則北岸漬潦亦可暢消再將下游之新開鄭家口楊家嘴及小港口長河內之挖溝子鍋底灣等溝港支河淤淺阻滯之處逐一疏挖深通使洪湖上下二百餘里衆流總匯之水可以分道達江吞吐相均則湖水尾閘亦可宜暢北岸既水有所歸洪湖亦利害相準以視子貝淵之開建大開建領直下者辦法較爲合宜繪圖開摺稟復到臣臣等伏查子貝淵初建啓閉石閘原冀宣洩北岸漬潦自建成後既因來源過大閘小未能暢消且每值夏漲兩岸之民又復時有忿爭在北岸并未深受宣洩之益其另議添建河工自屬情非得已惟該處決口光緒二年本由南岸之民以受患集資堵塞歷時未久而北岸又欲於原潰口處添建朝天石閘如河工之滾水壩長年開放晝夜流行仍與從前潰口無異其爭執纏訟亦出有因既經屢次勘查博採衆論上游暢消之路舍借道洪湖別無良策而下游承接之處亦惟出口愈下則湖患愈輕事關水利固不能聽南岸偏執之見祇顧一隅亦未便循北岸專欲之情拘泥前議自應統籌全局持平辦理現據該道等所稟之馮姓河當同治年間本有請開之議嗣於光緒八年京官奏參子貝淵決隄摺內亦經陳及本係該處支河惟前督涂宗瀛委員查勘因該河約長五十餘里迂迴曲折首段十五里年久淤平業已開成田地且慮阻遏河旁黃絲等十三子垸水道是以覆奏未經疏濬今議開挖處所係陸廟壩引水入湖計程不過二十里且在黃絲等十三垸公閘之上既能消洩子貝淵之水亦與黃絲等垸出水無礙其所開

河身內之民田酌給價值收買詢之該處業民亦願領價遷讓并無阻撓統計馮姓河開挖丈尺面寬八尺底寬三丈深一丈二尺其疏通下游湖水入江溝港支河亦開寬八丈至六丈并加深六七尺不等加以購田之費如以民力開辦爲款甚鉅當此民情困苦之餘既屬無力籌措而庫款支絀亦不能動用正帑現在公同商酌卽飭派統帶鴻字營記名提督宋德鴻帶領所部之營并加派升字一營前往開挖以節工費其挖河所需購買民田之費查光緒九年本省賑捐餘款內尙有存銀一萬二千兩已行司卽將此項銀兩撥爲購田之用此外置辦器具犒賞勇丁等雜費悉令漢黃德道暨荊州府等自行設法籌給不動正款該提督宋德鴻熟悉工務躬親督辦辦理甚爲勤奮臣等已飭該提督將緊要各工統限伏汛以前次第完竣以冀早紓民患荊州萬城隍志

五月荊州府知府舒惠會同札太守陳揜築丹家隄溜甃完固情形稟 竊照萬城大隄爲荊郡及下游各州縣田廬保障最關緊要本年防護事宜蒙撫憲奏委卑府惠代防并檄委卑府札勒哈哩協同防護業經卑府惠籌款多備守水器具并將水勢長落及駐隄督率汛委員弁防護情形先後會同卑府札勒哈哩稟報在案茲查荊州水勢入夏以來漲速消遲兼之陰雨連綿風浪時作隄身內外浸泡日久節節危險前於五月初六日民工冉家隄一號內斜坡溜甃長三十丈形如弓勢深三四尺因該處逼近深溝自隄頂以至隄底高幾四丈此番溜甃委係陰雨過大溝水浸注隄脚所致當經卑府等相度情形先將內溝填平再於上面加築土埧并於隄脚另開一溝以洩隄內積水又初十日民工長樂隄五號隄內水埧跌甃長三十五丈寬丈餘及七八尺不等高五尺又民工登南隄二號內隄脚亦

於是日溜堦長八丈高七尺又十一日民工雙聖壇四號內海面跌堦長三十二丈工頭工尾亦跌堦長二十丈寬二三尺及七八尺不等又民工周家坑一號下層內坵面崩堦長三十八丈寬二丈高一丈二尺又民工沖和觀三號隄脚浸漏一處以上各段均因陰雨內漬所致當按情形輕重或打樁下壩幫壓水坵或開溝洩水以免浸水停蓄或乘水退外壓水坵以塞來源現經卑府惠不惜重資會同卑府札勒哈哩督率委幕人等搶築以資捍衛并親駐隄所往來梭巡加意防護務保無虞荆州萬城隄

續志

六月戊子(初二日)江西巡撫李嘉樂奏江西外江內湖素稱澤國在南者爲贛河自大庾發源中挾吉袁瑞臨諸流經南昌北達於湖在東南者經建昌撫州爲汝江合金宜泰進諸水亦入於湖而西偏南康六溪十八湖之水匯焉在東爲廣信河東北爲饒州河尋源覓委各達於湖江與湖相表裏故水患常萃於環湖沿江諸郡而內河最下之區山水奔注患亦與江湖相埒各縣多恃圩隄以保田廬惟其中自有自行集資辦理者有官爲借款興修者多因地勢衝要民情困苦不能不設法保衛之私堰曲防係佔河濱潤出之地水小則耕種得力水大則田舍可虞夏秋盛漲之時各隄逼東太緊高厚者足以自存卑薄者顯受其禍是隄少無以衛農田隄多轉足激水爲患而總由於生齒日繁寸土難捨官既不能禁其與水爭地又何能時時撥款處處修隄助民以與水爭命故素係民修者斷無仰給於官之事自光緒十一年撫臣德馨奏明漕糧規復三限所徵二三兩限加增錢文作爲隄工經費既可催糧戶早完又可補庫款不逮立法本屬周詳乃民間聞有此款專爲隄工之用雖爲自修工程亦復觀望

不前多方希冀殊不知漕糧加增爲杜延欠而設改革以來花戶多於限內完納每年通省所收約計合銀萬兩有奇而江西全省圩隄統計三百五十餘處小隄尙不在內是加徵之數日少請款之隄日多小民惟利是趨反將應修之隄停工待款若不亟定章程勢必多所延誤然將潰決隄責令全行自修亦實力有未逮應如何分成津貼以昭平允當經飭司督屬妥議詳覆去後茲據署藩司瑞璋督同南昌府知府崔國榜詳稱江西省向係隄岸完固河道深通至道光二十八年大水爲災沖決圩隄始蒙借款修築漕糧三限增加錢文定案原擬分年徵完豐元年欽奉恩詔詳准豁免嗣因民遭兵燹力難全修各隄日就圯廢同治五年借款興修惟豐城隄工頗爲完固同治七年復經臺臣奏奉諭旨飭令查明酌修經前撫臣劉坤一委員會縣逐一勘估計有南昌新建進賢星子建昌德化德安鄱陽八縣除濱河低地萬難施工外應修圩隄七十餘處共估需工料土方銀二十餘萬兩奏明撥案借款興修仍責成各縣及紳士承辦預先按畝定限次年秋成繳還卽以繳還之款輪修別處之隄自南新兩縣辦起遞及各縣計是年共借給銀三萬八千餘兩工程甫竣八年復遭大水又連各縣共續借銀三萬八千餘兩錢一十一萬六千餘串九年仍復紛紛報決經前撫臣劉坤一責令承督各官賠修紳民微懼願自集費修築至十年工竣惟原借之款遞請緩徵而輪修別縣之議亦輟同治十年至十三年間有借款爲數尙少光緒二三年各借銀七萬四千餘兩八年借銀八萬七千餘兩皆係大水年分光緒十一年又借銀三萬四千餘兩除提撥漕糧加價銀一萬一千餘兩外實動用庫款銀三萬二千餘兩統計自同治年間以來均係借給或已辦豁免或現尙欠解光緒八年十一年兩屆均蒙奏准

作正開銷此江西歷年借款修隄之大概情形也江西紳民借款修隄銀兩遞年展緩有借無還已成積習然尙知款關國帑非遭重災不敢希冀乃自議復漕糧三限奏明以所收加價錢文提充修隄之用愚民以爲設有專款各存倖得之心卽水勢平減之年亦復紛紛稟瀆如南昌之下富倉圩係久廢之隄新建之汝羅湖係民修之隄從無借款現皆要求無己不知漕糧加價收數無多若動正款補足難乎爲繼卽民力尙能自修者恐亦因此停止轉滋貽誤流弊無可勝言自應嚴定限制以維全局而杜倖心酌擬四條開列於後一平水年分查係歷來借修要工不在保固年限者統限每年十月開報到司由司委勘屬實應需修費若干卽以上年所收漕糧加價酌提一半按其工程大小均攤圩民繳還以免有名無實不敷之數責成圩民富者出資貧者出力趕修完固請委驗收取具保固限結以備查考一每年所餘一半漕糧加價應積存道庫設遇大水決隄工程過鉅再行奏明動用如有不敷奏濟庫款仍照向章分年歸還以示體恤一低窪廢圩及向歸民修從無借款案據並設有修隄公項不另籌費各隄概不准其請款以符定章一圩隄保固年限內續經坍塌其爲原修草率偷減可知應令承領公款紳民勒限賠修完固以昭儆戒以上四條應奏咨立案以便通飭各屬出示曉諭俾垂久遠而資遵守等情前來臣復加核水利固應講求庫款亦防虛擲且圩長不皆良善往往有刁紳蠹吏錯雜其中侵漁爲事明知經費有常輒思於向不借款之隄圍圍領漕糧加價紛紛呈訴動以府縣不願勘工司道不肯發款爲詞意存挾制難免不旣派民財又冒官款致誤賠修貽害實非淺鮮惟有因時制宜釐定章程奏明立案俾鄉曲小民咸知發款歲有常經庫項難容濫領庶修築無慮延誤而田廬

自可各保矣現該司等所詳各條係爲捍災節用兩有神益起見相應請旨俯如請辦理以便通飭諭永爲定章 得旨如所請行 東華續錄

七月戊午(初三日)奎斌奏川襄兩水同時盛漲濱江各屬隄腔間有漫潰田廬多被淹沒羅田石首兩縣受災較重現經督飭司道在於釐金罰款及雜項內湊撥錢四千串文委員解往該二縣會同地方官先將極重之戶擇尤撫卹其餘被水各州縣統俟秋後查勘輕重情形分別已成災及應否賑濟蠲緩再行據實懇奏恩施 得旨昨有旨飭查被水情形茲據該署督奏報卽著飭屬查明被災戶口妥爲撫卹毋任失所 東華續錄

口月荊州府知府舒惠興辦冬工撥借鹽釐 竊照萬城大隄工段綿長適當川江及沮漳諸水之衝浩瀚汪洋全賴一線長隄爲荆郡及下游各州縣田廬保障興築修防在在均關緊要本年夏秋二汛江水節次盛漲最大之時高過楊林洲老石磯八尺有餘兼之夏間陰雨連綿每遇狂風駭浪洶湧如山撞擊冲刷隄身動卽掣卸民工再家隄等處迭出溜縫險工且因浸泡日久滲漏跌縫冲刷殘缺之處不一而足雖經卑府籌款不惜重資督在工員役設法搶築完固得以普慶安瀾然江隄工程當以歲修爲第一要務蓋搶險之工祇補救於臨時而歲修之工則預防於先事江水一經退落亟應勸借籌修以禦來年汛漲第本年隄身受傷甚重應修工程必多其磯頭塌岸及拋砌隄脚各石工亦復不少自應於冬晴水涸土性凝結之時趕緊開辦於明春桃汛以前一律修竣完固方足以資捍衛如歲修工程堅實卽大汛經臨偶有迎溜出險應搶護之處抵禦亦易爲力斷不致別有他虞此冬工之

不能不早爲開辦也惟是開辦冬工向係由府先行籌墊款項一面在於江陵受益業戶派土徵還查該縣低鄉各垸歷年積淹民氣本未復元加以本年被水之後益之乾旱高原下澤均乏收成小民蕩析離居異常困苦所有卑前府徐守移交本屆未收土費尙有十分之四現在花戶或逃荒就食或另貿營生不特不能催徵而且不忍催徵是以徐守稟借釐金及生息挪用各款并卑府搶險向各錢鋪挪借之項迄今均未清楚釐金一項卑府無論如何設法總當於十冬兩月分別解還以清正款其餘欠項雖擬儘徵還誠恐無濟於事陳欠既未歸結勢難再向通融荆沙各號因近年生意微末絕不與仕宦往來卽厚以利資亦不肯絲毫挪借府庫又無閒款可籌而萬城隄歲修各工一經勘估之後卽應擇其緊要之處提前趕辦以資保衛今年隄身損處過多卑府身任地方責無旁貸斷不稍事耽延致有貽誤但所需經費爲數甚鉅措籌乏術告貸無從午夜思維實難設法因念咸豐同治光緒年間各前守均因興辦冬工稟借鹽課釐金有案此次乘冬趕辦土石各工程較之歷年尤爲緊要合無仰懇憲臺俯念隄工重務准予在於附近釐金局或川鹽局撥借錢三萬串以濟要需如蒙允准并祈行局務於今冬動撥俾資工用其撥借之錢請自明年三月起至十二月止分十個月解還歸款至應修各工卑府自當督飭在工委募實力勘估修築總期工歸實用款不虛糜除俟水落歸槽卽由卑府將應修土石各工親詣勘估造冊通詳外所有萬城大隄各工稟請撥款開辦緣由理合稟懇俯賜查核批示祇遵 此案由藩司鹽憲釐局會詳略言查該府興修隄工本係要務所稟經費難籌自屬實情惟現在餉需支絀釐金鹽課皆係京協各餉要款按年造入奏銷非比從前有外銷一成可以通融



周轉但該工正值緊要之際不能不勉如所請設法籌措現經本司道等會同核議擬請在於川鹽局撥錢一萬五千串沙市釐局撥錢一萬五千串以濟要需惟所請自明年三月分起分十個月解還恐衰旺多寡不齊尙欠公允所有前項借款可否飭令該府從十四年正月起於徵收土費項下每月按四六成扣還如徵獲一萬串提還四成錢四千串從速解繳以清款項不得藉詞稍延致誤奏銷等因詳奉兩院憲批准照行

荊州萬城區志

十一月銅陵縣知縣陸顯勳稟各憲文 竊照卑縣江壩及各斗門亟須修築情形久經稟奉憲鑒在案祇以經費艱鉅欲請款則餉項竭蹶欲民捐則適逢歉歲而來年國計民生所係其何以有備無患實切隱憂查同治年間無爲蕪湖均有外籍紳商捐米修圩之案縣屬大通鎮之和悅洲爲鹽商麇集之所該商等深悉情形每見卑職縱談壩務莫不義形於色本年督銷局奉文籌款卽據該商公同議於每票捐銀若干外加捐二兩共銀一千五百兩留作銅邑修壩經費稟經督銷局張道轉稟亦在案伏查卑縣江壩自唐山峽起至胭脂夾止共計長七千五百六十餘丈統分六段本年沖刷過甚計二千餘丈又四五兩段過於卑薄應修三千餘丈約需銀五六千如議修築費頗不貲卽此所籌尙屬有限不能不先其所急則尤以五段滲漏不堪之江斗門六段屢險之小斗門并本年沖刷之江壩爲最要茲據道員李商宗燭議將前款墊出趕於明春重修江斗門小斗門與夫沖刷壩決并新建外壩全保圩斗門一座約需洋二千元均由該商經手買石購料仿照徽河橋梁辦法並遵照憲面諭加用鐵碼務期堅實其應修壩工亦擬次第擇要分年舉辦如有不敷慨允集捐承修期於完固而後已實

屬好善急公大有裨於銅陵壩務卑職當遴擇江壩董事教職陳中桂監生王大莊鍾鏞淦與之面商  
卽照無爲蕪湖成案每工給米二升折錢五十文所有需用工料銀錢不經胥吏紳董之手統歸李紳  
經理屆時核實估計再行稟報而事屬善舉未便拘以文法其一切派夫監工卽責成該董等經辦自  
備火食不取分文卑職但求有益地方斷不敢稍遺餘力亦不敢敷衍草率銅陵江壩錄  
是年蕪湖縣開濬河道當塗縣請款修築官圩民國安徽通志水工稿引光緒皖政輯要未刊本

# 再續行水金鑑卷第二十

江水編年二十

光緒十四年二月署銅陵縣事陸顯勳稟各憲文 竊奉藩憲檄奉撫憲批該縣圩隄損壞經李商宗媚墊款興修情形本年沿江圩壩破損居多各屬紛紛稟請撥款若有求輒應則博施濟衆堯舜猶難若責令民間自辦則災區物力既竭加以意見不齊荏苒一冬便成坐誤該商等既肯慨捐又得李道身任其事先行墊款使處處有此等紳士相助爲理地方有不富庶者乎披閱再三實深感歎仰布政司卽飭該令轉致本部院嘉許之意仍加意督率務令堅實可久以興農利而奠民生何日開工并卽稟報爲盼此繳等因檄行下縣李紳謙讓不遑彌深寅感查江壩之江口剛小斗門全保外圩斗門各石工年前李紳卽分派司事到壩已於十一月十九二十等日先行動工其壩外民圩若嘉興老興三餘柳洲合義全保永保萬豐萬興合興江口十餘圩前人記載謂係江壩外護向來修壩所必修亦於十一月間各圩起夫給錢一律加高一尺培厚三尺臘底正初大半完工江壩工程本屬浩大原議分年捐辦此次稟商捐款一千五百兩祇敷修建斗門暨補浪刷壩身二千餘丈之用而全壩七千餘丈險要卑薄皆非加高培寬不可故乘春初天色稍霽卑職卽親往大通邀同李紳赴壩履勘一面預飭壩董將何處加高何處培寬分段估量丈尺土方開呈請摺隨帶弓尺眼同丈量并以竹桿比寬較高逐段算土細爲陳說而沿壩居民各知感激爲之焚香夾道李紳一目了然洞知要害因其入人之深愈

知關係之重卑職證以輿圖謂銅之全境與水爭地吳患頻仍民生所賴此所以上憲一聞捐修江壩而有富庶之慨也且本年黃汛如其入運而江則上游江湖更虞頂漲綢繆防患事不宜遲於是定議將江壩除頭二段外其三段上四下四五六段暨三段護壩皆於今春一律捐修加高一尺插脚一丈四五尺幫寬五六尺不等此言一出遐邇歡騰卑職復商以工程既大用夫必多請改土方一百五十為二百文速於招夫易於集事李紳深以為然然計估各費需銀將近一萬兩卑職當即出示招集鄰邑壯夫四千餘名二十名為一棚棚各有長住壩認土專其責成支竈搭棚便於工作人情尙稱踴躍已於正月二十八日二月初一初四十二等日次第開工仍由李紳分派司事十餘人經理銀錢同壩董分途照料如其天色晴好三月以內必可完工此皆幸蒙大人獎勸誘掖所致殆古所謂仁言利溥者也似此鉅萬之款實非易易地方何幸利賴無窮再江壩裏河袤延五千餘丈為南埂卑職茲亦起夫三千餘名由河沿插脚一丈一二尺直培至頂全埂幫寬五尺正月十六日開工三月亦可完竣卑

職仍不時往來彈壓督工務期款不虛糜功歸實際銅陵江壩錄

三月甲寅(初三日)諭軍機大臣有人奏江陵土費病民暨潛江吳家改口被吳請飭覈減估修一摺湖北江陵隄工土費本係藉資民力何得任意加派甚至不肖官吏廢弛中飽潛江吳家改口築壩意在保衛地方豈容奸紳庫書藉端歛費擾累鄉民若如所奏亟應查明嚴禁著裕祿奎斌確切查訪應如何覈減修築之處妥為辦理清德宗實錄

四月二十二日委驗銅陵縣壩工池太同知沈守謙署銅陵縣知縣陸顯勳稟各憲文 竊卑職顯勳

稟李商募捐修築江壩石閘並南埂歲修開工日期緣由奉撫憲批據稟已悉仰卽隨時往來各工次會同各紳董實力彈壓認真督催務於春水未漲以前一律修築完固俾工歸實際款不虛糜是爲至要仍俟工竣卽由池太同知沈丞守謙就近驗收結報以昭核實并卽轉移遵照此繳等因奉經卑職顯勳隨時往來工次會同各紳董實力彈壓督催茲據圩董陳中桂等以江壩南埂各工已於三月二十六日一律修築完固共用工料錢一萬四千餘串並無浮冒等情稟報據經遵批申請驗收卑職守謙並奉藩司札委驗收結報等因遵卽束裝前往銅陵縣會同卑職顯勳周歷履勘除頭段二段江壩本寬各加高二尺及修殘補破外自三段起至六段止計各加一尺至二尺不等培厚一尺至五尺有零口深約在一丈五尺以上合之原壩增至三分之一其壩外之十三護圩又復概予加培足資保衛五段之二處斗門及移建全保圩斗門並僱徽州石匠如法築修工程極爲堅完辦理尤爲妥速合圩鄉耆父老僉稱壩工積習實深自來請領鉅款不過修拾一二段添補二三尺而止從未有全工並舉一律告成者此次以七千餘丈之壩身成功於四十餘日以萬四千餘串之錢項保障夫兩邑民生更且兼籌護圩重築斗門工則到處無遺款亦因時不吝感激銘佩衆口一詞並據圩董陳中桂等具呈切結前來除存案外理合將驗收江壩工程加具印結聯銜會稟仰祈鑒核再此項工程係李商募捐銀兩派友會同圩董修築完固事屬義舉應請邀免造冊報銷 修築銅陵江壩各段丈尺各項工價支用 頭段江壩計長七百四十七丈用錢七百五十七千有奇二段江壩計長四百八十一丈用錢四百零六千有奇三段正壩計長二百八十九丈一尺五寸用錢八百三十九千有奇三段護壩計長

四百五十八丈二尺五寸用錢二百四十千有奇上四段江壩計長四百五十五丈用錢一百七十四千有奇下四段江壩計長一千六百二十七丈用錢三十八千有奇上五段江壩計長一千六百五十八丈五尺用錢二千九百八十二千有奇下五段江壩計長八百五十二丈用錢八百四十七千有奇上六段江壩計長八百六十七丈三尺五寸修補一百四十三丈九尺用錢七十九千有奇下六段江壩計長一百二十二丈八尺補修五十五丈五尺用錢一百零七千有奇 仁豐圩石閘斗門用錢一千三百七十九千有奇皇興圩石閘斗門用錢九百零四千有奇移建全保圩石閘斗門用錢二百九十六千有奇 嘉興圩計長四百七十丈用錢二百二十千有奇老興圩計長一千一百零四丈用錢二百四十七千文三餘圩計長三百九十九丈用錢一百三十八千有奇柳洲圩計長一千三百九十五丈五尺用錢二百六十六千有奇合義圩計長八百二十二丈五尺用錢二百七十四千有奇全保圩計長八百二十五丈用錢二百八十一千有奇永保圩計長三百四十二丈用錢八千文萬豐圩計長一千一百二十九丈用錢一百八十一千有奇萬興圩計長三百六十六丈用錢一百零二千有奇合興圩計長三百十七丈用錢八十三千有奇江口圩計長三百零四丈用錢七十九千有奇紫沙洲永興圩計長三千八百四十六丈三尺內補修一千零五十五丈七尺用錢二百六十四千有奇 銅陵縣捐修江壩記三千里矣楚江流銅陵之大通適當其中縣治距大通四十里枕山瀟江地方百里小邑也然仁豐各圩橫互江中江壩三十餘里與對岸無爲之九連等圩相犄角每當水漲時仁豐各圩保則繁昌無洲以下各縣水不爲災否則勢如破竹沿江無完區矣余於乙丑改官茲土知政務之最要者無過於壩工遇農隙即趨民修築居民亦以身家所係踴躍執工不遺餘力數年

中應遭大水迭出險工拮据救護幸獲瓦全己已江漲通常水漫壩而各圩均成澤國大憲軫念民艱奏請撥款以工代賑於時會集紳耆週期籌勞來安集獲慶更生計自道光末年領款大修後相距幾二十年兵燹之餘度支匱乏猶復特頒鉅款扶濟艱危我國家厚澤深仁猶歎至矣庚午量移肥水與諸父老辭然話別每逢雷雨詢及江壩情形竊以安固無虞爲幸緣繼余而官斯土者皆精力勝余故先事綢繆有備無患也然聞壩身單弱居人時時危懼眷懷舊邑時切洵洞古彭李君爰得觀察宗頌余二十年前舊友也旅居大通最久於江壩情形亦最稔適是邑者爲陸君樹臣顯勳賢聲素著因與謀諸皖岸票商得捐銀一千五百兩然欲大舉興修不敷甚鉅李君謂曲突徙薪必得爲一勞永逸之計查從前決口皆在三段雖經修補苦於沙土不甚堅固其外地勢日長曾於壩外添築護壩而陡險殊甚五六段水關尤損壞不堪因先購備木石從此處興工率紳董設職陳中桂歲貢陳步瀛隄生章奠邦附生朱儀監生王大莊朱宗翼鍾鋪塗武生慶魁等定價雇夫分段承辦量定土方增高培厚並令同志數人親往監視每日作息時刻必如約土方按路遠近以定價道者購田畝以資挈取遇水則抽澆出之或以秸稈厚之工次距村遠者添設欄廠各圩差保之供奔走者量給工食挑戩開補壩脚夯工無偷減一切斗門石油或修築或移建務臻完固自十三年冬月興工至十四年四月歲事凡正壩六段壩外若嘉興老興三餘柳洲合義全保永保萬豐萬興合興江口紫沙洲等共十二圩護壩一例高厚堅實統計用錢一萬四千餘串除皖岸票商捐款外實不敷用均由李君一人獨力捐輸有司將據實上聞而李君攝押爲體力辭獎敘以視尋常好行其德者例乎遠矣事既畢又以壩上所棺百餘許歲日久之暴露也則爲之別置塚地四區各界以資使遷瘞焉從茲圩內居民宅畝田有幹有年於茲土尙無忘此日之賜乎余顧此已十八年獨於此事之成不禁額手稱慶遂爲之歌曰江水湯湯江隄屹屹奠厥攸居爰得之碑光緒十四年歲次戊子季夏月下浣禹航姚清祺記 銅陵江壩錄

六月湖北藩司蒞詳文 竊奉督撫憲會札承准軍機大臣字寄上諭有人奏江陵土費病民潛江吳

家改口被災請飭核減估修一摺行臣檄委補用知府史守書青會同漢安二府查勘妥議稟復茲據該印委各員會稟以事關數邑利害非洞悉源流合上下游而統籌之不足以得其要領因稟請加委從九余永清暨岳口縣丞伍紹慶會同襄河各州縣先行逐細履勘繪圖貼說以備採擇而資考鏡余從九於五月下旬回省稟明大略並費呈圖說卑府等正擬訂期會勘而天門紳耆及江監潛沔各士民紛紛向卑府潤古稟訴各執一是復奉檄催以職員楊榮廷等先後赴督轅具稟飭卽尅日前往會勘明確統籌全局繪圖具稟毋稍遲延等因奉此卑府書青潤古等遵於六月十五日起程溯江而上先將下游之沌口青灘口並密頭溝等處逐節勘度隨由大江轉入內河卽沿吳口襄水下行之道迎溜上駛雖水勢正旺未能一一測量而舟行所過亦已得其梗概到沔後就攔數日詳加諮訪由陸赴潛與卑府文浚會晤熟商卽於次日偕潛沔各牧令同往吳家改口勘得改口寬約五百丈深約二丈餘暨一丈五六尺不等水勢浩瀾迅如奔馬自改口至沔陽之王家口一百七八十里已成大河自此以下二百數十里方達江口蓋漢水自漢中興安入楚凡關南川北諸水與豫之唐白諸河及楚之鄖竹房南諸溪河併流匯注經天河川陽之境曲折三千餘里由漢口入江襄陽以上兩面皆山無虞衝突襄陽以下卽稱襄河袤延一千三百里盛漲之時陡高二三丈奔騰澎湃全賴支河分消以殺其勢乃北岸支河或堵自前明或久經阻塞勢難再開雖有天門所屬之牛蹄河然在吳家改口以下且同治初年已形淤滯南岸之小澤口居民又以疏河爲名築而未開於是分洩襄水支流祇存大澤口一處該口在潛城之上梁灘口之下舊稱圻口卽禹貢所載沱潛旣道蔡註所云漢出爲潛是也水勢倒



漾而入分爲東西兩荆河西荆河由田關而入江暨諸湖經沔陽之柴林河小港匯洪湖之水以達於新灘口而注之江東荆河由潛江之深河潭梅家嘴江陵之直路河暨利之新灘嘴楊林關入暨沔交界之中府河經沔南之峯口漢陽溝亦分達於沌口新灘口而注之江迨咸同年間潛江上游淤灘層出水勢南趨梁灘適當其衝決成大口地屬吳姓此吳家改口之所由名也自吳口決後大溜內灌而原通之大澤口轉爲泥沙淤墊楊林關潰口既未能修中府河亦因而阻塞東荆河遂改道於朱麻通域各垸而下游之新灘口沌口亦日就淤涇尾閘不能暢達漫溢於潛暨沔陽之腹地諸境夏秋之際停滯爲湖而堵築吳家改口之議乃自此興矣同治十三年沔人嚴士連糾衆斂費在何家剝攔河築壩水無所洩貽害鄰疆而又借公費爲名勒索抄搶行同寇盜制憲李派勇查拿奏明正法並出示永禁一時雖亦懷遵而狃於一偏之見者究未免退有後言迨前撫憲翁兼署督篆時又有疏通澤口堵築吳口之請據情入告奉旨允行所需公費四邑公派計六七萬緡官督民修並撥給公帑三萬串詎告成甫閱一年吳口依然潰決當時工程非不堅實乃隄內則回溜力掃隄外則迎溜頂沖兩面夾攻一朝傾圮從前決口不過百餘丈此次竟刷至三百餘丈深亦較前倍之十餘萬公帑民脂付之一擲而口門則愈刷愈大腹地亦愈溺愈深矣今吳家改口之襄水已與正流平分工程既倍於從前經費更多於昔日況屢決之後人力實屬難施展轉思維殊無把握而四邑腹地又未便聽其日就淪胥卑府等再四詳求通盤籌畫惟有將河內淤塞處所設法疏通自楊林關至新灘沌口爲止新灘之下三十里有窰頭溝河形尙在雖工費較鉅亦宜開挖以竟其委其餘有關水利同資宜洩之處擇要興疏

以期水能下達卽遇大水亦可隨長隨消其內河東西兩岸民間向有汛隄由官督民修尤須一律堅固毋得互相推諉自誤誤人至田關中府兩河淤阻已久一時卽無力開挖而新築之壩亦須勒令平毀俾大汛可以分消庶幾沉塌之區漸次涸復似此則吳口之水不致停蓄爲災而襄河之流亦得分消之利乃河南之人猶羣思捧土以塞河不知吳口決而澤口涇吳口之水卽澤口之水也昔之澤口逆泝而入今之吳口順流而來水已南趨乃欲障而東之勢所不能也舍澤口而專事吳口無論無此辦法卽冒昧以圖而欲使平分之襄流涓滴不入頓塞數千年來漢出爲潛之故道專顧一隅亦勢所不能總之澤口不易疏吳口尤不易築澤口旣塞卽不得留吳口爲分洩襄水之支流自南至北皆吾赤子何所厚薄其間果能大疏澤口力築吳口舉四邑數百垓久溺之區起澤國而衽席之豈不甚願無如水勢過激口門太寬以五百丈沙多土少之隄禦三千里直瀉頂沖之水再築再塌勢所必然夫以天生之梁灘猶爲決口乃於一潰再潰之後而欲以人力爭之庸有濟乎卑府調古去歲面奉憲諭查度新灘沌口並窰頭溝專爲消弭上游水患起見今之議濬尾閘腹地正以濬改口之災而爲上中游兼籌之至計夫河形地勢常有變遷異時儻改溜他趨則澤口當可照舊疏通卽吳口亦可隨時酌議此時則惟有因勢而疏導之一法大疏大效小疏小效亦得尺得寸之謀也余委員等所呈圖說卑府等詳加勘視大致相符惟河身半在水中未經估量如蒙憲臺俯賜採納更乞於秋冬水涸遊委熟悉河工之員將四邑應疏隄河逐加估計請示遵行至經費一層除內河東西兩岸順水各汛隄本係官督民修止須稍爲津貼外其餘工費浩繁斷難專資民力卑府等約略估計總在十萬串左右惟

有仰懇憲恩據情稟撥以濟要工如一時難於集款亦可擇要舉辦以經費之多寡爲工程之後先至吳家改口現爲分洩襄河大支萬難議築應請撥案奏撥并批飭嚴禁以顧大局而杜後患並呈圖摺到司正核辦間復據漢陽府暨委員史守稟奉督憲批會勘吳家改口河道籌辦情形由奉批查閱所稟及摺開各節於潛江縣吳家改口澤口等來源並漢陽縣所屬之沌口新灘口等去路論叙均甚明晰其襄水入改口後經行東荆河故道係由楊林關入中府河下注謝仁口定家湖出柴林河分消於新隄老閘及漢圻黃逢等湖達江自楊林關潰口後水始改從沔陽之朱麻通城等垸東趨不由中府河故道現在楊林關潰口究竟何以不易堵築中府河故道何以不易疏通復舊必須改從朱麻等垸經行如卽改由朱麻等垸經行究竟河身占地約可寬廣若干各垸被水沈塌地畝可以救出若干此爲案中緊要關鍵均未詳晰聲叙腹內經道脈絡不明難以核辦仰漢陽府逢守候補史守等卽將所指各節迅再詳晰稟復察奪毋稍違延切切仍候撫部院批示繳另單均悉摺圖存等因奉此查吳家改口未決以前水由大澤口倒漾而入宜洩襄河之水不過十之三分由田關而入桑湖碟子湖者約一分七八由楊林關而入中府河者約一分二三現在吳口直灌之水總在六分左右田關雖議毀壩而田關以內之淤淺處所因經費浩繁未經議及則吳口六分之水勢必全趨楊林關此卽楊林潰口已堵中府淤塞已開而欲其總消六分之水竊恐容納不及仍然橫溢爲災況楊林關潰口二百數十丈水勢甚急堵築頗難中府河淤塞已久疏通亦不易此東荆河之未能復舊不得不改由朱麻通城等垸之實在情形也至朱麻通城等垸今年水不甚大浸漫已寬至百餘丈若遇大水一望無涯縱橫

數十里儼成大湖民間久以捕魚爲生不復再圖耕穫將來因勢利導不過就其停滯最深之處酌量開挖河底寬八丈河面三十丈以地勢之高下爲淺深計沈塌之田總可潤復數十萬畝此係訪之輿論及地方官紳約略言之至詳細情形仍須興辦時再行細勘等情並奉撫憲批該印委等稟遵飭會勘吳口無從修築擬疏濬下游並呈圖摺由奉批據稟查吳家改口旣爲分洩襄河大支難以議築甚屬詳明惟摺開應疏各處所需經費應如何籌畫仰布政司復核妥議彙詳核辦仍候督部堂批示繳另單均悉各摺圖存又奉批據史逢二守稟復東荆河改由朱麻通域等皖實在情形由奉批已於該守等前稟批示矣仰布政司查核辦理仍候督部堂批示繳各等因除江陵土費業已由司核議另行詳辦外細閱該守等先後稟叙各節吳家改口其勢萬難修復即使勉爲籌修襄水無從分洩亦必旋築旋潰難資鞏固且恐於南北兩岸上下各隄均有妨礙但襄河之競向南趨東西荆河逐漸淤塞橫流四溢泛濫於沔邑之朱麻通域等皖地方深受其害殊難坐視本司統籌全局築之不可罷之不能惟有將吳家改口下游新舊水道並尾閘各口一體疏濬深通藉資補救第查此項工程地段綿長需款甚鉅現值庫藏奇絀公家旣無可籌民力亦有未逮擬俟水涸後逐再體察情形估計工程大小如何設法籌辦再請酌奪示遵緣奉前因相應具文詳候憲台酌核彙奏謹陳成案

九月湖廣總督裕祿湖北巡撫奎斌會查萬城隄土費暨吳家改口情形疏 竊臣等承准軍機大臣字寄光緒十四年三月初三日奉上諭有人奏江甯土費病民暨潛江吳家改口被吳請飭核減估修一摺(諭旨見前)欽此臣等遵卽分飭司道按照原奏確切詳查一面飭委候補知府史守書青會同漢

陽府知府逢潤古安陸府知府周文濬馳往吳家改口一帶逐細履勘稟覆除原片奏湖北漕務一節另片陳明外所查明江陵縣萬城等隄土費暨潛江縣吳家改口水道分別籌辦情形由湖北布政使蒯德標具詳前來臣等伏查川江由宜昌入楚峽東灘激建嶺下注荆郡適當其衝全賴萬城一隄爲荆郡及北岸各州縣田廬保障該隄綿長二百餘里從前係江陵縣知縣縣丞督民自修乾隆五十三年荆江泛漲隄工潰決特發帑命命大學士公阿桂來楚修復議奏善後章程將荆州清軍同知改爲水利同知專司修防所用歲修土費於業戶名下按畝攤徵道光十二年前督臣盧坤因江身淤墊日高工程逐年加增同知催費督修不能得力奏明改歸荆州府知府承辦向章每年秋汛後該府周歷通隄查照大汛漲痕按險勘估通詳合算土石各工大數一面墊款興工一面札行江陵縣於北岸受益業民照糧派土按方折價於次年開印後設局陸續徵收其冬春各工定限四月以前一律完竣夏秋二汛駐工接辦搶險一切歲修防險夫工物料暨所用委員司事書役人等薪工飯食油燭紙張等項經費均在所收土費內支用其土方價值嘉慶六年定章每方例價銀一錢二分折收錢一百六十文每屆開辦冬工先於司庫借支次年徵收還款軍興以後庫款支絀不能借給惟責成該府籌墊辦理而應派業戶中有貧苦力難完足者亦有刁玩抗不繳清者往往攤徵不齊不免誤工貽累咸豐九年前府唐際盛因酌定變通章程將土方分立三限減價核收以開局起至三月底爲初限每方收錢一百二十文四月起至六月底爲二限每方收錢一百四十文七月起至九月底爲三限每方照原章不減仍收錢一百六十文俾業民各趁價輕早完以冀接濟工用其江陵北岸垵隄抵禦襄河沮漳之

水爲萬城大隄堂奧每年歲修之費勘估後向歸萬城隄一同派土由府撥縣徵修辦法皆與萬城大隄相同至歷年派土之數原奏所稱相傳乾隆戊申以前土不過五道光壬寅以前土不過十年分已遠文獻無徵惟以其時計之嘉慶道光年間距乾隆五十三年動帑二百萬通隄大修之後相去不久歲修之費自必無多然自道光二十二二十四等年該隄迭次漫潰比時江底卽已淤高險工時出修防日形喫重今則又閱數十年不特向日分洩江流之虎渡太平等口淤塞年久均已就湮卽南岸之毛楊二尖黃家舖等港口沙壅淤高亦漸與北隄相埒江勢全趨北岸兼之窖金洲挺峙江心逼溜北掃一遇盛漲危險非常近更有輪船貼行北岸激浪沖洗隄身尤爲受害其歲修工程險夷需費多寡情形實與嘉慶道光年間不能相提並論查所派土方向以糧冊爲准每田三十三畝合糧銀一兩該縣通境額徵銀五萬四千餘兩除向不派土糧銀一萬二千二百餘兩外實計受益山湖田糧銀四萬一千八百餘兩每年照此分派其山糧派數仍減湖糧三分之二咸豐六年以前派土案卷兵燹燬失無從稽核自咸豐七年至光緒九年逐年考核前後二十七年其間每糧銀一兩派土十二方十五方者各一次三十方者二次三十一方者一次其餘年分多係三十一二方以上至二十八九方不等光緒九年後經前署督臣卞寶第以土費久爲民累飭據前荆宜施道于蔭霖會商藩司查議將大隄歲修派土總數減至六十九萬餘方襄隄減至十六萬餘方方價仍照咸豐九年所定三限章程聽民完納並查前府唐際盛改立三限以後仍有延至次年不完之戶各該前府因業戶疲玩復遞加示徵甚有加至二百四十文者民力過形喫重議定隔年陳土只准酌加二十文以一百八十文爲止此外不

准再加近年所派土方與前議所減之數均尙不相上下惟內河北岸隄光緒十一年前署縣朱滋澤因直路河之黎家垸都家垸漫潰二口籌款修築估需錢二萬五千餘串稟經藩司撥給賑捐餘款錢一萬串其餘五千串由縣借款墊辦聲明在於歲修土費內分三年派徵還款此因修復潰口大工偶爾議加與尋常歲修不同本年業已還清就道光十三年江襄兩隄派數統計大致湖糧一兩合派土二十一方零山糧一兩合派土七方零按畝攤算湖糧每畝合土六寸二分零山糧每畝合土二寸一分零此查明荊州萬城大隄及江陵北岸垸歷來辦理之情形也漢水發源岷冢自陝省漢中興安而入楚境凡陝南川北諸水與豫之唐白諸河卽楚之鄖陽竹山房縣南漳諸溪河併流匯注經襄陽宜城鍾祥京山荊門天門潛江河陽漢川漢陽等州縣之境曲折三千餘里由漢口達江襄陽以上兩面皆山無虞衝突襄陽以下地勢平衍袤延一千三百餘里盛漲之時河水陡高二三丈奔騰澎湃全賴支河分洩以殺其勢乃昔之北岸九口或堵自前明或久經湮塞卽天門之牛蹄河亦多年淤滯潛江之小澤口又築爲隄陸於是分洩襄水支流只存大澤口一處該口在襄河南岸爲潛江地面舊稱圻口卽禹貢所載沱潛旣道宋蔡沈註云漢出爲潛者也水勢至此倒漾而入分爲東西兩荆河西荆河由田關而入江陵監利諸湖經河南之柴林河小港匯洪湖之水以達於漢陽之新灘口而注之江東荆河由潛江之深河潭梅家嘴江陵之直路河監利之新溝楊林關入監河交界之中府河經河南之峯口漢陽溝亦分達於漢陽縣之沌口新灘口而注之江從前大澤口之上有沙洲自黃家場起至口門止綿長數里其地頗高名曰梁灘歷來襄河泛漲有此灘爲之障蔽來水得由大澤口紆迴

而入迨咸豐年間上游北岸淤洲日出水勢南趨梁灘適當其衝同治八年遂致決成大口地屬吳姓因名爲吳家改口自吳口決後大溜內灌而向日通流之大澤口轉爲泥沙淤墊其口內西荆河之田關爲分水入湖要道河身本已受淤光緒五年又經該處居民築有土壩沿路阻滯水勢偏注入東而東荆河之堤林關又於同治四年先潰一口下游中府河水道因而就淤厥後吳口之缺正河梗塞水無所容遂經行於沔陽之朱麻通城乾沱等垸而下游之新灘沌口亦日就淤湮尾閘不能暢達以致潛江監利沔陽等處腹內低窪之地積淤難消每值夏秋盛漲益形瀰漫爲患此查明吳家改口及江潛監沔腹地各垸歷來受水之情形也臣等查萬城大隄民間歲出土費加修防險原爲桑土綢繆自衛田廬之計第逐年工費輸於一邑積久爲累亦係實在情形承辦之員苟能於工用求一分掙節自於閘閘紆一分物力豈可任意加派罔恤民艱但江流變遷時殊勢異隄工之險夷難易今昔誠有不同若以此時歲修搶險之工程律以嘉慶道光年間之用數詳諮博訪實屬勢有不能溯自道光二十四年李家垸潰口修復之後迄今數十年來歷任各員於隄防事宜修志立說傳爲考證科條文告布之工間孜孜講求加意督率故屢逢大水均工固濶安尙不致有勘估監修倚付工書委員幕友任聽勒措夫價偷減工程各情事惟改歸知府承辦閱年已久工繁用鉅員役衆多積習相沿不能一無尤費光緒九年曾己力爲核減現當於歷年沿襲之弊加意剔去但北岸萬姓田廬僅恃此一綫長隄爲之保障咫尺不堅千里爲壑所關於糧賦民命者甚重應用之款亦不致裁汰過甚致有疏虞臣等詳加查核如原奏所稱每正銀一兩派土十六方歲徵八萬串有奇係以四萬四千餘兩糧銀之數約計



實在該縣受益派土田糧祇銀四萬一千八百餘兩照每兩二十六方每方一百二十文科算該錢亦祇七萬餘串其中山糧尙應減派分濟於江襄兩隄如水平工穩竭力撙節或尙可免強支持若近年之屢逢大漲卽恐工用不免辦理掣肘似宜全局通籌俾期工民兩顧嗣後每年估派土方應按隄工水勢輕重情形或增或減隨時核實估計至多每糧銀一兩派土不得逾二十方以示限制其歷年照湖糧減派之山糧等田仍各照舊減派似於顧全要工之中卽寓體恤民力之意其土方價值嘉慶六年定章本係每方錢一百六十文前府唐際盛減價分限原爲恤民濟工起見如果皆趁初限輕價早交業民所省未嘗不鉅無如因循觀望積習甚深隄工緊要設法催令早完亦出情非得已現若將原定分限章程刪除悉照一百二十文徵收又慮民情不一急公者固不乏人而取巧者亦復不少或竟因遲早一律無所徵勸毋須趕完因而相率拖延催徵不起當事之人設值工程喫緊無米爲炊必致束手坐困亦於大局攸關惟原定三六九等月三限爲期過迫查楚省五月二麥登場九月花穀成熟民有收穫正屬力可完納之時嗣後應將初限自開局起展至五月底每方完錢一百二十文二限自六月起展至九月底每方完錢一百四十文九月以後卽爲三限無論當年隔年均照一百六十文完納不准於此外再行加增並勒石永禁書差一切需索庶急公者皆獲沾減價之益而實在疲玩之戶亦得以微罰示儆不致任意抗延但原定分限徵收之日久利弊相因如局差正於徵收土費限內墊交裁券限外持券索價朦官朘民侵漁中飽此等情弊亦恐不能免欲除前項弊端惟當令該府縣將每年共派土費若干已收初限完繳者若干戶二三限完繳者若干戶實欠未繳者若干戶分鄉分

戶造具的實花名冊籍於歲底榜示各鄉俾得查閱周知如有私加中飽該業民不難隨時告發懲辦仍令將所造冊籍詳送臣等衙門暨藩臬司荊州道各一分以備稽核至內河北岸垸隄應由江陵縣經理詳查前署縣朱滋澤林佐尙無聚賭狎優玩視隄工各情事該隄歲修向歸萬城大隄一同派土其每年工程較之萬城隄不過十之二三現在歲修土方已議爲每糧銀一兩派土至多每兩不逾二十方該隄歲修土方即在其內以後應仍由府按工程大小核實撥給一切章程均照萬城一律辦理毋庸另議自此核定以後應責成該府縣於一應用款力求核實如能撙節有餘卽於工竣後據實通詳報明將款解存道庫留備意外險工儻有草率偷減浮估濫派廢弛中飽各情弊一經查出工書夫頭照例懲辦并將該府縣從嚴叅處至潛江縣之大澤口本分洩漢水支流自吳口決而澤口淤今吳口所入之水卽昔澤口分納之水也現據勘查該處口門寬近五百餘丈深至二丈餘及一丈五六尺不等水勢頂沖直射從前繞循梁灘逆折而入澤口來源緩急迥殊而舊日江潛監沔腹地受水河道又復節節淤塞出江之沌口新灘等口亦淺滯不能暢達以致來速去遲停滯爲患光緒二年曾經前撫臣翁同爵奏撥公款錢四萬九千串併由江潛監沔四州縣共集民捐錢六萬串合力疏築詎工竣甫閱一年而吳口復潰澤口仍淤其時對岸之楊胡垸下游之岳家口亦一同漫決十一年署潛江縣張錦堂署沔陽州方希鍾復有稟請再築之議乃官紳甫行勸辦而北岸天門等縣紳民卽以阻洩壑鄰有礙大局控訴紛紜至今不息蓋避高就低舍迂迴而趨徑直者濫水順下之性也今襄水來勢旣已貫梁灘而直趨豈能使其仍繞梁灘而迴折如果疏築并舉故軌可循則光緒初年集費不爲不

多工力不爲不至何致竣工未久淤潰依然覆轍難循前車可鑒地形變易水性隨之固非人力所能爭也況澤口乃自古漢出爲潛故道原以分殺悍流之勢現入水之口雖易洩水之用則一若塞新口而舊口又難復通使漢水分支無所消納川壅必潰則襄河兩岸大隄必致處處堪虞是以天門等縣紳民僉謂堵吳口卽以塞澤口不能專顧一隅貽害全局羣起而爭紛紛不已者也臣等竊維治水之法當順其自然之勢而利導之今南岸堵口之議旣揆之地利人情均有未可遽行之勢而江潛監河受水之地自當仍以疏通腹內河道宜暢尾閘爲要義現相度地勢逐段審察如由吳口起至楊林關一百餘里本係東荆舊河兩岸皆有汛隄應培隄疏淤束水順下由楊林關潰口至王家口七十餘里被水淹場各垸近復漸淤成田其已成河形之處兩岸居民有已挽隄成垸者應通其阻塞增其隄防由王家口至吳家剝一百餘里水流不定泓路未深夏漲冬涸應設法開挖成河引水下達自吳家剝以下卽深廣成河之處兩岸居民應將新灘沌口兩江口附近河道淤淺之處大加挑濬口門開挖深通其沌口新灘之間有漢陽志書所載之窰頭溝舊河若量加疏通增出一口暢其尾閘以洩積淤此外如西荆河之田關東荆下游之中府河皆爲向日消水要道一切支河汶港有應疏濬之處均經疏濬深通民間所築土壩有應平毀者卽令平毀如此則脈絡通尾閘暢停滯卽可日消庶一隅收利導宣疏之效而大局免益彼損此之虞兩顧兼籌較爲穩慎惟現在水勢尙旺其積淤積滂之區廣狹深淺無從測量工程之先後需費之多寡亦難懸計當此民力拮据經費支絀之時應如何設法集款分別緩急與辦容俟水退後督飭各該地方官傳集公正紳士確切勘估次第妥籌辦理至奸胥刁民斂

費病民攔河築壩本已久經查禁現仍當嚴飭該地方各員隨時查訪嚴禁如有藉端欲費擾害鄉民者即行查拏按例究辦以安鄉愚而杜擾害荊州萬城隍續志 硃批著照所請襄陽成案

是年荊州府知府舒惠加高萬城隍黑窩廠礮土壩寬一丈四尺高七尺加寬礮身一丈二尺加高礮頂八尺接長礮嘴一丈荊州萬城隍續志 續志又載萬城隍楊林磯黑窩廠石礮圖說云現在淤沙白楊林磯上首起已淤

至黑窩廠止寬約半里許長約數里形勢日見其高屹然成砥柱之勢

光緒十五年春荊州府知府舒惠請借撥釐金趕修沖和觀等處要工稟 竊照荊江北岸萬城大隄官民各工綿長二百餘里其間濱江臨河之處約計四五十里專恃石工得力以資抵禦所有本屆應行歲修土石工程業經卑府於上年十月內親詣勘估造冊通詳一面籌墊款項於去冬今正先後興工并將修得工程分數隨時申報在案茲查民工沖和觀二三號濱江碎石岸於本年正月二十六日溜堙一處卑府當即親詣查勘緣該工溜堙之由係由大江自岳家嘴以下節節沙洲淤漲挺峙江心水涸之時泓近北岸逼水直掃隄脚加以大雪之後凍凌所致隨飭弓正丈量計長三十丈高一丈八尺探量水深揆隄一丈以內計深一丈八尺一丈以外計深二丈及二丈七尺不等必須於水內先用毛石墊底再於面上加砌碎石壩岸方足以資抵禦又民工上新壇許仙觀下首濱江要工碎石岸亦於正月二十八日溜堙長十五丈高一丈四尺探量水身揆隄一丈內外計深一丈九尺亦經卑府親詣查勘急須用毛碎石各石趕緊修砌以資保障以上二段擇節估計共估需毛碎石二千九百三十五方五寸二分合錢五千另一十三串三百一十九文伏查本年土費現雖開局徵收爲日無多尙不能遽

有起色本年開辦歲修土石工程均係預籌借墊羅掘待盡僅可勉敷而沖和觀上新增兩處險工突出實非籌借之時意料所及亦思移緩就急將所籌歲修之借款暫爲挹注無如借款本不寬餘而兩處險工需費頗鉅非但不敷分撥且歲修各工業經開辦既不可暫停突出險工皆關緊要又萬難以久待工則不容稍緩款則無可再挪臬府責任修防安敢畏難延誤籌思再四可否仰懇俯念險工緊要准在附近釐金項下暫行借撥錢四千串俾得及時修築實爲公便所借錢文一俟工費徵收踴躍首先陸續歸還總以年內清款無誤奏銷 奉撫部院奎批據稟已悉仰布政司會同牙釐總局迅飭沙市釐局借撥錢四千串轉給該府趕緊修築完固毋稍草率貽誤所借釐金務於年內歸款可也 肅州萬城臨禮志

四月安徽巡撫陳彝奏再光緒十三年五月安省江水大漲沖潰圩隄籌辦工賑經臣會同督臣曾國荃奏懇開辦賑捐以資修圩放賑奉旨飭部議准照山東賑捐新章辦理又准部咨各省賑捐均令以五成收捐各等因當經轉行遵照於是年十月十九日開局時值鄭州決口黃河入淮皖北災情重大捐務併案由省局統收分解十四年秋廬州滁州等處受旱成災又復於此款內分撥施賑歷經奏明在案伏念水旱災稔藉捐濟賑原屬不得已之舉兩年以來廣行籌勸各省文武大吏救災恤鄰紳商士民急公好義絡繹捐解拯救實多現在鄭工合龍黃溜挽歸山東故道皖北田畝漸次涸復雖現值青黃不接之時仍須查辦春賑及疏濬各河等工亦不能同時告竣而賑捐事例未便久開臣與司道商酌擬卽於本年四月底截止停收以重名器以前收到各處捐款未及請獎者飭令賑捐局詳細稽

查趕緊清理並催令各捐戶開送履歷造冊咨部核獎其勸撥沿江工賑用款業經造報奏銷歸皖北賑撫局及旱區辦賑等用又皖北賑撫局另收捐款存留動支數目請俟一律事竣分別報銷以清款目除咨部查照外所有安省停止賑捐緣由催會同兩江督臣曾國荃附片具陳京報

十月初六日曾國荃奏查甯屬沿江一帶前於夏間連遭大雨江湖泛漲各鄉圩田間被淹漫幸即消退山鄉高阜處所本無妨礙詎自八月下旬以後連旬陰雨江水盛漲上游來源益旺高低各田均受傷損在田禾稻既爲雨水淹沒已經刈獲登場者又因不能曬晾多致生芽霉爛沿江民房於霜清後復被水淹尤爲近年所未有曾忠襄公奏議

是月己丑(十七日)諭裕祿奎斌奏各屬被水成災懇請撥款賑撫一摺本年湖北夏秋兩汛江河並漲八月以後又復大雨兼旬水勢日盛武昌漢陽黃州安陸德安荊州各府低窪田地多被淹浸襄陽鄖陽宜昌施南地處上游亦因雨水過多同時被災小民蕩析離居實堪憫惻加恩著於司庫撥銀十萬兩以作賑需准其作正開銷如有不敷仍著體察情形隨時奏明請旨該督等卽確查各屬被災輕重督飭分別妥爲散放務期實惠及民毋任稍有弊混

東華續錄

十一月十五日湖廣總督裕祿湖北巡撫奎斌奏爲隄工緊要民力驟難籌修擬請先行借款興辦以資保衛事竊照湖北安陸府屬鍾祥潛江兩縣均濱臨襄河鍾祥東岸暨潛江北岸向築長隄抵禦襄水爲下游京山天門沔陽漢川各州縣田廬保障本年夏間襄水異常泛漲勢極湍悍兼以風狂雨猛多方搶護人力難施致鍾祥縣隄八九兩工暨潛江縣屬之隄家洲隄段先後潰漫成口其鍾祥縣三

四兩工隄段雖未潰口亦以迭經盛漲老隄石磯多已沖塌隄脚盡被刷空受傷過甚當經臣等飭司於水退後趕緊詳勘籌修去後茲據湖北布政司蒯德標等詳稱現經委員會同各縣詳細查勘鍾祥縣隄八九兩工潰口處所緊臨襄河正流迭被汛水冲刷間成深潭兩旁老隄外灘已被冲刷殆盡必須退挽大月隄一道並較老隄加高培厚計長一千一百五十餘丈該處土性多沙修築專用近土難期堅實如概運遠灘之土工費更鉅擬隄身取用近土堅築之外幫加築灘土二丈五尺內幫加築灘土一丈期於工固費省核實估計土破人工等項共需錢八萬五千串其該縣三四兩工隄段隄脚太虛加築難以濟事亦須就勢挽月隄一道計長四百九十餘丈並將刷塌石磯如式修復以緩水勢而資防禦共需工料錢四萬餘串又潛江縣隄家洲隄身坍塌過甚口闊洪深亦應退挽月隄一道計長七百餘丈估需工料錢三萬串有奇合計共應需錢一十五萬五千餘串查以上各隄向皆官督民修之工鍾祥縣隄於光緒十年間經前署督臣卞寶第前撫臣彭祖賢奏准將鍾祥釐局所收船釐一款全歸該縣隄工歲修之用儻該隄出有險工仍照向章在於該隄受益湖鄉內按畝派夫折錢隨糧交納此項船釐歲收不過一萬餘串為數本屬無多且尚有通隄歲修之工恃此濟用勢難再行分撥而潛江隄工則向無歲修之款專賴地方籌措本年該兩縣被災甚重民情倍常拮据若令集此鉅款實屬力有未逮而工程萬分緊要尤屬刻難緩延茲通盤籌畫竊念力以緩而始充款以分而易舉現在工程緊要如此而經費支絀如彼是必於通力合作之中仍寓挹彼注茲之意始克集事本年湖北被災仰蒙恩准撥賑款十萬兩皇仁優渥感頌同聲惟災區太廣嗣復分據各該州縣陸續具報以之散

放錢米尙慮不敷本難遽及工用現擬先其所急所有鍾祥三四兩工應需工費四萬串卽就賑款中提銀易錢二萬串寓賑於工下餘一半之數仍在船釐歲修項下酌撥濟用其鍾祥縣八九兩工需款八萬五千串潛江縣隗家洲工段需款三萬串有奇工大費鉅一時民力難籌擬請仿照安徽同治八年奏准借撥公款籌修沿江圩隄暨光緒九年奏准借撥籌修桐城陳家洲圩隄分年攤徵還款辦法由藩司鹽道牙釐局於地丁鹽課釐金三項內各借撥庫平銀二萬四千三百七十四兩零易錢合成銀數以資工用其鍾祥借款照章由該縣及京山天門受益之湖鄉田畝分作六年隨糧分成帶徵還款潛江縣借款亦照鍾祥等縣辦法由該縣受益田畝分六年隨糧帶徵歸還如此一轉移間庶要工克竣民力藉紓而庫款亦無窒礙等情議詳請奏前來臣等伏查鍾祥潛江兩縣隄工地居上游爲下游各州縣田廬民命所關上游之潰口一日不修則下游被淹之田卽一日無從潤復實爲剝難緩待之工當此災歉之餘民情困苦工艱費鉅非借助公款不能及時籌修確屬實在情形現雖庫款支絀而事關民瘼自不得不設法籌借以濟眉急所有鍾祥縣隄八九兩工需錢八萬五千串潛江縣隗家洲隄工需錢三萬串有奇合無仰懇天恩俯准在於地丁鹽課牙釐項下照數撥借飭令趁此冬晴水落及時興修務於春汛前一律完固以重要工而弭後患所借之款並准其分限六年各由該縣受益田畝隨糧帶征還款用紓民力

奉硃批著照所請

議陸成案

十二月丁酉二十六日以捐助隄工予湖北漢陽縣在籍同知萬正綱爲其父母建坊清德宗實錄

是年四川總督劉秉璋奏爲夔州府知府汪鑑開修夔巫兩峽棹路橋路礪道事竊查川省灘險



櫛比而數不可枚舉其最奇險者爲三峽夔峽起奉節白鹽山爲三峽之首卽古瞿唐峽當峽口者曰  
灩澦堆冬則出水二十餘丈夏則沒於水中亦二三十丈勢險溜急人力難施巫峽在巫山縣東水經  
注云是杜宇開鑿以通江水沿峽一百六十里峯巒削立所謂巫山十二峯也在湖北宜昌歸州境者  
曰巴峽卽古之西陵峽凡此三峽峭壁插天懸崖千仞並無山徑可通蜀道之難於斯爲最中惟一線  
川江急湍奔流上下行船絕無繚路每當夏季水漲舟行輒覆每歲遭覆溺斃者不下數十百人光緒  
十四年九月間夔州府汪鑑立志捐廉稟請開修經臣批准先從夔峽開工自白帝城起下至大溪之  
對面狀元堆止曲折紆迴約三十里施工之始工匠無所憑藉乃對壁鑿孔層累而上每開一大竇實  
以火藥燃引線而炸之旋炸旋鑿使千仞峭壁之腰嵌成五六尺寬平坦路緯轡可以並行其中分造  
溝澗平橋十九道自狀元堆至巫山縣城九十里中造平橋二道拱橋四道並瓶開土石山麓亦成寬  
平坦路變峽於去夏工竣迄今兩年當盛漲封峽之時行人往來山路肩挑背負絡繹稱便而舟行有  
繚路亦少覆溺之患巫峽於十五年十月開工自巫山對岸起下至川楚交界之鱸魚溪青連溪止計  
七十五里地段較長經費較鉅計造大拱橋四道迤邐開鑿變險巖爲康莊今已一律告成本擬接修  
楚境巴峽惟力是視經臣電商湖北督撫臣接其回電由楚籌修是以修竟川界而止是役也該府汪  
鑑捐銀一萬兩臣籌撥開款捐銀二萬八千餘兩淪夔兩屬官商樂捐銀二萬二千餘兩又錢二萬餘  
串除支用一切經費及設石椿鐵鍊等用外存銀一萬兩發商生息以作緯路橋路橋道歲修之資茲  
據該府汪鑑造冊稟請立案前來臣伏查蜀山萬點赴衆壑者夔門川水支流障奔濤者巫嶺徑路既

絕攀躡難登舟遭覆溺之傷人鮮救援之處數千來年未能經營開鑿者誠以工艱而費鉅也該府汪鑑有志竟成竭一己之誠勝五丁之力免行人於胥溺慶王路之蕩平厥功實非淺鮮其平日居官亦復精勤廉潔培植士林合無仰懇天恩准將夔州府知府汪鑑降旨嘉獎以爲好善勤民者勸奉節縣志

是年荊州府知府舒惠拋護萬城隍楊林礮礮脚接長礮嘴八尺荊州萬城隍志

是年大冶縣夏大水秋復漲十月下旬始出市大冶縣志

是年江都縣佛感洲二圩地方坍江百餘丈挑築西南大隄長九百餘丈越十餘歲復坍挑築新隄西至二圩頭起東至七濠大壩口止長二百四十六丈民國江都縣續志光緒十五年佛感洲二圩地方坍江百餘丈

知縣祥安稟請撥穀並派營勇挑築西南大隄長九百餘丈二十八年復坍知縣盧維謹嘉隄工局籌撥賑款並請運司飭撥新湘營勇挑築新隄自二圩頭起東至七濠大壩口止長二百四十六丈以上歷經坍卸 民國私纂江蘇通志水工志稿

# 再續行水金鑑卷第二十一

江水編年二十一

光緒十六年正月江蘇巡撫剛毅奏查得寶山縣境內蘊藻河一道俗又稱蘊藻浜間於劉河吳淞江之中分洩上游之水以入海僅就寶山縣一邑水利言之則蘊藻浜爲該邑之幹河就通省全局水利言之則蘊藻浜仍爲吳淞之支河自吳淞海口直達嘉定蜿蜒三十餘里向係商賈往來孔道農田宜洩要區年久失修深者僅通舟楫其淤塞尤甚之處不啻漸成平陸並經嘉定商民於該河迤西唐家橋地方建築大隄名爲欄截渾潮實則壅遏水脈此蘊藻浜日就淤淺之實在情形也臣稽諸志書詢諸耆老僉謂河身卽形淺濶易於程功河道不甚寬廣亦易於籌款此處挑挖深通然後由支派幹吳淞江卽可逐漸疏濬當此水潦告災之後民間待食方殷擬用以工代賑之法招集民夫趁東作未興趕加開濬並函商督臣調撥狼山鎮總兵唐德發所部駐紮吳淞防營勇丁一面抽撥臣標防營前往通力合作以冀妥速竣事惟工段頗長勇夫雜處必須部署有方庶免互相延誤其中一切挑濬之法非臣親往指授恐難悉協臣現擬於二月十六日輕裝減從乘坐小舟前赴該處督率營縣詳加查辦

東  
華棧錄

二月剛毅奏蘇州府屬昭文縣之白茆河宣洩數縣之水關係甚大當議變通擬開濬舊章於十四年賑餘項下撥發銀洋先行委員開工挑壩以工代賑業經會摺奏明一面飭令招集人夫趕緊分段

開挑在案嗣據委辦該河工程候補知縣錢維崧會同昭文縣知縣徐樹釗稟報災區農民一經招徠應募甚多且值天氣暢晴舉凡築壩戽水莫不踴躍將事所有各段工程均已於十五年十二月二十八日先後一律挑竣等情經臣飭委蘇州府知府魁元前往驗收去後茲據該府稟稱於本年正月十五日到工督同該印委按段勘驗均屬挑挖如式一律寬深尙無草率偷減情弊並據該委員呈報於

二十四日啓壩放水河流通暢等情前來理合會同兩江總督臣曾國荃附片具陳

京報

閏二月癸丑(十三日)諭軍機大臣等前據剛毅奏江蘇寶山縣境內蘊藻河年久失修該河迤西大壩壅遏水脈現在興工挑濬等情茲據給事中金壽松奏稱蘊藻河屢開卽塞自立壩以來嘉定附近諸河幸免淤塞若將隄閘拆去利少害多請飭通籌全局儘業已興工宜將隄閘移建黑橋口或另勘善地設閘並於吳淞等處下游一律細勘陸續擇要修治等語修濬河道原期保衛農田必須熟權利害爲一勞永逸之計未可專顧一隅致滋流弊著曾國荃體查情形妥籌具奏原摺著鈔給閱看

東華續錄

三月乙酉(十六日)剛毅奏寶山縣蘊藻濱河道淤塞招集民夫乘時開挑以工代賑暨抽營勇通力合作臣擬親往河工指授以期竣事妥速業經奏明在案臣於二月十六日到工後督委候補知府周運會同各營官沿河逐段勘量裁度工段之難易均勻派撥營勇民夫分挑築壩戽水從事布置現有頭緒應卽分飭各該印委員弁等監視兵民妥爲挑辦臣可毋庸久駐河工茲於二月二十五日旋省回

署辦公仍俟該河全工挑竣再行前往驗收另行奏報

東華續錄

是月己亥(三十日)沈秉成奏光緒十年安徽省籌辦江防在於省城東門外及攔江磯南北兩岸東西

梁山等處建造明礮臺石土營壘並藥彈兵房駁岸護隄工作告成前撫臣具奏在案臣到任之時道經江上親臨閱看各該處臺座營盤均係濱臨大江據險扼要足以自固門戶而兼爲上游藩籬惟每歲夏秋之交江湖大漲風濤震撼各有損傷歷經駐守防營修葺完整上年八九月間霖霖逾月江水泛濫大於往年加以連遇狂風波浪洶湧日久沖激損壞較多情形甚重據駐紮各該處防營將領先後稟請勘估興修當委營務處安廬濬和道丁峻馳往分別會勘茲據覆稱省城東門外原造明礮臺一座暗礮臺一座石營一座攔江礮北岸原造明礮臺二座石營一座南岸原造明礮臺一座土營一座西梁山原造明礮臺四座石營一座土營二座礮臺左右各建藥彈兵房而其前後均築駁岸護隄東梁山原造石城一道礮隄一道並藥彈兵房護以駁岸創造之日做法照外洋式樣因平地植基慎固砌築穩堅現在周歷查勘以在沿江地方卑濕土性鬆浮洲岸坍長靡常大致情形相等而其間省東門外對江中互沙洲江窄流急大水之際上游勢若建瓴澎湃奔騰直逼臺座攔江礮突起江中洲上一經長水四面當衝洲地坍卸東基淹浸且對桐城縣境之三江口回溜湍悍衝盪尤甚東西梁山夾江對峙橫入水中江形至此收束口門狹隘浪擊濤翻益爲迅猛險要之所爭在此工程之受損亦在此所有礮臺石營及駁岸根脚多有刷洗下空木椿摧折牆身倒塌巖裂岌岌可危其藥彈兵房久經風雨波濤亦多傾斜剝蝕均係實在情形若非及此修治將來坍塌愈多需款滋鉅而察度江壩形勢亦稍變遷因地制宜有須拆卸截改及酌量移建方足以禦盛漲而固要防需用工料核實估計約共需銀四萬數千兩請卽酌度核辦等情具稟前來臣查安徽省長江中貫地處要衝扼險設防爲

備豫不虞既據該道查明各礮臺營壘坍塌確情亟因修改未敢因江表無事惜費因循擬卽遴委幹練大員鳩工庀材一律監修完固以期防患未然所估用款相應奏明立案在於安徽省防軍餉需項下撥節動撥飭令實用實銷不准絲毫浮冒工竣之後彙入防軍用款報銷案內另造清冊咨部核銷以重帑項 得旨如所請行東華續錄

四月二十五日曾國荃奏爲遵旨查勘寶山縣蘊藻河道據實覆陳事竊臣承准軍機大臣字寄光緒十六年閏二月十三日奉上諭前據剛毅奏江蘇寶山縣境內蘊藻河年久失修（鑒旨見前）欽此遵卽札飭升任浙江臬司蘇松太道龔照璠前往蘊藻河確切履勘茲據查明詳覆前來臣查該河東達吳淞江西接嘉定南翔鎮以及太倉鎮洋常熟昭文等處爲江蘇浙江之尾閘寶山之幹河係屬商賈出入孔道農田宜洩要區南翔鎮東港前因潮汛往來該處附近支河屢開屢塞咸豐九十年經嘉定紳民於南翔鎮迤東之唐橋建立石閘一座藉以抵禦渾潮兵燹以後石閘啓閉不時同治三年該處紳民因修濬南翔鎮河道稟由升任江蘇撫臣李鴻章批准於唐家橋暫築土壩俟蘊藻河開通後再行啓放嗣復據嘉定紳民呈請永遠立壩寶山紳民又因該處爲寶山至嘉定出入要河呈請卽飭啓壩經升任蘇松太道應寶時親往勘定仍照前議辦理各在案現經龔照璠前往該處履勘計自嘉定南翔鎮土壩至寶山蘊藻河口長二十四里現經開寬約八丈至十五丈不等深約一丈一尺一律深通工已報竣湖自嘉定廢閘築壩以來水脈因之阻絕蘊藻河益形淤墊兩岸溝渠皆成平陸就寶山而論若不拆去土壩則農田灌溉無資商賈舟行不便就嘉定而論建築土壩禦吳淞之渾潮受太湖

之清水不爲無功然遇水潦之時雖有支河汶港宣洩不及必與崑山新陽同受其害現在撫臣剛毅通籌三吳水利以吳淞江蘊藻河等處地居下游必當趕爲修治欲濬吳淞江必先疏通蘊藻河以爲商賈船隻往來借徑之路南翔鎮土壩適當衝要必須拆去方通舟楫原議拆壩之後仍修復舊有之閘並將該河東口黃泥塘地方現因濬河所築之閘水壩暫緩開挖藉以攔截渾潮壩外有月河一道上通楊巷擬在壩內稍南開一引河東與月河相接平時卽由引河通流遇有水潦隨時啓壩宣洩嘉定之舊閘亦復啓閉以時是旱澇皆不足慮洵屬一舉兩得復經龔璠詢諸嘉定寶山紳耆均無異議臣維保衛農田首在講求水利誠如聖諭必須熟權利害爲一勞永逸之計撫臣剛毅因須疏濬吳淞江不得不從蘊藻河先行入手前議拆壩修閘本照原案辦理且與該給事中金壽松陳奏之意相符惟黑橋口地方河寬六十餘丈逼近吳淞與海口相接如於該處建閘不特工鉅費繁且朝夕爲大潮衝激斷難抵禦現在撫臣擬拆去同治年間所築之土壩以通嘉定寶山兩邑之水道仍規復咸豐年間之舊閘以還嘉定一邑之水利並於黑橋口左近黃泥塘地方將現築之攔水壩暫緩開挖加鑲石塊俾固壩基以此禦渾蓄清匪特嘉定不受渾潮之害寶山亦可得清水之益另於壩內開濬引河一道以通河流卽使後遇水潦亦得隨時宣洩似於嘉定寶山兩邑水利均有裨益曾忠襄公奏議

五月湖廣總督張之洞奏爲委員代防萬城大隄事竊照湖北荊州萬城大隄本年輪應總督前往督防現據荊州府知府舒惠稟稱江水驟漲隄工險要再查鍾祥縣襄河隄三四八九等工及潛江縣隄家州等隄上年奏明借撥庫款並勻撥賑款興修現已修築完竣亦須親往勘驗臣現於本月出省先

至荊州查勘江隄親加籌度於查勘荆隄後卽赴鍾祥潛江等縣覆驗襄隄各工惟省城事務重要應隨時督同司道籌辦未能在荆久駐所有夏秋二汛督防事宜自應照案委員代防以專責成查有荊州府知府舒惠於隄工修防事宜尙能認真講求堪以委令代防現經檄委該府督同廳營文武員弁親駐工所晝夜梭巡預備守水器具遇有險要工段卽行搶護務保無虞並札飭荆宜施道方恭劍隨時稽察督同辦理以期隄防穩固所有委員代防萬城大隄緣由僅會同湖北巡撫臣譚繼洵恭摺具

陳京報

六月己酉(十一日)剛毅奏寶山縣境蘊蘆河道爲吳淞江之支流積久失修淤塞日甚所關於農田水利者匪細前經招集災民以工代賑並抽撥營勇協同開挑臣親往河干督率指示當將公出及回省日期先後奏報在案茲據在工委員候補知府周蓮署寶山縣知縣陳玉斌稟稱已於三月二十六日一律挑竣並請驗收前來臣於四月初四日輕舟減從前往工次督同印委暨文武各員弁逐一測量所挑工段均能寬深如式並無草率偷減情弊卽飭啓壩放水以通舟楫伏查此項河工自二月間開工復因春雨連綿陰多晴少各民夫踴躍從事恐後爭先尤賴狼山鎮總兵曹德慶督同記名總兵曹耀衢王霞明等各率所部防營勇丁晝夜催趲挖泥屨水俾得通力合作早竣厥功不致多稽時日貽誤工作臣實親見該鎮道等不分畛域始終勤奮往往立泥淖之中躬自督率心甚感之東華錄錄是月十六日張之洞奏爲恭報微臣出省查勘荊州萬城大隄及鍾祥潛江等縣隄工情形暨回省日期事臣於五月二十四日自省起程乘輪船上駛二十六日前往石首縣屬大隄南岸藕池口楊發腦



新開水道暨調弦穴等處察看荆江南入洞庭湖水勢二十七八兩日駛赴北岸沿途查看郝穴登南局觀音磯楊林磯各工該處頂衝迎溜均有挑水石磯工程尙稱穩固二十九日抵荊州府連日查勘北岸大隄官民土石各工歷屆歲修均尙堅實足資捍衛周覽形勢蓋自咸豐以來石首之藕池口公安之斗湖口江陵之毛楊二尖松滋之黃家埠等處相繼潰口荆江分流入湖盛漲之時虎渡調弦二口江流均仍係南趨得以分洩江水北岸濱江各險江水衝激之力少減是以歷年得免漫決之患惟近歲潦水泛漲異常秋汛尤防陰雨已切飭該府舒惠駐工督率防護務保無虞臣查勘畢荆隄卽由陸路馳赴安陸府鍾祥縣於六月初三四等日勘驗鍾隄三四八九各工新修坦坡石壩月隄及新築磯嘴所有內外撐幫磯工收分均尙合法惟六工迎溜內係深潭四五七等工上年積水亦多今年三月內襄河卽已盛漲水來過早新工甫竣隄脚尙未乾透間有被水冲刷之處又十三工隄內脚十六工壩頭皆係舊工微有坍塌並飭趕緊修補設法疏消積水隨即順道勘驗潛江隄家洲新築月隄工程尙屬完固查襄河湍悍各工冲刷最易目前增漲未已當飭安陸府知府史書青督率鍾祥潛江兩縣加意防護多加內幫築壩務令寬坦不可過於峻狹遇有險工隨時搶築抵禦前奏明添設襄陽樊城等處商局電線已經開工此後信息靈通防護較易得力臣先後將各隄要工勘畢卽乘船由襄河下駛於六月初六日回抵省城 又附片奏再查湖北石首縣屬藕池口本荆江南岸大隄咸豐二年潰決成口荆江橫折而南北岸隄防之患稍紓而江水入湖挾泥帶沙以南趨西湖一帶淤地成洲土人名曰南洲地廣土沃土客互爭草澤嘯聚實爲湖南隱患且淤洲日寬湖面愈狹內水阻遏不消淤

湖州縣胥受其災前任湖南撫臣王文韶奏明有案前經臣飭據署岳常澧道莊廣良查覆據稱湖南省紳民建議堵藕池口以止淤漲分疏虎渡調絃二口以洩江水臣此次親至藕池口察看口門寬至五百餘丈以三十年分流巨口一旦堵塞荆民必羣起相爭勢難率行舉辦至虎渡調絃二口冬令雖屬淤淺現今盛漲江水暢行水患不在冬令亦可毋庸分疏只可另議妥善辦法期於南北兩省均無妨礙或酌量堵塞他口或疏濬湖內水道或禁止淤洲私築圍堰以期讓地於水至南洲地方縱橫二百餘里應如何清丈升科設官分汛以息鬪爭而弭隱患容與湖南撫臣張煦籌商周妥再行會同奏明辦理

張文襄公奏稿 按張之洞爲湖廣總督

七月初六日天門縣知縣邵遵查境內隄段丈尺界址及修防事宜通稟 案奉藩憲札轉奉撫部院札飭迅速查明境內隄段丈尺里數上下界址有無坍塌低矮應行補修加高之工每年歲修工費出自何項如係派徵土費年例徵收若干以及是否一邑獨辦抑係鄰邑派幫協修剋日分別繪圖開摺稟費查核等因奉此遵查卑縣境內寸節皆隄除腹裏民修子垸僅足抵禦山水者不計外其關係重要者計有三處以襄河隄爲最重護城隄次之牛蹄支河隄又次之襄河南岸之隄西自多多垸上接潛江界起東至戴家垸下接沔陽界止計九十四里有奇共長一萬六千九百四十五丈北岸之隄西自長溝垸上接潛江界起東至牛頭垸下接沔陽界止計一百五里有奇共長一萬九千五丈五尺北岸襄隄爲本邑暨下游雲應黃孝川沔各州縣田廬藩籬其險工向以岳口爲最而上游老觀等垸下游黃沙等垸亦係壁立數里陡削堪虞均爲歷年來夙稱險要之區南岸襄隄爲本邑暨潛沔各垸藩

雖如牙旺馬家中洲等垸亦向多險工近年岳口街隄建修甃石各磯嗣以固隄身而支急湍危殆情形較前略鬆然每值汛漲之時磯急水怒河聲如吼其險要依然未改老觀昔沙等垸本年因民力艱困各在賑款內津貼幫修以顧目前將來籌有鉅款總須各挽月隄方能持久南岸牙旺等垸去冬雖會照章培修將來亦尚須大舉庶克一勞永逸至於襄隄規制向以面寬二丈高二丈五尺爲率奈河底逐年淤高非加高不能抵禦且襄流挾沙奔走灘岸移徙靡常其隄段頂沖處所尤非加厚不可是以近年襄隄經逐歲培修後大率高三丈以外並有面寬至五六丈者設遇汛漲之時平工迅變險工更須急起直追漏夜趕辦此襄河隄最爲喫重之情形也護城隄界段上自三龍河起下至田家古墳止計十七里有奇共長三千九十六丈其高厚制度向與腹裏各子垸相等平時培禦山水綽然有餘若上游襄隄有失大溜建瓴下注當之輒靡往往不守近年節次培修並於頂衝處加修甃石各磯防守較有把握迭經鍾京潛各邑潰隄襄河內灌均獲保全是其明徵然回憶洪流匯注之時以斗大孤城懸於百十里巨浸之中合城安危全恃一線單隄八面環攻稍縱卽逝迄今痛定思痛尙覺心悸此護城隄攸關緊要之情形也牛蹄支河南岸之隄上自巽新垸接牛蹄口起下至五十三丈接漢川界止計一百十七里有奇共長二萬一千六十五丈六尺北岸之隄上自尹家垸起下至三王廟接漢川界止計一百有三里共長一萬八千五百三十四丈一尺該河爲漢水分支自牛蹄口北行迤北而東循天河川三州縣七十二垸之外至沔陽麥旺嘴仍南入襄河從前頻年潰決民不聊生嗣於口門內建方石磯二座俾急流之入者暫緩於是兩岸之隄漸生外灘隄脚乃固近更口門淤淺平時水行

中流細同溪港惟伏秋大汛時漢水分引內注其浩瀚奔騰亦與正流無異是以該河隄工只須冬令歲修盛漲防護而歷年未出新險未動大工良由兩岸灘寬久未移走所致此該支河爲次要工程之情形也向來襄河隄以縣丞爲汛官支河隄以巡檢爲汛官護城隄以典史爲汛官近年因水患日亟兼顧難周復經卑職稟請前藩憲暨憲台添派諸工之佐雜二員幫同修防以期周密其平時歲修章程每垵各以圩長總其成以約頭分其任圩約名數各視垵之大小以垵內田多者不論紳民輪流派充每屆霜降後由圩長量工大小計畝派夫大約每田二三畝派夫一名簽記應修之處責令挑培由汛官督率修築春令驗收並無年例土費歲修存款遇有險要大工則稟由印官勘估督修遴紳設局酌量按畝按糧起夫起費本垵不足則於受益鄰垵分別等差派令協幫如工鉅費繁民力實有未逮則稟請量撥公款津貼以免工廢半途竣局撤並不常設亦無鄰邑協修之事此外惟岳口磯礮地險工艱經卑職於光緒六年稟請在該鎮百貨內每錢一串買賣各捐錢一文藥土倍之款存磯礮局派紳經理其出入賬目移委縣丞就近稽察按月榜示每年收數以貿易衰旺爲差大約在二千串上下專供該鎮磯礮修防之用又光緒十年經卑職稟請在徵收錢糧官吏辦公盈餘項下除緩徵坐支漕項不計外每徵解銀一兩提錢四十文所提錢文以徵數多寡爲差大約每年在一千串上下爲津貼汛委各員夫馬及防險時添置器物犒賞夫役之需此卑縣辦理修防之大概情形也竊惟卑邑隄段總計重要三處共積長四百三十餘里而又兩岸有隄動須兼顧近年每當夏令上游來源日旺川江倒灌亦日甚水滯沙停河身因日墊日高沙性又去來無定工程遂夷險頓殊若遇新險驟生迫不

容緩其工費均須就地羅掘臨時補直每擬於險要各處多修月隄讓地於水以資久遠總因民力艱難未能大舉當此公款支絀更不敢動輒上請言念及此尤深惶悚緣奉飭查合將各隄段丈尺界址逐一開具清摺稟乞查核再卑縣隄段形勢已於議收水工隄工捐款案内繪圖貼說另稟費陳清摺計開

一襄河南岸上自多多堤起下至戴家堤止共隄長一萬六千九百四十五丈計二十八堤

一襄河北岸上自長溝堤起下至牛頭堤止共隄長一萬九千零零五丈五尺計二十二堤 一牛蹄支河南岸上自巽新堤起下至五十三丈止共隄長二萬一千零六十五丈六尺計二十三堤 一牛蹄支河北岸上自尹家堤起下至三王廟止共隄長一萬八千五百三十四丈一尺計二十八堤 一縣河護城隄上自三龍河起下至田家古墳止共隄長三千零九十六丈

襄隄成案

十一月丁丑(十一日)剛毅奏吳淞江爲江浙諸水入海之咽喉歲久失濬積淤日厚去秋霖潦成災下流洩水不暢以致倒灌一片汪洋臣考諸輿圖詢諸衆論僉稱由於吳淞江迄未開濬之故前於挑挖蘊藻河時聲明欲濬吳淞江必先濬蘊藻河支港一律疏通然後幹河可以大舉修治業經恭摺具奏在案現當冬令水涸之時農隙務閒晚稻均已收割正宜及時興工以收江浙兩省之水利經臣札委候補知府周遵會同沿河地方官吏招集民夫分段挑濬並先經臣函商兩江督臣曾國荃札調蘇松鎮總兵張景春狼山鎮總兵曹德慶管帶督標親兵忠字營記名提督劉久有統帶督標親兵中營浙江候補道朱式雲記名提督蕭鎮江等分帶所部防營兵勇來工協挑又經臣派撥管帶撫標正前水陸等營記名總兵龍殿揚兼統中軍右營參將常福兼統正後營城守營參將曾毓衡副前營補用副

將徐文慶等分率所部先後到工定於十八日各歸各段一律開挑值此天氣放晴一切工程自能速成設遇陰雨時作或不免多延月日此臣所深慮者也查吳淞江工程表延有七十餘里之長此番招募民夫調撥勇丁不下萬餘人雖民工勇工各分段落不使犬牙相錯致起紛爭猶恐查察稍有未周該印委及營官等未足以資彈壓擬由臣隨時輕裝減從親往工次督率指撥鎮懾一切東華續錄

是月甲申(二十四日)安徽巡撫沈秉成奏省城瀕江患水擇於西門外開河築隄以資蓄洩請准撥本省釐金銀二萬兩以濟工需允之清德宗實錄

十二月甲子(二十九日)德馨奏湖口縣城外武昌港梅家洲兩處礮臺現當冬晴水涸之時礮臺隄會否完固應否大加興修必須臣親加逐細勘明以昭慎重而固江防當於十二月十九日封篆後輕輿減從由省起程乘坐紫電輪船前往沿途水淺且北風大作於二十一日始行抵湖口縣會同湖口鎮臣丁義方帶同駐防礮臺營官劉萬驥逐加勘視查武昌港礮臺在石鐘山下地勢尚高梅家洲礮臺勢處稍低鄱湖長江兩處盛漲之時臺址不免淹浸至冬間水落歸槽臺身顯露現在勘明各礮臺四圍礮隄均尚堅固礮臺口門俱經修整完好正在查勘辦理完竣間適新授兩江督臣劉坤一由湖南原籍起程請旨赴京陛見迎摺北上道經湖口途次與臣相遇面商地方一切事宜隨乘輪上駛臣即於十二月二十七日回省東華續錄 按德縣爲江西巡撫

是年大治縣夏大水大治縣志

光緒十七年春湖北扎太守電陳加修沙市隄街情形稟 查趙道原估工費萬難敷用蓋隄街既經

加高三尺隄之內外碼頭共有二十餘處均需澈底拆做屋內凹凸不平之處亦須用條石砌平所需石料甚多加以極貧給費約計所需將倍於原估之數且需拆屋四百三十三戶民情頗覺窘迫難期迅速轉瞬汛漲洲灘被淹無從取土殊有棘手就延之慮卑府恐負委任隨會舒守帶同在工年久之曹主簿本元復勘情形籌得一法擬兩旁用寬厚條石收砌石坎內添保石一層土心改用石灰拌築三合土做成隄面寬五尺底寬八尺隄面滿鋪石板逐層收砌石坎既免陡砌傾欹之弊亦可少拆房屋以順輿情減土添石加用石灰稍窄而性益堅保障固而體恤亦至應拆之屋不過數十戶不致捍格難行極貧者仍酌給錢文但添用保石及石灰其費較原估須加錢三千數百串然照原估辦理須加漏未估及拆做碼頭添補屋基不平等工以及多費拆屋賞錢各項通盤合計實需錢一萬五六千串若照改估辦理只需錢一萬一二千串名雖爲加而實爲減商之舒守亦忻然樂於籌措所有應拆房屋極貧之戶仍酌給錢文其工約五六月間即可完竣誠如憲諭工速隄固輿情歡洽再隄旣已加高原設之剛板石椿應行一律拆去奉督撫院電批扎守電悉所擬沙市隄工收砌石坎內添保石土心用三合土各節屋可少拆工可速成准卽照辦務須核實堅固不可稍有偷減定限五六月盛漲以前修竣萬勿延誤荊州萬城隄檄志 檄志又載光緒十七年荊州沙市隄自二郎門起至九桿梳止一律加高三尺計長五百丈中實以土旁擇以石

正月荊州萬城隄柴紀石磯續出險工知府舒惠搶築穩固稟 竊照荆江北岸萬城大隄官民各工綿長二百餘里其間濱江最近之處約計四五十里專賴石工保衛所有本屆應行歲修土石工程業

經卑府於上年十月內親詣勘估造冊通詳一面籌墊款項於去冬今正先後興工並將開工日期及修得工程分數隨時申報在案卑府督修之餘隨時認真講求不敢稍涉疎忽茲查民工柴紀隄一號礮頭於本年正月初旬溜經一處又該工下首三四號碎石岸亦於是月中旬溜經一處均係臨江續出險要工程卑府於回郡之日即行親往查勘緣該二處石工溜經之由均因對岸及江心節節沙洲淤漲挺峙江心水濶之時泓近北岸逼掃隄脚所致隨飭弓正丈量礮嘴縫面長十七丈底長十九丈高一丈二尺江心距隄一丈之處水深丈餘二丈以外深一丈六尺及二丈三尺并二丈七尺不等其下首三四號崩經碎石岸長六十丈高一丈六尺江心距隄一丈之處水深八尺二丈以外深一丈二三尺不等以上二工樽節估計需碎石六千七百方零加以石灰砌工並創坡三合土夫礮共合錢六千八百餘串查本年歲修之土業經行令江陵縣遵照新章接銀派定當茲添修要工之際既難加派於民又未敢率再請款而工程衝要急宜如式修築萬難以經費無出因循遷延有辜慎重隄防保衛民生之至意現已竭力設法騰挪籌款興工趕於春汛前一律完竣以資抵禦其所挪經費擬即於光緒十七年節省土費項下籌撥歸款西州萬城誌續志

二月甲子（三十日）剛毅奏吳淞江河道爲蘇州松江太倉等屬農田水利所資且當浙江下游宜洩尾閘尤關緊要自道光六年前撫臣陶澍遵旨飭挑以後同治十年略加濬治今又六十餘歲淤墊日甚前年秋雨連旬河湖汛溢積滂既無消路漏復更自稽時推原其故實緣地利久失疏修致遇天災莫從補救在歷任撫臣未嘗不綱繆計慮本係節經勘估奏明必應辦理之工無如此江地段綿長且



向屬民捐官辦是以屢議中止迄未興修近來災歉頻仍若再因循坐誤則年復一年積淤愈厚需費愈多辦理愈形棘手與情急迫詢謀僉同臣所以決議開工不敢畏難苟安者此也上年春間奏挑蘊藻河原爲此江導其先路嗣經臣督同前蘇州藩司黃彭年通盤計算挹彼注茲惟查有歷年解存司庫之各屬灘徵河工本款暨賑捐餘款及積穀生息項下所存銀兩可以儘數湊用此外別難借撥但核與原估數目尙自懸殊即使設法變通逐層節省仍不得不借助防營勇丁以補經費之不足再四熟籌甫能定議臣與原任督臣曾國荃往返函商適於去年十月派委廉幹之員候補知府周蓮等駐工開辦並調撥營勇協同民夫分認工段通力合作當將開工日期附片奏明在案臣隨時輕裝減從屢赴工次躬自履勘經冬及春營段將次完畢民工亦過大半雖人夫雲集河工不下萬餘而羣策羣力兵民相安沾體塗足畚鍤勤施臣舟輿所至目擊各員弁及董事人等皆能認真督率嚴催不辭勞瘁查閱河身一律較舊槽加倍深通使於宣洩均無草率偷減情弊統計工程袤延七十八里所有應挑土方若從此天氣暢晴工作無少間阻大約於三月底即可全行告竣屆時臣仍當親臨覆驗務期工歸實濟費無虛糜臣覆查道光年間民風敦樸物價廉平前撫臣揆節從事猶且需費至三十四萬餘兩之多今則百物騰貴迥異昔時此江既係萬不可緩之工人情又處迫不可支之境而經費視前數僅用三分之一非臣初意所及所以能濟事者全在借助營勇節省浮費各員弁力任其難始克收茲實效現由臣周歷撫諭俾益知奮勉趨公剋日經營分頭遣辦衆擎易舉一氣呵成誠足止紆宸廑此臣勘視之實在情形也至此次開濬吳淞江在工文武員弁等固屬職分所當盡惟工段長而經費

省其中設法籌畫若非殫竭心力耐冷衝寒夙夜圖維亦恐未易集事如蒙皇上逾格鴻慈念其著有微勞准俟全工告竣擇其尤爲出力者由臣另行奏懇恩施不敢稍涉冒濫其出力稍次人員在外分別記功給獎以昭激勸 得旨著准其酌保數員毋許冒濫東華續錄

六月庚申(二十八日)剛毅奏吳淞江河道急需開濬臣於去年十月委員駐工興辦調勇協夫分隊挑挖會將隨時履勘情形並將出力員弁擇尤保獎專摺奏奉硃批著准其酌保數員毋許冒濫欽遵在案旋據稟報三月初十日挑工完竣當經臣親赴工次按段驗收自四江口迤東之橫縷口起至新開大王廟止工長一萬二千五百餘丈原估面寬十丈坦坡二丈五尺底寬三丈平水面濬深一丈一尺其實挑土八十五萬九千三百七十五方有零河身倍見寬闊坡面一律坦平均係如式通利並無草率偷減情弊卽於三月二十六日開啓各壩以便舟楫而資灌溉統計土方夫工營勇犒賞以及築壩戽水工料等項共用銀一十六萬九千餘兩一切經費在於賑捐餘款積穀息銀暨各屬攤徵河工歲修項下支用未敢輕動國帑自可邀免造冊報銷茲據蘇州藩司鄧華熙核明在事異常出力文武共十九員酌議分別獎勵開單詳請具奏前來臣伏查開濬河道水利常政原係地方應辦事宜非同創舉足聳觀聽人情避難就易厭故喜新巧於立異矜奇而疏於實事求是往往皆然吳淞江年久失濬臣常推原其故不特集事之款不易籌抑且任事之才難其選臣任事以來卽與前蘇州藩司黃彭年通盤籌畫並於接見僚屬時留心存記追撥款勉可供支始定兵民協挑之議惟全功表延七十八里營勇民夫分認地段同時並舉監視照料者三里一弁五里一員在在胥關緊要而彈壓催趨綜攬鉅

細尤形喫重自非公忠廉能之員不足以資督率卽經遊派候補知府周蓮駐工總司其事復委蘇州府總捕同知惠榮協同辦理各該員奉委後或奔馳兩岸久歷風霜或泥淖一身無間晨夕又皆能設法籌備盡力節省閱時僅及六月全工一律竣事洵屬實心實力奮勉急公未便沒其勞動復查單開各員均係勞績最著經臣目覩遂加核減無可再刪謹繕列清單恭呈御覽合無仰懇天恩俯念此次工鉅費省辛苦備嘗實與尋常修濬河道情事迥不相同准予照請給獎出自鴻慈逾格 下部議奏

東華續錄

八月荊州府知府舒惠籌修沙市石砌岸稟 竊查接修砌岸工岸自康家橋起至九桿桅止計長二百丈歷年拋石砌攔保護隄脚雖亦足以禦汛漲而究非一勞永逸之計且此工一修尚可冀攻對岸沙洲而保沙鎮全局卑府責任修防且屢蒙訓示諄諄於有益之工何敢稍事遷延而不力籌興辦惟該工程原估共需錢三萬串之譜值此庫藏支絀曷敢輕議請款如湮之民間則每年歲修之費亦難完清未便再加若勸沙鎮紳商湊捐無如近年市面蕭條徒曠時日恐難集腋再三籌思擬將十八年大隄節省項下八千串并前撥江陵縣修隄之款本年應分還三千串再於明年歲修款內分別緩急騰挪七八千串外約計不敷一萬一千串但節省及歲修款項須在十八年徵收土費內劃撥濟用江陵縣應還之三千串亦須在本年冬間方可分還雖均係有著之款而難濟目前之用茲既興辦大工如不先將款項籌齊誠恐半途而廢請將本年應還之鹽課釐金一萬六千串暫挪工用加以江陵之款共一萬九千串不敷一萬餘串卑府當設法借墊惟安瀾後籌辦歲修冬工所需甚鉅兩款並行籌

借實非易誠恐顧此失彼致干咎戾惟有據實稟明仰懇憲恩借撥數千串以濟工用庶可一氣呵成至前借鹽課釐金一萬六千串於十八年節省項下並歲修款內騰挪分作頭二三限如數歸還准借之款卽在十九年節省內歸還以清正項如此一轉移間大工可期速成如蒙俯允奉到批示卽派委員帶同工匠入山購採石料冬令水涸卽可興工趕於來年桃汛前告竣以爲沙鎮固本之計 二 十七日奉督憲張批據稟已悉查康家橋至九桿桅刷岸攻對岸之沙洲保沙市之全局實爲應辦要工是以趙道等稟請興辦前因急須加高夾貴街隄面同時並舉猝難籌此鉅款是以先辦加高隄面之工再議此項刷岸事宜茲據所稟設法籌挪興辦以圖永遠之計該府關心民瘼慎重隄防於夾貴街隄面工竣卽接續籌議及此慨然身任其事竭力圖維實堪嘉尙查上年該府所借鹽課釐金除已還外尙欠一萬六千串上年十二月稟請展緩至本年歸還本部堂因念民力未逮且彼時正開辦冬工之際故照准緩至今春清款現據該府以十八年節省及歲修款項須在十八年徵收土費內劃撥緩不濟急請先挪移展緩等情查接修九桿桅工程緊要自應照准挪用但鹽課釐金有關庫帑俟明年撥出節省及歲修款項務須照章分限如數歸還至請借撥數千串湊濟工需一節應如何籌挪借給以濟要工之處仰北布政司迅速一併妥議詳覆并速飭該府剋日購料集工趁冬令水涸趕緊動工舉辦務趕來年桃汛前一律竣事以資捍衛 荆州萬城隄續志 續志又載舒惠沙市新修石壩岸圖說云沙市隄水陸之衝地水沙堵常蜀江下流每遇汛漲奔騰沙水相逼易於坍塌全藉大隄以資捍衛隄身濱臨大江江心響金洲逼溜北趨臨脚形同壁立而隄膝內外皆屬民房中棟秀榮難施歷年多拋毛碎石搭護然洲流常急屢有疊卸每於修防時往來相度細

察情形惟有創建條石兩岸爲一勞永逸之計其修建之法先靠隄脚拋填大地毛石以實其底砌魚鱗坦水石坡不致溜煙用三合土夯築堅固平其地勢然後再鋪底石每層用尺厚尺寬之大條石丁順間砌參差壓縫逐層內加寬厚保石接縫處用灰漿灌抵無滲漏之虞每層砌蓋面石鑿成槽榫扣嵌聯合牽制難於搖動逐層後身加築三合土假沿隄民房低處一律填高取土於對岸鑿金洲斬後而盈此也以五層條石爲一壩每壩留收分五尺共高二丈有奇連下脚碎石堆坡計高二丈五六尺長二百餘丈寬二丈九尺滿而鋪板石所有沿隄舊碼頭一律拆修如式此外計添新修碼頭十處層層鋪砌階級石以便客貨上下沿岸設立路燈十六盞派隄兵二名專司其事月給工食六串燈油由紅船義渡兩局輸流分上以利行人沙市舊有隄工局在隄內屋宇湫隘委員難以居處爰於碼頭適中之地另購民房一所爲委員駐紮用資防護是役也經始於辛卯仲冬落成於壬辰仲夏三經大汛蒙若金城特繪圖說以垂永久 又載舒蕙新修沙市湖岸碑記云沙市荊楚巨鎮也昔鄭州守荊築沙隄以禦蜀漢而沙市始有隄隄之外爲康家橋越橋而南遶外市而達於江道下游穴口淤塞河失故道無以分洩江流外市淪於深淵乾隆以來審金洲淤生日甚擬時江心區溜北讓北岸日益傾圮隄以駭駭乎瀕臨大江矣每逢盛漲岷江建瓴清江浪濤又復助之衆流畢隨沙市適當其衝水挾沙滾水退沙停江底淤墊日高隄防愈形喫緊勢必與水爭地且欲以人勝天夫萬城一繩繭互二百餘里爲下游數十州縣保障補葺疎濬培厚增高獨至沙隄官民二工之所交匯也較之上下隄身均形單薄沿隄內外瓦礫橡櫛奔築緜遠取土離艱宜於斯者無不慮焉前觀察孫公倡捐督修湖岸於外以翼隄自上米廠河遞瀕至康家橋止列如瓔塔橋以下迎溜頂衝活土浮沙無從下脚非惜費也施工難也升任河南巡撫倪公設關板安石橋於隄上各舖戶門前以防險關板分舖民房每逢異漲則上水落則下蓋亦權宜之計丁亥年余出守是邦上賴聖天子威靈大府之洪福下託羣百工執事之賢勞與彼都人士之和協水不揚波安瀾有慶者五載然而居安未嘗忘危履平不能忘險也已丑之冬南皮張公奉命督楚下車伊始首念隄防

庚寅夏親履萬城聽工辛卯春復遣委觀察趙公諧相形估工命於低窪之處加高三尺申實以土旁擇以石自二耶門至九桿橋計長五百丈以太守孔公董其役費金錢一萬四千餘緡蓋至是而隄已一律坦平無少缺陷矣而余竊慮隄外崩岸之保障未全也增單培薄本無偏廢功不善繼際墊斯在上之憲司得報曰可論者固以點金不易鞭石難艱代爲憂之余以仔厝所在既見審之當爲必盡其力所能到於是毅然自任委員入山伐石讓吉興工先於靠岸拋填土石實其底也砌碎石坦水坡不致游姓也號警務因其基也取土於對岸之舊金洲澗夜而盈此也累石爲牆逐層多放收分而順水勢也加幫保石築三合土巖培厚隄身也擬始於辛卯仲冬落成於壬辰仲夏同力合作春和景明迨厥成波瀾未興石岸四層層各五尺連坦城共高二丈七尺有奇長竟二百丈而寬尺許費金錢三萬二千餘緡功成壽及善後遂於瀟江適中之地購置房屋以爲委員駐紮川資防護焉

十一月甲戌(十四日)湖北巡撫譚繼洵奏爲荆江三汛安瀾萬城大隄防護穩固事竊照荊州府萬城大隄濱臨荆江爲閘郡及下游民田廬舍保障最關緊要本年輪應臣前往督防時值辛卯科舉行鄉試不克分身奏明飭委荊州府知府舒惠代防並飭荆宜施道方恭釗隨時查察督辦在案茲據荊州府知府舒惠稟稱本年自夏徂秋川汪及沮漳河諸水迭次盛漲建瓴直下勢甚洶湧加以襄南二水同時并發頂阻下游以致荆江之水停滯難消最大之時高過楊林州石磯九尺兼之南風時作波濤撞擊各隄節節危險間有衝刷崩縫及殘缺浸漏之處均經該府親駐隄所不惜重資督率在工文武汛委員弁晝夜梭巡搶築防護幸得化險爲平現已節逾霜降水漸消退全隄穩固普慶安瀾等情具稟前來除仍飭實力防護俟水落歸槽即將應修各工詳細履勘照章派工興修以禦來年汛漲外所有本年防護荊州萬城大隄三汛安瀾緣由理合會同湖廣總督臣張之洞恭摺具陳謹摺奏存

是年昭文縣開梅許塘河道民國私纂江蘇通志水工志引常昭合志稿

再續行水金鑑

卷二十一

江水

編年二十一

五六九